

F 749
1976



საგარეო

1976 6





სსპს ცენტრალური კომიტეტის გენერალური მდივანი ანანასი
ლემნიძე ილიას-ძე გრეშენი

სკკპ ცენტრალური კომიტეტის გენერალური მდივანს

ამხანაგ ლ. ი. ბრეჟნევის

დიდად პატივცემულ
ლევონილ ილიას-ძე!

საქართველოს კომპარტიის ცენტრალური კომიტეტი, საქართველოს სსრ უმაღლესი საბჭოს პრეზიდიუმი და მინისტრთა საბჭო რესპუბლიკის ყველა კომუნისტის, ყველა მშრომელის სახელით სულით და გულით გლოცავთ და ყოველივე საუკეთესოს გისურვებთ თქვენი სახელოვანი 70 წლისთავის დღეს.

თქვენი ცხოვრება მკაფიოდ ასახავს ჩვენი პარტიის გმირულ ისტორიას, ხოლო თვით ამხანაგ ბრეჟნევის ცხოვრება ლენინური პარტიისადმი უანგარო სამსახურია. ისტორიაში არც ისე ბევრია ასეთი ბედნიერი შემთხვევები, როცა პოლიტიკური ხელმძღვანელის იდეები და პრაქტიკული მოღვაწეობა ესოდენ ეხმიანებოდეს მთელი ხალხის ფიქრებსა და მისწრაფებებს.

დღეს განსაკუთრებული ძალით გვაგონდება ვლადიმერ ილიას-ძე ლენინის 'იტყვები, რომელიც ამბობდა, რომ პროლეტარიატს სჭირდება

დაკვირვებული, გამოცდილი და მცოდნე პოლიტიკური ხელმძღვანელები, ყველაზე ავტორიტეტიანი, გავლენიანი, ყველაზე პასუხსაგებ თანამდებობებზე არჩეული პირნი, რომლებსაც ბელადებს ვუწოდებთ. მუშათა კლასის სწორედ ასეთი პოლიტიკური ლიდერი, ხალხის ხელმძღვანელი, პარტიული ბელადია ლევონილ ილიას-ძე ბრეჟნევი — სკკპ ცენტრალური კომიტეტის გენერალური მდივანი, კომუნისტური პარტიისა და საბჭოთა სახელმწიფოს, საერთაშორისო კომუნისტური და მუშათა მოძრაობის გამოჩენილი მოღვაწე, მთელი მსოფლიოს მშვიდობისათვის დაუცხრობელი მებრძოლი, ლენინური ტიპის ბრძენი და შორსმჭვრეტელი პოლიტიკოსი. გამოჩენილი მარქსისტ-ლენინელი.

ძვირფასო ლევონილ ილიას-ძე!

საქართველოს ბევრი რამ აკავშირებს თქვენს სახელთან: ისიც, რომ დიდი სამამულო ომის წლებში მკერდით იცავდით კავკასიას, ისიც, რომ მშვიდობისა და შრომის წლებში საქართველოს დროშას მიაბნით ლენინ-

ქ. მარტოვი
სახ. კომ. კ. რესპუბლიკა
ბიზნესი

ნის ორდენი, შემდეგ კი ოქტომბრის რევოლუციის ორდენი.

მაგრამ უმნიშვნელოვანესი და უმთავრესი, რაც განსაზღვრავს საქართველოს პარტორგანიზაციის, მთელი რესპუბლიკის ცხოვრების წინაარსსა და რიტმს, არის პარტიის ისტორიული XXV ყრილობა, სკკპ ცენტრალური კომიტეტის სამი ცნობილი დადგენილება, სამი უმნიშვნელოვანესი პარტიული დოკუმენტი, რომლებიც მიღებულია თქვენი ინაციტივით, თქვენი რჩევით, თქვენი ბრძნული მითითებით: გადაწყვეტილებანი თბილისის საქალაქო კომიტეტის შესახებ საქართველოს სახალხო მეურნეობის შემდგომი დაჩქარებული განვითარების შესახებ, თბილისის საქალაქო კომიტეტის თაობაზე დადგენილების განხორციელებისათვის რესპუბლიკის პარტორგანიზაციის მუშაობის შესახებ. ამ სამმა დადგენილებამ, თქვენმა დარიგებამ და რჩევამ, თქვენმა მუდმივმა ზრუნვამ და ყურადღებამ, რომელსაც იჩენთ საქართველოს კომუნისტებისადმი, მშრომელებისადმი, რესპუბლიკაში ჯანსაღი მორალურ-ფსიქოლოგიური კლიმატი, ნამდვილი შემოქმედებისა და აღმშენებლობის ატმოსფერო შექმნა.

უმნიშვნელოვანწილად დაძლეულია რესპუბლიკის ჩამორჩენა. მეათე ხუთწლედის პირველ წელს ბევრად დაჩქარდა სამრეწველო და სასოფლო-სამეურნეო წარმოების ზრდის დაგეგმილი ტემპები. ასობით საწარმომ მთლიანად და გადაჭარბებით შეასრულა წლიური დავალებანი, შემსვედრი გეგმები, სოციალისტური ვალდებუ-

ლებანი. გამოშვებულია ათეულ მილიონობით მანეთის ზეგეგმიტი პროდუქცია. სამშობლომ დამატებით მიიღო ათეულათასობით ტონა ხარისხიანი ჩაის ფოთოლი, მარცვლეული, ციტრუსები, ხილი, ბოსტნეული, შაქრის ჭარხალი, ხორცი, რძე. მწყობრში ჩადგა ახალი სამრეწველო საწარმოები, სასოფლო-სამეურნეო წარმოების ობიექტები, კულტურის, მეცნიერების, განათლების, ჯანმრთელობის დაცვის დაწესებულებანი, ასეულათასობით კვადრატული მეტრი ბინები.

ამრიგად, ლენინის ანდერძის ერთგული საქართველოს მშრომელები თქვენს იუბილეს აღნიშნავენ ახალი შრომითი წარმატებებით, სახელობითი შრომითი საჩუქრებით და ამით გამოხატავენ თავიანთ უდიდეს პატივისცემასა და სიყვარულს, დიდ სიძათიასა და გულითად მადლიერებას.

ჩვენში ყველგან საზეიმო ვითარებაში აღინიშნება თქვენი დაბადების დღე. და დღეს რესპუბლიკაში არ არის ქალაქი თუ სოფელი, სახლი თუ ოჯახი, სადაც ადამიანები თქვენ, ძვირფასო ლენინი ილიას-ძე, არ გისურვებდნენ ყოველივე იმას, რასაც უსურვებ უახლოეს და უძვირფასეს ადამიანს: ჯანმრთელობას, ღვებრძელობას, სიხარულს და დიდ ბედნიერებას, ახალ ძალ-ღონესა და ახალ ენერგიას — ყველა საბჭოთა ადამიანის, მთელი პროგრესული კაცობრიობის სასიხარულოდ და საბედნიეროდ, ჩვენი დიადი სამშობლოს საკეთილდღეოდ, ჩვენი ლენინური პარტიის სადიდებლად, კომუნიზმის სრული და საბოლოო გამარჯვებისათვის!

საქართველოს კომპარტიის
ცენტრალური კომიტეტის
მდივანი

ე. ზევაგაძე.

საქართველოს სსრ
შეაღწევის საგზოს
პრეზიდიუმის თავმჯდომარე

კ. გილაშვილი.

საქართველოს სსრ
მინისტრთა საგზოს
თავმჯდომარე

ზ. კატარიძე.

ბრძანებულება სსრ კავშირის უმაღლესი საბჭოს პრეზიდიუმისა

სკკპ ცენტრალური კომიტეტის გენერალური მდივნის, საბჭოთა
კავშირის გმირის, სოციალისტური შრომის გმირის ამხანაგ ლეონიდ
ილიას-ძე ბრეჟნევის

**ლენინის ორდენითა და „ოქროს ვარსკვლავის“
მეორე მედლით დაჯილდოების შესახებ**

კომუნისტური პარტიისა და საბჭოთა სახელმწიფოს წინაშე კომუნისტურ
მშენებლობაში თვალსაჩინო დამსახურებისათვის, ხალხთა მშვიდობისა და უში-
შროების განსამტკიცებლად აქტიური, ნაყოფიერი მოღვაწეობისათვის, დიდ
სამამულო ომში გერმანელ ფაშისტ დამპყრობთა დამარცხების, საბჭოთა კავში-
რის ეკონომიური და თავდაცვითი ძლიერების განმტკიცების საქმეში შეტანილი
დიდი პირადი წვლილისათვის და დაბადების სამოცდაათ წლისთავთან დაკავ-
შირებით სკკპ ცენტრალური კომიტეტის გენერალური მდივანი, საბჭოთა კავში-
რის გმირი, სოციალისტური შრომის გმირი ამხანაგი ლეონიდ ილიას-ძე ბრეჟნე-
ვი დაჯილდოვდეს ლენინის ორდენით და საბჭოთა კავშირის გმირის
„ოქროს ვარსკვლავის“ მეორე მედლით.

სსრ კავშირის უმაღლესი საბჭოს პრეზიდიუმის თავმჯდომარე **ნ. კოლგოზნი**
სსრ კავშირის უმაღლესი საბჭოს პრეზიდიუმის მდივანი **მ. გიორგაძე**
მოსკოვი, კრემლი. 1976 წ. 18 დეკემბერი.

ბრძანებულება სსრ კავშირის უმაღლესი საბჭოს პრეზიდიუმისა

სკკპ ცენტრალური კომიტეტის გენერალური მდივნის,
სსრ კავშირის თავდაცვის საბჭოს თავმჯდომარის,
საბჭოთა კავშირის მარშლის **ლ. ი. ბრეჟნევის**

**სსრ კავშირის სახელმწიფო გერბის ოქროსგამოსახულებიანი
საკაბიო იარაღით დაჯილდოების შესახებ**

მშენებლის თავდაცვისუნარიანობის განმტკიცებასა და სსრ კავშირის შეიარა-
ღებული ძალების სრულყოფაში თვალსაჩინო დამსახურებისათვის სკკპ ცენ-
ტრალური კომიტეტის გენერალური მდივანი, სსრ კავშირის თავდაცვის საბ-
ჭოს თავმჯდომარე, საბჭოთა კავშირის მარშალი ლეონიდ ილიას-ძე ბრეჟნევი
დაჯილდოვდეს სსრ კავშირის სახელმწიფო გერბის ოქროსგამოსახუ-
ლებიანი საკაბიო იარაღით.

სსრ კავშირის უმაღლესი საბჭოს პრეზიდიუმის თავმჯდომარე **ნ. კოლგოზნი**
სსრ კავშირის უმაღლესი საბჭოს პრეზიდიუმის მდივანი **მ. გიორგაძე**
მოსკოვი, კრემლი. 1976 წ. 18 დეკემბერი.

მეცურნა



გზატვრული თარგმანისა და ლიტერატურული ურთიერ-
თობების საქმეთა მთავარი სარედაქციო კოლეგია

შინაარსი

ლემონი ილიას-მე გრემნავი 70 წლისა

კრთა

ჰრანტ მათევეოსიანი. ჩვენა ვართ და ჩვენი მთები. მოთხრობა. სომხურიდან თარგმნა ზეზვა მედულაშვილმა	7
სერგეი ხაჩიროვი. ნამდვილი მებრძოარი. მოთხრობა. თარგმნა სოლომონ დემურხანაშვილმა	106
ალექსი გოგუა. წულის გემო. მოთხრობა. აფხაზურიდან თარგმნა ჭუმბერ თითმერიამ	115
დერენიკ დემირჯიანი. ზედმეტი. მოთხრობა. სომხურიდან თარგმნა მერაბ რობაქიძემ	206
იმრან კასუმოვი. აბა, ბანი! პიესა. თარგმნა ნოდარ ღუმბაძემ	117

კოეზია

გენადი ალამია. ლექსები. აფხაზურიდან თარგმნა რენე კალანდიამ	99
---	----

გსოვლიო ლიტერატურის ორთვიური
ალმანახი

1976

გამომცემლობა „მერანი“. თბილისი

შინაარსი


რევაზ ასავეი. მნი. ლექსი. თარგმნა ზურაბ ლორთქიფანიძემ	103
პარუირ სევაკი. ლექსები. სომხურიდან თარგმნა გივი შაჰნაზარმა	171
კრიტიკა, კუბლიცისტთა	
კიტი მაჩაბელი. ძველ ხელოვნება მემკვიდრე	222
პარკ ზეითუნციანი. თანამედროვეობა, როგორც შეფასების საზომი	230
ჩვენი ავტორები	239

გარეკანის პირველ გვერდზე: მარტიროს სარიანი. ერევანი,
ბარეუბანი. მეოთხე გვერდზე: მინას ავითისიანი. დედა.



ეროვნული
ბიბლიოთეკა

ეს ნომერი ეძვნება ემიერკავკასიის ხალხთა ღივებზე



მთავარი რედაქტორი: კონსტანტინე ლორთქიფანიძე.

ხარედაქციო კოლეგია: მზია ბაქრაძე, ბაჩანა ბრეგვაძე, ნანა
დარჩია (პასუხისმგებელი მდივანი), მაგალი თოდუა, ნოდარ
კაკაბაძე, კარლო კალაძე, მისეილ კვესელაძე, ზურაბ
კიკნაძე, ვახუშტი კოტეტიშვილი, რომან მიმინოშვილი,
ოთარ ნოდია, ნიკო ყიასაშვილი, თამაზ ჩხენკელი.

პრანტ მათეპოსიანი

ჩვენა ვართ და ჩვენი მთები

გერმანული
ბიბლიოთეკა

მოთხრობა

სომხურიდან თარგმნა ზეზვა მელულაშვილმა

ეს სოფელი ქვეყნი-
ერებას ათასი ძაფით
უკავშირდება: ტელეფონით, ელსა-
დენით, ფოსტით; მატყლის, ხორცი-
სა და ერბოს დამზადებით, კობე-
რაციული მაღაზიითა და სასწავლო
პროგრამებით. საბიბლიოთეკო სა-
სწავლებელი ამ სოფელს უგზავნის
წიგნისა და სასცენო საქმის მეტ-ნაკ-
ლებად მცოდნე კურსდამთავრებუ-
ლებს. ეს სოფელი შორიახლო სოფ-
ლებს უგზავნის ათქვირებულ პა-
ტარძლებს, თითქმის მშობიარობამ-
დის რომ ფიწალს არ აგდებენ ხე-
ლიდან და არც ის ახსოვს ვისმე,
რომელიმე მათგანი ცოტათი მაინც
ლირფი გამომდგარიყოს. ეგევ სო-
ფელი უნივერსიტეტებს ამარაგებს
ნიჭიერი სტუდენტებით, არმიას კი
მხნე და წესრიგიანი ჯარისკაცებით.
კინოგაქირავების კანტორა სოფელს
უგზავნის ფილმებს, გაზეთები კო-
რესპონდენტებს და ასე შემდეგ.
ერთი სიტყვით, ყველა, ვინც კი ქვე-

ყანაში გარეულა, ცოტაოდენ მიმ-
დგარ-მომდგარა და თავისი საკუთა-
რი საქმის გარდა ნებაყოფლობით,
რატომღაც, ყველასა და ყველაფრის
შეფასებაც უღვია თავს — ყველანი
უცლებლივ, ერთი აზრისანი არიან
ამსოფლებზე: უბრალო, წყნარი
ხალხიაო.

აქაური მეხუთეკლასელი საბავშვო
ჟურნალის კროსვორდს ავსებს
ბ ე თ ჰ ო ვ ე ნ ი თ, ს ე რ ვ ა ნ ტ ე-
ს ი თ, ლ ე ნ ც ი თ, ჰ ი პ ო კ რ ა-
ტ ე თ ი, ბ რ უ ნ ო თ ი, კ ო მ ი ტ ა-
ს ი თ, ს ა ჰ ა რ ა თ ი, ე ვ ფ რ ა ტ ი-
თ ა და კ ე ნ გ უ რ უ თ ი; ავსებს
და პასუხს კი არ უგზავნის რედაქ-
ციას, რადგან არც აგონდება გაგზავ-
ნა, არ ფიქრობს ამაზე, კროს-
ვორდს ავსებს უბრალოდ ინტე-
რესის გამო. ჟურნალს რომ გვერდ-
ზე გადადებს, ბიბლიოთეკაში მი-
დის ახალი წიგნის გამოსატანად ან
ტრაქტორის შეკეთებაში ეხმარება
ტრაქტორისტს; ეგევ შეიძლება, კა-

ლოებზე ჩიტებსა სდიოს თოდით ან მთელი დღე სამჭედურში იდგეს ცხვირგამურული, საბერველი უბეროს და წამითაც არ მოსწყვიტოს თვალი გავარვარებულ რკინას.

ქალაქში მოსწავლე აქაური ახალგაზრდობა ზაფხულის არდადეგებზე სოფელში ჩამოდის და პირდაპირ მინდორში მიეშურება. იქ მათ უფროსი ძმები და მამა-ბიძები ეუბნებიან:

— ვინც მოვიდა, გაუმარჯოს. შენი ცელი, ეგე, მანდ აყუდია!

სოფელს გენერალიცა ჰყავს ერთი. ხანდახან, ათ წელიწადში ერთხელ მოხდება, გენერალი ოჯახით სოფელს ეწვევა.

— ამხანაგო გენერალო, — ეუბნებიან მას, — აილე ფიწალი და მზვინავებს უმეთაურე.

— აქამდე უმეთაუროდ როგორღა დააბულულავეთ ამდენი? — იღიმება გენერალი.

— ძალიან გაუთლელები ხართ! — აღშფოთებას ვეღარ მალავს გენერლის მეუღლე, — არც სალამი, არც ქალამი, არც — მილოცვა; „ამხანაგო გენერალო, თივა გვიფუჭდება, ფიწალი აილე!“

— რა უნდა მოგველოცა? — ერთ წვიმიან დღეს შეეკითხნენ გენერლის მეუღლეს...

— აჰა... ეგეც არ იცით!.. ეს ხომ ორი თვის წინ გახდა გენერალი!

— მაგაზე აღრე რაღა იყო?

— რა და, პოლკოვნიკი.

— მაშასადამე, — იხტიბარშეუშლელად, დინჯად და გაუღიმებლად დაასკვნეს მხვნელ-მთესველ-მთიბველებმა, — გენერალი რომ გახდეს, ჯერ პოლკოვნიკი უნდა იყო.

სოფელ ანტარამეჯს უცხო ენის მუდმივი მასწავლებელი არა ჰყავდა. მასწავლებლად გამოგზავნილი

ქალიშვილები ერთი-ორ თვეს კი ამეცადინებდნენ ბავშვებს, მერე პომადის წასმასაც იფიწყებდნენ. სარკეში თავის დანახვაც ეზიზღებოდათ და ტირილით ბრუნდებოდნენ ქალაქში. იქ ზრზენითა და ზიზღით უყვებოდნენ მეგობრებს: — ის რა ქვეყანა იყო?! კინოში ფაფახიანები სხდებოდნენ და პაპიროსს აღრძოლებდნენ. „ისე ჭკვიანი გოგო ჩანხარ, ცოტა ტანზეც მოჭენჭიანდი, ჭამე რამე; ბიჭი კიდეც, აგერ საცაა, ჯარიდან ჩამომივა“.

ბოლოს სკოლის დირექტორი კოლმეურნეობის მოანგარიშეს მიაღდა:

— შენ ომში ნამყოფი ხარ, არა?

— ცალი ფეხი იქ არ დავტოვე?!

— მაგას არ გეუბნები. გერმანული იცი?

— რაღა თქმა უნდა, ორი წელი ტყვედ ვიყავი.

— გაკვეთილების ჩატარება შეგიძლია?

— ასოები დამავიწყდა.

— წამო, გასწავლი.

გენოსე მანუკიანმა ასოები გაიხსენა და ამის შემდეგ სკოლადამთავრებულები უნივერსიტეტის მისაღებ გამოცდებზე სულ ფრიადებსღებულობდნენ.

მოანგარიშედ კალოს ყარაული გადაიყვანეს, ისიც აგრეთვე ცალფეხა იყო. მასა და თავმჯდომარეს შორის ასეთი საუბარი გაიბა:

— მოანგარიშედ ვერ იმუშავებ?

— მე, კაცო, ყარაული ვარ.

— მოანგარიშე გვჭირდება.

— ეგეც საქმეა, რაღა, გავაკეთებთ.

— წამოდი!

ყარაულად კი კოლმეურნეობის თავდაპირველი თავმჯდომარე აბგარი დააყენეს. აბგარი სახლში შვილიშვილს აძინებდა, თან თავის ბებრუხანას ედღაბუცებოდა; გააფთრე-

ბული დედაბერი წყველა-კრულვით იკლებდა ქმარს, ნათავმჯდომარალი კი აწყნარებდა: „ნუ ყვირი, ბავშვსა სძინავს“. მერე სოფელში გამოდიოდა და ახლანდელ თავმჯდომარეს მიაღებოდა:

— საჩემო სამუშაო გექნება რამე.

— შენ წადი, შვილიშვილი დააძინე.

— დავაძინე უკვე.

— მაშინ შენს დედაკაცს გაეთამაშე.

— ის კიდეც გაიზარდა და აღარ მეთამაშება.

— წადი, — სათქმელს ეძებდა თავმჯდომარე. — წადი, პენსიას ხომ იღებ, შვილიშვილს ნამცხვარი უყიდე.

— ჩემს შვილიშვილს ჯერ კბილები არ ამოსვლია.

— შენს დედაკაცს უყიდე.

— ორივენი უკბილოები არიან.

მერე თავმჯდომარე და ნათავმჯდომარალი ფიქრთანად დუმდნენ.

— აბა, რა ვიცი, რა გითხრა, — ეუბნებოდა თავმჯდომარე, — ხელს ნუ მიშლი, ათასი საქმე მაქვს.

— გახსოვს? — ეუბნებოდა ახლა ნათავმჯდომარალი, — პატარა ბიჭი იყავი, სწორედ ჩემი ჩექმების ტოლა; მაშინ მაგოდენა ცხვირი კი არ გედო, ერთი პატარა ცხვირუკა გქონდა; გადმოგიყვანდა მამაშენი სოფელში და ჩამოგდიოდა წვინტლი ორო-წორო, მე კიდეც ამოვიღებდი ცხვირსახოცს და მოგწმენდდი ხოლმე, გახსოვს?

— მაშ. რა ვიღონოთ, — ამბობდა თავმჯდომარე, — მკა და თიბვა შენ არ შეგიძლია, საქონლის დევნის თავიც არა გაქვს, არც საფუტკრეში დამდგომი ხარ — თავლი არ გიყვარს; შენვე მითხარი, რა გიყო? თუმცა, დაიცა! ტაბიკები გვინდა. მუხის ტაბიკები დაგვითალე!

— ბაღლი მნახე, რაღა! დამცინი?

— არა, მართალს გეუბნები.

— რკინის ტაბიკები ხომ მიიღეთ.

— მუხისა სჯობია.

— უკვე დაგიმზადეთ, ორი ათასი ცალი გაქვთ.

— არ ვიცი, მე არ ვიცი. პენსიაზე გახვედი? დაჯექი, რაღა, შენთვის, რაღას მაწუხებ?

და გამოჩნდა ყარაულის ადგილი.

— სხვას არ მისცე, — შეწრიალდა მოხუცი, — დამაცა, სანამ თოფს გადმოვიტან.

მან სიჩქარისაგან ფეხიც კი წაიკრა ზღურბლზე. მოხუცები ხომ აგრე ადვილად არაფერს წამოჰკრავენ ფეხს, მათ მოწიფულის გამოცდილება და ბავშვის სიფრთხილე ახასიათებთ სიარულში. მაგრამ ეს წაბორძიკება სხვა იყო, ეს იყო წამიერი გაკისკასება ახალგაზრდობისა, წყურვილი სიცოცხლისა და მოქმედებისა. ასეც მოეჩვენათ იქ მყოფთ, თითქოსდა დროის მღორე მარადისობას ცქაფად გამოუსხლტა და კანტორაში მწყემსივით შეიმართა ოდინდელი ძლიერი, ლამაზი და ჯანმავარი ასაკი აწ გადაღმერთილი ბერიკაცისა.

ანტარამეჯი ძველი სოფელია. სოფლის ეკლესია ათასხუთასი წლისაა, ძველი წარმართული სამსხვერპლო კი, რაზედაც შემდგომ ეკლესია დაუშენებიათ, რვა ათას ხუთასი წლისა მაინც იქნება. ეკლესია ჩაუსახლდა სოფელს თუ სოფელი შემოესახლა ეკლესიას, ეგ არაფერიცის, სოფლის პირველთარიღს ვერაფერს ჩასწვდენია ძირამდი. ქალაქელ სტუმრებს ეს ეკლესია სოფლისა და ერის სიმდიდრედ მიაჩნიათ. „რამდენი ხალხი ვიცით, ორასწლოვანი ნაგებობაც კი არ მოეპოვებათ“, ასე ამბობენ ისტორიკოსე-

ბი. თურქებსაო, — ამტკიცებენ ისინი, — ღვთისა და იმპერატორის წყალობით თუნდაც ძირფესვიანად ამოგდოთ სომხეთი და ჩვენგან მხოლოდ ეს სოფელ-ეკლესია დარჩენილიყო, მაინც უფლება გვექნებოდა, კულტურულ ერად ვწოდებულყავითო. მხარზე ცელგადებული პავლე უსმენს მათ ლაპარაკს, უსმენს ეკლესიის ქებას და ვერც კი ახერხებს სიამაყით განიმსჭვალოს, რადგან ერთი საათის წინ იმ ძალიშვილმა ზავენმა უთხრა, დამიცადე მოვალო; აჰა, ერთი საათიც გავიდა, ის კი არა ჩანს. არადა, სევანის მხრიდან, ზარდაქარის მთის შემადღებაზე უკვე ღრუბლები ამოქუჩდნენ და სადილობის ხანს წვიმაც დაუჟაჟუნებს. ეკლესიას ხუროთმოძღვრებიც დიდად აფასებენ. სარკმლები ისე გიწრო აქვს, კატაც კი ვერ გადაძვრება, სხივები და მტრედები თუ შეეტევიათ მხოლოდ, შიგ კი დღესავით არის განათებული.

რაც არ უნდა იყოს, ვერც ხუროთმოძღვარი და ისტორიკოსი, ვერც გენერლის ცოლი და ფინანსიერი, ვერც ტელეფონი, რომელსაც უკვე ოცდაათწლიანი ისტორია აქვს ამ სოფელში, ვერცა-რა ჟურნალ-გაზეთები და მოძრავი კინო, წერილობითი განკარგულებანი და გასტროლები, მაღლობები თუ მითითებანი, საყვედურები და თუნდაც დამუქებანი ამ სოფელზე ვერავითარ გავლენას ვერ ახდენს. გაზეთი გაზეთის ადგილას, მითითება — მითითებისა, ბალახს კი მზე ახმობს და არა მითითება. სოფლელებიც მთელი დღე მზეზე იხრუკებიან, მზეზე შავდებიან და ამიტომაც არის, სახეზე ვერ შეატყობთ, საყვედურები მოქმედებს თუ არა იმათზე. ერთხელ რაიონიდან ჩამოსულ ლექტორს ხალხი ისე შემოეცალა, მარ-

ტო თვითონდა დარჩა, რადგან საზამთრო სალონებს დათვი დასცემოდა მთაში. ერთხელაც რაიონიდან თავმჯდომარეს დაურეკეს, ხვალვე აქ იყავიო. თავმჯდომარემ ის კი უპასუხა, არ შემძლიაო და რაიონიდან ველარაფრის თქმა ვერ მოასწრეს, ხაზი გაწყდა. თურმე ტელეფონის ბოძი მეხს წაექცია და მავთულებიც დაეწყვიტა. განვითარებით კი, როგორც სოფელს შეეფერება, რაღა თქმა უნდა, განვითარებული სოფელია.

დღეს ანტარამეჯელი ტელეფონზე ლაპარაკობს, გაზეთს კითხულობს; ტრაქტორს რომ შეაკეთებს, მერე ჩვარს გადმოიღებს, მაზუთს ჩამოსწმენდს, გაასუფთავებს. ტელეფონისადმი ოცდაათი წლის წინანდელი მოწიწებაცა და უნდობლობაც გაუქრა, დღეს სხვანაირად ეკიდება ტელეფონს. ოცდაათი წლებში ტელეფონი ისეთ რამედივლებოდა, რითაც ერთმანეთს ამწესებდნენ, უბრძანებდნენ, მოთხოვნებს უყენებდნენ, მერე ყურმილს ჰკიდებდნენ და თანქრით ფიქრიანად აკაკუნებდნენ საწერი მაგიდის მინაზე. მაშინ თავმჯდომარე ისეთივე იდუმალ, შთამაგონებელ და ყოვლისშემძლე პიროვნებად გამოიყურებოდა, როგორც დღევანდელი ანტარამეჯელი მწყემსისათვის გასაიდუმლოებული მეატომე ფიზიკოსი. მერე გავიდა ხანი და ერთხელ მოხდა ის, რაც უნდა მომხდარიყო. თავმჯდომარეს ცხენი სთხოვეს მეზობელი სოფლიდან ექიმის გადმოსაყვანად. თავმჯდომარემ გაიცინა.

— ცხენი რად გინდა, დაურეკე, გადმოვა.

— განა ტელეფონი მხოლოდ რაიკომისთვის არ არის?

— დაურეკე, დაურეკე!

— რომ დავურეკო, რა ვუთხრა!

— უთხარ, ექიმი ასტაბაციანი გამოგზავნეთ, ბავშვი ავად გაგვიხდათქო.

— თუ მართლაც ამბობ და არ დაგვცინი, შენ დაურეკე.

ამის შემდეგ თავმჯდომარეს ხშირად არეკინებდნენ სხვადასხვა წვრილმან საქმეებზე და მისდღეში ვერ ამოდრიოდნენ მისი სიკეთიდან. ასე იყო კარგახანს. ერთხელაც თავმჯდომარე კანტორაში არ იყო და უცებ ტელეფონმა დარეკა. მწყემსები შეჩოჩოლდნენ, არ იცოდნენ, რა ექნათ. ის შემარცხვენელი ტელეფონი კი წკრიალებდა და დაჟინებით უხმობდა რომელიღაც მათგანს. მწყემსებმა ერთმანეთს გადახედ-გადმოხედეს და მერე ერთი თავიანთი ამხანაგი, ვისაც მთაში დიდი და პატარა მასხრად იგდებდა, ხელის კვრით წინ წააგდეს.

— საქო, ჩვენში ყველაზე გამოჩირხნილი შენა ხარ...

— აბა, შენ იცი, საქო!..

— საქოს მზემ, ამან რო ერთხელ...

— ჰაი, ყოჩაღ, საქო!..

ხოლო საქონ ტელეფონში ჩაიძახა:

— ჰა?

მერე მოაგონდა და შეასწორა:

— ალო!

ამხანაგები ახარხარდნენ.

— ნახეთ, ეს ჩვენი საქო რა ხელდახელ განათლდა? ალოო, კაცო! ვა-ხა-ხა-ხა!..

საცოდავ საქოს იმ წუთიდანვე შეტსახელად ტელეფონ-საქო დანათლეს.

საქო კი, აწ და ამიერ უკვე ტელეფონ-საქო, არხეინად განაგრძობდა ლაპარაკს.

— რაოო?.. დიახ, ანტარამეჯია... არა, საქო ვარ...

მეზობელ სოფელ გეტამეჯიდან

რეკავდნენ, ანტარამეჯისათვის გეტამეჯში საქონელი მოვიდა: საპონია, ჩითია, ასანთი, ნავთი, გალექტი, ცელი... კაცი გამოგზავნეთ, წაიღეთო. ტელეფონი აღარ იყო ძველებურად იდუმალი და უცნაური. მისი ხმა ისე ჰგავდა კაცისას, თითქოს მაღაზიის გამყიდველი ხეჩო, აგერ, გვერდითა სდგომოდა. ბოლოს საქო ისე გაუშინაურდა ტელეფონს, რომ თავადაც შეეკითხა:

— ხეჩო!..

— გისმენ.

— ხეჩო!..

— ალო, გისმენ, საქო, ხეჩო ვარ...

— ხეჩო!..

— კარგი, რაღა, მითხარ, რა გინდა!

— ხეჩო, მაშ, გალექტი, ნავთი და ჩითი მოვიდაო, ჰა?..

— ეგენიცა და — მაზუთიც; საპონი, ლურსმანი, ცელი...

— ხეჩო, მაშ ნამდვილად შენა ხარ?

— რაღა თქმა უნდა, ხეჩო ვარ, სხვა ვინ უნდა იყოს.

— კაცი გამხდარხარ და ეგ არი, ხეჩო, ტელეფონით გველაპარაკები, თითქოს არ შეგეძლო, ერთი ბავშვი გამოგეგზავნა!

მეორე ბოლოში ხეჩოს სიცილი აუტყდა.

— ხეჩო, — უთხრა საქომ, — ძალი-მამაძალი ხარ და მეტი არაფერი!

ამით საქოს უნდოდა ეთქვა, თუ საჭირო იქნა, ბავშვს კი არ გამოგიგზავნი, მეც სწორედ ტელეფონზე დაგირეკავო.

მერე დანარჩენმა მწყემსებმა გამოსტაცეს ყურმილი საქოს, გამოსტაცეს და, ვინც კი რა იცოდა ხეჩოზე, ყველაფერი პირში მიახალეს: მამაშენი ცხენის ქურდი იყოო, მართო მამაშენი კი არა, პაპაშენიცა და

პეპერაშენიც ცხენიპარიები იყვნენო. ამით მწყემსები ქებას ასხამდნენ ტელეფონის გამომგონებლის მამა-პაპასა და პაპის პაპას. ეს ასე იყო და ასევე გაიგო ტელეფონის მეორე ბოლოში მაღაზიის გამგე ხაჩიკ პოლოსიანმაც.

ასე დამკვიდრდა ტელეფონი სოფლის ცხოვრებაში და ისეთივე ჩვეულებრივ ნივთად იქცა, როგორც კომბალი, ყველი ან ურემი. ცოტა მოგვიანებით ასევე დამკვიდრდა ელექტრონი, რადიო და მისთანანი. სხვათა შორის, ელექტრონის შემოსვლის პირველ ხანებში და მას შემდეგ მთელი ორი-სამი წლის განმავლობაში ყოველგვარ სხვა სიახლესაც ელექტრონს უკავშირებდნენ. ასე რომ, საქო რკინის საწოლს უბრალოდ რკინის საწოლს კი არ უწოდებდა, არამედ — ელექტრულს. ეგეც შესაძლებელია, საქოს მოუგონეს კიდევ ეს ამბავი, აქაოდა, პირიქით არ მოგვიგონოსო.

ყველა ეს ელექტრული და არა-ელექტრული სიახლე სოფელმა მაინც სწრაფად შეითვისა და ამით გაძლიერებულ-გაცნობიერებულმა დინჯად განაგრძო დედამიწაზე ანტარამეჯისთვის გამოყოფილი ადგილის ჩიჩქნა. ადგილი კი მშვენიერია და მერე როგორი! ჯერ მარტო ეკლესია რად ღძრს, განსაკუთრებით — მტრედები რომ ჩამოასხდებიან ხოლმე. ახლა სასაფლაოს გადახედეთ: სულაც ვერ შეატყობთ, გარდაცვალებულთა შორის რომლის მემკვიდრეები ყოფილან მდიდარნი ან რომლისანი — ღარიბნი, რადგან სოფლის ქვისმჭრელებსა თუ ქვისმთლებს მამა-პაპით დაჰკვებებიან მხოლოდ ერთნაირი ზომისა და ფორმის ქვა ეჭრათ. შემდეგ, სასაფლაოს გადაღმა, ყალყზე შემდგარი ყანები მიუყვებიან მთის

კალთებს, ტალღა-ტალღა მიუყვებიან და, სადაც ტალღა უკან აწყდება, იქ აყუდებული შეღმართი იწყება. ეს უკვე საძოვრებია, აქ უკვე თეთრსა და შავ ფარებად ცხვარია გაშლილი. დაბლა, ხევში კი, მდინარის დაყოლებაზე — ქვემო სოფლის ბაღებამდე, და აყოლებაზე — სადამდისაც კი მათრობელა სიცხე აღწევს, ორივე ნაპირს ვიწრო ზოლად მიუყვება ანტარამეჯის ბაღები. იქ, სიცხე-სიგრილის მიჯნაზე, მდინარე ერთგან მუხლს იკეთებს და იმ ადგილას იშლება მაგიდასავით სწორი, მაღალი რამ ზეგანი, ათორიკად წოდებული, სადაც ნოყიერ შავმიწაზე უხვად ამოხეთქილა მწვანე, მობიბინე ბალახი, ხოლო ამ სიმწვანეში ჭადრაკულად დაჯრილა საფუტკრის დანომრილი სკები — ერთიდან ვიდრე ხუთას ოცდაათამდე. საფუტკრის გაბმული ზუზუნნი შვიდ ვერსზე უწევს, ერთი ვერსის დაშორებით კი უკვე თავლის ცხელი სურნელი გეცემა. ეგეც ზდება, ხანდახან დათვები წამოყუნტდებიან მდინარის გაღმა, კლდის ძირში და სურვილმორეულნი შეიცქირებიან მაღლა, საფუტკრისაკენ. მაშინ ცხვირზე სათვალეწამოდებული მოხუცი მეფუტკრე კლდის თავზე კეთილად გაიღიმებს:

— მოდი, დათუჩავ, მოდი!..

— რაღა თქმა უნდა, ანტარამეჯს მაგალითად დაგვისახელებთ, — ბურტყუნებენ სარაიონო კრებებზე სხვა სოფლების თავმჯდომარეები, — ანტარამეჯი რომ ჩემი სოფელი იყოს... იმნთი საფუტკრე... ღმერთს არაფერი დაუშურებია, ყველაფერი მათთვის მიუცია.

ღმერთი-რჯული, ღმერთს ყველა-სათვის ყველაფერი მიუცია, ოღონდ ღმერთმა რომ ის მდინარეში შეჭრილი ათორიკი მისცა ანტარამეჯს, გა-

ნა ზედ ის საფუტკრეც გაუწყო ჰადრაკულად! ეგ საქმე ხალხს დაანება. თუ ხალხს არ უნდა დედამიწაზე მისი წილი ალაგი ბაღნარად აქციოს, მაშინ ან ზეგანს ვერ იპოვის, ანდა თუ იპოვა, ზედ ვერცერთ საყენ შავმიწას ვერ აღმოაჩენს და, ღმერთმა იცის, კიდევ რა აღარ ეკლდება.

ეკლესიაზე უკვე ვილაპარაკეთ. მიუხედავად ეკლესიის ასეთი ღირსეულებისა, ის ჩემთვის არაფერს წარმოადგენს. ეკლესია ჩემთვის მხოლოდ ნათელი დასტურია იმისა, რომ დედამიწის ამ პატარა ნაგლეჯზე ათასწლოვანი ისტორია აქვს მიწისა და ადამიანის მეგობრობას.

2

მენახირე ოვანესმა შვა მენახირე ესაია, მენახირე ესაიამ შვა მენახირე ჰაიკაზი, მენახირე ჰაიკაზმა შვა სტეფანე, რომელიც მენახირე კი აღარ არის, არამედ საკავშირო ახალგაზრდობის ლენინური კომუნისტური კავშირის რაიონული კომიტეტის მეორე მდივანია, ხელმძღვანელი პირია და ამბობს: „მიწის მუშას ჩვენ პატივი უნდა ვცეთ“. და ამ სიტყვებისათვის იგი უყვართ.

ოვანესი არ მინახავს, გაგონებით კი გამიგონია, რომ ასოცდაშვიდი წლისა მომკვდარა და ბოლო ორ წელს მხედველობის სისუსტეს უჩიოდა თურმე. ესაიასი მხოლოდ სიკვდილი მახსოვს. („ესაია წყალში დამხრჩვალა“. „მართლა, კაცო?“ გაღმა გასცლა სდომეზია, ცხენი შეუჭენებია შიგა“. „გამოუტანიათ?“ „არა. ჯერ ვერ უბოვიათ“. „ფუჟუჰ!..“). დასაფლავება აღარ მახსოვს. ეგლა მაგონდება მარტო: ის, ვინც ჯავრიანად გადააფურთხა, იმ დროს შარ-

ვალს იცვლიდა, ტოტში ფეხს ვერ უყრიდა, ცალ ფეხზე ხტუნაობდა და გამწარებული ლანძღავდა თავის ცოლს ასეთი უკუღმართული შარვლის შეკერვისათვის. მისი ცოლიც აღარ მახსოვს, ამბის მომტანსაც ვეღარ ვიხსენებ. თვალწინ მიდგას მხოლოდ სველი ტყაბუჭი, წვიმის წკარუნი ფანჯარაზე და კაცის ცალ ფეხზე ხტუნვა, კიდევ — შარვლის ტოტს რომ ვერა და ვერ პოულობდა.

ჰაიკაზს კი ვიცნობ. ახლა სწორედ ჰაიკაზის ამბავი მინდა მოგიყვეთ.

ჰაიკაზი წაიყვანეს. ომი არ იყო, სავალდებულო სამხედრო სამსახური მოხდილი ჰქონდა, არც სავალდებულოში გაწვევის დრო იყო, მაგრამ ჰაიკაზი წაიყვანეს. სად წაიყვანეს, სად არა, კაცმა არ იცოდა. შეიძლება ანტარამეჯშივე იყო სადმე ახლომახლო ან შორეულ ციმბირშიაც იყო გადაკარგული. ეგეც შესაძლებელია, გაღმა ტყეში რომელიმე მუხის უკან იდგა ან იწვა კიდევ. მაგრამ ეგ თვითონ იცოდა, ანტარამეჯმა არ იცოდა არაფერი. ასე გავიდა ოთხი წელი, შემდეგ ომი დაიწყო და ომმა აღმოაჩინა ჰაიკაზი: ს ა ვ ე ლ ე ფ ო ს ტ ა №, ნ ა წ ი ლ ი №, ჰ ა ი კ ა ზ ე ს ა ი ა ს ძ ე ო ვ ა ნ ე ს ი ა ნ ს. „საველე ფოსტა №, ნაწილი №“ აგრეთვე გამოუცნობი იყო, მაგრამ იმის მიხედვით მაინც შეიძლებოდა, რომ ეს იგივე მოზდოკ-ვოლგა-მოსკოვ-ლენინგრად-მურმანსკის ფრონტის ხაზი იყო. მერე საველე ფოსტის მისამართი შესაბამისად შეიცვალა, ალბათ, კიევით, კენიგსბერგით, შეიძლება ბულგარეთით, რუმინეთით, ჩეხოსლოვაკიით... გაიჭიმა, გაგრძელდა და მიაღწა ბერლინს.

ასე აღმოჩნდა ლეიტენანტი ჰაიკაზი, რომელიც საველე ფოსტების

ცვლითა და ბერლინის მოვლით რვა წლის შემდეგ, როგორც იყო, სოფელს დაუბრუნდა.

ვინმე სხვაც — რომელიმე მუშელი, ერვანდი, აკოფი თუ ასატურიც — როცა შორეულ გზათა მტვერში ამოგანგლულნი სოფელს დაჰბრუნებიან, ანტარამეჯს სიხარულისაგან, მართალია, ბევრი უკივლუჟივლია, მაგრამ არცთუ მთლად გადარეულა. ანტარამეჯელებს მეორე წამშივე მოჰგონებიათ იმავე ერვანდის, აკოფის, ასატურის მეტსახელები, ისიც მოჰგონებიათ, რომ ერთ-ერთი მათგანი ნიღნიღით ლაპარაკობდა, მეორის პაპა მარცხენა ფეხით კოჭლი იყო, ხოლო ბებია — მარჯვენათი და კარაქის დღვებისას ორივენი ისე აქანავებდნენ სადღვებელს, გუგონება ცეცვავენო. სოფელი დიდიან-პატარიანად ქვევით ჩაბროვილა, ტბად შეგუბებულა. იმავე ასატურს ყიჟინით შემოჰხვევია, ხმაურით უკოცნ-უპროშტია, მეტისმეტი სიხარულით სიტყვა სიტყვაზე ვერ მიუბია, სოფლური გაუთლელი ხუმრობით გული მოუოხებია, ბებრები, ბაღლები, ძაღლის ლეცვები და მისთანა წვრილაშალანი ფეხქვეშ დაუთქერ-დაუჩქლეთია, ცოტა ხნის წინ აშენებული ღობე-ყორე ისევ დაუნგრევ-დაუქცევია, წამოუყვანია ეს შენი ასატური, წამოუსვამს სუფრის თავში, უმზერია გაკვირვებითა და განცვიფრებით, მაგრამ მეორე დღესვე მაინც მეტსახელით მოუხსენებია: გომის კარებიდან რომელიმეს გადაუძახნია:

— კუტუზოვ!

ასატურ ხაჩატრიანს კი ყურიც არ შეუბერტყავს, თავაწეულსა და ჯარისკაცულად გაჭიმულს სამწყობრო ნაბიჯით სიარული გაუგრძელებია და თან გაჰკვირვებია, რომ სოფელ-

ში ერთსართულიანი სახლები იყო. „ბერლინში რომ სახლებია... ბერლინში რომ ქალებია... გენერალმა თქვა...“

— კუტუზოვ! ბიჭო, ასატურ, შენ გელაპარაკები. ეგ ვითომ რაო, რომ აინუნში არ მაგდებ. მე ვეძახი, კუტუზოვ-მეთქი და ეს კი ხმას არ იღებს, გეგონება კუტუზოვი სხვაც ვინმე იყოს ამის გარდა.

— რაო, რა გინდა? — მკვახედ შემდგარა კუტუზოვი.

დამძახებელს კი უბრალოდ ძველი მეტსახელის ახლებური ეშხი შეუმოწმებია, სხვა სათქმელი არა ჰქონია-რა და სიცელმოწოლილი შეჰკითხებია:

— გეუბნები, სად მიხვალ-მეთქი?

— ვსეირნობ, რაღა.

— ვაი, კუტუზოვ, კუტუზოვ... ვსეირნობო, კაცო!

ანტარამეჯი ამგვარად იგებს, ასატური მეცხვარედ წავა თუ სხვა რამ სამსახურს მოითხოვს. ანტარამეჯისთვის ორი დღეც კი საკმარისია, შენი მოწონებული ასატურ ხაჩატრიანი ისევ ძველ კუტუზოვად აქციოს. ფაფახიან კუტუზოვად — მთაზე რომ ცხვარი შეუფენია და კომბალზე ჩამოყრდნობილს ფეხთით ძაღლები უყრია.

მუშელი რომ ჩამოვიდა, იმას კი ორი დღეც აღარ მოუცადეს. ორი დღე კი არა, ერთი საათიც არ დააცადეს. როგორც კი ფეხი შემოდგა სოფელში და შუბლიდან ოფლი მოიწმინდა, ზემოდან ერთმა, გომის კარებიდან თავგამოყოფილმა, ნაჩაბი რომ ეჭირა ხელში, გადმოსძახა:

— რატომ არ დაიჭიევა ეშ ანტარამეჯი... ამ დაჭიეულში კაჩი არ არიშ, რუშული ჭეშიერად იჩოდეშ, ელაპარაკოშ კაჩმა...

— მუშელი ჩამოვიდა? — ჯაიცინა გომში იშხანმა, — „ბიჭებო, მარშალ-

მა ჟუკოვმა მიბრჯანა, მუშელ შანა-შარიანო ახლავე გაანადგურე გერმანელებიშ ტანკებიო! ვუთხარ, მეშ-მიშ მარშალო-მეთქი! დავუმიყნე კაჭიუშა და — ტყუუ... ტყუუ... — და იშხანმა შ-ჩ-ჭ-საგან გომში ისეთი ლაფი დააყენა, მუშელი მისდღეში ვერ ამოძვრებოდა იქიდან.

რალა თქმა უნდა, მუშელიც ზარ-ზეიმითა და ღობეების ნგრევით შემოიყვანეს სოფელში, ზარ-ზეიმითვე დასვეს სუფრის თავში, ცრემლიანი თვალებით მოისურვილეს ცოცხლად გადარჩენილი თავიანთი შვილი და მერე ხელადვე:

— დაიქეჩი, ანტარამეჯო, რო დაქეხული ხარ მართლაჲ!.. ამ ოხერ სოფელში ერთი ჭეშიერი რუშულიშ მხოღნე არავინ არიშ, კაჩი მიგიდემ და ელაპარაკოშ...

— აბა, როდიშა ვთქვი, — იტყუა მუშელმა, — გავიფიქრე, მაგრამ არ მითქვამშ.

— შენ და ჟუკოვი ერთმანეთში როგორ იყავით, მუშელ, შენ ეგ გვითხარი.

— მე და ჟუკოვი, ბიჭებო... — დაიწყო მუშელმა და, ჯერ ისევა ჰყვება, რომ გარეთ, სოფელში უკვე ათასნაირად ატრიალებენ მის ნათქვამს.

და, აჰა, ჩამოვიდა ჰაიკაზიც. რვა წელიწადში ძალიან დატანჯულიყო საწყალი. სოფელს მისი მეტსახელი არ გაუხსენებია. მეტსახელი კი არა, ხალხს სიხარულით მუხლები მოეკვეთა. ვინც რას აკეთებდა ან როგორ იდგა თუ იჯდა, ისევე გახევდა. ერთი, ყორეს რომ აშენებდა, ყორესთანვე ჩაჯდა გაშტერებული; მეორეს გომის კარებთან ნიჩაბი შეაცივდა ხელში, მესამეს სალევ მანქანაში ძნის ჩაგდება დაავიწყდა; მეოთხეს, ტაფის ყურზე კალთაჩავლებულს, ერბოკვერცხი დაეწვა; სხვას,

პაპიროსის მოსაკიდებლად რომ ჯიბეში ასანთს ეძებდა, ხელი ჯიბეშივე დარჩა; ცხენით რომ შეღმართზე აღიოდა, იმას კიდევ დეზი აღარ უკრავს ცხენისათვის, უცებ მოიხარა და მკერდით მიეხალა უნაგირს; ხელებშემართულ ფრენბურთის მოთამაშეს, უკან რომ უნდა გადაეწოდებინა ბურთი, ხელები თავისთავად ჩამოეშვა, ბურთი კი წამოვიდა და — დუმფ! — თავში...

— ბიჭებო, ჰაიკაზი ჩამოსულა!

ბურთი მაღლა ავარდა, ცხენს დეზი ამოეკრა, ასანთის ალმა სიგარეტის ბოლო იპოვა, ცეცხლიდან გადმოღებულმა ერბოკვერცხმა შიშხინი შეწყვიტა და სალევმა მანქანამაც ხრჩობა-ხრჩობით გადაყლაპა ძნა.

ჰაიკაზმა ხეობიდან ნელ-ნელა ამოიმაღლაურა, აღმართს ამოსცდა და სოფელში შემოვიდა.

— გამარჯობა, ასატურ!

— გამარჯობა, მუშელ!

— როგორა ხარ, სტეფანე ძია?

— გამარჯობა, ძია აბგარ!

— უუ, ბასარ, ბასარ!.. ქს, ქს, ქს!.. არა! სალაცხოზე ათასის ფეხქვეშ ნაგდები ძაღლია, არ დაიყუევებს!

— გამარჯობათ, ბაღლებო!

ბავშვურად ენამოჩლექილმა, წკრილა ხმებმა ერთხმად მიაგებეს პასუხი: — გამარჯობათ!...

— ეს, — თქვა ჰაიკაზმა, — ჩვენი ავაგის შვილიშვილია, მჭერის ბიჭი.

— ეს, — ახლა მეორე ბავშვზე გადაიტანა მზერა ჰაიკაზმა, — შენი უფროსი ბიჭისაა, აბგარ! თვალები გეტამეჯელისა აქვს, შენი რძალი, მგონი, გეტამეჯელი უნდა იყოს, არსენიანთი.

— ეს კიდევ, — მესამეს მიუბრუნდა ჰაიკაზი, — ჩვენი ვაზგენის ბიჭია; ეს — ჩვენი აშოტისაა; ეს, ნალ-

დია, ჩვენი ვაჩესია; ეს — ჩვენი სეროფისაა; ეს — იშხოსია.

— ესენი ჩვენი... ესენი ჩვენი ბაღდოს გოგოები არიან; საწყალს ბიჭი კიდევ არ ეყოლა?

— ეს კარგი ბიჭი, ჩვენი... — ჰაიკაზმა იცოდა, ვისიც იყო ბიჭი, მაგრამ მამამისის ნამდვილი სახელი კარგად არ ახსოვდა, მეტსახელით კი ვერ მოიხსენიებდა, რადგან შეიძლებოდა ომში დაღუპული ყოფილიყო, — მამაშენი რას აკეთებს, ბიჭო?

— მაღაზიაში მუშაობს.

— ფეხი სტკივა, შიგ ნამსხვრევი აქვს ჩარჩენილი, — უთხრა აბგარმა, — მაღაზიაში მოვაწყვეთ, წვალობს თავისთვის.

— კარგი. მაშასადამე, ეს ჩვენი „ცხენის“ ბიჭია.

მერე ჰაიკაზმა ერთ ჭორფლიან ბიჭს დაადო თავზე ხელი და, ცოტა არ იყოს, აირია: — ეს ჩვენი... — წამით შეყოვნდა და მერე თქვა, — ეს სააკის ბიჭია.

ხოლო, როცა უკვე საკმაოდ დაშორდნენ ბავშვებს, ჰაიკაზმა აბგარს უთხრა:

— მიმიფურთხებია სააკისთვის! რატომ ცოლს არ აგდებს, ბრმაც კი დაინახავს, რომ ბავშვი სანდროს გადანაჭერია.

— გააგდო. სხვა ცოლი მოიყვანა. ქორწილიც გადაიხადეს, ისეთი დაფა-ზურნა იყო გაჩაღებული, რომა!..

— ყოჩაღ!

მერე აბგარი ჰაიკაზს შეეკითხა, საცხოვრებლად ქალაქში წახვალ თუ სოფელში დარჩები. თუ ქალაქში არ წახვალ, მაშინ — მე თავმჯდომარეობა აღარ შემიძლია, დავბერდი, დავიღალე, რაიონთან ჩხუბი და დავა ყელში მაქვს ამოსული, შენ დადექი თავმჯდომარეობა, ჯერ კი-

დეგ გადასახლებამდის შენს სიტყვას ანგარიშს უწევდნენო. — გეყო, რაც მოიცემბირე და მოიბერლინე, — დამთავრა აბგარმა.

— არა, ვერა! — გადაჭრით იუარა ჰაიკაზმა.

ლეიტენანტს თავმჯდომარეობა არ უნდა, ლეიტენანტი არმიაში უნდა დარჩეს, ქრომის ჩექმები ჩაიცვას, პოლკოვნიკი, გენერალი და გენერალზეც დიდი კაცი გახდეს. თუმცა მის უნებურად, მაგრამ მაინც რვა წელია სოფელში არ ყოფილა, გაადაეჩვია სოფელს, გამწყრალია სოფელზე. ბავშვები ხომ იცნო, ეგეც საკმარისია. ჰაიკაზს უფლება ჰქონდა, ამ სოფლის გზა სულაც დავეწყებინა. ჰაიკაზს ქვეყანა შემოუვლია, თვალი დიდ სივრცეებზე აქვს შეჩვეული და სოფელი ასპარეზად ევიწროება.

ჰაიკაზი ბოლოს მაინც ფერმაში წავიდა. თქვეს, ის ამბავი განმეორდა, რაც მის მამას მოუვიდაო ერთხელ. პირველი მსოფლიო ომიდან დაბრუნებული ესაია სახბორეში შესულიყო და ოცდაორი ხბო თავთავადად ჩამოერიგებინა დედებისათვის: ეს ამისია, ეს — მაგისი, ეს კიდევ იმისი იქნებაო. „ოცდამეოთხე რაღა იქნა? აჰა! წაღიკა დაბერებულა და მომკვდარა, სურმა კი ისევ გაბერწებულა. გაყიდეთ, მოაშორეთ, მაგისი!..“

მაგრამ ჰაიკაზი ისევ წაიყვანეს. ამჯერად უგზო-უკვლოდ აღარ იყო დაკარგული, წერილებს იწერებოდა. ამანათებს უგზავნიდნენ: ვაშლს, ჩირს, წინდებს. სწერდათ, წინდა მსხვილად მომიქსოვეთ. დაფანჩულადო. ვაშლი ზამთრისა გამომიგზავნეთ, ზაფხულისა ფუჭდებაო. ქვემოთ რომ დგა, დაბალში, იმ ვაშლისა გამომიგზავნეთო. მერე და მერე იწერებოდა: ზამთრისასაც ნუ-

ღარ გამომიგზავნით, ველარც ის ატანს აქამდეო. ჩირი, არა უშავს, კარგად ჩამოდისო. ჩემზე ნუ იღარდებთ, კარგადა ვარ, კარგი სამუშაო მაქვს, კარგი ხელფასი, ბრიგადირი ვარო. მერე თავისი ოჯახის ჯგუფური სურათიც გამოგზავნა სოფელში, სახელებიც ეწერა: დუსია, სტეფანე, ანაპიტი, მარიეტა („სოფელში რომ ჩამოვალთ, მარო დაუძახეთ“).

„— ე, დაოჯახებულხარ. რაღას ჩამოხვალ!“

შვიდი წლის მერეღა ჩამოვიდა.

ჯერ ერთი პირობა იბურდლუნა. ბავშვები რუსულს დაივიწყებენო. მერე პირიქით, სომხურს ისწავლიანო, და წავიდა ფერმაში.

მრეტყველი ბიჭი იყო პაიკაზი. იმიტომაც ასახლებდნენ ხოლმე. ჩამოჯდებოდა ძროხებშუა და იმის მაგივრად, რომ ძროხებზე ელაპარაკა — არა მგონია, ტროცკი შემთხვევით მოეკლათო. თუ გერმანია დაგვესხა, ამერიკა, არა მგონია, დაგვეხმაროსო. კაცს ის თავისი ძროხა და საქონელი არა ჰყოფნიდა, ცდილობდა ეფიქრა კიდევ. მისი ეს ფიქრი და მსჯელობა არავისა და არაფერს ზიანს არ აყენებდა, მაგრამ ამის გამოისობით პაიკაზმა, კინაღამ იყო, დაკარგა წინაპართაგან დანათლული ყველაზე დიდი ნიჭი. მისი მამა-პაპანი კარგი ცხენის მცნობები იყვნენ, ათას ხბოში ერთი თვალის გადავლებით ამოარჩევდნენ მომავალ ბუღას.

თბილისში მცხოვრები ძველი ანტარამეჯელის, ავეტიქ მინასიანის მამა ოჰანესი დიდი ქარხნებისა და მამულების პატრონის — არტაშეს ადილხანიანის მეცხვარე იყო. ადილხანიანი ნახევარწლოებით პარიზში იყო, ერთხელ ნიუ-იორკიც მოინახულა, წვეულებებს მართავდა მოს-

კოვსა და პეტერბურგში. ხუთ წელიწადში ერთხელ თავის მამულებსაც ამოუვლიდა ხოლმე გუგარქში. ადილხანიანს ანტარამეჯშიცა ჰქონდა მამულები და, ორმოც წელიწადში ერთხელ მოხდა, რომ აქეთაც ჩამოიარა გზად. სოფელში მისი შემოსვლა და წვიმის დაშვება ერთი იყო. ხუთიოდე წუთით თავშესაფარებლად გადმოვიდა, მაგრამ წვიმამ უფრო დაუჟაჟუნა და ერთი კვირა, ათი დღე, თხუთმეტი დღე აღარ გადაიღო. ადილხანიანმა მოიწყინა, გულისგარეთ გაიკითხ-გამოიკითხა სოფლელების ცხოვრება, იძულებით თვალი გაუსწორა გლეხებს, „თქვენ პატიოსანი ხალხი ხართ, ბიჭებო“, უთხრა მოწყენილობისა გამო და მოწყენილობის გამოისობითვე შეიყვარა ისინი. წვიმა კი სცრიდა განუწყვეტლად. ადილხანიანის პაპისეული ცხვრის ძაღლი მთელი ღამე ყეფითა სკდებოდა. ოჰანესა მეცხვარე გარეთ გავიდა, ძაღლს შეშის ნაჩეხი ესროლა. და როცა არტაშეს ადილხანიანი სიზმარში ზღვას, ხომალდს, პარიზსა თუ მოსკოვსა ხედავდა, მისი პაპისეული გომის სახურავი დაეივდა. დამძიმდა და ჩაწვა, რვაას ორმოცი სული ცხვარი ქვეშ მოიყოლა. ძაღლი საწყალობლად ყმუოდა და ოჰანესმა გულში თავის თავს უსაყვედურა, ამ ძაღლს ტყუილად მივართყიო. გავიდა გარეთ და, მისი გასვლისთანავე გომი მძიმედ და რბილად ჩამოაწვარვაას ორმოც სულს. ოჰანესს თავზარი დაეცა, თმა ყალყზე დაუდგა. ცხვარი ერთმანეთში აირია, ცოტა ხანს იფხაკუნა და მერე გათავდა ყოველი. მთელი ფარიდან ერთი თავგატეხილი თხალა გადარჩა. არტაშეს ადილხანიანი კი მხოლოდ ილიმებოდა, ილიმებოდა პაპის აშენებულ ამ უბრალო, მიაბიჭურ და

სასაცილო გომზე, განსაკუთრებით კი იმაზე, რომ თხას კიკინის თავიც აღარა ჰქონდა. მეცხვარე ოჰანესს თმა თითო-თითოდ დაულაგდა თავზე, სახეზეც ფერი მიეცა და დადონდგოლდა. სოფლელები კავებს, ფიჩხსა თუ მიწას აქეთ-იქითა ჰყრიდნენ, დახოცილი ცხვარი ამოჰქონდათ და გროვა-გროვად აწყობდნენ. ძალღი მძიმედ უვლიდა გარშემო ჩამოქცეულს, წელათრეული მივიდოდა, დასუნავდა ცხვრის გროვას და ისევ უხმოდ, საცოდავად განაგრძობდა ტრიალს ცხვრისა და გომის გარშემო, კუდი მიწაზე მისთრევდა. ადილხანიანი იმ დღისით უეჭველად უნდა გამგზავრებულიყო, მოროზოვები ელოდნენ, აგვისტო ერთად უნდა გაეტარებინათ მინერალურ წყლებზე. იმ გულწრფელი შეწუხებისათვის კი მეცხვარეს ასი მანეთი უბოძა ოქროთი და უთხრა, თუ ქალაქში გადმოსვლას იფიქრებ, ქარხანაში კარგ სამუშაო ადგილს მოგიძებნიო. დანარჩენი მეცხვარეები ოჰანესა პაპას შურით იხოცებოდნენ, ოჰანესა პაპას კი ხან უხაროდა, ხანაც ნალგელი შემოაწვევებოდა. ძალღი წინანდებურად ზანტად, წყნარად, გაგიჟებული უვლიდა გომს გარშემო. იმ თხუთმეტ დღეში ერთხელ გამოიჭყიტა მზემ და ადილხანიანიც წასვლას დაადგა. ოჰანესა მეცხვარე ნებაუნებურად ბარგი-ბარხანას უმზადებდა ადილხანიანს, ძალღი კი თავის დაღუპულ ფარასთან ერთად მომკვდარიყო თათებზე თავჩამოდებული.

იმ საცოდავისთვის მთელი ქვეყანა ის ერთი ფარა ცხვარი იყო.

მთელი ქვეყნიერება ერთი ფარა ცხვარი იყო აგრეთვე ოჰანესის ვაჟ ავეტიქ მინასიანისთვის, ვინც ადილხანიანის (შემდგომ — კეცხო-

ველის სახელობის) ქარხანაში მუშაობდა და, მიუხედავად იმისა, რომ მთელ კავკასიაში სახელგანთქმული ოსტატი იყო, სიზმარშიაც კი ხედავდა ბაღლობაში ნასათუთევ ბატკნებს, თიკნებს, მზეში გალურსულ ხასხასა მდელოსა და თვინიერ, ბებერ ქოფაკს.

თბილისში მცხოვრები ძველი ანტარამეჯელის — ავეტიქ მინასიანის უმცროსი ვაჟი ალექსანდრე თავზეხელაღებული მფრინავი იყო. მისი თვითმფრინავი ცაზე რომ გამოჩნდებოდა, გერმანელთა საჰაერო სარდლობა მაშინვე აცნობებდა დავალებაზე გაგზავნილ თავის ესკადრილებს, თავზეხელაღებული გამანადგურებელი ალექსანდრე მინასიანი ამჟამად ცაშია და გაფრთხილდითო. „ახტუნგ! ახტუნგ. ახტუნგ! — ყურადღება! ყურადღება! ყურადღება!“ — ხავილით იჭაჭებოდა გერმანელთა სარდლობა. ალექსანდრე თავზარსა სცემდა მოწინააღმდეგის მფრინავებს. ამბობენ, იმათ, ვინც ჰაერში ალექსანდრეს შებრძოლებოდნენ და ცოცხალი გადარჩენილიყვნენ, გერმანელთა სარდლობა ორდენით აჯილდოვებდაო. მაგრამ მესამე შეტაკებაში ვეღარც ალექსანდრეს თვითმფრინავი გამოვიდა „მკვდარი მარყუჟიდან“. შემდგომში ცალფეხა ალექსანდრე მძიმე მრეწველობის მინისტრის სამხედრო მრჩეველი იყო, მერე ერთი დიდი ქარხნის დირექტორი, ამის შემდეგ — ქეჩის სახელოსნოს გამგე, მერე ღვინის წერტი ჩააბარეს, ბაზრის ფარდულში დაუბეჭდავ ღვინოსა ჰყიდდა; მერე და მერე ხან შემკეთებელ სახელოსნოში ნავთქურებს არემონტებდა, ხან სასურსათო მაღაზიის მუშა იყო, ერთხანს ფოსტალიონადაც იარა, რომ თვეში ერთხელ ფეხის ქირა მიეღო. ციერი

ალექსანდრე დაითვრებოდა, ფართოდ ფეხებგადგმული დაეყუდებოდა ტროტუარზე და გაუგებარი მზერით მიაჩერდებოდა მიწიერ ადამიანებს. ქუდს მოიძრობდა, ორივე ხელით დაიჭერდა და თავადრეცილი თვალს გააყოლებდა ცაზე მიმქროლავ რეაქტიულ თვითმფრინავს. მერე ფრენის მიმართულებით შეტრიალდებოდა, საღ ფეხს კი მოინაცვლებდა, მაგრამ რაკი ხის ფეხი აღარ მისდევდა, ციერი ალექსანდრე მიწიერი ხალხის ფეხებთან იშხლართებოდა. დასწვდებოდნენ ასაყენებლად და მკვდარივით უვარდებოდათ ხელიდან. წამოამუხლიკვერავებდნენ, ვნახოთ, მართლა მკვდარია თუ ცოცხალიო, ის კი — უუუუუ! — ხმადაბლა ღმუოდა, თითქოს გამანადგურებელი თვითმფრინავის სირენა ყოფილიყო, თან ღვინის სუნად ყარდა. ერთი დღეც დადგა, რომ აღარავის უნახავს, შეუმჩნევლად გაქრა ტროტუარზე მოსიარულეთა ფეხქვეშ. მისი თვითმფრინავი რომ პიკედან ვერ გამოვიდა, სამხედრო საჰაერო ძალების უმაღლესმა სარდლობამ იგი დაღუპულად გამოაცხადა და რადიოთივე გადმოსცა ეს ამბავი. ასე რომ ალექსანდრე მინასიანს ერთი სიკვდილი უკვე გამოვლილი ჰქონდა. მეორე სიკვდილი ხსნა იყო მისთვის, მიწაზე იგი თავის გულს ასკდებოდა.

მფრინავები მიწაზე ვერ ეტევიან, მიწაზე ადრე თუ გვიან თავს ამოიჭამენ. ეს ყველამ იცის და ამბობენ კიდევ, ძნელია კაცმა ერთსა და იმავე დროს გვერდიგვერდ წარმოიდგინოს მიწის მუშა და მფრინავი გამანადგურებელიო. იმასაც იტყვიან, მფრინავის ხელობა ისეთია, თავისთავად გაგმსჭვალავს სიძულვილით მიწის მუშისა და მიწის მეურნეობის მიმართო. ღმერთმა ნუ ქნას, მარ-

თლაც ასე იყოს, თორემ იცით, რა მოხდებოდა? რა მოხდებოდა და, ანტარამეჯი ანტარამეჯელს ვეღარ მოურიგდებოდა; ანტარამეჯელი ვერ ინიშნებდა, დაავიწყდებოდა გაზაფხულის ის ჟამი, როცა წიწმატი უნდა დათესო; ის დრო, როცა სკებს შუბლი სამხრეთიდან აღმოსავლეთისკენ უნდა შეუბრუნო; გამორჩებოდა ის დღე, თიბვის დასაწყისად რომ დასდებენ ხოლმე შუა ზაფხულში და ვეღარც იმას მიხვდებოდა, სანამყენე კალამი რა სიღრმეზე უნდა ჩაერგო ცხელ მიწაში. ესენი აგრონომიული მითითებებით არ გაკეთდებოდა, აქ თერმომეტრი საქმეს ვერ უშველიდა. არც ერთი თერმომეტრი არ აღნიშნავს იმ სიღრმეს, რომელიც ჩვეულებრივ კალამს ცოცხალ ნამყენად აქცევს. არც ერთი აგრონომიული სახელმძღვანელო არ აღნიშნავს იმ დღეს, ანტარამეჯის საფუტკრის სამხრეთით როდის ჩამოყრის მანანას ცაცხვი ან საფუტკრის აღმოსავლეთით როდის დაიძახებს ნექტრის ყვავილი.

ყველანი რომ მფრინავივით მხოლოდ ვარსკვლავებს მიჩერებულყვნენ, მრწყველს ვერ მისწვდებოდა გამაძლარი მიწის მსუბუქი ამოსუნთქვა, მეფუტკრეს — შორეული მთის კალთებზე გაშლილი სათაფლე ყვავილის სურნელი (ო, რა მაცდურად და შემპარავად გიწვევს ეს სურნელი! ზოგს, ვინც მეფუტკრე არ არის, ამ ყვავილის მთელი თაიგული ზედ ცხვირზეც რომ მიადო, სუნს მაინც ვერ გაიგებს) და ქვეყანა იქნებოდა ერთი უგემური, უგემურზედაც უგემური რამ.

ანდა, მეფუტკრეს რომ ფუტკრისა არა სცოდნოდა რა და მხოლოდ იმიტომ ემუშავა საფუტკრეში, რაკი დაინიშნეს, უნდა ვიმუშაოო, ის ხომ კლდის ძირას წამოყუნტებულ

დათვს ვერ დაინახავდა. ვერ დაინახავდა, რადგან, მისი ფიქრით, ის მეფუტკრეა და არა დარაჯი; მისთვის თოფი კი არ მიუციათ, დათვები აფრთხეო, საბოლებელი და პირბადე მისცეს მხოლოდ. დათვი კიდევ სულ კლდის ძირას ხომ არ იჯდებოდა, შემოუვლიდა, ავიდოდა საფუტკრეში და სავსე ჩარჩოებს რომ ვერ იპოვიდა, სკებს ხევში გადაყრიდა. სავსე ჩარჩოებს კი იმიტომ ვერ იპოვიდა, რომ მეფუტკრეს სკები თავის ღროზე არ ექნებოდა შებრუნებული პირით მთის კალთებისაკენ.

ერთხელ ანტარამეჯელი მწყემსი თავის ფარას გადაჰკიდეს, ფარა შეაძულეს. ეს ასე მოხდა. „მესაქონლეობის“ სახელმძღვანელოს მიხედვით ცხვარი უკვე გაპარსული უნდა ყოფილიყო და ანტარამეჯსაც მატყლის დამზადების გეგმა აქამდე შესრულებული უნდა ჰქონოდა. მაგრამ „ანტარამეჯში აგვიანებდნენ“, „დაპირებებს იძლეოდნენ, მატყლს კი — არა“, „გამაფრთხილებელ სიგნალებზე დუმილით პასუხობდნენ“. „ურემი ლაფში ჰქონდათ ჩაფლული“, „ასე გაგრძელება აღარ შეიძლებოდა“. მერე მიზეზების გასარკვევად ინსტრუქტორი გამოგზავნეს და გაირკვა, რომ... ანტარამეჯელი ხელმძღვანელები... მეოცე საუკუნეში... პარსვას აჭიანურებენ... წვიმების მიზეზით. სწორად კია შერჩეული აქ ხელმძღვანელი კადრები? პასუხი ორი არ შეიძლება იყოს: — არა!

— ჩემთვის სულ ერთია, — ამბობდა თავმჯდომარე, — ხელმძღვანელი არ ვიქნები, მპარსავად წავალ! კაცო, როგორ თუ სულ ერთია, — ყვიროდა მეორე წუთში, — მე უფლებას არ გაძლევო, ცხვარი გაპარსოთ!

— ცხვარი ჩვენია და ჩვენვე ვი-

ცით, გავპარსოთ თუ არა, — ამბობდა მწყემსიც, — ჩვენი თავის მტრები კი არა ვართ!

— თქვენი შეცდომაც სწორედ ეს არის, — თქვა ინსტრუქტორმა, — საერთო საქმე პირად საქმედ გაგიხდიათ და ძაღლის თავიც სწორედ მანდ არის დამარხული!

თავმჯდომარე რაიონში გამოიძახეს, ხოლო მწყემსმა ინსტრუქტორის მითითებით განაგრძო პარსვა. ფარის ნახევარი მარტოვამ გაპარსა, დღე-ღამეში ხუთიოდე საათი თუ ეძინა მხოლოდ. „გავპარსოთ, ამხანაგო ინსტრუქტორო, მაგის დედაც ვატირე, გავპარსოთ, სულამც ამოწყვეტილან! სახელმწიფო იყოს თორემ, განა ეგ არი და ცხვარი გადაშენდა! აგე, ყაზახეთში სავსეა“.

მატყლის დამზადება შევიდადღიანი ნაბიჯით წავიდა, თავმჯდომარეს პარტიული საყვედური გამოუცხადეს პირად საქმეში შეტანით, ხოლო ბატკანი ერთიანად გაწყდა.

ამ შემთხვევის გამო ჩვენმა მწყემსურმა რესპუბლიკამ დამოუკიდებლობა დაკარგა. ცხვრის სულადობის აღსადგენად ათასნაირი წინადადება წამოაყენეს, მაგრამ მწყემსებმა თავი ვერ გაართვეს, ვეღარ ასწრებდნენ ამდენი წინადადების, მითითებისა თუ ბრძანების შესრულებას. ეს ყველაფერი მათ ჯერ გულდინჯად უნდა აეწონ-დაეწონათ, ყოველნაირად გაესიგრძელებინათ და მხოლოდ ამის შემდეგ მიეღოთ ან უარეყოთ, მაგრამ ზარალი იმდენად დიდი იყო, სულადობის აღსადგენად გამოყოფილი ღროის მონაკვეთი კი იმდენად მცირე, რომ მათთვის იმ ღროს ყოველგვარი რჩევა ჰკვიანური და გამოსაყენებელი ჩანდა.

— ო, კეთილი იყოს თქვენი მობრძანება... ფეშქაშ ჩვენი ეს მთი-

ანეთი! როგორა ვართ, როგორა ვცხოვრობთ? როგორა და, კარგადა ვართ, კარგადა ვცხოვრობთ. თუ რევოლუციამდის ჩვენს სოფელში იყო... ახლა არის... აგრეთვე რადიო, გაზეთი, ელექტრონი...

მერე გავარჯიშებული ბავშვივით ფაფახს გვერდულად დაიხურავდნენ, ბინის ერთადერთ ნაბადს — ფანის ნაბადს წამოისხამდნენ, კომბალს იდაყვებით დაეყრდნობოდნენ და ჯერ-ჯერით უღიმოდნენ ფოტოობიექტივს. ამის შემდეგ კორესპონდენტს ეუბნებოდნენ:

— მოსულიყავი, მაწონი გეჭამა! კარგი, ცივ-ცივი მაწონი გვაქვს.

ბოლოს კი აღმოჩნდებოდა, ბინაში მარტო მაწონი კი არა, თურმე თევზის კონსერვიცა აქვთ და მაწონზე ასჯერ უკეთესი რამეებიც. თურმე ყასიდად ისაწყლებდნენ თავს, მწყემსი ხალხი ვართ, მაწვნის მეტი სხვა რა გვექნებაო. მწყემსი ფხიანიც უნდა იყოს. ეს ახალგაზრდა, საკმაო განათლების მქონე, ხვალ რომ უცებ არმიაში გაეწვიათ, შეიძლება მფრინავ-გამომცდელი გამხდარიყო, შეიძლება უნივერსიტეტში შესულიყო და მეოცე საუკუნის მეცნიერებათა შიგ შუაგულში შეჭრილიყო. ის გუშინ-გუშინწინ სასკოლო მერხზე რომ თხზულებას წერდა, თავის ალერსიან და სტუმართმოყვარე პაპას გულში დასცინოდა, აქაოდა მე თხზულების წერა შემოიძლიაო, დღეს კი თავად მიიწერდა ორიოდ სიბრძნისმავგარ ანდაზას, „ძველებს უთქვამთ: ზაფხულში თუ გრილოში წამოწეჟი, ზამთარში ძროხები შიმშილით დაგიწყდებიანო“.

და რატომღაც მოგეჩვენება, რომ ქვეყანაზე ლიტონი მსჯელობის მოყვარულთა ლაშქარმა ერთი ათასით მაინც იმატა, ხოლო იმდენიოვე შემ-

ცირდა იმათი ორიცხვი, ვისითაც ეს ქვეყანა მართლა ქვეყანას არის დამგვანებული.

3

ძია ავაგი სიცხისგან დამურავებული ცხვარსა თვლიდა, მეცხვარულად — ათ-ათს ერთად. ერთ ცხვარს ძლივძლივობით გამოაცალკევებდა ფარისაგან, მოშორებით გააგდებდა, თან ბუღალტერს ავინებდა და ამბობდა:

— ეს ერთი!

რის ვაი-ვაგლახით აცალკევებდა ახლა მეორეს, კვლავ ავინებდა მუქ-თამჭამელ ბუღალტერს და ცხვრის ზურგზე კომბლით ხაზავდა ორიანს, რომელიც უფრო საბუღალტრო სამყაროსკენ იყო გაგზავნილი შეფასების ნიშნად.

— ეს ორი! — ვითომ, ამ უცოდველ ცხოველს რა ესაქმება „ორ“-თანო.

მესამე ცხვარი ერთი სულელი რამ არსება იყო და მათემატიკისა ინჰიბინჩიც არ უწყოდა.

— სამი! მოვიდნენ და დაგვიტხუნეს ცხვარი ამ თავიანთი ნიშანწარწერებით.

— ოთხი! მგელსამც შეუჭამიხარ!

— ხუთი! ექვსი! შვიდი! რვა! ცხრა! ათი! „ეს ერთი ათეული“.

ცხვრები მრავალწერტილივით ჩაუდიოდა ძია ავაგს, ის კი კომბლის თავით სათითაოდ ყველას ზურგზე ხაზავდა ციფრნიშანს, რასაც ცხვართან არავითარი საერთო არა ჰქონდა.

— ერთი! ორი! სამი!.. ათი! „ეს ორი ათეული“.

ამხანაგები დასცინოდნენ ძია ავაგს და მასავით ცხვირში ნიღნიღებდნენ: „ევეერთი! ოოოოოო! სა-

„აჰა!“ ავაგი გვერდზე გადავადგინე და გაჯავრებით იფურთხებოდა.

— ნუ მიშლით ამ ოხერ-ტიალს, ხალხნი არა ხართ!..

ისინიც ჩამოსხდებოდნენ და ავაგას თვლას უცდიდნენ.

— დათვალე, ავაგ?

— დავთვალე კი არა!.. — ვითომ — ის, სკოლაა თუ რაღაც დარბაზი, იმაში მაინც მეგლო ბოლომდეო.

— რამდენი იყო, ავაგ?

— ისევ იმდენი. ჯერ უნდა შეაჯამოს ბუღალტერმა.

— მაინც რამდენი?

— რამდენიცა სწერია. უნდა გაყოს, გაამრავლოს, გამოიყვანოს. ჭლიუს! — მთელ ქვეყნიერებას დასცინოდა ძია ავაგი.

სოფლის ბუღალტერმაც, რაიონის ბუღალტერმაც და იმათმა სამინისტრომაც — უკლებლად ყველამ იცის, რომ მწყემსი ავაგ ჰოვანისიანი უფლის შვიდას ხუთ სულ ცხვარს, ძია ავაგმა კი თავად არ იცის, რამდენი სული ცხვარი ჰყავს. მთებში თვლა არ უყვართ. თუ იკითხავთ, სოფელში რამდენი ხართო, გიპასუხებენ: ესენი და ესენი ასი წლის მოხუცება არიან, ყველა დანარჩენი — სოფლის გოგო-ბიჭობაა, სულ პატარა ბალები კი ჯერ აკვანში არიან ჩაკრულებიო. საქონლის რაოდენობას ინებებთ, გეტყვიან: დანაკარგი არა გვქონია, რაც ნამატი მიემატა, ეგ არიო. თივაზე შეეკითხებით და — რაც იყო, გავთიბეთო. თაფლი კიდევ — ორჯერ ამოვიღეთო. ერთხელ კიდევ შეიძლებოდა ამოღება, მაგრამ ფუტკარს დავუტოვეთ, მაძლრისაჲ იყოს, ცოტაოდენიც მიუმატოს თაფლსაო.

თავმჯდომარე სწერს ფერმის გამგეს: „გამოუწერეთ მთიბაველს სახორცე ცხვარი“. ფერმის გამგე

მთიბავეთა ბრიგადირს ეკითხება:

„ბევრი ხართ?“ „ვართ, რაღა!“ მაშინ ფერმის გამგე ძია ავაგი დაასკვნის: „მიეცით, წაასხას“.

საღამოთი კი კანტორაში ცნობის წარსადგენად მისულ ბრიგადირს ბუღალტერი ეუბნება:

— შენს ბრიგადას ორი ცხვარი გამოვუწერე, შეჭამეთ?

— შევჭამეთ, მაგრამ აღარ მახსოვს, ოთხი იყო თუ ხუთი.

ანტარამეჯის საწყობის გამგე ქურდი გამოდგა, ჩუმ-ჩუმად გაცალა თურმე საწყობი. ქალაქში ხომ აიშენა ერთი სახლი, ხმა გავარდა, მეორესაც იშენებსო. ანტარამეჯი დაეჭვდა. თავმჯდომარემ ერთ თავის ქალაქელ ამხანაგსა სთხოვა, თუ ძმა ხარ, მიანგარიშე, სოფლის ყველაზე შემოსავლიანი ოჯახის ათი წლის დანაზოგი ქალაქში სახლის აშენებას თუ ეყოფა და თან ქალაქური სიძვირეც გაითვალისწინეო. ეს უკვე საწყობის გამგის სასარგებლოდ იყო. სოფლის ყველაზე შემოსავლიანი ოჯახი ის იყო, რომელსაც სათიბად შვიდი ვაჟკაცი მაინც გაუდიოდა და ეს შვიდნი, მამა-შვილნი, მთვარის ამოსვლამდის კვნესითა პარსავდნენ შვიდ ჰექტარ მიწას. ჰექტარი კი ღირს თოთხმეტი მანეთი ფულად. ამას ემატება კიდევ სხვადასხვა პროდუქტი: კარაქი, ყველი, ხორბალი, თაფლი, ხილი, კომბოსტო, კარტოფილი, ხორცი, ღვინო...

— ეყოფა, როგორ არ ეყოფა, — იანგარიშა არქიტექტორმა, — ოღონდ სოროსავით რაღაცას თუ მოიქოხმახებს კაცი! იმ თქვენს ბიჭს კი, არც მეტი არც ნაკლები, ერთი მილიონი მაინც მოუპარავს.

ბევრს ეცადნენ და რაკი სოფლის საბუღალტრო ძალებით ვერ იპოვეს ის ხვრელი, საიდანაც მან ერთი მი-

ლიონი გაზიდა, უარესად გაცეცხლებულეზმა სხვაგვარი დასჯა გადაუწყვიტეს. მთიბავეების ბრიგადირმა, თავისი მთიბავეებისათვის დღიურ ულუფა პურს რომ იღებდა, რაღაც ნახევარი გრამის დაკლებისთვის შარი მოსდო და მთელი სოფლის გასაგონად დედა შეაგინა საწყობის გამგეს. დედა შეაგინა, იქნებ გინებაზე გამარტყას და დავაჭერინოთო. გაარტყა კი არა და, პირიქით, ეხვეწებოდა მამაძაღლი, მუდარით ყელს უწევდა, ხალხს ნუ ასმენინებ, ჩუმად, რაც გინდა, ის მითხარო. — ხმას დაუწიე! ჩუმად, ჩუმად! — ჩურჩულებდა საწყობის გამგე. — მე შენი დედა!.. მე შენი მკვდარი და ცოცხალი!.. — მთელი ხალხისა და სოფლის გასაგონად ყვიროდა ბრიგადირი, ის კი კვლავ იმუდარებოდა: „ძალიან კარგი, გავიგეთ, ეგრე იყოს, ოღონდ — ჩუმად, ჩუმად, თუ კაცი ხარ!..“ შემცბარსა და განცვიფრებულ ბრიგადირს ენა აერია, ბლუკუნი დაიწყო, ის კი კვლავ აწყნარებდა: „აი, ეგრე... ჩუმად, ჩუმად!.. ახლა, რაც გინდა, მითხარო...“ ბრიგადირს მოაგონდა თავისი მოვალეობა და, რაც კი ხელში ღონე ჰქონდა, ერთი მაგარი ჩასთხლიშა საწყობის გამგეს თავში: „მელავ, შენი!.. მაშასადამე. საქმე ისე გაქვს ჩასვრილ-ჩაბინძურებული, რომ ცოლ-დედასა გლანძღავ და შენ კი ცხვირ-პირს არ მიმტვრევ!“

— არა, ძმაო, ამ ნეხვთან არაფერი მესაქმება, ამ ნაგავს თავს ვერ გავუყადრებ! — საწყობიდან ყვირილით გამოვიდა მთიბელთუფროსი.

კოლმეურნეობის თავმჯდომარე, საბჭოს თავმჯდომარე და ძველი პარტიული სარგისი საწყობში შეცვივდნენ. შიშისაგან მოკუნტულ საწყობის გამგეს კოლმეურნეობის თავმჯდომარე ხელებში ეცა:

— შენ აქ საწყობის გამგედ დაგაყენეს თუ იმისთვის, რომ მთიბავეები მიცემო?... —

— მე წესიერი კაცი მეგონე, შენ კი კაცისმკვლელი ყოფილხარ! — გაწითლდა სოფლსაბჭოს თავმჯდომარე, წითელმა პარტიზანმა სარგისმა კი ჯიბიდან ნამდვილი რევოლვერი ამოუღო.

— ცეცხლსასროლი იარაღიცა ჰქონია! ათი წელი ზედა გაქვს! ფშიუ-შვიტ!..

ჯერ ბრიგადირი ექიმთან წაიყვანეს, რომ სხეულის დაზიანებაზე ცნობა აეღო, მერე ახლომახლო კალოებიდან და სახლებიდან ოთხი-ხუთი კაცი მოკრიბეს მოწმედ, ცემის ოქმზე ხელი მოაწერინეს და საწყობის გამგე ოქმიან-ნივთმტკიცე-ბიანად მილიციას გადასცეს.

სასამართლოზე საწყობის გამგე იფხრიწებოდა და იფიცებოდა, ყველაფერი მომიგონეს, მე არ გამირტყამს, პირიქით — მე მცემესო. მოსამართლე მოწმეს იძახებდა, მოწმე კი ამბობდა:

— ტყუილია, ჩემი თვალითა ვნახე!

— კაცო, შენ მაშინ სად იყავი, იმ დღეს ქალაქში ყველსა ჰყიდი! — ცოფი ახრჩობდა საწყობის გამგეს.

— არც ქალაქში ვიყავი, არც იმ შენს მილიონიან სახლებში; სოფელში ჩემთვისა ვწვალობდი და ისიცა ვნახე, უდანაშაულო კაცს როგორ გაარტყი! — პირზე ადგებოდა მოწმე.

საწყობის გამგის სასამართლომ დედაქალაქში გადაინაცვლა. იქ საწყობის გამგეს ათასების ხარჯვა მოუხდა, რომ პატიმრობიდან როგორმე თავი დაეძვრინა. ოღონდ ის სახლები დაეკარგა და მერე თუნდაც

გათავისუფლებულიყო, ანტარამეჯი მაგაზე თანახმა იყო.

— აფსუსი კია, რა რევოლვერი დავკარგე! — წუხდა წითელი პარტიზანი სარგისი, — ოც წელში რევკომმა შამახიანმა მაჩუქა.

— აფერისტი მამაძაღლი! — ნელნელა მშვიდდებოდა თავმჯდომარე, — ჭამით, კი ბატონო, ჭამე, მაგრამ ეგრე გაღორება გაგონილა?!

სოფელში ერთი ოჯახია, ოჯახში ათნი არიან: ბებია, შვილი, რძალი და შვილიშვილები, თერთმეტიდან ოცდახუთამდე წლისანი. ბებიას გარდა დილით ყველანი სამუშაოზე გადიან და შინ გვიან საღამოს ბრუნდებიან.

— ადექით, ბალებო, ჩაი უკვე გაპარვაზე! — თავს დაადგებათ სისხამზე ბებია.

— ბალებო, სამუშაოზე გაგვიანდებათ! — შეახსენებთ ცოტა ხნის შემდეგ.

— დასხედით, პური ჭამეთ! — შეეგებებათ საღამოთი.

ბებია მალვიძარა მამალია, ყივილიც თავის დროზე იცის. როცა პურის ჭამის დრო მოაწევს, ამბობს: „დასხედით!“ როცა ცელებს გაიდებენ, ეუბნებათ: „წადით!“ როცა ყველაზე უმცროსი, თერთმეტი წლისა, ცხენსა კაზმავს, რომ გეტამეჯიდან ფოსტა მოიტანოს, ბებია ეუბნება: „წადი, ოღონდ ფრთხილად იყავი, არ ჩამოგაგდოს“. ოჯახს არც ბებია ხელმძღვანელობს და არც მისი შვილი. შვილი, თუ რამეს იტყვის, ამას იტყვის: „ელიშიკა წავიდა, არა, ფოსტაზე? ჩვენც წავედით, თორემ მზე აგერ უკვე სად წამოსულა!..“

მზე ხელმძღვანელობს, მზე თავკაცობს მათ მუშაობას; მზე, ჩრდილოეთიდან დაძრული ღრუბლები და სახეზე ცივად გამკაწრავი ქარი.

ერთი სხვა თავისებურებაცა აქვს ამ ოჯახს: ბებია იტყვის, კრუხი დავსვიო, მაგრამ არ იტყვის, ამდენი და ამდენი კვერცხი დავუწყვეო, ამდენი წიწილა გამოჩეკა, ამდენი — გაალაყაო. არც ოჯახის არც ერთი წევრი არ იტყვის მისდღეში, ესა და ეს საქმე ამდენი გავაკეთეო... სიტყვა არ დასცდებათ. უბრალოდ, თუ დაღლილები არიან, იძინებენ, თუ დაღლილები არ არიან — მუშაობენ. შემოდგომობით ბედლები ხვავ-ბარაქითა აქვთ სავსე, კარზე კლიტე არ იციან, რა არის, ვისაც რა უნდა და რამდენი უნდა, იმდენს იღებს.

სოფელიც მათ ოჯახსა ჰგავს: შრომაში — დაუზარელი, ხარჯვაში — დაუდევარი, უცხოსთან ურთიერთობაში — უბრალო და თავისუფალი. აქაური კაცი თავს არ აიტკივებს იმსაზე ფიქრით, ეს უცხო ადამიანი ჩვენს საქციელზე რას იტყვისო. თქმით კი ითქმება ხოლმე ხან ცუდი და ხანაც კარგი, მაგრამ სოფელს ერთიცა და მეორეც ფეხებზე ჰკიდია.

ომიანობისას — დიდი მწუხარების, დიდი სიხარულისა და დიდი აურზაურის წლებში თავმჯდომარე ბაგრატ დურმიშიანმა ერთ-ერთი საზამთრო საძოვარი მეზობელ გეტამეჯს ათიოდე ჭედილაში დაუთმო. ის ჭედილები კი, როგორც ამბობენ, სამხედრო კომისარს მისცა, რომ მისი შვილი ხელმეორედ აღარ გაეგზავნა ჯარში. მაშინ დაპურებული ვაჟკაცი, თოთხმეტი წლის ემაწვილი ბიჭი ან სამოცს გადაცილებული ბერიკაცი კი არა — საღად მოარული, პაპიროსის მწეველი შავ თმა-წვერიანი ვაჟკაცი სოფლისთვის სიცოცხლე და სიხარული იყო. ამიტომ სოფელს იმ საზამთრო საძოვარზე კრინტიც არ დაუძრავს.

— გევორქ ჯანი!.. — ესიყვარულე-

ბოდნენ ბაგრატის ბიჭს და ამ ერთ სიტყვაში იგრძნობოდა დის ღური დარდიც ძმაზე, დედის დედური თრთოლვაც შვილზე და პატარძლების შეფარული ოხვრაც ქმრებზე.

— გევორქ ჯან!

— მითხარი, რა გინდა, დაო.

— ახ, გევორქ ჯან!

ომი დამთავრდა და, ოთხი წლის წინ დანიშნული ქალ-ვაჟის ქორწილზე, თუმცა ჯერ კიდევ შეკავებულიად, გაუბედავად, მაგრამ, როგორც იქნა, მაინც გატყდა ხუმრობის ნავსი. ნავსის გამტეხი ერთი შეხარხოშებული მწყემსი იყო.

— ბიჭებო, — თქვა მწყემსმა, — ერთი მგელი გადამეკიდა, ათასჯერ ვესროლე და ვერ მოვარტყე. ათასჯერ ძაღლები დავადევნე, მაგრამ ვერც ძაღლებმა დაიჭირეს. არადა, თითო გამოჩენაზე თითო ცხვარს მაინცა მტაცებდა. სულ პირველად რომ ვნახე, თან არც ძაღლი მყავდა, არც თოფი მქონდა, კომბლის ამარა ვიყავი. კბილები გამიღრჭიალა და გამიჩერდა წინ. ვნახე, იმისი მომრევი არ ვიყავი და ერთი ქეციანი ბატკანი მივუგდე. შენც არ მომიკვდე, ზედაც არ მიხედა! ზათქით ეცა ფარას. ჭედილას ჩაუბრინა და ჭედილა უდუმოდ დარჩა. ასე მაწვალეbs კარგა ხანია, არც ისა მკლავს, ვერც მე ვკლავ და სხვა ჩარა რომ აღარა მაქვს. მხოლოდღა ვიცინი. სახელიც კი მოვუგონე, ბაგრატა დავარქვი.

— ეგ არ უნდა დაგერქმია, — უთხრა ძნელ დღეთა შინა თავმჯდომარედ ნამყოფმა ბაგრატმა, — კომისარი უნდა დაგერქმია. ჩემი დაჭრილი ბიჭი კანონით თავისუფალი იყო და მე უკანონოდ გავათავისუფლებინე. ორში ერთს უნდა ეზარალა და, კოლმეურნეობამ იზარალა.

— მგელს თუ მოეწონა შენი შერ-

ქმეული სახელი? — შეეკითხნენ მწყემსს.

— თქვენ რას იტყვით, ბიჭებო, კომისარი თუ შევუცვალე, თუ ბაგრატასაც არა უშავს რა?

სოფელს კომისრის სამართალში მიცემა უნდოდა, მაგრამ ის უკვე პენსიაზე გასულიყო, ღორებს ასუქებდა და ბაღში შესულ ბავშვებს უყვიროდა, რა არის მისთვის სალაფავში თხუნვის სიამოვნება არ მოეშალათ.

იმ საზამთრო საძოვრის გამო მრავალი წლის განმავლობაში მაინც ცერად უყურებდნენ გეტამეჯს. ერთხელაც ველარ მოითმინეს, გათიბეს ის საძოვარი და ცხვარიც ჩარეკეს გამოსაზამთრებლად. სასამართლოს უწყება რომ მოუვიდათ, არ გამოცხადდნენ, ვითომდაც არ მიგვიღიაო; გზაში ათასი რამე ხდება, ვითომ გზაში დაიკარგაო. უწყების მერე ტელეფონზეც დაურეკეს რაიონიდან, მაგრამ ანტარამეჯი ყურმილში ისე ბურტყუნებდა, გევონება, დათვიაო. ხელმეორედ დარეკეს. ანტარამეჯი პასუხობდა: „რაააა?..“ „სასამართლოზე ჩამოდიო!“ — ეუბნებოდნენ ისინი. ანტარამეჯი წინანდებურად ყურს იღვრენდა: „რააააო?“ იფიქრეს, ანტარამეჯი დაყრუებულაო და სასამართლომ, მოვლენებს რომ არ ჩამორჩენოდა, იმ უკუღმართი საძოვრის ისევ ანტარამეჯისთვის მიყიდვა გადაწყვიტა. სასამართლოს კი ანტარამეჯელთაგან ერთი კაციც არ დასწრებია, რომ გეტამეჯელთა წარმომადგენელს შერიგების ნიშნად მისთვის ხელი ჩამოერთმია. ამის გამო იყო, რომ სოფელსა და სოფლელებს მეტსახელად დათვი დაარქვეს. ეს ყველაფერი თვით ანტარამეჯის გარდა ყველამ იცის. ანტარამეჯელებს საჭოროოდ სადა სცალიათ, ისინი გეტამეჯელ-

ბისაგან გაფუჭებულ გომებს აკეთებენ, სათიბებს ჭიანჭველების ბუდეებისაგან სწმენდენ, წყაროებს გეჯანავებს უყენებენ და იმასაც კი ამბობენ, გეტამეჯიდან ქალებს აღარ ვითხოვთ, ოჯახის ქალად არ ვარგანანო.

თავად სოფელშიაც ჩამოვარდება ხოლმე ლაპარაკი ორიოდ გოჯ მიწაზე, მაგრამ ეს დავა „ღობე შენსკენ მისწიეს“ არა სცილდება. ეს კი სასაცილო სულაც არაა, რადგან ერთ ჯამფილა მსხალზე კი არ დაობენ, არამედ ერთი მტკაველით მეტის დაბარვაზე, დათესვაზე და მოვლა-მოყვანაზე, ერთი ბეწოთი მეტ სიხარულზე. ღობე ვთქვით, თორემ ან ღობე სად არის ან მიჯნა! ეს მიჯნა მომიჯნე მეზობლების მეხსიერებაშია. თუ ორივე მეზობლის ფიქრში ნაგულვები მიჯნები ერთუროს ემთხვევიან, მაშინ წყნარად არიან, თუ არადა — დაობენ. ერთის მამულს მეორის თვალთაგან არავითარი ღობე არა ჰფარავს, ერთმანეთის ბაღ-ბოსტანი თვალქვეშა აქვთ. ჯერ ახალგაშობიანსკვლ ნაყოფს ორივეს ბავშვები ერთად ახრამუნებენ. კიტრის ბარდი ნახევარი ერთის ბოსტანშია გადაბარჯლული, ნახევარი — მეორისაში. ხანდახან მთოხნელი თოხნაში ფიქრს აჰყვება, საზღვარს გადადის და მერეღა შეამჩნევს, თავის კვალს რომ არ მისდევს.

— უყურე შენ, სად გადმოვსულვარ!..

— მე კიდევ წყალი გადმოვებარა შენს კვლებში, გახედე!..

— აბა, კაცო, მეც შენი წყალივით არ მომივიდა!..

სხვათა შორის, საზამთრო სადგომების გამო დავისას ანტარამეჯელმა გეტამეჯელს უთხრა:

— ჩვენ ბალახის დარდი კი არა გვაქვს, იმას ვფიქრობთ, დ ი დ მ ი ნ-

დ ო რ ს რომ მოვათავეთ, მერე სადღა გავთიბოთ.

სწორედ ამიტომ არ არის სასაცილო ორიოდ მტკაველ მიწაზე ჩხუბი.

4

სასამართლოსთან საქმის დაჭერა სოფელს ერთხელ კიდევ მოუხდა და წააგო ეს საქმეც. აღარც ყრუ იყო და აღარც დათვი. ველარც გენერალმა უშველა და ველარც ღრიალბურღლუნმა. იყვირეს, იღრიალეს, აქეთ ეცნენ, იქით ეცნენ, მაგრამ ვერც ტაბიკები დაამტვრიეს და ვერც აპეურები დაწყვიტეს.

ჩვენ ადრევე ვთქვით, რომ არსებობს მწყემსების რესპუბლიკა. ძველ ნათქვამს დავუმატებთ, რომ ამ რესპუბლიკას ხელმძღვანელობს ფერმის გამგე ზავენ ქოჩარიანი. მას ემორჩილება ცხრამეტი კაცი. რესპუბლიკის ქონებას შეადგენს ორმოცი ძაღლი, ოცი კომბალი, ათი თოფი, ოცი ნაბადი, ერთი სალამური და ათი-თერთმეტი ათასი ცხვარი. რესპუბლიკის სიმდიდრეს უნდა მიეთვალოს აგრეთვე ნაკადულები, მთის მწვერვალები, მთის კალთები და ხეობები. ამათხვევა მისათვალი მაცოცხლებელი სიგრილის მომტანი ღრუბლები, თბილ ველ-მინდორთა არსებობის გამამართლებელი ცივი დღეები, ცადატყორცნილ მწვერვალთა სიგრილის ფასდამდეგი ცხელი დღეებიცა და ბოლოს ამ სიმდიდრის განუყრელ ნაწილადვე უნდა მივიჩნიოთ ჯაგნარში მოთარეშე მგლების თავისუფალი თემი ათი წლის ნაცნობ ბაგრატას წინამძღოლობით. ეს მტაცებლები ცხვრის ფარებს ამშვენებენ დიდებული ნაგაზებით, აზრს ანიჭებენ თოფებს,

ლამეულ კოცონებს, პაპათეულ ზრინ-
წიან „ეპეპეის“ და რადგან მილიონი
წლის განმავლობაში მგლებს ბუნე-
ბა არ შესცვლიათ, თავისთავად
იგულისხმება, რომ მწყემსებიც
მწყემსებადვე რჩებიან. ამიტომ არც
ის არის საკვირველი, რომ გუშინ-
დელი სკოლის მოსწავლე როგორც
კი მწყემსი გახდება, მეორე დღესვე
სანაძლეოს დებს, ერთ ცხვარს მარ-
ტოკა შევჭამო, ხოლო ორი დღის
შემდეგ სანაძლეოც აღარ უნდა, ისე
უთევს ღამეს თავსხმა წვიმაში ელ-
ჭექისაგან გნიასშემდგარ ფარას და
ის ერთი ღამე კი არა, შეიძლება
სამი კვირა, ან მთელ ზაფხულსაც
კი, წვიმების გადავლამდე, ვეღარ
ელირსოს ძილსა და მოსვენებას.

წვიმა ქალაქელებს უცებ უხელ-
თებს ხოლმე. უცებ ფანჯრიდან გა-
დაიხედავ და, ვინ საით გარბის,
ვინ — საით. რა მოხდა ისეთი? თურ-
მე წვიმა მოდის. ქალაქური წვიმა
საწვიმარი მიწების ხმაურია, მეტი
არაფერი. ქალაქში წვიმა ტალახს
არ აყენებს, უბრალოდ მიედინება
და რეცხავს ქვაფენილს. ეგ არის და
ეგა. ქალაქში წვიმა ისე როდი უხა-
რიათ, როგორც სოფელში. გამხმარ-
გადაყვითლებულ საძოვრებსა და
დამსკდარ-დაშაშრულ მიწას წვიმა
რომ დასცხებს უცებ, კაცმა სიხა-
რულისაგან აღარ იცი, რა ქნა. მაგ-
რამ ცა ფეხად რომ ჩამოვა, ზედი-
ზედ ორ კვირას არ გადაიღებს, დამ-
ბალ-დაჭაობებული მიწა ფეხქვეშ
გეცლება და მზემონატრებულზე
ისევ ის ნაცნობი ღრუბლები გამო-
ქუჩილებიან, მაშინ გულზე სკდები,
ღამის გიჟდები კაცი. იგინები და
რას იგინები! არც ერთ ქალაქელს
თავის სიცოცხლეში ცა არ შეუგი-
ნებია. ან რისთვის უნდა შეაგინოს,
რა ესაქმება. იგივე იქნებოდა, სად-
ღაც აფრიკის ჯუნგლებში მიკარგუ-

ლი შავკანიანი ტომის ბელადი ანდა
რომელიმე ამერიკელი ფერმერი შე-
ეგინებინა. ამიტომ არც იგინებს.
ერთმანეთი არ უნახავთ, ერთმანეთს
არ იცნობენ, რა აქვთ გასაყოფი...
ძია ავაგი კი ჩაქურუხებულ ცას
რომ გახედავს, არც მეტი არც ნაკ-
ლები, ასე დაილოცება ხოლმე:

— ისევ ჩამოუშვა კალთა ამ ძალ-
ლის ჯიშისამ, ამანა. ფუჰ, მე შენი!..

ასევე იგინება დანარჩენი ცხრა-
მეტი მწყემსიც. ჰოდა, რაც ოთხ
მწყემსს შეემთხვა, ის შეიძლებოდა
შემთხვეოდა დანარჩენ თექვსმეტ-
საც. ოღონდ, ისინი ბინაში არ იყვ-
ნენ, სოფელში ჩასულიყვნენ. რა
იცი კაცმა, იქნებ კინო მოენატრათ,
იქნებ — თავიანთი ცოლები. კინო-
სა და ცოლების მოსურვილების
შემდეგ შეიძლება მეზობლის ბაღ-
ში გადასულიყვნენ, ფეხაკრეფით
მიჰპარვოდნენ და — ჰაფ, ჰაფ! —
ძალღური შეყეფებით შეეშინები-
ნათ წაძინებული დარაჯი ძალღი (ეს
მწყემსები ხომ ძალიან ამასხარავე-
ზენ სოფლის ძალღებს); ან შეიძლე-
ბა ბინაში ოთხზე მეტნიც იყვნენ
დარჩენილნი, თორემ ოთხივე ცხვარს
რატომ დაკლავდნენ, მგლები ხომ
არ იყვნენ! მაგრამ რადგანაც სასა-
მართლოში ოცი კაცის გამოძახება
სასაცილო იქნებოდა, ამიტომ მხო-
ლოდ ოთხ მათგანს დასდეს ბრალი.

ერთი სიტყვით, ლაპარაკია იმაზე,
თითქოს ოთხმა კაცმა ოთხი ცხვარი
დაკლა.

ოთხთაგან ერთ-ერთი — ზავენ ქო-
ჩარიანი ორი წლის წინ სასოფლო
კლუბის გამგე იყო, თან სოფლის
თეატრალურ დასში თამაშობდა და
სცენაზე განასახიერებდა ძველი შე-
ხედულებების მქონე მოხუცებს,
ეჭვით რომ ეკიდებოდნენ კომ-
კავშირულ სიახლეებს. მაგრამ
ბოლოს მაინც რწმუნდებოდნენ

მათ აუცილებლობაში. ერთხელაც, როცა მთებში ბამბის მოყვანის ინიციატორი კომკავშირელი გოგონა ამ საქმის წარმატებაში დაეჭვებულ მოხუცს არწმუნებდა, ჰყვედრიდა, არცხვენდა და ეფერებოდა, მოხუც ზავენს ბოლოს და ბოლოს მოთმინების ფიალა აეცხო: კარგი, რაღა, რა გული გამიწყალეო, უოხრა თავქარიან გოგოს, მერე დაიჭირა და სცენაზევე აკოცა. კულისებში კიდევ უფრო მაგრად ჩაკოცნა და სანამ გოგო ბამბის ზვინის წვერიდან წარმოსათქმელ მონოლოგსა ბუტბუტებდა, დაორსულდა კიდევ. კაცი იფიქრებდი, ბამბა მოუპარავსო. ზავენმა იგი სახლში წაიყვანა, ცოლად დაისვა, თავი ცეცხლში ჩაიგდო და ეგ იყო, კლუბის გამგეობასაც თავი დაანება, პირდაპირ ფერმაში წავიდა.

მეორე იშხან ანტონიანი იყო. იშხანს ალაპარაკებდნენ ხოლმე, მერე მიდიოდნენ, სხვას უყვებოდნენ და აცინებდნენ იშხანზე. არც იშხანი რჩებოდათ ვალში — ისიც მიდიოდა, ამათი ნალაპარაკევი, თავის მხრივ, სხვებთან მიჰქონდა, აცინებდა, მერე იმათ ნალაპარაკევეს ისევ ამათთან მოიტანდა და ხარხარებდნენ გულიანად, მუცლები ხელით ეჭირათ. ასე რომ მთელი ქვეყანა იშხანს დასცინოდა, იშხანი კიდევ — მთელ ქვეყანას.

მესამე ძია ავაგი იყო, სამოცი წლის უღარდელა. ამ კაცმა სევდა-წუხილი არ იცოდა და თმაშიც ერთი ღერი თეთრი არ ერიო. ეუბნებიან, დედა მოგიკვდაო, ის კიდევ: „საწყალი დედაკაცი!.. საწყობიდან ძაღლებსთვის ფქვილი გამოიტანე, ბიჭო?.. თქვენ არ გეცოდინებათ, ჯერ ისევ დედის მუცელში ვიყავი, მამა რომ მომიკვდა, ცხენმა ჰკრა წიხლი... ე-ეხ!.. ეს ცხოვრება გროშად არა

ღირს!.. რისთვის ვიბადებით ან რისთვის ვიხოცებით?.. ბიჭო, შენს თხას, აგე, რქა თვალსა სთხრის, გაულუნე, დაახერხე ან რაღაცა უყავი; აგე, თვალსა სთხრის“.

ძია ავაგი მუდამაც შავ თმა-წვერიან ძიად დარჩება, მისგან არასოდეს უღვაშებჩამოფანჩული მოჩალიჩე პაპა არ გამოვა.

მეოთხე პავლე იყო. მთელ ლორეში დადიოდა ამბავი, რომ პავლეს ერთხელ ათი კილო ყურძენი შეეჭამა. ჯარში რომ იყო, იმ დროს, ათას ცხრაას ორმოცდაოთხში, საქართველოს დიდ სომხურ სოფელ შაუმიანში წასულან ჯარისკაცები ყურძნის საჭმელად. გენახის ყარაული დიდი მასხარა ვინმე ყოფილა, ჯარისკაცებისთვის უთქვამს: რამდენიც გენებოთ, იმდენი ჭამეთ, მაგრამ შესვლისასაც უნდა აგწონოთ და გამოსვლისასაცო. მართლაც შესულებიც აუწონია და გამოსულებიც, პავლეს ზუსტად ერთი ფუთი ჰქონია მომატებული.

— შენი სასწორი ტყუის!

ხელახლა აუწონიათ. დანიელს — სამი, სერაპიონს — ორნახევარი, გარნიკს — სამი, პავლეს კი ისევ და ისევ თექვსმეტი კილო ჰქონია მომატებული.

— კარგი და, თუ მაგდენი შეგჭამე; მაშ სად არის?.. — უჩვენებს თურმე მობოშებულ ქამარს.

— ომია, რა ვიცი, ალბათ ჭამისას საწუხ-სანადვლო ამბებზე ფიქრობდი და იმიტომაც არ გეტყობა.

— მართალია, — დათანხმებია ცოტა არ იყოს მიუხედავრელი პავლე: — რა ვიცი, გამიგონია კი, თქვენებური ხალხი ხელგაშლილიაო და... რომელი ხელგაშლილი. გენახშიაც კი სასწორი დაგიდგამთ, თქვე თჯახ-აშენებულებო! — სწყენია პავლეს.

ეს ის პავლეა, რომელიც... არ

გააღვიძე, არ გაიღვიძებს და თუ არ უთხარ, დაიძინეო, არ დაიძინებს. მისი სიტყვა სიტყვაა, იტყვის: აღარ მოვწევ დღეიდანო და მართლაც თავს ანებებს პაპიროსს. მან მარტოდ-მარტოკამ, სხვათა დაუხმარებლად და შეუშველელბლად, მარტო თავის მკლავზე დანდობილმა, ჯერ მზითვითა და პატივით დაათხოვა ოთხი რძალი — ომში დაღუპულ ძმათა ცოლები, მერე რიგიან-პირიანად დაასაფლავა დედა და მარტო რომ დარჩა, მალევე თვითონაც დაქორწინდა.

— თქვენს ლუსიკას, მგონი, სკოლა დამთავრებული უნდა ჰქონდეს?

— კი, მგონი, დამთავრებული უნდა ჰქონდეს, — უთხრა ლუსიკას მამამ, — დედაკაცო... ლუსიკამ სკოლა დაამთავრა?

— მაშასადამე. ჩემი აზრით, დროა.

— ჰო, ედროვება, მამა.

— თქვენს თვალწინ გავიზარდე, ჩემზე ცუდი არა გაგიგიათრა. მგონი.

— არ გაგვიგია.

— ყურძენზე გეჭნებათ გაგონილი, თქვენებიანთ სერაპიონმა მომიგონა.

— არ კი მოუგონია, მართალია, მაგრამ სხვა გინდა გვრ შეჭამს მაგდენს? — უთხრა ლუსიკას მამამ.

სიძე-სიმამრი შესანიშნავად შეეწყვნენ ერთმანეთს. მთელი საღამომობით ჩუმად სხედან გვერდი-გვერდ და ერთმანეთს სიტყვას არ გადაუგდებენ. ეს კარ დარში. ხოლო თუ წვიმები წაება, ოთხ-ხუთ დღეს თავქვეშელებამოდებულები მიწვებიან წყნარად. ზოგჯერ სიმამრი შეეხმიანება: — სხვა, რა ამბავია? — მშვიდობა, — თიბვაში რომ იცის, ისე ხვწეშით პასუხობს პავლე.

— არა, სიძე ძალიან კარგი შემ-

ხვდა, აი! — შეაქებს ხოლმე სიმამრი ხალხში.

თავის ქორწილზე პავლე სიძეს იყო, სიძის მამაც, დედაცა და ძმაც. ხოლო თუ საქმეს დასჭირდებოდა, მზარეულიც. თამადა რომ „წყვილი ყვავილის“ სადღეგრძელოს ამბობდა, პატარძლის გვერდით თავდახრით მდგარმა პავლემ პატივცემულ თამადას სიტყვა შეაწყვეტინა, რათა მზარეულისთვის ეთქვა:

— ძალო, ერბო თუ დაგჭირდეს, ქვევით ჩადი, ყველის დერგთანა დგას ქილა.

ერთხელ კიდევ მაგიდებს ქვეშედან გამოძვრა და ორიოდე სილაქი აჭამა მეზობლის ბიჭს, რომელსაც ეზარებოდა სტუმრების ცხენები შორეულ საძოვარზე წაესხა და დაედუშაყებინა.

— ხომ ხედავ, საქმეში ვიხრჩობი, თუნდა შენც ცხენით წადი, არადა — განა ფეხი მოგტყდება! — სილაქს დაურთო პავლემ.

პავლესთანა მშრომელი ბევრი არ იყო სოფელში და ოჯახიც მალე დააყენა ფეხზე. ბავშვებიც ბევრი ეყოლა და ისევ ახმაურდა ეზო-ყურე. იმ ბედუკუდმართი პარსვის შემდეგ კი, როცა უამრავი ცხვარი გაწყდა, პავლე ფერმაში გაგზავნეს.

მეოთხე ქურდი პავლე იყო.

იყო, რაღა თქმა უნდა, მეხუთეც, მეათეცა და მეოცეც. მერე ცხვრის პატრონმაც მოაკითხათ. პატრონსაც აჭამეს მწვადი და იმ ოცს ოცდამეერთედ ისიც დაემატა, მაგრამ ოთხი ცხვრის გულისათვის ოცდაერთ კაცს ხომ არ დასჯიდნენ. ბოლოს მწყემსებმა მგლისთვის ქეციანი ცხვრის მიგდების მამაპაპური ჩვეულება გაიხსენეს, რათა ზავენი და პავლე როგორმე გადაერჩინათ, მათ ნაცვლად კი უფრო მოზრდილი შვილების პატრონები გა-

ერთი საქმეში, მაგრამ ყველაფერი უკვე გვიან იყო.

ცხვარი რომ ცხვარს ეძებს და ცოტა ცხვარი ბევრთან მიდის, ეს ყველასათვის ცნობილია. ერთხელ გეტამეჯელ რევაზ მოვსისიანის ცხვრები დაიკარგნენ. დაკარგვა დაკარგვაა, მაგრამ მიწა ხომ არ უზამდა პირს, უბრალოდ კარმიდამოზე და გასადევარზე რომ აღარ მოჩანდნენ, ცოლმა რევაზი საძებნელად გამოაგდო (ერთი ღვთის გარეგანიც რევაზის ცოლი იყო!), რევაზიც კვალს ჩაუდგა და ანტარამეჯის მინდვრებზე გამოვიდა. რევაზს ჯერჯერობით თავი დავანებოთ, ეძებოს თავისი ცხვარი, იხეტილოს ხევხუცებში და იაროს, სანამ ბოლოს იშხანთან არ მივა...

ჩვენ კი მანამდე ვეწვიოთ იშხან ანტონიანს, რომელიც ბინაზე უპატრონო ცხვრების გამოჩენამ ფრიად გააბრაზა. — ფუი, ეშმაკს! განვედ ჩემგან, სატანავ! — მიაწყევლა იშხანმა მაცდურს, მაგრამ ხელადვე თავი დაიმშვიდა: „ცხვარი ცხვარია, რაღა, შვიდასი იქნება თუ შვიდასოთხი, რა მნიშვნელობა აქვს“. რა იშხანის ბრალი იყო, თავისი ფეხით მივიდნენ იშხანის დანასთან. მერე დანა მაინც ყოფილიყო მართლა, ეშმაკი იყო და დანის სახე მიჰყო, ჩამოკიდებულიყო იშხანის ქამარზე და ქანაობდა; ერთხელ თავისითაც კი გაიხსნა და ბზინავდა და როგორა ბზინავდა ის ოხერი!..

ცოტა ხანში დადამდა კიდეც. სანამ ჯერ დღე იყო, ყველაფერი კარგად მიდიოდა. დღისით, მოგეხსენებათ, სინათლეა, მზეა. იყურები გარშემო და ფიქრობ, რომ შენი პაპის პაპაც ერთ დროს ამ ქვაზე მჯდარა; იმ წყაროს წყალი დაუღვია: აი, იქ გაუშლია სველი ნაბადი, მისი

ძალი კი, სანამ ყინვა ძვლებში არ გაუჯდებოდა, მანამდე წოლილა თეოზე. ჰეი გიდი, ჰა! ქვაც ისევ არის, წყაროც ისევ მოლიკლიკებს, გარეთ ტახტზე იმ ნაბდის ნაფლეთებიც კია ისევ, პაპა კი აღარსად არის, წასულა; მის ადგილას ახლა იშხანი ზის, პატივცემული და დაფასებული კაცი, ოთხი შვილი რომ გაუზრდიო, სახლში რკინის საწოლები უდგას, ხოლო მის ვაჟს, ქალაქის პროფკავშირში რომ მუშაობს, ვაზგენ იშხანიჩად მოიხსენიებენ... ჰოდა, ამ დროს რისი ქურდობა და მამაძაღლობა, ფიქრითაც კი არ იფიქრებ იმ ოთხ უპატრონო ცხვარზე.

ეს დღისით. მაგრამ დადამდება თუ არა, ეს ოხერი ქურდობის ფიქრით თავისთავად შემოგიჩნდება. ისე, კარგად რომ განვსაჯოთ, არც ღამეა მაინცდამაინც საშიში. იშხანი თავს როგორმე აიძულებს და ქურდობის სურვილსაც დაითრგუნავს; ფიქრი რომ სხვა რამეზე გადაიტანოს, ავაგს ამღერებს, მის სიმღერაზე ქვეშქვეშ იხითხითებს, ხმამალა კი გაამხნევენ: „ჯაან, ავაგ!“ ზავენი გულს გადაიდელს და დაიწყებს: „ერთხელ ალებოში... ალებოში?... ალებო, ალებო!.. ერთმა ძაღლმა თურქმა აუგად მოიხსენია ჩემი გვარ-ტომი. მე წავწვდი იმ წინადაცვეთილ ძაღლს ყელში...“ ავაგი სიმღერას წამით შეწყვეტს და იტყვის: „ეგ ოვანეს თუმანიანის დაწერილი იქნება, აი!“ პავლე კი ზანტად გაიბრუნებს ქედს: — „ბიჭებო, გაითუ ძილის დროა და არაფერს მეუბნებით!“ იმ ორ შავსა და ორ თეთრ ცხვარზე კი, სიტყვა რა არის, სიტყვას არ იღებს არავინ. ცხვრები ამასობაში ბალახსა სძოვენ. მერე დაინერბებიან, დაბატკნიანდებიან, დამრავლდებიან. ერთ მშვენიერ დღეს პატრონიც მოაკითხავს

და სიხარულისგან სამადლობელ სიტყვასაც ვეღარ მოახერხებს, თვალზე ცრემლი მოადგება. ეგ კი არა და, ცასა და ქვეყანას მოსდებს, იშხანს მწვადი უნდოდა, დანაცა ჰქონდა, საკლავიცა ჰყავდა, მაგრამ არ დაკლავ; ცხვარი შემინახა და ოთხი თოთხმეტად მიქციაო. ეგეც შეიძლება, მისი გოგო იშხანმა თავის უმცროს ბიჭს უთხოვოს და დამძახლდნენ კიდევ. უნდა დამოყვრდნენ და დანათესავდნენ, მაშა! განა სხვა რიდასთვის ცხოვრობს კაცი ამ ქვეყანაზე.

მაგრამ... ავაგის ბრალია, აგრემც ამოწყვეტილა ისა! საღამოთი, როგორც კი შეიკრიბნენ და ერთად თავი მოიყარეს, სწორედ მაშინ მოიგონა — ერთხელ ბიძაჩემმა თომამ სანაძლეოზე ერთი ცხვარი შეჭამა და მერე ჭალაში ერთი დღიური ახო გაჭრაო. პავლემ კიდევ ჩაიბურტყუნა, თომა კი არა, ერთ ცხვარს ყველაც შესჭამს, თუ ძალიან მსუქანი არ იქნება, ახოს გაჭრისა კი რა მოგახსენოთ, ახლა, პირიქით, ხეებსა რგავენ, ტყეები შემცირდაო. აქ იშხანი აღშფოთდა და პავლეს მოაგონა, შენი სულგანათლებული პაპაცა და მამა-ბიძებიც დიდი მკვებარა ხალხი იყო; ისინი ხომ იყვნენ და, ეტყობა, არც ნაყოფი ეცემა ხისგან შორსაო. პავლეს ეძინებოდა და სანამ დაიძინებდა, იშხანმა კიდევ მოაგონა, შენს ცხონებულ მამა-პაპას ის კარგი მაინცა სჭირდა, სიტყვას იტყოდნენ და აღარ გადათქვამდნენო.

— მაგით რა გინდა თქვა? — შუა სიმღერაში შეეკითხა ავაგი.

— ახლა შენ, მაგალითად, ერთ ცხვარს შესჭამ?

პავლემ ზანტად გაახილა თვალები და წამოიწია, მთელი ცხვარი არც შემიჭამია და იქნებ ვერც შევჭამო,

მაგრამ ხორცი თუ იქნება, ერთ-ორ შამფურ მწვადს დიდი სიამოვნებით გეახლებოდი ცხელ-ცხელს, ჯერ ისევ სისხლის ცვარი რომ გახდისო...

— ერთ დროს ძია თომას თუ მთელი ერთი ცხვარი შეუჭამია, იშხან, — უთხრა ზავენმაც, — ალბათ იმიტომ, რომ ტყე ჰქონდა გასაჩეხი. ახლა გასაჩეხი აღარაფერია. თუ მარტო სჭამ და არ იმუშავენ, თვითონვე აიჩეხები, ჭამა მოგკლავს. ხოლო პავლეს თუ ერთხელ ორიოდ კილო ყურძენი შეუჭამია, ალბათ იმიტომ, რომ ომიანობა იყო, ვინ იცის, ყურძენს კიდევ ნახავდა თუ ვერა.

ფილოსოფია იშხანის სუსტი ადგილია, გაჩუმდა. ასე რომ საქმე ჯერჯერობით კარგად მიდიოდა, ცხვრები მრავლდებოდნენ, ცხვრის პატრონის ქალიშვილიც იზრდებოდა, იშხანის ბიჭიც იზრდებოდა და ორივენი, ის ძაღლის ლეკვები, პირდაპირ ფერიფერნი იყვნენ ერთმანეთისა.

— მერინოსისა მატყლი, მართალია, კარგია, მაგრამ იმისი ხორცი არ იჭმება. ევროპაში, ამბობენ, მერინოსის ხორცს არა სჭამენო, — უკვე თითქმის მძინარემ წაიბურტყუნა ზავენმა.

— ეს ოხერი, აღარ დაგვაძინებთ, კაცო?! ხორცი და ხორცი, ტვინი წაიღეთ, რაღა!

ძია ავაგმაც კი გასცინა იშხანს: — ვაი, მიწამ შეგჭამოს შენ, იშხან!..

აი, სწორედ მაშინ მოხდა უბედურება, მაშინ იყო, რომ იშხანის რძალი დაპატარავდა, ისევ აკვან-არტახებში გაიკოჭა და იშხანის დამოყვრების ამბავი ცხვრის პატრონთან შარშანდელი თოვლივით გაქრა, მაშინ იყო, რომ იშხანი ციხეში წავიდა.

— ჩემ ცხვარს უპატრონო ცხვარი

შეერია, ადგილობრივი ჯიშისა, ნამდვილი სამწვადე, ჰოდა, მიწამ, გაუშვი, ისევ შენ შეგჭამოს, ავაგ!

თქმა იყო და, სიბნელეში ხელად-გეგავისმა, თუ რა სისწრაფით ჩაიცვა ზავენმა ჩექმები, ჩაცმის უმაღლესი მოხტა და მოკლე-მოკლე ბრძანებანი დაარიგა: — ავაგ, შამფურები დათაღე! იშხან, ცეცხლი გააჩაღე! პავლე, წყალი შემოდგი! — მერე კი, ალბათ ოვანეს თუმანიანიდან, ხმამალლა, არტისტულად წარმოთქვა: „მე მივწვდი იმ წინადაცვეთილ ძაღლს ყელში და დავახრჩე, აი, ასე...“ წარმოთქვა ესა და შევიდა ფარაში.

საქმის ასე შეტრიალებამ იშხანი გამოაცოცხლა.

— რეები არ იცის ჩვენმა ზავენმა, კაცო! ათ უმაღლეს დამთავრებულს ერთად ჩაისვამს ჯიბეში! „ერთმა ძაღლმა თურქმა შეურაცხყო ჩემი ერი... მე ვტაცე...“ ხოლო მერე როგორღაა, როგორ ამბობს ზავენი? ჰო, „მოკვდი, კეისარო!...“

დანარჩენი თვალის დახამხამებაში მოხდა, როგორღაც აგზნებულად და ამავე დროს ყუჩად. მხოლოდ იშხანი თუ გაიმეორებდა ხანდახან აკვირებულ ფრაზას: „ერთხელ ალექსოში იმ წინადაცვეთილ ძაღლს ყელში ვტაცე ხელი...“ (შემდგომ, დაკითხვაზე, საწყალმა იშხანმა ვერა და ვერ მოიგონა ალექსოს სახელი; აგინა თავისი მამა, რომელმაც იმდენი განათლება არ მიაღებინა იშხანს, რომ წესიერი პასუხის გაცემა შესძლებოდა და გამომძიებლისთვის ჩვენება არ მიეცა, თითქოს ზავენს ასე ეთქვას: „ერთ დროს კატა ჭონი იყო, ძაღლს კი ქუდი არა ჰქონდა... საჭმე მიდის მდივანბეგთან“)¹.

სანამ პირველი შამფური მთლიანად არ შეჭამეს, მანამდე ხმა არავის ამოუღია. მერე ზავენმა დაილაპარაკა: „მე ჩემ სიტყვაზე ვდგავარ. ადგილობრივი ცხვრის სხორცი მერონოსისას სჯობია“. მთელი მათი ლაპარაკი ეს იყო. მერე ძაღლებმა საკაცო ყუფა ატეხეს. ძაღლების მოუუსვენრობა ამათაც გადაედოთ და ახლალა ჩახვდნენ, რომ, რაც ჩაიღინეს, სხვა არაფერი იყო, თუ არა ქურდობა. უდარდელმა ავაგმა გაკვირვებით დაუსტვინა, ხოლო მძახალ იშხანს მწვადი პირზე შეაცივდა.

— იაგო, იაგო, ახ, იაგო! — განაგრძო ლექვა ზავენმა, როცა ბნელში მოახლოებული მწყემსის ხმა გაირჩა და კაციც გამოჩნდა.

— ოჰო, ბიჭებს ქეიფი გაუმართავთ, — ცეცხლთან მოვიდა ტელეფონ-საქო, — მოდით, ბიჭებო, მოდით, დიდი ჭამა-ყლაპვაა აქა, — გაეხმიანა უკან მომავალ მწყემსებს, — ერთი, მეც მომაწოდეთ, ენახო, რა არის, რა არა!

იშხანი არ დაიბნა, ყველაზე საუკეთესო ნაჭერი ამოუჩინა და ზედ ცხვირთან მიუტანა საქოს: „ჭამე. საქო, ჭეშმარიტად ნაქურდალია“. შამფურისკენ გაწვდილი ხელი საქომ უკანვე წაიღო... „არც სირცხვილი გაწუხებთ და არც შიში, ეგ არის, რაღა... მაშ, არა ჰფიქრობთ, რომ?...“ იშხანმა შამფური თვალებთან შეუთამაშა. „არა, არ გამოვა, ე, არ გამოვა ეგა!“ — გაბრაზდა საქო.

— „მე, ეე, საქო ვარ, — იქით გამოცოცხლდა ძია ავაგი, — დღიუნზე შეხვედნილი ხობლის ბუჩი თუ მექნა, შეგჭამ, ის არ მექნება და, ძაღლის მძონს შეგჭამ, რადგან მე, ეე, საქო ვარ, საქო!“

— მაგ შენი წვერიანად ნიწამ გი-

¹ ო. თუმანიანის ლექსიდან „ძაღლი და კატა.“

ყოს პირი, მიწამ! — ცეცხლთან წა-
მოყუნტდა საქო.

— შეი წვეიანად მიწამ გიყოს პი-
რი, მიწამ... იმდენი ვჭამო, რო გა-
ხენქვაზე ვიყო... — კიდეც უკბინა
ძია ავაგმა.

მერე ცეცხლს სხვებიც შემოეხ-
ვივნენ.

— ამათ მართლა ღრეობა ჰქონი-
ათ!

— ოღონდ... ენა რა მუცელში
ჩაგვარდნიათ?

— ქურდობაა.

— თუ ქურდობაა, ბარემ რიგია-
ნი ქურდობა იყოს!

ბევრს, ოც კაცს ერთად, სხვა რო-
დის რა უფიქრია ჰკვიანური, რომ
ახლა ეფიქრათ. როცა ბევრნი ყრი-
ლობენ, ბევრის ერთობლივ ხმაურ-
ში იკარგება ქურდობა, სირცხვილი
და მსგავსი თაქიზი ცნებანი. ასე
რომ ეს ჩვენი მწყემსების რესპუბ-
ლიკა კარგა მაგრად გამოძღა ცხვრის
ხორციით. დანარჩენი ცხვრები ვინ-
ლა დაკლა, ეგეც ვერ გაიგეს. ოთხი-
ვე დაკლეს თუ ორი, მაგის გამგე-
ბიც არავინ იყო. ერთი სიტყვით,
რჭულზე დაძღნენ.

შუალამისას ძაღლებმა ისევ ატე-
ხეს საკაცო ყეფა.

— მშიერი გვესტუმრებოდა ვინ-
მე, მოვიდეს, ჰამოს იმანაც!

გეტამეჯელი რევაზ მოვსისიანი
იყო. ისიც გამოაძღეს და გაგზავნეს.
შორს რომ გავიდა, მაშინლა დაიძა-
ხა:

— ბიჭებო, მანდ დამავიწყდა მე-
თქვა, ცხვარი დავკარგე, ხომ არ გი-
ნახავთ? ორი შავია, ორი თეთრი. —
რევაზი საკმაოდ შორს იყო, მწყემ-
სებს უფლება ჰქონდათ მისი ნათქვა-
ში არ გაეგონათ ან ვერ გაეგონათ,
ან თუ გაიგებდნენ. კარგად არ გა-
ეგონათ და ამ უფლებებითაც მთლი-
ანად ისარგებლეს, რადგან არ იცო-

დნენ, რა ეპასუხათ. ჯერ კი შორი-
დან შეეკითხნენ:

— რააა?..

— ცხვარი დავკარგე-მეთქი, ცხვა-
რი, ხომ არ გინახავთ? ორი შავია,
ორი — თეთრი.

— ჰამე?..

— ცხვარი დავკარგე, ცხვარი,
თვალი ხომ არ დაგიკრავთ სადმე?

— კაცო, არ ისმის, არა!

— ცხვარი, ცხვარი!

— ცხვარი?

— ჰო!

— რა ცხვარი?

— დავკარგე, არ გინახავთ?

— ხმამალლა თქვი, ხმამალლა!

— ... მეთქი, გაიგე?

— გავიგე.

— ცხვარი... გაიგე?

— გავიგე.

— დავკარგე... გაიგე?

— გავიგე.

— არ გინახავთ?

— ცოტა ხმამალლა!..

— არ გინახავთ?

— რააა?

— ცხვარი! ცხვარი! ცხვარი!

— ცხვარი რაო?..

— დავკარგე, დავკარგე!

ასე კითხვა-მიგებით თანდათან ერთ-
მანეთს უახლოვდებოდნენ. ბოლოს
ათი ნაბიჯილა დარჩა მათ შორის და
ახლა უკვე სირცხვილი იყო ყვირი-
ლიცა და „ვერ გავიგეც“.

— ცხვარი დავკარგე, კაცო, ის
უპატრონო! ოთხნი არიან, ორი შა-
ვი, ორი — თეთრი. აქეთ ხომ არ წა-
მოვიდნენ-მეთქი, აგრემც ოხრად
დარჩომილან ისინიცა და იმათი ნარ-
გებ-ურგებიც, ყელი ვაფიხიე კაც-
მა!

— რად გინდა, ცხვარს რომ ინა-
ხავ?

— ორი ღლეა, ჩამოვწყდი კაცი!

— მოდი, დაისვენე, სადღა მი-

ხვალ? — მერე უთხრეს, ცხვარი ახლა რომც იპოვო სულ ერთია, ხვალ მაინც დაკარგავო. რად გინდა, რომ ინახავ, ისეთ რამეზე უნდა გადაცვალო, სადაც დატოვებ, იქავე დაგხვდესო. ძროხას, კამეჩსა თუ ცხვარს რას აქნევთ, რატომა ჰყოლილობთ, მეტი საქმე არა გაქვთ, კაცოო? თიბვა არ გეყოფათო? აგერ, ოცი ვაჟ-კაცი ვართ, ორმოცი კიდევ ძალღი გვყავს, ეს ამოდენანი ორი ათასი ცხვრის მოვლას ვერ ავუდივართ, შენ კიდევ, ეს ერთი კაცი, თანაც ასეთი კეთილსინდისიერი კაციო... ეეჰო! ორიოდე დღე ვცოცხლობთ ამ ქვეყანაზე, თავს რაზე იტანჯავ... ეგეთი კარგი და მაინც არა გყავდესო. გარე სოფლებიდან მოყვანილი რამდენი რძალი გვყავს ანტარამეჯში, მაგრამ შენი დისტანა მეოჯახე ერთიც არ არისო. ისიც მოაგონეს, რევაზის ბებიაშ რომ ანტარამეჯის ეკლესიაში ერთხელ ერთი მამალი მოიყვანა შესაწირავად, მაგრამ საწყალმა არ იცოდა, ვისთვის დაეკვლევინებინა. ბოლოს ავაგი მიეშველა და დედაბერს მამალი დაუკლა. კაი დედაკაცი იყო, რევაზ, დედაშენი, რა ერქვაო?... ლუსერესი? მართლაც რომ პირნათელი¹ იყო ცხონებულიო. რისგან მოკვდა? აფსუს! მერე, ექიმებმა ვერაფერი უშველეს? ეგრეა, კარგები უწინა კვდებიანო. ბოლოს შეეკითხნენ, შენი მეზობელი როგორ არის, ავეტიქაო. რევაზმა: ეგეთი მეზობელი მე არა მყავსო. როგორაო? ჩვენ კარგად ვიცნობთ და დანამდვილებით ვიცით, ავეტიქა ჰქვიაო.

— იქნებ ავანესზე ამბობთ?

— ავანესზე, კაცო, ავანესზე, მაშა! ჩვენც ავიხირეთ, ავეტიქა და

ავეტიქაო! ავანესი, აბა, კაცო, ავანესი!..

იმისი ფული გვმართებს, იმ დღეს რაიონში დაგვჭირდა და ვესესხეთო. თუ არ შეწუხდები, რევაზ, მოდი, ეს ფული...

— ჰაი, ძალღიშვილებო, ვაითუ ჩემი ცხვრის ხორცილთ გამაძღვო?!
— გაძეხი კი, რევაზ?

— ძალიან!

— ეგეც შენი სარგებელი, რევაზ! ქალაქში რომ წაგესხა გასაყიდად, მწვადს ვინდა გაჭმევდა? ასე არა სჯობია, აქავე დაჰყიდე და მოიშორე, რევაზ?

— ჰაი, თქვე ქურდო მამაძაღლებო თქვენა, მე ჯანი გამგარდეს და, ჩემმა ცოლმა რომ ჰაი-ჰუი ატეხოს, მაშინ რაღა ვქნა?

— ერთი-ორი სიფათში და იმისი ჯანი!

5

ანტარამეჯში ასეთი რამე ადრეც მომხდარა. თვრამეტ-ოციან წლებში სარგისსა და ეგორს მინდორში ასატურის ხარი დაეკლათ. „თუ ძმა ხარ, დაოვები ხომ არ იყავით, მთელი ხარი შეგეჭამათ“, — იცინოდნენ სოფელში ხუთიოდე წლის შემდეგ. „განა საჭმელად დაგვკალით? გავიგეთ, ასატური დაშნაკცაკანიაო და იმიტომ დაგუკალით“, — თავს იმართლებდნენ ისინი ხუთი წლის შემდეგ, როცა ერთი უკვე სოფლსაბჭოს თავმჯდომარე იყო, მეორე კი — ფინანგენტი. მართალს ამბობდნენ, რაღა თქმა უნდა — დაკლეს, რადგან უნდოდათ დაეკლათ.

— მგონი, კოჭლობდა კიდევ ის უპატრონო, — ლაპარაკში ეთქვა ერთხელ ეგორს.

აი, მართალი თუ გინდათ, ეს არის...

¹ ლუსერეს — სიტყვასიტყვით თარჯმანი: პირნათელი.

ხარის დაკვლა სდომებიან და სოფელში, გუთანზე გაზრდილ ბიჭებს მისი სიკოჭლე მოუმიზეზებიათ, ეს რაღა კვალის გადამბრუნებლად გამოდგებაო, ხორცად თუ ივარგებსო. ასე იყო თუ ისე, დაუკლავთ და კაი ცეცხლშიც ჩაცვივნილან. დაბნეულებსა და აღელვებულებს თურმე აქნილი ხარი ეგორის მამის გომში დაუკიდიათ, აქ ვერავინა ნახავს და გადავრჩებითო, მაგრამ როცა ხელპირი დაუბანიათ, დანაშაულის კვალი მოურეცხიათ და თავ-თავის სახლებში წასულან, აი, მაშინ მომხდარა, რაც მომხდარა.

იმ გომში, სადაც აქნილი ხარი ეკიდა, თავი მოუყრიათ მთელი ანტარამეჯის კატებს, ისე რომ კატების რაოდენობით დაადგენდი, თუ რამდენი კომლი ჰყავდა მრევლში ანტარამეჯელ ტერტერას. ამტყდარა ერთი კნავილი, ერთი ჰყავილი და ჩხუბი კატებისა. ბოლოს და ბოლოს ეგორისა და სარგისისათვის ციხეში უკრავთ თავი, ციხიდან ყარსის ფრონტზე გაუგზავნიათ, საიდანაც როგორღაც მოუხერხებიათ და მთებში გაქცეულან.

ეგორი და სარგისი დღესაც ცოცხლები არიან, პენსიას იღებენ, მოუსვენარ ბავშვებს ყურებს უწევენ და თან ასე არიგებენ: — შენა მამაპაპა, გაიგე, იმისთვის კი არა ღვრიდა, გაიგე, სისხლსა, რომ შენ მოსდგე და სკოლის ფანჯრები ამტვრიო; მასწავლებელი რომ გეუბნება. წესიერად მოიქეციო, წესიერად უნდა მოიქცე, გაიგე?

სოფელს გადავიწყებულიც კი ჰქონდა ეს ამბავი, მაგრამ ახლა, როცა მწყემსების რესპუბლიკა სამართალს ჩაუვარდა ხელში, ეგორისა და სარგისის ძველი ცოდვებიც იმითომ გაიხსენეს.

— ერთი სიტყვით, იმ კატების

ბრალი ყოფილა, თორემ დაშნაკები ვერ დაგიჭერდნენ, არა, ამხანაგო, ეგორ?

— აბა, კაცო!

*

მეორე დღეს, სოფელში რომ ჩამოვიდა, იშხანმა ცოლს ხორცი ჩამოუტანა. ერთი ბრიყვი დედაკაცი კიდევ იმასა ჰყავდა, აილო და ხორცი მეზობელს მისცა. მეზობლის ვაჟი, მილიციელი არშო, -ის-ის იყო ქალაქიდან ჩამოსულიყო. ხმა დადიოდა, არშო სამსახურიდან მოუხსნიათო. ქრთამი აელო თუ რა ეშმაკი ექნა, რაღაცეებს ლაპარაკობდნენ სოფელში.

— რად მინდა, — ამბობდა არშო, — დავრჩები სოფელში, გაგალნახირში, ვიქნები ლამაზად სუფთა ჰაერზე. აქაურები ჩემზე უარესი რით არიან ვითომ?! — თან ჩექმის წვერებზე დაიცქირებოდა. — ახლა ერთი კაი მწვადს შეეწვავთ და ახალ ცხოვრებას შევუდგებით. ერთი ეგ არის, ხორცი გვაქვს ცოტა, იშხანმა უთხრა, მეტი აღარ დავგვრჩა, თორემ, რომ გვცოდნოდა, შევინახავდით ხორცსაო. ხორცზე მეტი რა გვქონდა, ტელეფონ-საქომი იმდენი ჰაბა, მთელი დღე ლოდებს უკანიდან არ გამოდიოდაო.

— მაშ, საქოს ექნება სახლში.

— არა, არა აქვს. აბა, სახლისთვის რომ შემოენახა, ქვა-ლოდებს უკან რაღა ესაქმებოდა.

— მაშ, იმას ექნება, ვინც დაკლა.

— ბიჭო, არავისაც არ დაუკლავს, მე დავკალი და ისიც შეცდომით, რევაზისა ყოფილიყო... კინაღამ შევრცხვით, მაგრამ კაი კაცი გამოდგა, ფული მივეცი და წავიდა თავისთვის. ეგ კი არა და, მაღლობელიც დავგვრჩა.

არშო ილიმებოდა. მერე უცებ ღიმილი მოისხიბა და გაფაციცებით მიუგდო ყური. წამის შემდეგ კვლავ გაიღიმა, მაგრამ ეგ ღიმილი უკვე აღარ მოეწონა იშხანს.

— მაშასადამე, რევაზის ცხვრები შენ დაკალი, საქომ კი იმდენი ჭამა, რომ მთელი დღე ქვას მოთარებული იჯდა, ჰა? — და მხარზე გადაგდებული ქურთუკი ჩაიცვა.

— ჰო, რა... — იშხანს ცუდად დაუწყო გულმა ძგერა. — შემოდი, შეჭამე რამე, არშო-ჯან, ქალაქიდან ჩამოსული კაცი ხარ, სოფლურ რამეებს დანატრებული იქნები, ცხვრის მაწონი გვაქვს.

არშოს თავპატიყი არ დაუწყია. შინ რომ შედიოდა, ძალღი ფეხებზე მოეხვია, მიელაქუცა. არშომ ძალღს სახელით დაუძახა, თითქოს დაიხარა კიდევ, მიეფერა და შევიდა სახლში. შინ შესულმა აკვანში ჩაკრულ ჩვილს უჩქმიტა და სათამაშო ცხვრის პირდაპირ ჩამოუკიდა აკვნის ხიდზე: კუკუ! — ბაღღს ნიკაპზე თითი დააჭირა და... — ჭიტა, კოკროჭინავ, ჭიტა!.. მაშ, ჯერ ოთხნი იყავით: შენ, ავაგი, პავლე, ზავენი. მერე დანარჩენი თექვსმეტიც მოვიდნენ?.. აფსუს. რომ მე ვერ შემოგესწარიტ იმ დროს! ალბათ არიფანაში მწვადი უფრო გემრიელია. არა?... ჰა-ჰა-ჰა-ჰა, მაშ, იმდენი ჭამა, რომ ქვის უკანიდან აღარ გამოდიოდა, ჰა?.. ერთი სიტყვით, საქოს კუჭის საქმე კარგად ვერა ჰქონია, ჰა, ძია იშხან? — სერიოზულად დაინტერესდა არშო.

სიტყვა-ლაპარაკიც ანტარამეჯელისა ჰქონდა, ძალღსაც ანტარამეჯელივით მიეფერა: წყალი რომ დალია, პირიც ნაღდი ანტარამეჯელივით — ხელისგულით მოიწმინდა, მაგრამ მისი სიცილი კი იშხანს მაინც არ მოეწონა. ის ანტარამეჯელი

კაცის სიცილი არ იყო. ანტარამეჯელი, ჯერ სიტყვა არ დაგიმთავრებია და უკვე ხარხარებს, რადგან მისი აზრი ხელად იჭერს სიტყვის სასაცილო დასასრულს, უფრო სასაცილოდ კი, ვიდრე სინამდვილეში შეიძლება ჰქონდეს.

ხუთი წუთის შემდეგ არშო უკვე რაიცენტრში ურეკავდა, სასოფელშორისო სატელეფონო სადგურის მორიგე ტელეფონისტ ქალს აჩქარებდა, თავზე ცეცხლს აყრიდა.

— იცოდე, ფელეტონში გამოგაგენებ, შე ბრიყვო, შენა! ლუკმაპურს გავაწყვეტინებ შენთვის, შე შტერო, შენა! არ გაბედო გათიშვა, არ დაკიდო, თორემ... რისი გამკეთებელი ხარ, ოცი წელია ერთ ადგილზე დევხარ და მაგისტვის მეღალი გინდა?..

და უცებ სახე, ხმა, გამომეტყველება ისეთი რბილი, მორჩილი გაუხდა არშოს, იფიქრებდით, აგერ, ახლა რომ გამოთათხა, ეს ქალი შემთხვევით ბიცოლამისი ხომ არ არისო.

— ნება მომეცით, ამხანაგო მაიორო...

ვითომ — როგორ გაბედა არშომ და სოფლიდან, ანტარამეჯიდან, ცუდად მომუშავე ტელეფონით... თანაც, წინასწარი ნებართვის აუღებლად, კაბინეტში დაურეკა მას — ამხანაგ მაიორს...

— ნება მომეცით, ამხანაგო მაიორო, მოგახსენოთ...

*

ეს იყო ნამდვილი დევნა დევნის ყველანაირი კანონებით. ასე სდევნიდნენ ძველად წითელი მილიციის რაზმები კულაკთა შვილებს და თავდაც იდევნებოდნენ დევნილთა

ყველა კანონით. მაგალითად, ცხენებს უკუღმა ნალავდნენ.

მილიცია რაიცენტრიდან გამოვიდა. ბევრი იარა თუ ცოტა იარა, ეძება და ბოლოს იპოვა სოფელი გეტამეჯი: რუკაზე შეამოწმა, რომ ნაპოვნი სოფელი მხოლოდ გეტამეჯი ყოფილიყო და არა სხვა რომელიმე; მერე დიდის ძიებით დაადგინა, იმავე გეტამეჯში რა ადგილას იდგა რევაზ მოვსისიანის სახლი, გომი და გომს რომელ მხარეს ება კარი. რევაზისა (დაკარგულად მიჩნეული ცხვრების პატრონმა რევაზ მოვსისიანმა გადაჭრით განაცხადა, კარგად არ მახსოვს, საერთოდ ცხვარი თუ მყოლია ოდესმეო) და განსაკუთრებით მისი ცოლის დაწვრილებითი დაკითხვით გაარკვია, რომ ორი დღის წინ, ა/წ. აგვისტოს 27-ს, დაახლოებით ხუთ საათზე, ყოველ შემთხვევაში — არა უადრეს ხუთის ნახევრისა და არა უგვიანეს ექვსის ნახევრისა, დაიკარგა სოფ. გეტამეჯის მცხოვრებ მოქალაქე რევაზ გევორქის ძე მოვსისიანის ოთხი ცხვარი: ორი — ოთხი წლისა, ერთი — სამისა, ერთიც — ორისა; ორი — თეთრი და ორიც შავი, ადგილობრივი ჯიშისანი; ერთი — ორი წლისა — მფრთხალი, სამნი კი — წყნარი ბუნებისანი (სწორედ პირველის მიზეზით, — მხედველობაში ვიღებთ რა დაკარგული ცხვრების პატრონის, დიასახლისის, თავუპი მამის გვარით კარაპეტიანის მოსაზრებას, — დაიკარგა შემოთხსენებული ოთხი ცხვარი პატრონის ეზოდან).

ამის შემდეგ მაძებარ ძალღს გომში ცხვრის სუნი ააღებინეს და კვალს დაადგნენ. ძალღი კვალს მიჰყვა. ჯერ გომს შემოუბრინა გარშემო. მერე მივიდა და სახლის კარი დასუნა (ოქმში აღინიშნა, რომ

ცხვრებს გომისთვის გარშემო შემოუვლიათ), მერე ტაშტი დასუნა, („ცხვრებს სარეცხი ტაშტიდან წყალი დაუღვავიათ“) და ისევ გომთან დაბრუნდა. აქედან გაითრია თავისი მწვრთნელი სერჟანტი და შუა სოფელში კანტორის კარებთან გაიყვანა, იქ ფრენბურთის მოთამაშე ბიჭების ბურთს დასცა პირი და დაიყუფა. ძალღის წამყვანმა სერჟანტმა ძალღი დაარწმუნა, ბურთი პატრონებისთვის დაებრუნებინა და ძალღიც დარწმუნდა. მერე ძალღმა სერჟანტი კლუბისაკენ გაქაჩა, ღია კარებში შევიდა, დასუნა „შერლოკ ჰოლმსის ჩანაწერები“, ისევ გარეთ გამოვიდა და მესაჭე სერჟანტი ახლა თხევადი საწვავის საწყობებისკენ გაიყოლია. იქიდან კი რაიცენტრში მიმავალ შარაზე გაიყვანა. ერთი სიტყვით, მოსი ნება რომ ყოფილიყო, ბენზინის სუნზე კვალადებული პირდაპირ რაიონის ცენტრში, სადგურის ცისტერნებთან ჩაგოყვანდათ და იქნებ იქ ათასი და მეტი დეკალიტრი დანაკლისიც აღმოეჩინათ, მაგრამ სერჟანტმა ასეთი სისულელის ჩადენა არ დაანება. ისევ ანტარამეჯის გზას დაადგნენ. სერჟანტი წინ მიდიოდა, ძალღს ეჭაჩებოდა და ძალით მიითრევდა. ძალღის უკან იგეტამეჯელი ბავშვები, ბავშვების უკან კი გამომძიებელი ლეიტენანტი მიდიოდა. სერჟანტი და საგამომძიებლო იანყოფილების გამომძიებელი აკოფიანი ასე, ერთმანეთის მიყოლებით ბოლოს, როგორც იქნა, ავიდნენ ანტარამეჯის მთებში. ავიდნენ და, რაკი უკუღმა დაჭედოლი ცხენებით გამქცევი არავინ ჩანდა. შედგნენ ცეცხლის ნანთებთან, სადაც იშხანი სწორედ იმეამს ერთი საოცარი საქმით იყო გართული — ცდილობდა როგორმე წამოეჭცია ერთი უზარმაზარი ხარი.

— გამარჯობათ.

— სწორედ დროზე მოხვედით, თორემ უკვე იმედი გადამიწყდა, ამ ხარს მარტოკაც მოვერევი-მეთქი, — თქვა თავის საქმეზე თავჩაღუნულმა იშხანმა. მას არც კი დაუნახავს ვინ მოვიდა, მაგრამ რაკი ხმა კაცისა იყო, მაშასადამე, კაცი მოვიდოდა ვინმე, იშხანს კი სწორედ კაცი სჭირდებოდა ახლა მშველელად. სულ იმ ძაღლისლეკვი სანოს ბრალია ყველაფერი, იშხანმა უთხრა: — სანო-ჯან, მოდი, ეს ერთი დღე ცხვარს მიმიხედე, საქმეზე ვარ წასასვლელი. წავალ, მოვითავებ და მოვალ. კიო, შენ წადი, მამი. ნურაფრის ჯავრი ნუ გექნება, ცხვარს მე მოვუვლიო. ეს არის შენი მოვლილი, შე მამა-ძაღლო? ცხვარი, კი ბატონო, არაფერი მეთქმის, კარგად დამახვედრა. მაგრამ ეს ხარები — დუმბო და მახნო?... ჩაურეკავს დაბლა ახოიანში, ტყისმცველის კარტოფილში და დაუძლია ერთი მავრად. „მამი, გახსოვს, სახლს რომ ვაშენებდით, სამასალე კავ-კოჭი დავჭერით ტყეში, ტყისმცველმა კი მასალაც თავისთვის წაიღო და თან დიდი გულითაც იყო? უხ, მე მაგისი ლოთი... ვისაც არა მგონია, ხელებში შეჰყურებს, იქნებ ერთ ლიტრა არაყს გამოვრჩეო. ის არ უჯობს, თავის კარტოფილს მიხედოს, რომ გადაღალბებულს სულ ორთქლი აყრია?“ აი, შენ აორთქლდი, სანო, აგრემც!.. თუმცა კი, რაღა თქმა უნდა, ჩემი შვილი ხარ, მაგრამ მაინც ნაბიჭვარი ხარ და მეტი არაფერი. შენს ასაკში მე როგორ გავბედავდი, ტყისმცველისთვის ქეშად შემეხედა. იმ ტყისმცველს რა ენაღვლება, კარტოფილი ოთხმოცდაათგან უთესია, ხარები კი, აი, დაიბერნენ და გასკდომაზე არიან.

— მოდით, თქვენცა ნახეთ, რას

ვაკეთებ, — თქვა იშხანმა. იგი მარტოდმარტო ცდილობდა მთასაკითხარის წამოქცევას და გადაბრუნებას, რომელიც ტონაზე მეტი თუ არა, ნაკლები აღარ იქნებოდა.

სანამ ლეიტენანტში მიხმარების სურვილი დაიბადებოდა, ჯერ ზევრი რამ უნდა დაეძლია. ერთი რომ, იგი კანონის დამცველი იყო, იშხანი კი — კანონის დამრღვევი, ხოლო კანონის დამრღვევიც რომ არ ყოფილიყო, ეს მაინც ლეიტენანტი იყო, იშხანს კი სამხრეები არა ჰქონდა, იმით მაინც მიხვედრილიყავი, რა იყო და რას წარმოადგენდა; ყოველ შემთხვევაში, ლეიტენანტი არ იყო. მეორე კიდევ, ლეიტენანტს ჯერ უნდა ეფიქრა, რომ ეს ფეხის ფრჩხილებამდის დაძაგრული კაცი ცოდოა, რადგან ეჭიდება თავისზე ოცჯერ მეტ სიმძიმეს, რასაც კიდევ უფრო ამძიმებს ხარის გაძალიანება. მესამეც, ლეიტენანტს უნდა ეფიქრათ ისიც, რომ ეს ხარი მხოლოდ ცარიელი ხორცი კი არ არის, არამედ ხარია, ძალაა, სილამაზეა და აგერ, ეს სილამაზე მახინჯდება, იღუპება, გაბერილობისაგან სკდება. ამის გარდა, მეოთხეც, ლეიტენანტს უნდა ეფიქრა, რომ თუ ეს ხარი მოკვდება, ამ მელოტმა, საფეთქლებგატადარავებულმა და გაუპარსავმა კაცმა ისეთივე მძიმე საზღაურით უნდა ზღას, რა სიმძიმისაც ეს ხარია. არადა, ლეიტენანტს უნდა დაეძლია მიხმარების სურვილი ამხანაგ უფროსის შესაბამის გადაწყვეტილებამდე. ისე კი მისთვის ნათელი იყო: ახლა საჭირო იყო ხარის წაქცევა, დანარჩენი მერე გაირკვეოდა. იშხანს, რაც ჭკუასთან ახლო იყო, ყველაფერი უკვე გაეკეთებინა — რქებში თოკი ჩაება, პირ-ცხვირი ამოეკრა, ხარის უკანა მარცხენა ფეხზე შემოეტარებინა და ახლა

თოკს მარჯვენა მხარეს ექაჩებოდა. დანარჩენი ღონეზე იყო დამოკიდებული, აქ ღონე იყო გადამწონი. თუ არ ღონე, აქ სხვა ვერაფერი გამოგადგებოდა. ვერც ის, რომ, ვთქვათ, შენ იშხანი ხარ, გაქვს დაწყებითი განათლება, იცი, რა არის რუკა და რუკაზე კიდევ სსრკ-ს პოვნა შეგიძლია; ვერც ის, რომ მეტ-ნაკლებად გარკვეული ხარ საერთაშორისო მდგომარეობაში და, არცთუ მთლად კარგად, მაგრამ ასე თუ ისე მაინც იცი, ვინ არის ოვანეს თუმანიანი. აქ, სულ ცოტა, ხუთი წუთით, იქნებ ათი წუთით, თუ მარტოდმარტო შენი თავის ამარა იქნები, შეიძლება ერთი საათითაც, შენ უთანაბრდები ხარს, იზომები მისი საზომებით. და თუ გატეხე მისი წინააღმდეგობა, თუ დაამარცხე, მხოლოდ მაშინ იქცევი კაცად, იშხან, შენი ოვანეს თუმანიანითა და რუკიანად. ეს — როცა მარტო ხარ, ზოლო სამნი თუ ხართ, წუთის საქმეა.

— სხვა, მაგაზე უფრო ადვილი ზერხი არ იცი?

— როგორ არა, — ამოიხვნეშა იშხანმა, — მოდი, მიშველე, ორნი ვიქნებით და უფრო ადვილი იქნება.

ლეიტენანტი მოწყვეტით მივარდა და წამში მხარზე მოიგდო თოკი. მას ჯერ ცხოვრებაში თოკი არ გაეწია და არცთუ ვინმეს ესწავლებინა, ღონივრად რომ დაქაჩო, ბეჭზე მოგდება უმჯობესიაო, მაგრამ თოკს მაინც წელი მიუმარჯვა. ეს ალბათ ღონივრად გაწევის ერთ-ერთი ზერხია და კაცსაც თავისთავად მოგივა აზრად, სხვანაირად კი არა, სწორედ ასე გაქაჩო.

— გავწიეთ!

— შენ კისერი, კისერი... კისერი მოუგრიხე... დაუღუნე! დააწექ!.. ჰოპ!.. დაიჭი!.. იცოცხლე!.. უუუპ!..

ერთ წამს გაქვავდნენ და ხარიც ამოტრიალდა.

— მორჩა! — ლეიტენანტი გვერდზე გადგა, რომ კარგად დაჰკვირვებოდა იმ საქმეს, რისგან მონიჭებული თავისებური სიმძიმე, სიამოვნება, განსაკუთრებულობა და გარკვეულობაც მანამდე არც ერთი საქმისგან არ უგრძნია.

— თითქმის... მორჩა! — ამოიხვნეშა იშხანმა, — მაგრად დაიჭი! — მან თოკის ბოლო სერჟანტს მისცა ხელში, — ამას დაეხმარე, მარტო გაუძნელდება! — მერე ხარს უკანა ფეხები შეუკრა და თოკის წვერი ლეიტენანტს დააჭერინა, — არ გაუშვა, რაც უნდა იქნოს, არ გაუშვა! — თვითონ კი გახსნა დანა, მჯილზე გაისვ-გამოისვია, ხარს მუცელზე ის ადგილი უპოვა სადაც ძარღვშეყრილობა თხელია, და უცებ ტარამდი ჩასცა, — მაგრად დაიჭი, არ გაუშვა.

ხარის პირველმა შეტოკებამ ლეიტენანტს მკლავი მოაგლიჯა. მეორე შეტოკებამ დაარწმუნა, რომ მკლავი კი არ მოჰგლეჯია, ისევ მხარზე აქვს მიბმული, მაგრამ სტკივა. ლეიტენანტი გაიჭიფხა და ფეხები ისე მიახჩინა მიწას, გეგონება, ბადეს ეზიდებო. იშხანმა დანა ნელა-ნელა გამოაძრო და ხარს ჭრილობაში ლერწმის ღერი შეუყვანა. თითქოს ბურთი იჩუტებო, ისეთი შუილით დაიწყო გამოდენა ჰაერმა. იშხანმა გაიღიმა: — კარგი რამე მოვიგონე არა? მარტო ერთხელა მაქვს გაგონილი, ნახვით კი არ მინახავს. როგორ გამოდის, კაცო!..

ლეიტენანტს ეგონა, თითქოს ხარი იშხანისთვის იგივე იყო, რაც ღურგლისთვის ფიცარი; თითქოს იშხანს, რაკი თავი ჰქონდა ჩაღუნული და ხარს მთლიანად ვერა ხედავდა, დაავიწყდა ხარის ხარობა, როგორც

მიწაზე, მოსიარულე ადამიანები ვერ ხედავენ მთელ დედამიწას, თუმცა ზედ კი დადიან. და ახლა უფრო მეტად, ვიდრე მანამდე, ლეიტენანტს ხარი ტონა ან ტონაზე ცოტა უფრო ნაკლებ ხორცად ეჩვენებოდა.

— აბა, აბა, უპატრონო, იმის მაგივრად, რომ მადლობელი იყო, წიხლსაც იკვრევინები? სიცოცხლე შეგინარჩუნე, შე ხარბო და გაუგებელო, შე გაბერილო, შე გუდასტვირო შენა!.. აბა, ახლა კი წამოდექი, ხაროჯან!.. მახნო! — იშხანმა თვალები მოუხრისა, — ადექი. ასეე!.. ყოოჩად!.. ნახეთ, რა რქები აქვს... ახლა მომეხმარეთ, მეორეც წავაქციოთ და — კეთილი იყოს თქვენი მოსვლა!

— უშველის კი რამეს ეგა? — შეეკითხა ლეიტენანტი.

— არც მე ვიცი კარგად, უშველის თუ არა, მაგრამ რაღაცა ხომ უნდა ვიღონოთ. შეიძლება არც ეს იყოს დიდი რამე, მაგრამ სულ რომ გულზე ხელები დავიკრიბოთ, მაშინ სულ აღარაფერი გამოვა.

— მაშინ წავაქციოთ, — თქვა ლეიტენანტმა და თოკი აკრიფა.

— ეს დუმბოა, ცოტა არ იყოს გიჟია და მახნოზეც უფრო ღონიერია.

ხარს რომ კისერს უღრეცდნენ, ლეიტენანტმა თვალი ჰკიდა იშხანის გადმოცვივებულ თვალებსა და გალურჯებულ პირისახეს, დაწყევტაზე მისულ ძარღვებსა და წელში ჩამჯდარ-ჩაჭერილ თოკს, თვალი ჰკიდა, მოაგონდა, რა საქმეზეც იყო ამოსული მთებში და შერცხვა იმ საქმისა.

— ჰუ!..

— დაქაჩე, დაქაჩე, დაქა!.. მორჩა!..

ლეიტენანტს უკვე ეჩვენებოდა, თითქოს ამ მთებში მხოლოდ იმისთვის იყვნენ ამოსულნი, ხეწებით ემუშავათ, კმაყოფილებით ეცქირათ ირგვლივ და დასასვენებლად ჩამომსხდართ მადიანად ებოლებინათ პაპიროსი; დასასვენებლად ჩამოჯდომას ვამბობ, თორემ. აი, რა ჰქვია, საამოდ მოქანცულს რომ არც გედგომება, არც გეჯდომება, გინდა გულადმა გადაიშხლართო, წამოწვე და არც გეწოლება, წოლაც უადგილო გგონია.

— ყოველდღე ხარებს აქცევთ ხოლმე? — იკითხა ლეიტენანტმა და კითხვაც უადგილო იყო.

მერე ცხვრის მაწონი ჰამეს. ამის შემდეგ კი უყურებდნენ, როგორ ნელ-ნელა ეჩუტებოდათ ხარებს მუცლები და მთებზე როგორ ეშვებოდა ერთი ლამაზი, წყნარი საღამო.

— მგელი-რამე არის ხოლმე? — იკითხა ლეიტენანტმა.

მერე თანდათან დანარჩენმა მწყემსებმაც მოიყარეს თავი და გახდნენ ოცდაორნი. ასე რომ შეგროვდა მთელი საზოგადოება. მაძებარი ძაღლი, დახრჩობისაგან რომ ეხსნათ, გომში ჩაკეტეს. „ესეც კარგი ცხვარი ყოფილა“, — თქვა იმ მეცხვარემ, რომელმაც კარი მიუკეტა ძაღლს. ზავენმა ერთ-ერთ მეცხვარეს რაღაც დაავალა, რითაც გამოჩნდა, რომ იგი ფერმის გამგე იყო; და... ქვეყანა ხელად დაიყო მბრძანებლებად და აღმსრულებლებად. ლეიტენანტებად და არალეიტენანტებად, დამნაშავეებად და კანონის დამცველებად. თვითონ, ანუშავან ჰაკოფიანი, ლეიტენანტია და ამჟამად მწყემსებში, რაღა თქმა უნდა, სამსახურებრივი მოვალეობის გამო იმყოფება... იგი კარგა ხანს უხერხულად

იშმუშნებოდა, მერე კი, როგორც იყო, ამოღერდა:

— რატომ არ მეკითხებით, რაზე ვარ ამოსული?

— რამე სასიკეთო საქმეზე იქნები ამოსული, რაღა? — გაიცინა ზავენმა.

ძნელი ეს იყო, დაწყება იყო ძნელი. ამის შემდეგ ქვეყანა გაიყო დამკითხველებად და დასაკითხველებად.

— თქვენი სახელი და გვარი?

— ვითომ არ იცი! — ეწყინა იშხანს, — ვითომ არ მიცნობდე!

— გიცნობ, მაგრამ კანონი მოითხოვს, დაკითხვა გვარ-სახელის შეკითხვით დავიწყო.

— ანტონიანი იშხანი. ჩემი მძახლის ცხვრები იყო და შევჭამეთ. მერე ფული მივეცი და მორჩა. ჩაწერე!

— ცალ-ცალკე, იშხან!..

— სირცხვილია, ბიჭო! — გაწითლდა იშხანი.

— სახელმწიფო საქმეა, მძახალ-მძუხალი და სირცხვილ-მირცხვილი რას მიქვია?!

— მე შენი თავი არა მაქვს! — ხელი ჩაიქნია იშხანმა და გაბრუნდა.

— სერჟანტო სარქისიანო, მოიყვანეთ უკან!

კიტელის ჯიბის უძირო სიდრმეში, ერთმანეთში არეულ ათასგვარ ხარახურაში: სიგარეტის კოლოფსა, ასანთსა, სახლის გასაღებსა, ნამღვრა ფანქარსა, უბის წიგნაკსა, დილსა, ძაღლის ჯაჭვის ბოქლომსა და სასტვენში სერჟანტი გამალებით ეძებდა სასტვენს. როცა იპოვა, ამოიღო, იკრა პირში და დაუსტვინა. მეცხვარეებში ხარხარმა იფეთქა.

— შესდექ!

იშხანი, როგორც ჩანდა, იქავე ახლოს ქვაზე ჩამოსაჯდომად მიდიოდა.

— დადექი, გესვრი! — იშხანი არ შემდგარა, — გაფრთხილებ, გესვრი!

ასეთ შემთხვევაში ჩვეულებრივ არ ისვრიან. ასეთ შემთხვევაში მილიციელი დგება და ბუდიდან იარაღის ამოღებლად მიიბრუნს დასაპატიმრებელთან. ასე რომ არც ამ ჩვენს მილიციელს უსროლია როდისმე; რაკი არ უსროლია, არც ჩვეულებად ჰქცევია, უჩვევ-უცადი რაიმე კი კაცს ხელად აბნევს და აშეშმიშებს. ან იქნებ კარგიც არის, რომ სროლამდის რამდენიმე საქმის შესრულება გიხდება: ჯერ ხელი უკან უნდა წაიღო... ბუდე გახსნა... რევოლვერი ამოიღო... ჩახმახი შეაყენო... მანამდის შეიძლება რამე მოხდეს და დამშვიდდეს კიდევ კაცი.

იშხანი ქვაზე ჩამოჯდა. რაღაც წამიერი ქვეშეცნებით მილიციელმა წარმოიდგინა, რომ ეს დაჯდომა „შესდექ“ ბრძანების შესრულება იყო. ამის შემდეგ უკვე იცი, რაც უნდა გააკეთო. მიიბრუნ მასთან, ხელებს გადაუგრეხ და მილიციის განყოფილებაში მიიყვან. ეს — ქალაქში, მაგრამ მთაში როგორღა უნდა მოიქცე? ინსტრუქციის არც ერთი მუხლი ამაზე არაფერს ამბობს და, აჰა, ჩვენმა მილიციელმა ღირსეულად შეიტანა ეს ახალი მუხლიც — დაჭერილს ხელი მოჰკიდა და მის პირვანდელ ადგილზე, ცეცხლთან დააბრუნა. აი, სწორედ აქ მოხდა ერთი ისეთი ამბავი, რასთანაც ლეიტენანტი კი არა, მაიორიც რომ იყო, ვერაფერს გააწყობ — მილიციელს ქუდი დაუგორდა. ქუდი მრგვალი იყო, შიგნით კიდევ ფოლადის ფურცლის რკალი ჰქონდა და ფერდაც დაქანებული იყო, ნაღდი ქუდის დასაგორებელი ადგილი. ასე რომ ქუდი დაგორდა. ხტომა-ხტომით წავიდა, იხტუნავა, იხტუნავა,

მერე შედგა, ცოტა დაფიქრდა და კლდიდან გადაფრინდა.

— დაუსტვინე. დაუსტვინე! — ჩაიქირქილა ძია ავაგმა.

ყველანი უკან გაეკიდნენ. ქუდი შუა კლდეზე ასკილის ტოტზე ჩამოკონწიალებულიყო. ერთი სიტყვით, ჯერ იქიდან ხევში უნდა ჩაეგდოთ და მერე ხევიდან ამოეტანათ, რომ თავზე დაეხურა. ხევში რიდათი უნდა ჩაეგდოთ? ცხადია, რაიმე ბლავი საგანი უნდა მოერთყათ, ამ შემთხვევაში — ქვა. აი, აქ იყო, რომ ყველაზე ღორმუცელა მწყემსი პავლე წამში პავლე მაიორად იქცა.

— სერჟანტო სარქისიანო, მანძილი — ხუთასი მეტრი, კუთხე — ოცდათხუთმეტი გრადუსი, ცეცხლი — ორი საკონტროლო გასროლით! ცეცხლი! გაიმეორეთ!

— პლიუს! — თქვა ძია ავაგმა.

ჯერ რიგ-რიგად ესროდნენ, მერე ყველანი ერთად, ლეიტენანტიც, სერჟანტიც, მაიორი პავლეცა და ყველა მწყემსიც ერთად. ქუდი შეტოვდა, მაგრამ ასკილს მაგრად ეჭირა და ძალიანაც უხდებოდა. თავი მოიკლა და არ დათმო ასკილმა ქუდი.

ის ქუდი დღესაც იმ ასკილზე ჰკიდია, გახუნებული და დახეულ-დაბლრენძილი. ხანდახან მწყემსები თუ ჩავლენ საყურებლად და მაშინ რომელიმე ძველი მწყემსი ახლებს უყვება იმ მხიარული საღამოს ამბავს. (ქუდის შესახებ ოქმში ასეა ჩაწერილი: „მოქალაქე იშხან ანტონიანმა, როცა იგი სერჟანტ სარქისიანს აჰყავდა, მკვეთრი მოძრაობა გააკეთა, რის შედეგადაც სერჟანტ სარქისიანის ქუდი იმავე სერჟანტ სარქისიანს თავიდან მოსტყვრა და ხევში დაგორდა. მისი პოვნის ყოველი ჩვენი ცდა უშედეგოდ დამთავრდა“).

ბოლოს, როგორც იქნა, ისევ დაბრუნდნენ „განყოფილებაში“ და დაკითხვაც გაგრძელდა.

— ცხვრები აქედან არსადაც არ წასულან! — ადვილად რომ ვერ გაცურებ, იმ კაცის ღიმილით თქვა ლეიტენანტმა.

— თავს რასაც დაატრი, ის ვედარსადაც ვერ წავა! — მიუგო მისი ულოგიკობით განცვიფრებულმა იშხანმა, — მაგას ლაპარაკილა უნდა?!

— შენ მხოლოდ კითხვაზე უნდა მიპასუხო.

— ჩვენი რევაზის ცხვრები იყო.

— კითხვაზე მიპასუხე.

— კაცო, ძალიან აჭიანურებ, აი, ამხანაგო ლეიტენანტო. დავკალით და შევჭამეთ, მორჩა, გათავდა. ის კაცი ჩვენ არ გვიჩივის, ჩვენ — იმას. ასაკოვანი კაცი ხარ, ბავშვურ რალაცეებს კი გამოჰკიდებიხარ.

— ეს კაცის ქუდსაც არცხვენს, — დაუმატა პავლემ.

ძია ავაგმა თავისი ფაფახი ჩამოარქვა მილიციელს, უფრო სწორად — მილიციელის თავი დაიმალა ფაფახში, — ჩვენს მთებში ცივა, ბიჭო, თუ ერთი გასცივდი, მერე შენი გამობრუნება აღარ იქნება.

— თავს პატივი ეცი, ძიაკაცო, — გაწითლდა მილიციონერი.

— დაუსტვინე, დაუსტვინე. — მუჯლუგუნი წაჰკრა გვერდით მჯდომარე ჩუმჩუმელა ვანიმ.

— მართლა, რა იქნება, ბიჭო, ეგ სასტვენი ჩვენ გვაჩუქო? — უთხრა ძია ავაგმა.

— სასტვენი კი არა, ნაგანი, ნაგანი! — მწყემსები მისწი-მოსწია საჭომ, — ნაგანი სთხოვეთ!

— დაიშაღენით! — იღრიალა ერთიანად გაწითლებულმა ლეიტენანტმა, რამდენიმე ნაბიჯით უკან მიდგა და ხელი რევოლვერძვეს წაიღო.

— მე არ გეხუმრებით, ამხანაგო ლეიტენანტო. თუნდაც რამდენიმე დღით გვათხოვე. ბაგრატა, იცი თუ არა შენა, რომ თოფს იცნობს და გაურბის, კომბლისაგან ანსხვავებს. მარტო ბაგრატა კი არა, ჩვენი მგლები ყველანიც კარგადა სცნობენ თოფსა, — და მწყემსები გარს შემოერთყნენ ლეიტენანტს: — ნაგანი! ნაგანი!.. ბაგრატა მგელმა ოთხასი ცხვარი შეგვიჭამა... ნაგანი, ამხანაგო ლეიტენანტო!

— ცხადია, თქვენ რევოლვერს ვერ მიიღებთ, ასეთი ბრძანება არა მაქვს! — თქვა ლეიტენანტმა, — ოფიციალური დაკითხვა გრძელდება, ზედმეტი ხალხი დაიშალოს!

— აქ ზედმეტი ხალხი არავინ არის, — თქვა ზავენმა. სიტყვამ მოიტანა და, მან თავი ველარ შეიცავა: — ზედმეტი შენა ხარ. შენ კაცი კაცი არა ხარ, ცუდი კაცი ხარ და მოდი, წადი აქედან. გზა ხსნილი გაქვს. წადი. მიხედეთ თქვენს საქმეს, აქ არავინ დარჩეს! — მიუბრუნდა მწყემსებს.

— შენ, მოიცა... შენ ვის ელაპარაკები ეგრე? — მიუახლოვდა მას ლეიტენანტი, — იცი თუ არა...

— ნუ მიშლი, — ზავენმა მხრით მოიშორა იგი და მარილის ტომარას შეუჯდა, — ერთი, აკიდება მიშველე! — მიმართა იმდენ ხალხში რომელიდაცას. ლეიტენანტი ყველაზე ახლოს იყო, დაიხარა და უშველა. ტომარა მძიმე იყო და ორივეს კისრის ძარღვები დაებერა.

— იცოცხლე! — თქვა ზავენმა და ცხრადმოხრილი, მუხლებგადრეკილი, გეგონება, უკანიდან საცემრად მისდევნო, თითქმის გაიქცასავით გომებისაკენ. — საქო! — ტომარა აკიდებულმა გასძახა საქოს, — ძაღლების სალაფავი ერთ საათში მზად იყოს! — და ალბათ იგრძნო, ეს რაღაც ბრძანე-

ბასავით გამომივიდაო, ტვირთიანად ერთხელ კიდევ მიუბრუნდა მოხუც მეცხვარეს: — მარილი—თავის ალაგას, ქონი — თავის ალაგას! ისეთი სალაფავი გაუკეთე, თუ დაგვჭირდა, ჩვენცა ვჭამოთ... — დანარჩენი პურტყუნითა თქვა და რაღაც უხილავი ძალით დევნილი მძიმე ტვირთიანად კვლავ გომისაკენ წაძუნძულდა.

ეს წამი შენივთდა და სამარადისოდ დარჩა ლეიტენანტის ცნობიერებაში. „ტვირთაკიდებული ხუმრობდა“...

— ასეა საქმე, სერჟანტო სარქისიანო, — სიგარეტს მოუკიდა ლეიტენანტმა, — ერთი გახედე, რა საძოვრები აქვთ, რა ცხვარი ჰყავთ!

— ჰაერი, ამხანაგო ლეიტენანტო, ჰაერი?..

— ჰაერიც, წყალიც... ყველაფერი! ფუჰ, ჭუჭყიან ქალაქში, ჭარხნების ბოლში, პირში პაპიროსგაჩრილი... ფუჰ!.. სხვამ ცხვარი ჭამოს, და შენ წადი, ამოწმე, ცხვარი რამდენი წლისა იყო, რამდენმა შეჭამა, პირველი მწვადი ვინ ჩაიდო... ჯანდაბას, შეჭამეს თუ არ შეჭამეს! თვითონ გამოზარდეს და თვითონვე შეჭამეს, შენ აქ ვისი ტიკი-ტომარა ხარ?!.. ძნელია, სერჟანტო სარქისიანო, ლეიტენანტის საქმე, ძნელი... ნახე, რამდენი მარილი აიკიდა? შენ აიკიდებ მაგდენს?

სერჟანტი კი გზადაგზა ფიქრობდა, თუ ვინ და რატომ მოიგონა ეს სერჟანტობა და ლეიტენანტობა... ალბათ იმიტომ მოიგონეს, რომ ყველას და ყველაფერს თავისი სახელი ერქვას, ერთმანეთში გარჩევა იყოს. მაგრამ რატომ არის, მილიციელს რომ ქუდი ახურავს, მწყემსს კი — ფაფახი; რატომ არის, რომ მილიციელს თუ მწყემსის ფაფახს დაახურავ, ყველანი ახარხარდებიან და, პირიქით, მწყემსს თუ მილიციელის

ქუდს დაახურავ, მაინც ხარხარებენ.

— ამხანაგო ლეიტენანტო, რასაც ამბობთ, ეგ მართალია, მაგრამ თქვენ თვითონ მწყემსი თუ ყოფილხართ, ამხანაგო ლეიტენანტო?

— იქნებ ვყოფილვარ კიდევ, არ მახსოვს. ბავშვობა, მწყემსობა, ასეთი რამეები არ მახსოვს. ერთს უთქვამს, სჯობს ხვალისათვის ვიფიქროთ, ვიდრე წამდაუწუმ ვიხსენოთ, ბავშვობაში რომ საჯდომგამოხეულებს გვითვალთ. წაგიკითხავს ასეთი რამე, სერჟანტო სარქისიანო? არ წაგიკითხავს. ეს კი ნამდვილად ასეა. შენ თუ შენს გასაყეთებულს იცნობ, ის — თავისას, მე კი — ჩემსას, არც ერთის უბანში ქურობა აღარ იქნება. ხოლო შენ რომ შენი ბავშვობის დღეები იხსენო, მე — ჩემი და იმან კიდევ — თავისი, მაშინ მთებში ხვნეშა-ქოშინით სიარული და იქიდან კიდევ დაუმთავრებელი ოქმით წამოსვლა მოგიწევს.

— ასეა, ამხანაგო ლეიტენანტო. აი, მე კი ვყოფილვარ მწყემსი, ამხანაგო ლეიტენანტო. შეერეოდა ბატკანი ცხვარსა და — მეე! მეე!.. იყო ერთი ამბავი!.. ახლა რომ ვიგონებ, ამხანაგო ლეიტენანტო, როგორღაც მენატრება და მედარდება ხოლმე.

ორი დღის შემდეგ ანტარამეჯში ტელეფონმა დარეკა. ყურმილში რომ ზედმეტი ხმა და ხმაურა არ ისმოდა, ეს დარეკვის ოფიციალურობას მოწმობდა. არადა სულაც არ კითხულობდნენ რაიმე ოფიციალურს.

— ხარები როგორ არიან, მახნო და ღუმბო?

თავმჯდომარე დაიბნა: — ალო, ვინ კითხულობს?

— აკოფიანი, ლეიტენანტი აკოფიანი!

— ალო, ანაპიტ, გეტამეჯო, ხაზი აირია, მეკითხებიან და არ მესმის!

— ალო, ანტარამეჯო, ხაზები არ არეულან, მე მესმის, შენ არ გესმის?

— გისმენთ, გისმენთ, ილაპარაკეთ!

— ხარები როგორ არიან, მახნო და ღუმბო?

— ალო, გეტამეჯო. ანაპიტ, ხაზები აირია!

— არ არეულან, არა, კითხვაზე მიბასუხე!

— რას ამბობს, რა ვუბასუხო, ანაპიტ?

— გეკითხება, ხარები როგორ არიანო.

— ხარები კარგად არიან. ალო... ვინ კითხულობს?

— ლეიტენანტი აკოფიანი. ორი დღის წინ თქვენს მთებში ვიყავი, დაბერილიყვნენ, შემეცოდა.

თავმჯდომარეს მოეჩვენა, ეს ლეიტენანტი კი არა, მეურმე არისო; ურმით ფქვილი თუ მიაქვს შორეულ სოფელში და, ალბათ, ურემს თვალი გამოუძვრათ.

— ალო, აკოფიან, გისმენ: ერთი ხარი გამოკეთდა, მეორის მორჩენის იმედი აღარა გვქონდა და დაეკალით.

— აფსუს, აფსუს, რა ხარი იყო?! იშხანი როგორღაა. რას აცუთებს? ცოდოა იშხანი, ასეთი მძიმე ზარალი რომ... ზღავს კი? ცოდოა, რამე უშველეთ.

— შენ იშხანის ნათესავი ხარ?

— არა, ნათესავი არა ვარ, ორი დღის წინ მთაში გავიცანი და ეგ არის. დიდი ოჯახი აქვს ალბათ, არა?

— არა, არც ოჯახი აქვს დიდი და არც უქონელია. ზარალი კი სათქმელადაც არა ღირს. ხორცი ხორცად გაიყიდა და რაღაც ორიოდე კაპიკი განსხვავება იყო, ისიც ამხანაგურად დაფარეს ერთობლივ.

— ერთი სიტყვით, კარგადაა ყოფილა. მწყემსებს სალაში გადაეცი ჩემგან, უთხარ, ლეიტენანტმა აკო-

ფიანმა ძალიან მოგიკითხათ-თქო. არშო, თქვენსოფლელი, ჭორსა ჰყრის, თითქოს იმ ცხვრების მწვადი მეჭამოს. რა ვუყოთ, კუზიანს სამარე გაასწორებს. უფროსი კარგი კაცია, იქნებ საქმე დახუროს კიდევ. ჩემი აზრით კი, ასე მგონია, დაიხურობა თუ არ დაიხურობა, იქ საქმე არა არის რა. იშხანი მომიკითხე! უთხარ, ლეიტენანტმა აკოფიანმა რაიონიდან საკუთრად დაგირეკა და მოგიკითხა-თქო. ჰო, თუ კიდევ მოვიდეს ვინმე ცხვრების საქმეზე, მთაში გაგზავნეთ და ხარები წააქცევინეთ... ჰე-ჰე-ჰე... გაიგე? გაგზავნე და ეჭიდაონ ხარებს, ნახონ, როგორია... წელი, ჰე-ჰე-ჰე-ჰე-ჰე, ჯერ ისევა მტკიცვა...

6

„ჰე-ჰე-ჰე-ჰე. გესმით? გაგზავნეთ, წავიდეს. ხარები აქციოს“, მაგრამ მოწმენდილზე დაიქუხა და ანტარამეჯში ჩამოვიდა იგივე ანუშავან აკოფიანი.

— მოდი, მოდი, — თავისი კლდის ქიმიდან თაფლზე დაჰპატიჟა ცხვირზე სათვალეწამოდებულმა მოხუცმა მეფუტკრემ.

ის ვილაცასა თუ რაღაცაზე იყო ნაწყენი, მოხუცისთვის ყურიც არ უთხოვებია, პირდაპირ სოფლსაბჭოსკენ გასწია. რა მისი ბრალია. არშომ უფროსთან, ვინ იცის, რაები არ მოუგონა, თითქოს აკოფიანს ქრთამი აეღოს და მწყემსებთან ერთად ხარი დაეკლას. უფროსმა კიდევ: „აკოფიან, თუ ამ საქმეში სუფთა ხარ, დამიმტკიცე“. — „ამხანაგო მაიორო, ეგ ქურდობა არ არის. მეც არ ვიცი, რა ჯანაბაა, მაგრამ ქურდობად მაინც არ ჩაითვლება“. — „თქვენ ხარი დაგიკლავთ, ლეიტე-

ნანტო აკოფიანო, თითქოსდა კარტოფილისგან გაბერილი ხარი“. — „ვინ მოიგონა, რომელი ხარი, რას ამბობთ?“... — „ყოველ შემთხვევაში, რაღაცას მაინც დაჰკლავდით. ეს რა მთვრალის დაწერილი ოქმია! შენ წაგიკითხავს შენი შედგენილი ოქმი? ლეიტენანტო აკოფიანო, წადი და დაამტკიცე, რომ ლეიტენანტი ხარ!“

— ასეა, — სიგარეტი საფერფლეში ჩასრისა ლეიტენანტმა, — დავამტკიცებ, რომ თქვენებმა ქურდობა ჩაიდინეს. დაიბარეთ იშხანი. მე ველოდები.

ლეიტენანტს არ შია და, თუ მოვიდა, სასადილოშიც კარგად ისაღილებს. ლეიტენანტს ფულიც საკმაო აქვს ჯიბეში და თუ გნებავთ, თქვენც გაგიმასპინძლებათ... ისე კი, საერთოდ, ნუ ეთამაშებით ლეიტენანტის სახელსა და ლუკმაპურს. თუ რაიმეთი უკმაყოფილონი ხართ, ისევ თქვენი თავით იყავით უკმაყოფილონი, რომ საკუთარი ღირსების დაცვა არ შეგიძლიათ, თორემ რამდენადაც ლეიტენანტისთვის ცნობილია, არსად წერია, დანაშაული არ უნდა დაისაჯოს.

და გავარდა მეხი ცამოწმენდილზე.

— კეთილი იყოს შენი ფეხი ჩვენს ოჯახში! — თქვა იშხანმა სოფლსაბჭოში შესვლისას.

— დაჯექი.

— მორცხვი არა ვარ, დავჯდები. ბიჭო, თავმჯდომარე, ეს შენი საბჭო ძალიან მეფუტრად მოგიწყვია... სკამები დილიჯნისა გაქვს? თუ დილიჯნისა ეგრე რიგად არ მოგწონს?

— თქვენ გარეთ არაფერი საქმე არა გაქვთ? — შეეკითხა ლეიტენანტი სოფლსაბჭოს თავმჯდომარეს.

— მაქვს, — წამოდგა თავმჯდომარე და გაწითლდა.

— ბიჭო, შენი წასვლის შემდეგ...

— მხოლოდ შეკითხვებზე მიბასუხე, — მოუჭრა ლეიტენანტმა, — მე სულაც არა მსურს, ექვსი დღე ვიყიადო აქ.

— რათა, ჩვენი სოფელი არ მოგწონს? — შეეკითხა იშხანი.

— მხოლოდ და მხოლოდ კითხვებზე მიბასუხეთ.

— ჰო, მთავრობასთან პირისპირ დავრჩენილვარ.

— ქურდობის საქმეზე გამოგიძახე, იშხან.

ლეიტენანტის სამხრეებიანი კაცი-საგან თავისი სახელის მოსმენა იშხანს ესიამოვნა. ის იღიმებოდა, მაგრამ უცებ შეცბუნდა.

— რომელი ქურდობა, რას ამბობ?

— რომელი და — ცხვრებისა.

— შეურაცხყოფას ნუ მაყენებ.

— შეურაცხყოფას შენ თვითონ აყენებ საკუთარ თავს.

— მე ჩემი თავის მტერი არა ვარ.

— ქურდობა კი ჩაიდინე და!

— ქურდები სხვები არიან.

— ხომ შენ დაკალი?

— უარს არ ვამბობ.

— მაშ, ქურდიც შენა ხარ.

— შეურაცხყოფას ნუ მაყენებ.

— მაშინ თუ უფრთხილდებოდით თავმოყვარეობას, იშხან ანტონიანო, სხვის ცხვრებს როცა კლავდით?

— თვითონაც იცი, ამხანაგო ლეიტენანტო, მართალია, იმ ცხვრებს თავდაპირველად სხვისობა ეთქმოდა, მაგრამ მერე პატრონიც მოვიდა, ვილაპარაკეთ და გავათავეთ. ეგ საქმე გაირკვა და მორჩა უკვე.

— პირიქით, ახლა იწყება, იშხან.

— თუ მოინდომებთ, არ დაიწყებთ, ამხანაგო ლეიტენანტო.

— ჩემს ნდომაზე აღარ არის, კანონზეა, იშხან.

მისი პირიდან თავისი სახელის გა-

გონება იშხანს ისევ ესიამოვნა და ღირსეულადვე მიაგო:

— ამხანაგო ლეიტენანტო, კანონი შენს ხელშია, ამხანაგო აკოფიანო.

სიამოვნებამ წამით ლეიტენანტსაც შეუღიტირა, მაგრამ მეორე წამშივე მოაგონდა ის „მთვრალის ოქმი“, თვალები დახუჭა და ყოველგვარი მოფერების გარეშე უპასუხა:

— მეც კანონის ხელში ვარ, იშხან ჯან, შენც კანონის ხელში ხარ, ყველანი კანონის ხელში ვართ. კანონ-ნის! მე რომ არ ვიყო და შენ რომ არ იყო, კანონი მაინც იქნება, კანონი! დანაშაულს თუ ჩადიხარ, პასუხიც უნდა აგო! ასეა, კანონის მომგონიც კი აგებს თავისი მონაგონის წინაშე პასუხს, კანონი ყველაზე უმაღლესია.

ლოგიკური ჩამოყალიბება კარგად გამოსდიოდა და მას თანდათან თავისი ხმაც მოსწონდა. ისე რომ მან თავი დიდად წარმოიდგინა, იშხანი კი თითქოს ბავშვი იყო მის წინაშე.

— ასეა, გაიგე, იშხან ანტონიანო! ერთხანს ჩუმად იყვნენ, მერე იშხანმა ამოიოხრა და თქვა:

— ეჰ, შენი საქმეც ძნელია, ამხანაგო ლეიტენანტო.

— მაშასადამე, მარტო არ ყოფილხარ.

— მარტო არ ვყოფილვარ.

— ვინ იყვნენ შენთან?

იშხანმა საწყლად გაიღიმა და მოსინჯა: — ყველანი!

— ვინ ყველანი?

— კაცო... — ვთქვა თუ არა ვთქვავო, სკამზე ირწეოდა და უცებ ლეიტენანტის შუბლზე ნაჭრილობევი შენიშნა. ნაჭრილობევი სტეფანე ძიას მელოტი თავი მოაგონა, ხოლო მსგავსებამ იშხანის პირდაპირ მჯდარი ლეიტენანტი იშხანის მსგავს კაცად აქცია, — სახელებს არ გეტყვი-

დაწერე, იშხანმა დაკლა და ყველამ ერთად ჭამეს-ოქო.

— ბოლოს და ბოლოს ერთმანეთს გავუგეთ. აი, იშხან!

— სახელები რომ გითხრა, ცუდ საქმეში გავეხვევი, ამხანაგო ლეიტენანტო.

— ნუ გეშინია, იშხან, მოსამართლე ჩემი ნაცნობია, ველაპარაკები. იქნებ გიშველოს რამე.

— ე. თუ მოსამართლემდის მივა საქმე, მაშინ... არა, სახელებს არ ვიტყვი. მე დავკალი, ბიჭებმა ჭამეს. მეცა ვჭამე, რევანმაც ჭამა, ყველამა ვჭამეთ.

— კაცო, მაგ ყველას სახელები არა ჰქვიათ?

— კარგი. ე. ამხანაგო ლეიტენანტო, ნუ მაიძულებ, როგორ არა ჰქვიათ, მაგრამ რაღა მაინცდამაინც ჩემგან გინდა გაიგო? ხომ გაგიგია, — ვითომ დააშინა იშხანმა, — ხალხს უთქვამს: „მწყემსის სიტყვა სიტყვაა, თუ ერთი თქვა, სახელებს არ ვიტყვი, არასდიდებით აღარ იტყვისო“.

— იტყვის, იშხან, იტყვის.

— ანდაზა კი ეგრე ამბობს და!

— ეგ ანდაზა შენი მოგონილია, იშხან!

— ჰა, ჰა, ჰა, ჰა... მიმიხვდი? მე მეგონა, ვერ მიმიხვდებოდი, პატიოსნად გეუბნები, კაი კაცი ხარ, აი, ამხანაგო ლეიტენანტო!.. როგორ მიმიხვდა, კაცო?!.. — ისევ გაიცინა იშხანმა, — ანდაზა შენ მოიგონეო... ვაი, ამხანაგო ლეიტენანტო, ამხანაგო ლეიტენანტო!.. მეუბნება... მოდი, ამხანაგო ლეიტენანტო, მაგ სახელებს მოეშვი.

— ღობე-ყორეს ნუ ედები, იშხან.

— არაფერსაც არ ვედები, ამხანაგო, ლეიტენანტო, კაცურად გეუბნები, სახელებს არ გეტყვი.

— მეტყვი.

— თუკი მაიძულებ, გეტყვი. მაგრამ შენ კაი კაცი ხარ და არ მაიძულებ.

— არ გაიძულებ. შენ შენი ნებით მეტყვი.

— თუ ნებაზე მიდგა, ჩემი ნებით არ გეტყვი.

— ნებით არი და ნებით იტყვი, იშხან.

— რაც არ უნდა მოხდეს, არ ვიტყვი და არა. ჩემგან ვერ გაიგებთ.

იშხანი გრძნობდა, რომ ამ ვითომცდა ჭიუტობით მხოლოდ ორი-ოდე წუთით თუ იგრძელებდა სათქმელს; გრძნობდა, რომ ახლა ლეიტენანტი ღიმის მოისხებდა და ისიც იმავე წუთში ჩამოფეცავდა ყველაფერს.

— კაცო, აკოფიან-ჯან... კაცს სინდისი უნდა ჰქონდეს, თორემ...

— იშხან! — ლეიტენანტი აღგა, შაპიროსს მოუკიდა და საწერ მაგიდას მოუარა: — აბა, გვარებითა და სახელებით!...

— კაცო, ნუ მაიძულებ, რაღა!..

ერთ წელიწადს, ორმოცდარვაში თუ ორმოცდაცხრაში, გომიდან დაიკარგა ავაგის ფაშატი. ეგონათ, არ დაიკარგებოდა, სადმე ახლომახლოს იქნება და გამოჩნდებაო, რომ სასაფლაოზე დაბმული თავმჯდომარის საჯდომი ულაყიც გაქრა. ჯერ ხალხს ესეც არ შეეტყო ხეირიანად და, ახლა კიდევ ჰერიქნაზ ბებიას კამეჩი დაიკარგა. ორი დღის შემდეგ გეტამეჯელთა ფარებს სამასი სული ცხვარი დასხლიტეს. ხალხი ერთმანეთს ეცა. ერთი თვის მერე ხმა გავარდა, ქურდი შეიპყრესო — ცნობილი ქურდი, სახელად მიკო, სამჯერ თუ ოთხჯერ ციხეში ნაჯდომი.

როცა ამ ამბავს ჰყვებოდნენ, სადამო იყო, წვრილი წვიმა სცრიდა,

მთელ თვეს რომ აღარ გადაიღებს, სანამ მიწას ჭაობის სუნი არ დაჰყრავს, ნაბადი ქვასავით არ დამძიმდება და ძაღლებიც არ დაიყინებიან — ისეთი. ცეცხლს მიფიცებულნი იშხანი ფეხებს ერთმანეთზე უსვამდა და უსმენდა; მთხრობელი კი ჰყვებოდა, იმ ქურდს ფეხის კოჭები აღარა აქვს, გამომძიებელს დაკითხვისას დაუმტკრევიაო. გამომძიებელს უბრძანებია, ადექი, ფეხები გან-გან გადგი, ზელები საწერ მაგიდას ჩაავლე და არ გაინძრეო. მერე მისდგომია და იმ ხმელ კოჭებში ჩექმის წვერით იმდენი ურტყამს, ტყავქვეშ ბურღულივით ჩაუშლიაო კოჭები.

— ვააა!

— ტო, იმის დედაც!... — ცხენის ჯავრი არ ასვენებდა ავაგს და ლანძღვით გულს ვერ იოხებდა.

იშხანს ფეხები სტკიოდა, რევმატიზმი აღონებდა. კოჭებიდან ზევით ასდევდა ძვლებსა და ისევ კოჭებში ჩამოუცოცდებოდა. იშხანი სანაძღვოს დებდა, სახსრების რევმატიზმი ავადმყოფობა არ არის, ცოცხალი არსებაა, გველივით ცივი და გველივით ძარღვიანიო. დაცოცავს ის ოხერი. შენს კანქვეშ, ავა და ჩავა; შეგიძლია ხელიც დაიდო იმ ადგილას, სადაცა გზრავს და თითებით იგრძნო მისი ძარღვიანი გამყინავობაო. და იშხანს ეძალებოდა დაუძლეველი სურვილი დანა აედო, იმ ადგილას კანი გაეფატრა და გარეთ გამოეთრია ის მცოცავი საშინელება.

საწყალი კაცი გამწარებით იზელდა ფეხებს და ოხრავდა.

— უუუ... ფეხის ტკივილი სხვა ყოფილა, ძმაო... — ტკივილი კი არა, მკვლელია პირდაპირ... მომკლა კაცი... მკლავებში რომ მოემტვრია, კიდევ აიტანდა კაცი. მაგრამ ფეხის

გამხმარ ძვლებს რომ ამტვრევდა... უუუ... კოჭებიიი!..

— ისიც ნუ იჭურღებდა, — ამბობდა ავაგი, — არა, შვიდ წელიწადს იმისთვის ვინახე ის ფაშატი, რომ იმას კიდევ... ტო, მოწყდეს, იმისი!..

ლეიტენანტი ღიმილით დაჯდა. იშხანი მადლობელი იყო იმ ღიმილისათვისაც და დაჯდომისათვისაც.

— ჰოდა, ეგრე იყო: მოვიდნენ, შეერივნენ, ცხვარს მოჰყვნენ ფარეხში. ბიჭებისთვის არაფერი გამიგებინებია. ვფიქრობ, სანამ დავიძინებ, კრინტს არ დავძრავ და როცა დამეძინება, მაშინ ხომ სულ აღარას ვიტყვი-მეთქი. ასე რომ, სანამ გამეღვიძება, ღრო გაივლის და ამასობაში პატრონიც მოაკითხავს-მეთქი. მე ამ ფიქრებში ვარ და, გავიხედოთ, ეს ჩვენი ჰერცოგი ქვაზე არ წამოპოლორჭიკებულა: „ჰაი, იაგო. მე შენი ასე და ისეო; ჰაი, შე თხაწვეოავ. შე ეშმაკის ნახსლეტო, იაგოო!“ ერთი სიტყვით, აღარ მაძინებს, რაღა...

— ჰერცოგი ვინლაა?

— ვინა და, ზავენი. მარილი რომ აიკიდა, ისა. ვენეციელ ჰერცოგს ვეძახით. ...ასულა იმ ლოდზე და წარმოთქვამს... რას ამბობდა, ბიჭო, დაიცა, გავიხსენო!.. ეჰ, გადამავიწყდა...

— იაგო ვინლაა?

— რა ვიცი, ჩვენში ეგეთი არავინ არის.

— მაშ, ზავენი ვისზე ამბობდა, იაგო. შე თხაწვერაო?

— ეგ წარმოთქმაშია. რას წარმოთქვამდა, კაცო, რომ ვერა და ვერა მოვიგონე!

— ეგ არაფერი, — უთხრა ლეი-

ტენანტმა, — მაშასადამე, გადმო-
დგარა ქვაზე და წარმოთქვამს, არა?
მერედა რა არის მაგაში ცუდი?

— არა, პირიქით, — მოწყალედ
გაიღიმა იშხანმა, — ძალიან კარგი
რამეა. მახსოვს კიდევ, მარტო ქა-
ლაქის სახელი დამავიწყდა, სადაც,
ამბობს, სტაცა ყანყრატოში ხელი იმ
წინადაცვეთილ ძალს და დაახრჩო
აასევეო! მე იმასავით კარგად ვერ
ვამბობ, ზავენი ძალიან კარგად წარ-
მოთქვამს. ქალაქი კი ის ქალაქია,
საიდანაც სომხები მოდიან ხოლმე.

— პარიზი.

— არა, პარიზი ბევრჯერ გამი-
გია.

— ლონდონი, — ღიმილით შე-
ახსენა ლეიტენანტმა.

— არა, დამაცა, მე თვითონ მო-
ვიგონებ.

— მაშ, ნიუ-იორკი იქნება.

— ააარა.

— მოსკოვი.

— ე, სირცხვილი არ არის, მოს-
კოვი დამავიწყდეს?! აი, საიდანაც
სომხები მოდიან, სომხები, სამშობ-
ლოში დაბრუნებულნი!

— ნამდვილად, ბერლინი იქ-
ნება.

— არც ბერლინი. ვიცი ეგეც.
აბრაჰამი და ჰამო ომში ნამყოფები
არიან, ბერლინიც უნახავთ და ბევ-
რი რამეც მოუყოლიათ.

— აბრაჰამიც თქვენთან იყო?

— არა, აბრაჰამი გონებრივ შრო-
მას ეწევა. ინგალიდია, კლუბში მუ-
შაობს.

— ჰამოც გონებრივ შრომას
ეწევა? — ჩუმად ჩაიცინა ლეიტე-
ნანტმა.

— არა, პარტიულს. ეგ ფერმაში
არ მუშაობს. ერთიცა და მეორეც
ფერმაში არ მუშაობენ.

— კარგი, ფერმაში ვინდა მუშა-
ობს?

— იმას ვამბობდი... შემდგარა
ეს ზავენი ქვაზე და წარმოთქვამს...

— კი, კი, მანდ გავჩერდით. ზა-
ვენი წარმოთქვამდა და... ის დანარ-
ჩენები ვინ იყვნენ, ვინც უსმენ-
დნენ?

— ქალაქის სახელზე შევჩერ-
დით.

— ქალაქს თავი დავანებოთ.

— ეხლავე მოვიგონებ და მერე
დავანებოთ.

— მოსკოვი გითხარი?

— კაცო, გეუბნები, ის ქალაქი,
საიდანაც სომხები მოდიან-მეთქი.

— ეგ რომელი იქნება? — ლეი-
ტენანტის მარაგი უკვე ამოწურვაზე
იყო და მან ფრთხილად, თითქოს
იზოგავსო, ისე შეახსენა: — იქნებ
რომია?

— არა, რომს კი ჰგავს როგორ-
ღაც, მაგრამ რომი არ არის.

— რა უშავს, იშხან, ვერ იხსე-
ნებ და რა მოხდა, მაგითი არაფერი
დაშავდება. ვთქვათ, გინდაც,
თბილისია ზავენის ის ქალაქი...

— თბილისი?... ჰოი... თბილისი...
მაშ, ამბობთ, რომ თბილისში... ფხ-
ფხ-ჰხ--ჰხ... ერთმა ლეიტენანტმა...
ხიჰ... სტაცა ყელში ხელი იმ წინა-
დაცვეთილ ძალს და დაახრჩო...
სტეფანე ძია დაახრჩოს მაგივრად
დაახრჩოს ამბობს... მან შეაგინა ჩემი
ერი... და დავახრჩე, თბილისში, აი,
ასევევეს!... ზი-ზი-ზი, ჰხ-ჰხ-ჰხ... მე
კაცო, თბილისში მოთალსა ვყიდი
ყოველ წელსა და ესა... ვაი, ამხანა-
გო ლეიტენანტო, ამხანაგო ლეიტე-
ნანტო... ამბობს, თბილისიო, კაცო!..

რისი ამხანაგი ლეიტენანტი, სად-
ღა იყო ამხანაგი ლეიტენანტი! დარ-
ჩენილიყო მხოლოდ კაცი, რომელიც
სირცხვილით მიწაში ძვრებოდა; კა-
ცი, რომლის გოგო მუსიკალურზე
სწავლობს, ბიჭი კი ჭადრაქს თამა-
შობს და ღამდაღამ იტყვის ხოლმე.

ბოტვინიკი დაბერდაო; კაცი, რომელსაც სახლში ლამაზად ჩამწკრივებულ თაროებზე სულ ცოტა ხუთასი წიგნი მაინც უწყევია და მისდღეში ერთიც კი არ გადაუშლია; არადა იმ ხუთასი წიგნიდან ერთ-ერთში უეჭველად სწერია, ვინ ვისა სტაცა ყელში ხელი, რისთვისა სტაცა, ვინ იყო დამნაშავე და ვინც ყელში სტაცა, დასაჯეს თუ არა... თფუ, ეს ოხერი, რაზეც არ უნდა იფიქრო, სულ: დამნაშავე — უდანაშაულო, დამნაშავე — უდანაშაულო... არა, საქმე — ხელობა უნდა გამოიცვალოს, მეტი გზა არ არის... მაგრამ ორმოცდაათი წლისანი ხელობას რომ აღარ იცვლიან!

— კარგი, იშხან, — თავი ასწია მან, — ის ზავენი ხომ მაგის გარდა სხვა რამესაც წარმოთქვამს. ჩვენ იმას სადა ვდიოთ, სად რას იტყვის, ჩვენც ხომ იმასავით მცოდნეები არ ვართ. ჩვენ ჩვენი გავიხსენოთ, რაც ვიცით.

იშხანმა დაიწყო „ძალდი და კატა“. ლეიტენანტმა მოიწონა, ამითაც იოლას გავა კაციო; აქაც ბოლოს და ბოლოს ვიღაცა ვიღაცას ახრჩობსო. ერთმანეთის წახმარებითა და შეხსენებით, როგორც იყო, ჩავიდნენ ბოლომდის. არავის არავინ არ დაუხრჩვია, მაგრამ უხერხულ მდგომარეობაში ჩავარდნილი ეს ორი კაცი აღარც დაჰბრუნებია ამ ამბავს. მერე და მერე, შუა ლაპარაკში, ავაგისა და პავლეს სახელებიც გაისმა და ლეიტენანტისთვის იშხანი უკვე უინტერესოდ იქცა.

ამით დამთავრდა იშხანის დაკითხვაც და დაიწყო ნამდვილი ჭექა-ქუხილი. სოფლსაბჭოს აღმასრულებელი პავლეს, ავაგისა და ზავენის დასაძახებლად გაგზავნეს, იშხანს კი ებრძანა, შესაბამის განკარგულებამდე სოფელს არ გაშორებოდა.

იშხანმა ეს ზუმრობად მიიღო და ზუმრობითვე უპასუხა:

— შენ თუ გგონია, შინიდან გასვლა ძალიან მეხალისება?! სახლში ყოფნას რა სჯობია: თავზე ჭერი გაფარია, ფეხები მშრალი გაქვს, არც წვიმა ჩაგდის კისერში, არც რევმატიზმით იკრუნჩხები, მაგრამ... იქ ცხვარი უპატრონოდ მიყრია, ძმაო.

— არაფერია, — უთხრა გამომძიებელმა, — თავმჯდომარეს ვეტყვი, შენ მაგივრად ორიოდე დღით ვინმე სხვა გაგზავნოს.

— ბიჭოს, მაშ, მართლა გაძალღებულა საქმე! — ზღუბლიდან შემობრუნდა შეგანგაშებული იშხანი და ცალ-ცალკე, მაგრამ თითქმის ერთად და ერთსა და იმავე დროს, როგორც ბალახ-ბულახში ჩასაფრებულები წამოჰყოფენ ხოლმე თავებს ქურდის გარშემო, იშხანსაც ისე ანაზღად და ერთმანეთის მიყოლებით შემოესივნენ უსიამო გრძნობა-სურვილები. უნდოდა შეხვეწნოდა ლეიტენანტს, უნდოდა ეგინებინა გააფთრებით და ერთი მწყემსური ალიყურიც ეჭმივნა; უნდოდა, წამის წინ ნათქვამ-განაგონი მხოლოდ ზუმრობა ყოფილიყო და მეტი არაფერი, მაგრამ... ამ სურვილებმა ისევე ერთმანეთის მიყოლებით ჩამალეს თავები და დარჩა მხოლოდ-ღა შიში.

შიში!... ბეითალი ჰყვებოდა ერთხელ ასეთ ამბავს: თურმე ღამეა, ერთი ბნელი და შავკუპრი. ორნი მიმავალან ცხენებით. იმ კურუმ-კუნაპეტში თურმე ცხენების თავებსაც ვერა ხედავენ. ცხენების თავებს კი არა, თვალთან მიტანილ თითს ვერა ხედავენ. ჰოდა, უცებ შემდგარან ცხენები. სცემენ მათ-რახს, მაგრამ, შენც არ მომიკვდე — ცხენები წინ არ იძვრიან, უკან-უკან იწევენ. კლუბის გამგეს გაზეთის კო-

რესპონდენტისთვის ეთქვა, ერთი ჩამოვალ, ვნახავ, რა არისო. ამისი თქმა ყოფილა და დაუკივლია ერთი. დაუკივლია და მორჩა, მეტი აღარავითარი სხვა და ჩქამი, ირგვლივ მხოლოდ დუმილი და სიბნელე. კორესპონდენტი გათენებამდის გაუნძრევლად მჯდარა შიშისაგან მასზე არანაკლებ ზარცემულ და თვალნაკრავივით აკანკალებულ ცხენზე. გათენებისასლა დაუნახავს — ერთი თვალჩაუწვდენი უფსკრულის პირას არ დგას! მეორის ცხენი ხომ ზედ უფსკრულის წვიპზე მდგარა და თურმე ცალი უზანგილა ჰკიდებია, მეორე უზანგი იმ საცოდავს მოუწყვვტია და თან წაუღია. არადა, უფსკრულია, ისეთი ჩაყუდებული უფსკრული, ჩაიხედავ და თვალი გიჭრელდება, შიგ გიტყუებს ის ოხერი (მაღალი ხრამები ხომ თავისკენ იზიდავენ ადამიანს!). უფსკრულის ძირას თურმე თითისტოლად მოჩანს გვამი.

იშხანს სიმაღლისა ეშინოდა. სიზმარში ბევრჯერ მოსჩვენებია, ვითომ უფსკრულში ვარდებოდა. ვარდებოდა, ეჭიდებოდა კბოდეზე ამოსულ ბუჩქებს, ბუჩქები კი იგლიჯებოდა... აააა!... გაელვძებოდა, წამოხტებოდა ზარდაცემული და გულს კიდევ დიდხანს გაუდიოდა ბაგაბუგი.

— ბიჭო, რუბიკ, ეგ რა დგილას მოხდა, რომ არ გითქვამს? — ეკითხებოდა იშხანი ვეტეჩიმს. ვეტეჩიმი რომელიღაც გაურკვეველი მიმართულებით უჩვენებდა. იშხანი თუ მიუხვდებოდა, სად იყო ის ადგილი, მაშინ აღარ შეეშინდებოდა. ბაღლობისას ხშირად აშინებდნენ ხოლმე დაღისტნელი მგელკაცებით, ბავშვებს რომ იტაცებდნენ და ჰყიდდნენ. ომის დროს აბრაჰამმა ჯარიდან წერილი გამოუგზავნა ამხანაგებს, მახაჩყალაში ვარ, დაღის-

ტნის ავტონომიურ რესპუბლიკაშიო. იმ წერილის შემდეგ ბავშვების მტაცებელი ლეკები უკვალოდ გაქრნენ, დარჩა მხოლოდ: „დაღისტანსკაია ასსრ, გოროდ მახაჩყალა, პალუჩიტ აბრამუ ოგანისიანუ“. რაიმე სახით — წერილით, მონათხრობით, თუ გნებავთ, რუკით გაცნობიერებული „დაღისტანსკაია ასსრ, გოროდ მახაჩყალა“ უკვე აღარ იყო საშიში. აღარ იყო იმ შიშის ტოლფარდი. იშხანი რომ გრძნობდა ბნელი. თვალჩაუწვდენი ხრამის წინაშე. ჩაიყურები, თავი გიბრუს, თვალი გიჭრელდება და მიფრინავ უფსკრულში მოგლეჯილი ჯაგებიანად...

იშხანს ახლაც ისე მოეჩვენა, თითქოს სიზმარში იყო და ჯაგმაგების გლეჯით მიფრინავდა უფსკრულში.

— ამხანაგო ლეიტენანტო...

— წადი... წადი...

იშხანს ცხვარი კი არ დაუკლავს, კაცი დაკლა იშხანმა, მიწაში ჩაფლა და მაღლიდან საგულისგულოდ მოასწორა, რომ კვალი წაეშალა, მაგრამ, აგერ, წაასწრეს, დაადგნენ თავზე და ეუბნებიან, ამოთხარეო.

— რა ვთქვა, დამნაშავენი ვართ, ამხანაგო ლეიტენანტო. არ უნდა გვექნა ეს საქმე, მაგრამ...

— მე მოგრიჩი!

იშხანი ოთახიდან გამოვიდა და კუნაპეტ შუაღამეს ანაზღად მზე რომ გამოჩახჩახდეს და ნათელი მოჰფინოს ყოველს, უცებ ისეთი სახილველი ქვეყანა წარმოუდგა გარეთ. ეს ხილვა წამიერი იყო, მაგრამ თითქოს დასაწყისიც ჰქონდა და დასასრულიც. დასაწყისი სკოლის ზარის რეკვა იყო, რომელმაც ბნელს გამოსტაცა სახურავების მიმქრალი სიწითლე, ყვითელი გოგრები გომის თავზე, ლარზე ასხმული წითელი წიწკა, ფრთების ფათქუნი და — ყიყლი... — მამლის ყივილი მაშინვე

გაეხვია ყროყინის სქელ ნაბადში. სახურავებზე დაღმა დაგორებული ყროყინი შორს გაიტყორცნა მინდვრებისაკენ.

— პირველი საათია, — თქვა იშხანმა. — ეს უპატრონო ვირი კი არა, ქარხანაა, ზუსტად წამი-წამში ურტყამს, — და რაღაც განზრახვით უკანვე შებრუნდა. გონებაში მხოლოდ იმსაღამოინდელი მწვადის ჭამა უტრიალებდა, იმსაღამოინდელი ხმები ჩაესმოდა მხოლოდ. „ცხვარი დავკარგე, არ გინახავთ?“ — „არ მესმის, ხმამაღლა დაიძახე!“..

— ამხანაგო გენერალო... — კარები შეანგრია იშხანმა, — ნებას მაძლევთ, ამხანაგო გენერალო, შინ ვიჯდე თქვენს ახალ განკარგულებამდე? მერე ქუდთან ხელი აუღო და ჩექმა ჩექმაზე ქუსლით მიიტყაპუნა: — მესმის! — მაგრამ ფეხის კოჭები ერთმანეთს მოუხვდა და მოქმედების მთელი ლაზათი დაიკარგა.

— უუჰ, ამხანაგო გენერალო, ფეხების ტკივილი მაინც სხვა ყოფილა! — შუბლზე ნაოჭები დაისხა იშხანმა და კოჭლობით გატრიალდა.

7

ძია ავაგმა სოფელში გამოძახება ისე მიიღო, თითქოს თავის დასაბანად ეძახოდნენ. — თმა ერთმანეთზე მიმეწება, — თქვა მან, — იქნებ ვიბანაო კიდევ. სათო მაინც დამხვდეს სახლში! ჰა, არ იცი, სათო შინ არის თუ სამუშაოზეა? — შეეკითხა იგი აღმასრულებელს.

სოფელში ჩასულს იშხანმა კარგი არაფერი უთხრა.

— გიჭურდნიათო, ეგრე ამბობს.

— ეგ ხომ ჩვენც ვიცოდით.

— სასამართლოს სუნი უდის.

— არა ერთი!

— მისი ნათქვამიდან ეგრე ჩანდა.

— ვისი ნათქვამიდან, ლეიტენანტისა?

— ლეიტენანტისა. დიდი ქვეშე-ქვეშა ვინმეა.

— ვინა, ლეიტენანტი?

— ვერც კი გავიგე, რა როგორ გამომტყუა.

— ვინ გამოგტყუა, ლეიტენანტმა?

— ლეიტენანტმა. ძალიან კულტურული კია. შეხედავ, გამომძიებელი არც კი გეგონება, მაგრამ სიცილ-საუბარს მორჩებით თუ არა, მაშინლა მიხვდები, რომ გამომძიებელიც არის და ერთით მეტიც.

— მაშ, როგორ იქნება ჩვენი საქმე? — ფეხი შეინაცვლა ავაგმა და ღობეზე მოატარა თვალები.

— რა ვიცი, აბა! — იშხანი ისე შესცქეროდა ავაგს, თითქოს რაიმე ჭკვიანურს ელოდა და არც ელოდა მისგან. არადა, მაინც ელოდა რჩევა-სა თუ დარიგებას რასმე, რადგანაც ავაგი იშხანის გარეშე არსება იყო — თავისი ფაფახი ეხურა, თავისი კომბალი ეჭირა, თავისი ფარა ჰყავდა და მდგომარეობაც შეიძლება სულ სხვაგვარად, სულ სხვანაირად აეწონგაეზომა. მაგრამ ავაგი მისდღეში ავაგი იყო და ამ სიბერეში როგორღა შეიცვლებოდა! არა, სჯობს ღობესა ჰკითხო რჩევა, ვიდრე ავაგს!

— ავაგ, — უთხრა იშხანმა, — ჩემზე ათი წლით უფროსი კი ხარ, მაგრამ თავზე ერთი თეთრიც არ გეტყობა.

— გეეჩო, საღ მიხვალ შე უპატრონო! — ბაღში შესულ ხბოს დაუცაცხანა ავაგმა, — ბიჭო, ერთი მოურბინე. გამოავდე, თორემ ნამყენებს მომიმტვრევს. — გასძახა მან

ბავშვს, რომელიც, მისი აზრით, უეჭველად უნდა ყოფილიყო სადმე ახლომახლო. მაგრამ, რაკი ავაგის ბრძანების მიუხედავად, ბავშვი არავინ გამოჩნდა, ხბოს გამოსაგდებად ძია თვითონ გადავიდა ბაღში; მერე ავაგმა ქუდი მოიხადა, კომბალი დადო და გადაჭეჭილი ღობის გასწორებას შეუდგა. — ეს საქმეა, ბიჭო?... — და მერე რომ ნახა, თავისი კი არა, თურმე სხვისი ღობე უკეთებია, ბაღის პატრონს ფანჯარაზე დაუკაკუნა: — დიასახლისო, გამოიხედე, ძია ავაგს მადლობა გადაუხადე!

— შინ არ არის, სამუშაოზეა, ყველანი სამუშაოზე არიან, — ჩაინიღნია ძია ავაგმა... — მე რა მესაქმება, ნეტა ვიცოდე!

— ამ უსაქმურს დამიხედე შენა! — თავის თავს შესწყრა ძია ავაგი, — თავზე ერთი თეთრი თმაც კი... — აქ უცებ მოაგონდა, ნამდვილი უსაქმური ვინც იყო და უკვე მისი მისამართით განაგრძო: — წლის ამ დროს, პარსვა რომ არ დამთავრებულა, თიბვა რომ არ დამთავრებულა და კარტოფილიც ამოსაღებია, დაგვდგომია თავზე და — ცხვარიო, კაცო!... შენ რომელი ცხვრის პატრონი ხარ? რევაზი შენა ხარ?... შენ რო საქმე გამოგლევია, ჩვენ რაღაზე გვაცდენ?... მე დავკალი, სწორედ მე დავკალი და მაგასაც ვნახავ, რას მეტყვი!...

— წავალ, ჩემს შვილიშვილს დავხედავ, აგრემც იმას შევუჭამე ის ალუხ-მალუხი! — თქვა ძია ავაგმა, როცა მახლობელ ეზოში სარეცხის თოკზე გამოფენილი ბავშვის ჩვრები მოხვდა თვალში.

— რძალო, — უთხრა ძია ავაგმა თავის რძალს, — ერთი, წყალი დამიდგი, თავი უნდა დავიბანო.

დასაძახებლად მოსულ საბჭოს

აღმასრულებელს კი ასე დააბარა: — უთხარ, თავს იბანს, მოცა-თქო.

თავიც დაიბანა, ფეხებიც, პურიცა ჭამა, ეზო-უბრესაც დახედა და დასაძინებლად მიწვა. — ეჰ, ჩემო რძალო, სოფელში მუშაობასაც თავისი გემო ჰქონია; მეც არა ვთქვი, ფერმას ნაკლებად რად ეტანებოან-მეთქი!

ავაგი მეორედ გამოიძახეს საბჭოში.

— წადი, უთხარი, მოცლილი კი არ არის, ცხვარი ჰყავს გასაპარსითქო, — უთხრა ძია ავაგმა აღმასრულებელს, მაგრამ მაინც გაჰყვა თან, — ცოდოა, ავადმყოფი ქალია, არ გავყვე — ისევ გამოგზავნის. თურქს უთქვამს: როგორც მბრძანებელი ბრძანებების გაცემით არ დაიღლება, ისე კიდევ — ვინაო და რითაო, რძალო?... აბა, როგორა ვთქვა, სირცხვილია. ეეჰ, ვბერდები ნამდვილად, ჩექმები მიმძიმდება.

— მითხარი, ძილი დაგაკლდა და ფეხები იმიტომ დაგიმძიმდა-თქო, — თავისი აზრი შეახსენა რძალს ძია ავაგმა.

გამოსვლისას ძია ავაგმა რძალს ორივე თვალი ჩაუკრა, რაც ამას ნიშნავდა: ას ოც წლამდე ჯანმრთელად და უტკივრად ვიქნები და იმის შემდეგაც, ვნახოთ, მგონი, ისევე ჯანმრთელად.

ერთი თვის წინ ავაგს დედის ძმა გარდაეცვალა, რომელსაც თავის მხრივ ოცი დღის წინ ცოლი გარდაცვლოდა. დაცემულიყო ბერიკაცი მეუღლის საფლავზე, გულში იკრავდა საფლავის კოკოლას და აღარა სწყდებოდა. ეწეოდნენ, აყენებდნენ, ვერ ააგლიჯეს თურმე — თქვენ წადით, ჩემს წამოსვლას რაღა აზრი აქვსო. სადღა წამოვიდე, ვისთანღა წამოვიდეო, იმდურებოდა თურმე საწყალი. მოხუცებულს ამქვეყნად

ჯერ კიდევ ოცი ხეთა ყვავილობა, ოცი თიბვა, ოცი ხილმწიფობა მაინც უნდა მოეღია; სახლების სახურავებზე, ტყეზე, მდინარესა და მთებზე ჩამოქათქათებული მბრწყინავი თოვლისათვის — თეთრი, მდუმარე და ბრძენი თოვლისათვის ოცჯერ მაინც უნდა მოეჭუტა თვალები; გუგუტს ჯერ კიდევ ოცჯერ მაინც უნდა ეხარებინა მისთვის სისხლისა და ნაკადულების ამქუხარება, მაგრამ იმ სულელმა პაპილომ არც აიღო, არც დაიღო და თურმე იმ საფლავს, იმ ცარიელ მიწას ასე დაჰპირდა: მარტოს არ შეგეშინდეს, ორიოდ დღეც დამიცადე და მეც შენთან მოვალო. არადა, ეს დაჩაჩიებული, გადაღწეული მოხუცები, როცა ჯერ ისევ წყვილად იყვნენ, შვილიშვილების თანდასწრებითაც კი ერთმანეთს ბებერ ცხენსა და ჭკუანადრძობს უწოდებდნენ. ჰოდა, ადგა ეს ბერიკაცი და ოცი დღის შემდეგ უკან გამოუდგა თავის ცოლს, აღარ იცოცხლა ოცი წელი. თუ ოცი არა, ოთხი მაინც, ერთი მაინც, ნახევარი წელი მაინც ეცოცხლა... კაცო, კარგი, ვთქვათ, ოცი დღის შემდეგ უკან გაყოლას დაჰპირდი, მაგრამ განა არ ემჯობინება, ოცდაერთი დღის შემდეგ, ოცდაორი, ოცდასამი, ოცდაოთხი დღის შემდეგ მოუხვიდე?... ეგ ამბავი რაც გვიან იქნება, უკეთესია.

ერთხელ მთაში მწყემსები შეეკითხნენ ძია ავაგს:

— სათო რომ მოგიკვდეს, რას იზამ?

— სათო რატომ უნდა მოკვდეს, შენი აშხენა მოკვდეს, თუ კარგია.

— ეგ ისე გამიგე, ავაგ, თითქოს ჩემს თავსაც გეკითხებოდე.

— სათოს აშოროს სიკვდილი, — უთხრა ძია ავაგმა, — ცოდოა, მაგრამ თუ, ღმერთმა ნუ ქნას და, აღარ

მეყოლება, ქვეყანა სათოზე რომ არ არის ჩამოწყვეტილი?!... ქვეყანა დიდია... — ძია ავაგმა კომბალი მოატარა სივრცეს და რაც კი კომბალსაწიერში მოჰყვა — ფთილადრუბლიანი ცის ნაჭერი, წყარომოლიკლიკე მთების ნახევარი, ჩიტმოჟივჟივე ტყეთა ქოჩრები, მთის კალთაზე ღრუბელივით მოცურავე ფარა, მწვანე სათიბებში გაფანტული მთიბავეები და — ჰე-ჰე-ჰე! — დარიჩინისფერ ხეობებში გაბნეული მფოცხავი დედაკაცების თეთრი ხილაბანდები — ყველაფერი ერთად შეაგროვა, — თუ სათო, ღმერთმა ნუ ქნას და... — აქ ძია ავაგმა დედაკაცები ხელმეორედ მოაქცია ჩარჩოში (მერე და მერე, უკვე დაპატიმრების შემდეგ, ისე მოხდა, რომ ძიას დედაკაცების ირგვლივ სამმაგი ჩარჩოს მოვლება მოუხდა. იმ უღმერთო სათომ უღმერთოდ მიატოვა ძია ავაგი, გარდაიცვალა. გლოვა-მწუხარება თავის ადგილას, მაგრამ ძიამ მალე სხვა ცოლი მოიყვანა, ერთი გაჩხინკული, კაწაწა, ანჩხლი და აფთარი დედაკაცი. ერთი წელი კი გაუძლო ძია ავაგმა, მაგრამ თმა რომ სანახევროდ გაუჭალარავდა, მაშინ კი მიაკითხა საბჭოს თავმჯდომარეს, ცოლთან გამყარეო. ოთახი — იმას, ტანსაცმლის კარადა — იმას, ერთი საწოლი — იმას, ერთი ბარი — იმას, „წაიღოს და თვალში ჩაითხაროს!“ ხუთი ცხვრიდან სამი — იმას, ჭურჭელ-მურჭელიც, კი ბატონო, იმას — მაგაზე არ დავობდა ძია — ქალია, თვალი ქონებაზე უჭირავს, გაუშვი, თვალი გაუძღესო; მაგრამ, აი, დაღამდა და მოხდა მოულოდნელი: ქალმა, როგორც გაყრილს შეეფერებოდა, საბჭოს მიერ მისთვის მიკუთვნებული საწოლი თავის ოთახში გაიტანა და ლოგინი იქ გაიშალა. აი, ეს კი ვერღარ მოითმინა ავაგმა, — კარადა წა-

იღე, კაი ბატონო, ყაბუღსა ვარ; ძროხაც ალალი და უსაყვედურო იყოს; ბარია და — არც ბარზე დამიძრავს კრინტი. საბჭო ჩაერია, ყველაფერი კანონიერად გაიყო — ძალიან კარგი, მაგრამ... ეგ ცალკე დაწოლა რაღაა, სურდო ხომ არა გვჭირს?!). ყველაფერი. რაც კი ძია ავაგის კომბლის მოსადევარში მოჰყვა, არცთუ ძალიან ბევრი იყო — ანტარამეჯის ნახევარიც კი არ გამოვიდოდა, მაგრამ თუნდაც იმ ნახევრისთვის ღირდა ასი წელი სიცოცხლე. ეგ კი არადა, კიდევ ერთ ას წელზე არ იტყოდა უარს კაცი... ასი და ასი კიდევ ხომ ორასია, ეს ოხერი!.. ეჰ, ვინ მოაქცია დრო ამ ზახრუმალა რიცხვებში! ვინ უკუღმართმა შემოფარგლა ჩვენი ცხოვრება ამ დარღუბალა დრო-ჟამით?!

სკოლას რომ ჩაუარა, ძია ავაგი შედგა. ფანჯრიდან ხელი გადაყო, რომ ერთი დიდთვალეზა ბავშვისათვის ეჩქმიტა ლოყაზე. მსხვილი, უხეში თითები ჰქონდა და ბავშვის ცხვირი ვერა და ვერ მოჰყვა თითებში. — არ იზარმაცო, კარგად ისწავლე, ჰამაიაკის ბიჭო. ჰამაიაკისა არა ხარ შენა?

მასწავლებელს კი ფანჯრიდან ასე უთხრა: — ბიჭო, ზარი დაირეკა, ეს ბაღლები დროზე გამოუშვი, ცოდონი არიან, — და ძია ავაგი კლასების გასწვრივ დაუყვა. ბოლო ოთახში მეთექვსმეტე ფიზკულტურის გაკვეთილი ჰქონდათ, კრივში მეცადინეობდნენ. ორი ყმაწვილი ერთმანეთს ხტომით უვლიდა გარშემო.

— მოხვდა, მოხვდა! — გაიღიმა ძია ავაგმა, — ყვინჩილებივით კი ძიძგილაობენ, აი! არა, — დაიძაბა ძია, — იმ მეორეს ნაღდად ესა სჯობია. ჰეი, ბაღლო, ერვანდის შვილიშვილო, შენ გეუბნები: ცოტა ნელა დაარტყი!

— ეგ ხელთათმანები რბილია? — იკითხა რაფაზე იდაყვებით დაყრდნობილმა ძია ავაგმა, — რა ვი, ამბობენ, შიგ ტყვიასა სღებენო. უჭეროა, ეგ უჭეროა! — შეშფოთდა ძია.

ერვანდის შვილიშვილს ნიკაში ამოჰკრეს. — ყოჩაღ, — შეაქო ძიამ, — იცოცხლე! ასე. ჯერ-ჯერით მიარტყით ხოლმე ერთმანეთს, — დაუკვეთა ძიამ, — ჯერ ერთმა დაარტყით, მერე — მეორემ, რიგრიგობით.

ხოლო იმას, რომელიც სინამდვილეში წესიერი კაცი იყო, თავს კი გამომძიებლად ასაღებდა, ძიამ უთხრა: — ცხვრების საქმეზე დამიბარე?

— ცხვრებისა.

— იშხანი ხომ გელაპარაკა უკვე.

— იშხანი სხვაა, შენ — სხვა.

— შენი ნებაა. შენი საქმე კიდევ ეგ არის. აბა მითხარ, რა გინდა.

— ამა წლის ოც აგვისტოს, სადამოთი...

ძია ავაგმა ბეჭების ჭრაჭუნით დაამთქნარა და ისე გემრიელად დაამთქნარა, სოფლსაბჭოს ოთახი რბილი თვლემით გაივსო.

— რევაზ მოვსისიანის ცხვრები, ოთხი სული!... — გამაფრთხილებელი მახვილით ხმას აუწია გამომძიებელმა.

— თქვი, გისმენ. — და ძია ავაგმა ისევ დაამთქნარა, — ა-ა-ა-ა.

— ჩვენი ცნობებით, ცხვრები თქვენთან მოვიდნენ თუ წამოყვანილ იქნენ, ეს ჯერ გარკვევას მოითხოვს.

— არა, მოვიდი... — ძიამ კვლავ დაამთქნარა, — მოვიდნენ; თვითონ, თავისი ფეხით მოვიდნენ. არ გეწყინოს, ღამე არა მძინებია. ეგეც არ იყოს, კანტორაში როგორც კი შევალ, ძილი მერევა.

— არა უშავს, ახლავ მოვრჩებით.

— აბა, მითხარ და გიბასუხებ. აააჰ... — ძია ავაგმა კიდევ დაამტყნარა, — ეე, ტვინი წაიღო, რაღა! — თავისივე მტყნარებაზე გული მოუვიდა და ფეხზე წამოდგა. — ცხვრები თავისი ფეხით მოვიდნენ, დაკვლით — მე დავკალი. აბა, მოიტა, ხელი სად უნდა მოვაწერო?

— ვინ და ვინ იყავით?

— მე, რაღა, ავაგი, ოვანესიანი ავაგი, საქო, ვანი, ასატური, პავლე, იშხანი, ელამი ელიში... დაიცა, კიდევ ვინ იყო, ბიჭო, — დაიბნასავით ავაგი, — ჰო! პავლე, ზავენი... ჩვენი სია ბუღალტერს ექნება, გამოართვი, რაღა. ოღონდ, თუ მაგ საქმეს კეთილი ბოლო არ ექნება, პავლეს სახელი არ ჩასწერო, ერთი-ერთმანეთზე უსუსური ხუთი აკვნის ბაღდა ჰყავს. ზავენიც არ ჩასწერო, სირცხვილია. იტყვიან, ამის წაკითხულ წიგნებს დამიხედეთ და ამის ჩადენილ საქმეებსაო, — ძია ავაგმა ფიქრიანად გადაალაგა საწერ მაგიდაზე სამეღნე, ფანქრები, წებოს შუშა, კალამი კი ისე დადო თავის ადგილას, რომ მუშამბაზე მელანი არ დადვრილიყო, და დაუმატა: — ნურც იშხანს ჩაწერ, თორემ ცოლი სიცოცხლეს გაუმწარებს.

გარეთ რომ გამოდიოდა, ძია ავაგი კიდევ მიუბრუნდა გამომძიებელს:

— საცაა ზამთარიც მოგვიკაკუნებს, ხალხს რუ მოგვიცდენ. — ზამთრით რომელ გამომძიებელს შეაშინებ, რომ ჩვენს გამომძიებელს გახეტქოდა გული, ძველებურად მშვილად იჯდა და ილიმებოდა. ძია ავაგმა ცოტა ხანს იფიქრა და თავისი ჭკუით ვითომ გამომძიებლის დასაშინებელსაც მიაგნო: — თუ თავმჯდომარემ სოფელში მოგვასწრო, შენც ვაი და ჩვენცა! ცოფიანი ძალივით იცის დატაკება!

გამომძიებელმა ჩაიციხა. ძია

ავაგმა კიდევ იფიქრა ცოტა და თქვა:

— დედიჩემის ძმისშვილი მთავარი ბუღალტერია, გარეგინი. იცნობ? გარეგინ დანიელოვიჩი.

გამომძიებელმა ისევ ჩაიციხა. ძია ავაგმა კარის რაზა გადაატრიალა და:

— ჩემი უფროსი ბიჭი ერევანში მილიციის სამმართველოს უფროსია, არც იმას იცნობ? ოვანესიან აშოტ ავაგოვიჩი.

ახლა ლეიტენანტი აღარ ილიმებოდა. ახლა უკვე ძია ავაგი ილიმებოდა. კარის სახელურისთვის ხელი გაეშვა და ილიმებოდა.

— არა, არ ვიცნობ, — თქვა ლეიტენანტმა, — ის ჩვენს მაიორს ეცნობება.

— ჩემი ბიჭი პოლკოვნიკია, — თქვა ძია ავაგმა.

— მაინც რა გინდა, — გაბრაზდა ლეიტენანტი, — შენთან დავამთავრე და წადი ახლა!

— კარგი, არ გეწყინოს, რაზე გწყინს, — ძია ავაგმა ერთ წამს კიდევ იფიქრა და წასვლის წინ უთხრა: — გატყუებ, რისი პოლკოვნიკი, რომელი პოლკოვნიკი! ჩემთან ერთად მეცხვარეობს, მაგრამ არც მისი სახელი ჩასწერო, ერთი სახლიდან ორი კაცი უკვე არ ივარგებს. ისე კი ერთი ბავშვობის ამხანაგი მყავს, გენერალია. ამას უკვე ტყუილს კი არა, მართალს გეუბნები, მაგრამ იმას თქვენთან საერთო არა აქვს რა. ჯარის გენერალია უფრო დიდი თუ მილიციის მაიორი, ეს არ ვიცი და იმიტომ გეკითხები.

8

— გამარჯობათ, ამხანაგო ლეიტენანტო.

— გამარჯობათ.

— როგორ შეიძლება, ამხანაგო ლეიტენანტო, მე შექსპირი დამავიწყდეს. მითხარი და შენთვის წავიკითხავ, რომელსაც გინდა: ჰამლეტი? მეფე ლირი? ოტელო?... — ზავენმა ფარულ აღმოჩენაზე გაიღიმა: — პეპო?..

მისი ლაპარაკის კილოზე, განსაკუთრებით ოტელოსა და კიდევ უფრო განსაკუთრებით პეპოს ხსენებაზე, ლეიტენანტი მიხვდა, რომ ზავენი არტისტია. არტისტი — კი ბატონო, მაგრამ პროფესორი ხომ არ არის. არტისტი არტისტია. ჰოდა, ამ არტისტს მწყემსებში თავი პროფესორად გაუსაღებია და ასე ჰგონია, ლეიტენანტსაც გავაცურებო. არადა, ჩვეულებრივი ქურდია.

— თქვი აბა, წაიკითხე, ვნახოთ, — ლეიტენანტი სკამზე გადაწვა. ის მართლა ლეიტენანტი კი არ არის, დესპანია, ხოლო ზავენი, არც მეტი, არც ნაკლები, მაიმუნი, რომელმაც პრანჭვა-გრეხისა და სასაცილო ოინების მეტი არაფერი იცის და ვალდებულია როგორმე გააციონოს ნაირ-ნაირი საქმეებით გადაღლილი დესპანი.

— რომელი წავიკითხო?

— რომელიმე.

— მითხარით, თქვენს გემოვნებაზე იყოს, ამხანაგო ლეიტენანტო.

— რაიმე.

— არა, მაინც მითხარით, რომელი?

— შენს არჩევანზე იყოს.

— ევროპული, რუსული თუ სომხური? რომელი გსურთ?... რაღა თქმა უნდა, თქვენ ევროპულს მიანიჭებდით უპირატესობას.

— ძალიან კარგი, ევროპული იყოს.

— ევროპული, რომელი?

— ეევროპული! — ეევროპის რომ-

მელილაც მხარეს ხელი გაიჭნია ლეიტენანტმა.

— კაცო, რომელი, ამხანაგო ლეიტენანტო?

„გორკი ყველასათვის ცნობილია“, — რაფი შეგიძლიათ?

— შემოძლია.

— აბა, თუ შეგიძლია, — თავისუფლად ამოისუნთქა ლეიტენანტმა, — თუ შეგიძლია, წამიკითხე.

— რაფი რომ პოეტი არ არის, ამხანაგო ლეიტენანტო?

— შენ პოეტი გინდოდა? მე არ მიყვარს პოეტები, — გადაჭრით წარმოთქვა ლეიტენანტმა, — აფრენენ, რაღაც სულელურ რამეებს წერენ. აგე, რაიონშიც, გვყავს ერთი, როცა კი მიხვალ, ერთთავად სასადილოში ზის...

— მართალია, ამხანაგო ლეიტენანტო, მაგრამ მე რა წავიკითხო?

— ჭკუა მაგათ არ ეკითხებათ... რეებს წერენ, რეებს არა. ან ამდენს რასა წერენ, კაცი ვერ გაიგებს. იმის მაგივრად, რომ ყველასთვის სასარგებლო საქმეს მოჰკიდონ ხელი, აუღიათ თავი და რაღაც ლანდებს დასდევენ.

— ეგ კი, მაგრამ მე რა წავიკითხო?

— კარგი, აღარ გვინდა. ჩანს, რომ ნაკითხი ხარ, — მფარველური კილოთი უთხრა ლეიტენანტმა, — მხოლოდ დასანანი ის არის, რომ ასეთმა ნაკითხოვამ ხელი არ შეგიშალა საზოგადოების საწინააღმდეგო ქმედების ჩადენაში.

— კაცო, უთქმელი გვრჩება, ე. ამხანაგო ლეიტენანტო, — ზავენის მთელი არსება, უკანასკნელ უჯრედამდის, მოკუმული ტუჩების გადაღმა ხარხარებდა და უკვე სადაცაა, ვეღარც ტუჩები შეიკავებდნენ.

— რა ვიცი, რაფიდან არა თქვი და არა!

— მხატვრული უნდა იყოს, ე. ამხანაგო ლეიტენანტო.

— მაგალითად, როგორ თუ მხატვრული?

— მაგალითად, აი, „თაგვების თათბირი“ რომაა.

— კარგი, თაგვების თათბირით იყოს. „ძალდი და კატა“ წაიკითხე, ოღონდ, თუ იცი, რაღა თქმა უნდა.

— რაღა თქმა უნდა, იყოს „ძალდი და კატა“... რაღა თქმა... ჰა-ჰა-ჰა... „ძალდი და კატა“... კა... ჰა-ჰა... არგი!

მაგიდიდან ოქმის ქაღალდები და გაზეთები გადმოფრიალდა, კალენდარი გადაიშალა, გრაფინში წყალმა გრაფინის კედლები ალოკა და ფანჯრის მინებიც ისე ზრიალებდნენ ხუთიოდე წუთს, თითქოს მცირე მიწისძვრა მომხდარიყოს; სოფლის თავში მამალმა „ყიყლიყო“ შუაზე გაწყვიტა და ღობიდან ჩამოფრინდა, ხოლო ქვემოთ, ხევის წისქვილში ცალი ყურით ყრუ მეწისქვილემ ჩაილაპარაკა:

— ზავენი იცინის. ნეტავ რა მოხდა... აქ რას გაიგებ, რა მოხდა! ხევში, წისქვილში, კაცი რომ ცალი ყურით ყრუ იქნები, მეორით კიდევ ყურმძამე. რაღა თქმა უნდა, ვერაფერსაც ვერ გაიგებ!

ზემოთ კი, ზედ სოფლის შუაგულში, სოფლსაბჭოს შენობაში, აი, რა მოხდა! ჯერ არშოზე აღრენილი და მერე კიდევ მაიორის უნდობლობით გაცოფებული ლეიტენანტი გულს ასკდებოდა. იმ წუთში მას ყველა და ყველაფერი ეზიზღებოდა. ეზიზღებოდა თავისი თავიც, იმოდენა წიგნებიდან „ძალდი და კატას“ მეტი რომ არაფერი ჰქონდა წაკითხული; უნდოდა ხმამაღლა ეგინებინა თავისი ქალიშვილის მუსიკის

მასწავლებელიც, წარბებს რომ აიბრებს ხოლმე და მოჰყვება ღრიალს: „დო-რე-მი... დო-რე-მი... რე-რე-რე...“ სძაგდა ის პროფესორიც, თულის დაუთვლელად რომ უხდიდა ჯარმას, თან კიდევ გრამატიკულ შეცდომებს უსწორებდა; ეზიზღებოდა ეს... ეს... ეს... ზავენიც, მარილის ტომრებს რომ ეზიდება, თავი კი პროფესორად მოაქვს; გული მოსდიოდა იმის გამოც, რომ დილას აქეთ პირში ხემსი არ ჩაედო, არადა, იძულებული იყო მთელი დღის განმავლობაში ეკითხა, ვინ შეწვა მწვადი, ხორცი ლურთი იყო თუ მჭლე, შამფურები ვინ დათალა და მისთანანი. ერთი სიტყვით, ყველასი და ყველაფრის, ყველა ძველი და ახალი ჯავრი ლეიტენანტმა ზავენზე იყარა.

— რაო, პირუტყვო, ეგ მე დამცინი?... ხმა, კრინტი, თორემ!... ვითომ ვინა მყევხარ, — მარილის მწიკავი!... მაშ, სხვა რისი მაქნისი ხარ... ხმა-მეთქი, თორემ!

და ისეთი რამეები დაანთხია თავზე და ისეთნაირად, რომ შეიძლება მიხვედრილიყავ, წარმოშობით რომელი სოფლიდან იყო; სამსახურის დაწყებამდე მამა ვინა ჰყავდა—მეურნე თუ მენახირე; რამდენი წელია, რაც ლეიტენანტია, საზღვარგარეთ ნათესავები ჰყავს თუ არა და სხვ. ერთი სიტყვით, შეიძლებოდა მისი ანკეტა ყოველგვარი წერილმანით შეგვესო.

ზავენმა ხმა ველარ ამოიღო. ის კი არა, ბოდიშიც ველარ მოიხადა. ეს წიგნის მოყვარული ხალხი ყველა ასეთია. ორიოდ სიტყვას წაიკითხვენ და ქვეყანას ტრაბახით აიკლებენ, მაგრამ საქმე საქმეზე რომ მიდგება, ენა მუცელში ჩაუვარდებათ ხოლმე.

— რაც წაუკითხავი დაგრჩა, ცი-

ხეში წაიკითხავ. იქ არც პარსვა შე-
გიშლის ხელსა და არც დროის ნაკ-
ლებობა. პირიქით, იმდენი დრო გექ-
ნებაა... პროფესორო! წადი, მად-
ლობელი იყავი, რომ ახლავე არ გა-
პატიმრებ. წადი, წადი!.. პროფესორო!
ჩუმად-მეთქი! თავხედო შენა!.. ამათ
ცოტა თუ აღვირი მიუშვი, მა-
შინვე გაგთელავენ და თვალს
არც კი დაახამხამებენ. ერთი თვა-
ლებში შეხედეთ — ვითომ უცოდ-
ველია, მამა აბრამის ბატკანია.
ვაჩუმიდი-მეთქი!.. ბატკანია, ცხვა-
რია, რაღა, ეს ცხვარს როგორ
დაკლავდა!.. წადი, წადი... „ერთმა
ძაღლმა თურქმა შეურაცხმყო...
ერთ ძაღლს ყელში ხელი ვტაცე“,
წადი, წადი! პროფესორო ცოტაა,
წადი, დოქტორი გამოდი... ქეციახო
შენა!

9

„ეჰ, ძნელია, ძნელი იმ კაცის
საქმე, ვისაც დასცინიან, თავად სი-
ცილი არ შეუძლია, თანაც ეჭვი-
ანია და თანამდებობა-სამსახურითაც
გაამაყებული. ე-ე, გოგრაა, გოგრა!
არა უშავს, ბრიყვები სასაცილოდ
საყვარლები არიან, მაგრამ როცა
თან ბრიყვებიც არიან და თანაც სა-
კუთარ თავზე დიდი წარმოდგენა
აქვთ, ასეთები უკვე სიძულვილის
მეტს არაფერს იმსახურებენ. ეგეც
არ იყოს, მან მე დედა შემაგინა და
პასუხის გაცემაც არ დამანება. ესეც
სიძულვილის ღირსია, მაგრამ მძულს
კი მე იგი?“

სიძულვილი დიდი გრძნობაა. ნა-
ხევარ საათში შეძლებას ვერ მოა-
ხერხებ. რომც გინდოდეს შეიძულო,
სულ ერთია, ან ფანჯრის გადაღმა
ბედურებს მოგიხედება თვალი. ან
მესერს, ან კალენდარს შეხედავ, ან

რაიმე სურათს თუ ლოზუნგს და სი-
ძულვილიც ხელად გადაგივარდება.
ნახევარ საათში შეიძლება, დიდი-
დიდი, ერთი წამით შეიძულო კაცი
წამი კიდევ რა არის, წამის მონიჭე-
ბული გრძნობა რა იყოს, წლებია
საჭირო, კარგა გრძელი წლები. ის
წლები უნდა დაყო ნახევარ საათე-
ბად, ყოველი ნახევარი საათიდან
აიღო თითო წამი, შეკრიბო და აღ-
ბათ ერთი დღე ან ერთი კვირა გა-
მოგივა. აი, ეს უკვე რაღაცას დაე-
მგვანებოდა.

1941 წელსა თუ წინარე მრავა-
ლი წლის განმავლობაში სოფელს
არავინ არ სძულდა. არ სძულდა და-
ვითის ბიჭი ანტონიც, რომელიც
ციმბირში გადაასახლეს და როცა
ყველას ეგონა, ციმბირის ცივ მიწა-
ში ლპებაო, ერთხელაც ნახეს, მო-
პირდაპირე ტყის პირას გამომდგა-
რიყო და იცინოდა. არ შეიძულებს
ის, ვინც ცხენებს უკუღმა ნალავდა
და მდევარ რაზმს ისე ქანცავდა.
როგორც მეღა მწევარს. ხანდახან
თავს ისე მოაჩვენებდა, მდევრებს
ეგონათ, ეგ არის, ხელთა გვყავსო.
მაგრამ მალევე სადღაც შორს და-
ლანდავდნენ სულ სხვა ცხენზე ამ-
ხედრებულს და ის მხედარი კვლავ
მაგნიტივით იზიდავდა მდევარს.
ზოგჯერ ანტონი რომელიმე გლეხის
მოზვერს დაკლავდა, ცოტაოდენ
მწვადს შეიწვავდა, დანარჩენს კი
ხეზე ჩამოკიდებდა და წერილსაც
დატოვებდა: „ანაჰიტ ძაღო, საკლა-
ვიდან რაც მეკუთვნოდა, მარტო იმ-
დენი ვჭამე. მისავალი იყოს ჩემ-
თვის!“. ანაჰიტ ძაღოს წყევლა კი
მოადგებოდა პირზე, მაგრამ სინამ-
დვილეში იცინოდა. მერე კი წამოს-
ცრემლავდა კიდევ: „ეგ საცოდავი.
ეგ დედამკვდარი ეგა! ნეტა, მაძლი-
რად თუ ჭამა მაინც?!... ეგ სითბოსა
და საპნის დანატრული, ეგა!“... ერ-

თხელ მეგუთნეებმა წერილი იპოვეს, იმავე დავითის ბიჭს ანტონს დაეწერა და კოლექტივის ხარისთვის რქაზე ჩამოეცვა. მოაძრეს, წაიკითხეს: „ეს არის ხარის მოვლა? ეს რომელმა პირუტყვმა ამოჰკრა ჭიბში, რომ ასე დასიებია?! მეორედ თუ ენახე, კიდევ სახრე დაგიკრავთ, ამის მაგივრად ჩაგაყენებთ კვალში!“ ანტონისგან ასეთი რამეები არა სჯეროდათ, რადგან მისი სიტყვის ნახევარი მაინც ყოველთვის ხუმრობა იყო ხოლმე. აჰა, იმავე დღეს ცხვარი დაეკლა და წარწერაც დაეტოვებინა: „ეგ როგორ მოგიხდა, ძია ადამ, ცხვარს რომ კარგად არ უვლი?! გაბერილიყო და, რომ არ დამეკლა, მურდლად კვდებოდა საწყალი. ყურადღებით იყავით, ნუ ხართ დაუდევრები!..“ ამის მიუხედავად მან ხარი მაინც დაუკლა და მხვნელებს კვალის ხარი აღარ დარჩათ. დამწუხრებულებს ანტონმა ტყისპირიდან გამოსძახათ: „რას დაბნეულხართ... ჩვენი კომუნა მოხნავსო!... ჰოდა, მოხანით, ტრაქტორით მოხანით...“ გუთნისდელა, ანტონიანთ ძველი მოჯამაგირე, მუქელაანთ ანდრო, ფეხზე წამოვარდა და ტყეს მუშტი მოუღერა: „უხ, მე შენი...“ მერე ანდრომ უღელში ცალი ხარი შეაბა, კვალის მხარეს თვითონ ჩადგა, უღლის მეორე ფრთა მკერდზე მიიკრა და—მაღლით, გაუჭავრდით, მე მაგისიო... ანდრომ შუა ნახნავამდის კი შეუძლო ხარსა და უღელს, მაგრამ ერთ ადგილას გუთნის ფრთა ქვას წამოედო, მისმა უღლისცალმა ღონივრად გაჰკრა და ეს ჩვენი ანდრო დიდი თვლის ქვეშ ჩაჩხრიკა. მაშინვე გამოძვრა, უღელი ისევ მკერდზე მიიღო, მორგევით კისერი ტყისკენ ვაიბრუნა და

გასძახა: „მოგწონს, არა?... თვალებს დაგჩიქნი და მაინც მოვხნავ!..“ ანდრო გულუბრყვილო იყო, ეგონა, ანტონს სინდისზე შევაგდებო, ანტონს კი მუცელი ხელში ეჭირა და სიცილითა კვდებოდა. მერე, როგორც იყო, სული მოითქვა და ამოიხროტინა: „ჰეი! თუ ჭიბს ქვემოთ სახრე დაგიკრავთ, მაგასაც დავკლავ!“ ამ დროს ანდრო უღლიდან გამოეშვა და ნახნავებზე ბარგანაობით გასწია ტყისაკენ.

— არ დავკლავ, არა, ტყუილად ნუღარ მოდიხარ!... — ანტონმა ტყეს მისცა თავი. მეორე დღეს მეხრემეგუთნეებმა თავიანთ ხარებში შერეული ორი უცხო ხარიცა ნახეს. სადილობა იყო მოტანებული, რომ გეტამეჯიდან დარეკეს, ხარები დაგვეკარგათ. მოვიდნენ, წაასხეს თავიანთი ხარები და მხვნელები ისევ კვალზე ჩამოსხდნენ. ორიოდ დღის შემდეგ გუთანში კამეჩები ნახეს შებმული. ორი შებმული იდგა, ერთი კიდევ იქავე წამოწოლილი იცოხნებოდა. ირგვლივ არც ერთ მომიჯნე კოლმეურნეობას კამეჩი არა ჰყავდა — ძალღიშვილს ყაზახიდან წამოესხა. — ამუშავეთ, სანამ ყაზახელები გაგვიგებენ! — გასცა განკარგულება აბგარმა. მხვნელებს კამეჩი მისდღეში არ ემუშავებინათ და არც მისი ავ-კარგი იცოდნენ. ცხელოდა, კამეჩებს ქაფი გასდიოდათ და ენაგადმოგდებულები კვალში იჩოქებდნენ. — ჰეი! — ტყიდან გამოვიდა ანტონი, — ფეხებში სცემეთ, ფეხებში! კვალში რომ დგას, მაგას ლაჩინა ჰქვია, ველისას კი — ყარა. იმ მესამის სახელი არ ვიცი, თქვენ დაარქვით!

ანტონი ერთი-ორ თვეს თავისთვის იყო, არავის აწუხებდა, ხანდახან თუ გამოჩნდებოდა დასახმარებლად: — ჰეი, მეც დამიწერეთ

1 სიტყვები ხალხური ლექსიდან.

შრომადღე! — და მისთვის დასაწერ
შრომადღის რაოდენობას ხელით
თავადვე ხაზავდა ჰაერში: „0...0...
0“. ერთხელ თავმჯდომარეს ერთი
რამ ქაღალდი მიუტანეს. კედლის
გაზეთზე ვნახე გაკრულიო, განმარ-
ტა მომტანმა. ქაღალდში ეწერა:
„თავმჯდომარე აბგარს. შენმა საწყო-
ბის გამგემ მთელი ხორბალი ზურ-
გით გაზიდა სახლში. რომ ნახა, მე-
ძინა — ცხენით ეზიდა, რომ ნახა,
გეძინათ — ურმით. მოწმე ვარ ამისი,
ჩემმა მზემ!“.

ეს სინამდვილეში ასე იყო და
დადასტურდა კიდევ. საწყობის გამ-
გე დააპატიმრეს, ხოლო პარტუჯ-
რედმა რაიკომსა სთხოვა, ანტონის-
თვის ეპატიებინათ. უჯრედის მდივან-
ი და ბიუროს წევრები, მათ შორის
თავმჯდომარე აბგარი, რაიონში გა-
მოიძახეს და კარგად შეახურეს. უჯ-
რედის მდივანი მოხსნეს, დანარჩე-
ნებს კი საყვედური აკმარეს. დაძ-
მარებულნი და მხრებჩამოყრილნი
სოფელში ბრუნდებოდნენ და ის
იყო ანტარამეჯის გზაზე გავიდნენ,
რომ ტყიდან ანტონიც გამოეცხა-
დათ. გამოვიდა და გადაუდგათ წინ.

— თანამდებობას გულწრფე-
ლად მოგილოცავ, ანდრო. რაც შენ
ჩვენს მოჯამაგრობაში დატანჯულ-
ხარ, ზოგი ღვთით მაგდენსაც ვერ
ელირსება ხოლმე. მაინც ახალი ხარ
და წინ იარე, რა ვიცი, იქნებ ხელი
წაგიცდეს და მესროლო, — ანტო-
ნი დანარჩენებს საუბრით მიჰყვა
სოფლის ბოლომდის: — ეგ მიხსნა-
მოხსნაა თუ საყვედურები, დიდი
არაფერია, — თქვა ანტონმა, — უვ-
ნებელი რამეა ეგ საყვედურები, არ
ღირს მაგაზე დარდი და წუხილი.
ნურც ჩემზე იფიქრებთ, მე ერთი
კაცი ვარ. ერთი კიდევ თუნდა აქეთ
იყოს, თუნდა იქით, მაგით არაფერი
შეიცვლება. თქვენთვისვე გამბობ,

დამიჯერეთ. შენ გეუბნები, აბგარ,
და გამიგონე: აი, გულზე ხელი და-
მიდვია და მიტყვამს: მართალი საქ-
მეა თქვენი საქმე. მე სემინარიაში
სოციალისტი ვიყავი, თითქმის კო-
მუნისტი და ვიციმე ეგ. ხედავ, არც
კი ვჩივი, უსამართლოდ მდევნიან-
მეთქი. მე ერთი ვარ. გარდა მაგი-
სა, ჩემი ამბავი პრინციპულია. კუ-
ლაკია? გათავებული ამბავია! ჰო-
და, ხომ ხედავ, ამაზე არაფერს ვამ-
ბობ. ჩემ გამო თქვენ არაფერს გავ-
ნებენ, მაგრამ შენი საწყობის გამგეს
რომ მხოლოდ სამი თვის პატიმრობა
მიუსაჯეს, აი, რამ უნდა მოგწყვი-
ტოთ წელი. თუ იცი, რატომ მისცეს
მხოლოდ სამი თვე? იმიტომ, რომ
მოსამართლის ლიკუბუქტელი ძმაკა-
ცია, ერთად მუშაობდნენ სალიკვი-
დაციო პუნქტში და კიდევ იმიტომ,
რომ გამომძიებელს ფული მისცეს,
მოქრთამეს. ქრთამი! — აი, რა იქნე-
ბა თქვენი წამხდენი, თორემ ჩემგან
თქვენ რა გევნებათ. ერთ ხარს თუ
დაგიკლავთ, მერე რის ვაივაგლახი-
თა და ძაღლუმადურობით ყაზახი-
დან კამეჩები მომიდის თქვენთვის.
თრიოდე ყაჩაღ-ყუჩული ვართ, დღეს
არა — ხვალ აქა-იქ ჩავძაღლდებით,
ჩვენ რისი წამხდენები ვართ?! ისევ
და ისევ გეუბნები, აბგარ, თქვენი
დამაქცეველი ქრთამი იქნება!

ამ ლაპარაკში ახალარჩეულმა
მდივანმა უცებ ცხენი შემოაბრუნა
და რევოლვერი შემართა, მაგრამ
ააცდინა. იმავე წამში, სანამ მეორეს
მოასწრებდა, ანტონს უკვე ზედ თვა-
ლებზე მიეხრჩინა მისთვის მაუზერი
და სულმოუთქმელად აყრიდა სი-
ტყვებს:

— რად გინდა ჩემი მოკვლა, შე
ვირიშვილო!... ცუდი რა მიქნია შენ-
თვის, შე საქონლის ჭირო, შენა!...
ლამე თბილად წევხარ, არა?... გსი-
ამოვნებს, არა?... მარილის, მარი-

ლის, იმ კაპიკიანი მარილის საქმე როგორღა გაქვს, შენი!.. თუ ცოტა დაგიმლაშა საქმელი, დაჰყვირი ცოლსა, არა?... აბა, ერთი უმარილოცა ჭამე, როგორია!... წადით, მადლობლები იყავით, რომ თქვენი გვამებით არ მოვფინე აქაურობა... იცით, არა, რომ ურუტელი აღასი ანტონს არა ჰგავს?.. რომ შესულა კანტორაში და... გაგიგიათ, არა? მთელი უჯრედი რომ ამოწყვიტა, ათი სული რომ დააწვინა იქვე!.. სოციალიზმისა ფრჩხილის ტოლა თუ გესმის რამე, შე ლიკუპუნქტელო ბრიყვო, ვირისთავო შენა!.. წადით, წადით, მიწა ხანით!

დაფიქრებული დაშორდნენ. მერე აბგარმა დაილაპარაკა: — ცოტა, სემინარია დაამთავრა და ტყე-ღრეებში კი სძინავს. არადა, სკოლაში ერთი ხეირიანი მასწავლებელი არა გვყავს.

პარტორგანიზაციის მდივანმა თავმჯდომარეს თვალები დაუბრიალა.

— მდიდრის ნახსლეთი იყო და ხალხის ფულებით ისწავლა. დიდი ამბავი, ტერტერების სკოლა თუ აქვს დამთავრებული!

იმავე დღეს მან მილიციის რაზმი გამოიძახა და ანტონის საძებნელად წაუძღვა. ანტონი ვერსად იპოვეს, მაგრამ სამაგიეროდ ნახევარი ფარა ცხვარი ამოწყდა. ძიებამ დაადგინა, რომ საქონლის სარწყულებელ ჭაში სპილენძის ოქსიდი ჩაეყარათ. ამის საპასუხოდ „ორგანიზებულ იქნა“ ანტონის შეყვარებული ქალიშვილის ქორწილი მედოლეზე. პასუხის პასუხად ანტონმა კოლმეურნეობას ორმოცდაათივე ხარი ამოუწყვიტა. ამის გარდა, მეორე დღეს, მილიციის პატრულს თითქმის ცხვირწინ ააცალა რუსული ენის მასწავლებელი ქალი, რომელიც გვიან და-

მით კრებიდან სახლში ბრუნდებოდა... „მდადეც გაუხდა!... ჩემს მდადეს დამიხედეთ!.. ტაში-ჰ!.. აბა, ტაში!.. ახლა წადი. იმ შენმა მედოლემ დიმიდარო-დამპიდარო უკრას. შენ კიდევ — ტაში!.. კარგი ერთი, რა გაღრიალებს, მამა გიცხონდა! თუ მოხოვნელი არა გყავდა, ახლა მე გითხოვ. სპარსეთში წამომყვები?“. იმავე ღამეს მან პარტორგს ესროლა. პარტორგს ტყვია ასცდა, ანტონი კი არ იყო ამცდენი; უბრალოდ, სინდისმა დაუშალა — მას ჯერ კაცი არ მოეცლა.

ერთხელ, მალევე ამის შემდეგ, მარმარა კარზე გამომდგარიყო და თავისი მედოლე ქმრის ქურთუკსა ბერტყავდა, რომ გადაღმა ტყეში თოფი გავარდა. ტყვიამ მარმარას ყურთან გაუწივლა და კედელს მიეტყაბა. ძაღლებმა ყეფა იტეხეს. მილიციის რაზმი ჯაგნარს შეერია და ბუჩქების ფარებ-ფარებით ტყისკენ წავიდა. მუქელანთ ანდროც გამოვარდა, ბარს დასცა ხელი და ღიად, პირდაპირ ნახნავებით გაიქცა ტყისაკენ, რომ ან ჩაეძაღლებინა ანტონი, ან კიდევ თვითონ ჩაძაღლებულიყო. ტყიდან გამოვარდნილმა ტყვიამ ანდროს ქუდი გადააძრო და ბარის ტარიც გადაუტეხა. სოფელში მისმა ცოლმა იწივლა და გული წაუვიდა. თავმჯდომარე აბგარი გაგიჟებას იყო: „ბოლოს და ბოლოს გადაამლაშე, რაღა!.. თუ ჰბარდები — ჩაბარდი, თუ არა, აიკრიფე გუდა-ნაბადი და მოგვშორდი!“... ანტონი ვერ დაიჭირეს, წაუვიდათ და აღარც გამოჩენილა მეტად. რუსული ენის მასწავლებელს გული შევარდნოდა ანტონზე, მისი სურათი ეშოვა და ძალიანაც ესურვილებოდა. უნდოდა მოსკოვის საშუალებით როგორმე გაეთავისუფლებინა იგი და მასთან ერთად ეცხოვრა სოფელ ანტარა-

მეჭში, მაგრამ ანტონის ლანდიც კი აღარსად იყო. ფიქრობდნენ, იქნებ ტიფმა მოინარეკლა სადმე, რომელიმე ჯაგის ძირასო, მაგრამ ომის დროს სპარსეთში ჯართან ერთად ჩასულ ერთ გეტამეჯელ ჯარისკაცს ენახა თურმე თავრიზში: „თავისი დუქანი ჰქონდა. იქდა დუქანში რბილ სკამზე, ტკბილ თუთუნს ეწეოდა და თვლემდა. ფერი, ტანსაცმელი, თვალები, კაცო, თვალებიც კი სულ შესცვლოდა, თითქოს ჩემი ძველი ნაცნობი ანტარამეჯელი კაცი არ ყოფილიყოს. თან ისეთი მაძლარი გამომეტყველება ჰქონდა, რომა!...“ ჰა, როგორ არის საქმე, ანტარამეჯი ისევ არის ამქვეყნადო, შეჰკითხოდა ანტონი გეტამეჯელს და თან აბოყინებდა თურმე.

იმას გამბობდი — ვინც უნდა სძულებოდათ, ესე იგი, დავითის ბიჭი ანტონი, ის არ შეიძულეს. ან როგორ შეიძულებდნენ, როცა სიძულვილი რა არის, ეგეც არ იცოდნენ, სანამ იმ ხანებში დაწყებულმა ომმა სოფლიდან არ გაზიდა ათას ცხრაას ერთიდან ვიდრე ათას ცხრაას ოცდაექვს წლამდე დაბადებული ყველა მამაკაცი, ვისაც ცოტად თუ ბევრად გაუკაცობა-მამაკაცობა ეთქმოდა. მაგრამ ისინი, ის ცხრაას ერთში დაბადებულები, აბა, რა გაუკაცობები იყვნენ. ისინი, უბრალოდ, ოჯახის პატრონები იყვნენ, საფეთქლებშევერცხლილნი და თმაშეთხელებულნი. შეთხელებული კი არა, ზოგს თმაც აღარა ჰქონდა თავზე. ბევრნი, ვისაც ყარაქილისას ბრძოლის შემდეგ ბრძოლა აღარ ენახა, ბარს ისე შესჩვეოდნენ, თოფი ბარივით ეჭირათ. ან, კაცმა რომ თქვას, ის ოცდახუთ-ოცდაექვსში დაბადებულები რა გაუკაცობები იყვნენ. ხორენი, მაგალითად, ჯარში გაწვევამდე ერთი კვირით ადრე ურმით კარტოფილს

ეზიდებოდა, ხარები ქედურობდნენ, არ ეწეოდნენ, ის კი სახრესა სცემდა და თან ტირიდა. ვაშლა ხარს კული ამოეკრა მისთვის თვალში და ტირილშიგდამიგ ღმულოდა გამწარებული. ისინი იმისთვის დაიბადნენ ცხრაას ერთიდან ცხრაას ოცდაექვს წლამდე, რომ სხვადასხვა დროში ეცხოვრათ, ჯერ-ჯერით დაბერებულიყვნენ და ერთიმეორეს მიყოლებით ოცდაექვსი წლის შემდეგ მომკვდარიყვნენ, მაგრამ ომმა ისინი ან ერთად დაასაფლავა, ან ერთად დააბერა, ანდა ერთად დაახეიბრა. ვინ — ხალათის სახელოჩამოკონწიალებული დაბრუნდა, ვინ — ხისფეხიანი, ვინ კი სამუდამოდ მომლოდინე დარჩა თავისი თუნდაც უხელო, თუნდაც უფეხო შვილისა, ქმრისა თუ ძმისა. ანტარამეჯმა ომში ასი გაუკაცი გაგზავნა, ომს კი ანტარამეჯისთვის ღილი რა არის, ერთი ღილი ან თუნდაც ხბოს დასაბმელი ერთი თოკიც არ გაუმეტებია.

თუმცა, ჰო! ჰამომ ბერლინიდან ერთი ამანათი გამოგზავნა სოფელში. სოფლელებმა იცოდნენ, რა იყო ამანათი, თვითონაც ბევრჯერ გაუგზავნიათ: ჩააწყობდნენ ყუთში წინდებს, მატყლისგან ნაქსოვ ტანსაცმელს, მატყლის ხელთათმანებს, მურაბას, კაკალს, თუთუნს, ბავშვის თითების მონახახსა თუ სხვა რამეს, დალურსმავდნენ, საველე ფოსტის მისამართს აწერდნენ და გზავნიდნენ. იმდენს გზავნიდნენ, რომ საერთოდ აღარაფერი რჩებოდა გასაგზავნი, არამცთუ სარჩევად ჰქონოდათ საქმე (ერთხელ ჰამოს ცოლმა, როცა ამანათის ყუთს ავსებდნენ, აღარ იცოდა, სხვა რაღა ჩაედო შიგ და ბოლოს ერთი მსხვილი კარტოფილი ჩადო. თან იღიმებოდა, გეგონებოდა, აი, ახლა გაიცინებსო და უცებ კი ატირდა. სულელო, რა გა-

ტირებსო, დაამშვიდეს იგი და ჰამოს კარტოფილთან ერთად წერილიც გაუგზავნეს, ვითომც, ნახე, რა კარგადა ვართ, კარტოფილის დათესვაც კი არ დაგვვიწყებიაო. მააშ.). მოკლედ, სოფელს „საველე ფოსტის“ მისამართზე გაგზავნილი ამანათები ბევრი ენახა, მაგრამ სოფლის მისამართზე რომ ამანათი მოსულიყოს, ამას კი პირველად ხედავდნენ. მიიღეს, შეიკრიბნენ და წაიღეს გასახსნელად. გახსნეს და რას ხედავენ: ჰამოს თურმე ბუმბუღიანი ლეიბი არ გამოუგზავნია?... ვაი, რატომ ეგ თავი არ მოგიკვდება, ჰამო!

— ის აქაც ვერ იყო მთლად დაწყობილ ჭკვაზე!...

ჰოდა, იმ დღეებში, როცა ხალხი რაღაც საშინელის ნახვას ელოდა, მაგალითად — გენერლის გახვრეტილი ქუდისა, გატეხილი ჯვრიანი მუზარადისა ან თუნდაც ჰიტლერისა, რომელიც მაიმუნივით გალიაში იჯდებოდა და მზესუმზირასაც აკნატუნებდა — სწორედ იმ დღეებში სოფელმა ერთი ფაშატი მიიღო, ფეხწვრილი გრძელკისერა და აღვილობრივ ცხენებზე ორჯერ მაღალი, უზანგამდე ფეხს ვერ ჩააწვდენდი. სტეფანე ძიას, რომელმაც ახლოს ჩაუარა, ფაშატმა წიხლი გაუქნია. სტეფანე ძია განზე მიდგა: — რრრ, გერმანელო!...

— ძიაკაცო, ცოტა იქით გაიწიე. კბენანაა...

— მე ნუ მასწავლი. რაჯი გერმანელია, კბენანა იქნება, მაშ რა იქნება.

— შენ რა იცი, რომ გერმანელია.

— ვიცი, მაშ მეტი რაღა ვიცი. მე რომ რუსეთ-იაპონიის ომში ვიყავი, მამაშენი მაშინ თითებს იწუწუნებდა.

ერთმა მეოთხეკლასელმა ბიჭმა შორიდან ქვა მიარტყა ცხენს.

— ჰიტლერი!

ქერჩიდან ცალი ფეხით დაბრუნებულმა ნიკალამ კი დაუმატა:

— ფრაუ ჰიტლერი!

— ფრაუ-მრაუ ჰიტლერი, — ექიმსავეთ გამოსცა მეოთხეკლასელმა.

ცხენს შორიშორ შემოხვეოდა ათიოდე კაცი და ყველანი ფრაუ ჰიტლერს ეძახდნენ. მერე ერთი, სხვებზე უფრო გამბედავი, ნელა-ნელა, ნელა-ნელა მიუახლოვდა და — ჰოპ, სტაცა ხელი აღვირში, — ფრაუ!.. — მივიდნენ სხვებიც, იმათაც ჩაავლეს აღვირში და ათიოდე წუთს ასე იდგნენ, ცხენს იჩვევდნენ. მერე იმავე გამბედავმა ხელი ფრთხილად გასწია და უზანგი გაამაგრა, — ფრაუ... ცხენი შეტოვდა. ათივე კაცმა მაშინვე მაგრად დაჭიმა აღვირი. შემდეგ ის მეოთხეკლასელი გაგზავნეს და სახლიდან სხვა აღვირი მოატანინეს. როცა მან ქაქანით მოირბინა, გამოართვეს და ცხენს მეორე აღვირიც ჩამოაცვეს. მერე ჯამბაზივით მსუბუქი ბალიში ცხენზე დააბეს, დაამაგრეს, აღვირები ხელში ააკრეფინეს და — ჰაიდა! — სტეფანით, ქვის სროლითა და ყაყანით გაუშვეს ნახნავეებზე.

— ნუ გეშინია, აღვირები მაგრად გეჭიროს.

— უნაგირს მიეკარ, უნაგირს!

— წაილუნე, ბალიშ, წინ წაილუნე!

ბალიშს ცხენი ჯერ ნახნავეებით მიჰყავდა, იქიდან კალოებზე გადაიყვანა, მერე მიჯნებზე არბენინა, მთა გადაიარა, გადაჰფარდა და დაიკარგა. ეგონათ, ვინ იცის, დაამტვრია კიდევ ცხენმაო, რომ გეტამეჯის გზაზე შემოჩნდა, კამსარის სახლის ბილიკით აღმართს ამოჰყავდა სოფელში ამოვიდა.

ბალიში ჩამოსვეს, ახლა სხვა შესვეს.

— ნახნავეზე არ გინდა, გზაზე გაიყვანე, გზაზე. გზაზე სწრაფად წავა.

ნახნავებზეც არბენინა და გზაზეც, არხზედაც გადაახტუნა, ღობეზეც აქლეთინა მუცელი, მოსწყინდა და უკანვე მოიყვანა. მერე მოსწავლე შესვეს: — მაგრად დაეკარ, არ გადმოვარდე! — გადმოვარდა კი არა, და, ყველაზე მეტი არბენინა და ისე შეუბრალებლადაც სცემა, კინაღამ მოკლა ცხენი. მოსწავლის შემდეგ ცალფეხა ნიკალა შეჯდა, — ფრაუ... ჰუ!... აბა, დაიძარ, შე ძაღლის გაგდებულო. ფეხი მომაჭამე და ახლა სირბილიც აღარ გინდა?! ჰაა!..

ცხენი ხვნეშოდა. გაოფლიანებულიყო, თითქოს წყლიდან ამოსულაო. თავი ისე მაღლა აღარ ეჭირა, უკვე ბავშვიც კი ხელს მიაწვდენდა დრუნჩხე.

სალაყბოზე თავშეყრილებს ბერლინელი ჰამოც შეუერთდათ.

— ველურები ხომ არა ხართ, აბა, რას აკეთებთ?!

— ეგ შენს ლეიბსა ჰკითხე, ვინც არის ველური!

— ჰამო, შენი ლეიბი რბილია?

— ჰამო, ჰიტლერის ცოლს რა ერქვა?

— ჩასულიყავი ბერლინში, ერთი ლეიბი კიდევ შენ წამოგეღო და გაიგებდი, რბილია თუ მაგარი. ჰიტლერის ცოლს ევა ერქვა, ცხენიდან კი ჩამოდიო, ცოდოა!

— ეს ევა ბრაუნ — ჰამო ნაღდი ლეიბის პროფესორია, რაღა!

— ჰაჰუ, ევა ბრაუნ!..

— გააჭენე, მაგისი ევაც!...

— ყური დამიგდე, პირუტყვო, შენთვის ეგ ევა ბრაუნი არ არის. ევას გამჭენებელი რომ ყოფილიყავი, მკლავს ტყვიას კი არ მიუშვერდი!...

და ჰამომ აუხსნა, რომ ეს ნამდვილი, ჯიშისანი სამხედრო ცხენია, მაგრამ ამის შემდეგ ცხენს მაინც ევა ბრაუნი ღარჩა სახელად. ვინც

ვის მოასწრებდა, ზედ ისა ჯდებოდა, რამდენიც კი შეეძლოთ, ბარგსა ჰკიდებდნენ, ბალახს არ უყრიდნენ, ყინვა-ავდარში თავლაში არ შეჰყავდათ, ავტომანქანას უჭიბრებდნენ, მთელი ოჯახობით — ცოლითა და სამ-სამი ბავშვით ზედა სხდებოდნენ და მთაში აღიოდნენ; ამათ გარდა კიდევ ხურჯინიც ეკიდა, ლუმელიც, ლუმლის მილებიც, თან კიდევ სკინტლიანი ქათმები და მიდიოდა, მიეზანყებოდა მთისაკენ კრიახითა და ჩხარა-ჩხურით. ამგვარ უბედურებაში ჰყავდათ და ველარც დიდხანს გასტანა, ერთ წელში შემოაკვდათ.

გერმანიასა და გერმანელებზე სოფელელთა წარმოდგენა ომის დროინდელი ცნობებით იყო ნასაზრდოები. სოფელმა იცოდა, რომ ზოია კოსმოდემიანსკაია ჩამოახრჩეს, რომ გმირი ახალგაზრდა გვარდიელები ცოცხლად ჩაყარეს მაღაროს თხრილში; რომ მათი მწვალებელი გესტაპოელი, როცა ახლომახლო არავინ ეგულებოდა, მყრალ სუნს უშვებდა და კისერზე ჩამოკიდებულ ტოპრაკში მის მიერ დახოცილი ურიების ოქროს კბილებს ითვლიდა; რომ გერმანელი ოფიცერი ტყვე პარტიზანს ნაშენობაში წიხლს ურტყამდა, ჩექმის წვერს ცხვირსახოცით ისუფთავებდა და მერე იმ ცხვირსახოცს აგდებდა; რომ გერმანელს ეშინია ჩვენი ხიშტისა, თავქუდმოგლეჯილი გარბის თავის გერმანიაში და სხვა.

ასე იყო კარგა დიდხანს, სანამ ის მეოთხეკლასელი ჯარისკაცი არ გახდა, სადღაც შორეულში არ იმსახურა და იქიდან ნახევრად რუსი, ნახევრად გერმანელი ცოლი არ ჩამოიყვანა.

— თი, ფრაუ ბრაუნ!...

— გლეწო რო — კბილები ჩამო-

გაყრევინო! — წაუსისინა იმ მეოთხე-კლასელმა.

ასე იყო მანამ, სანამ ფრაუ ბრაუნი ანტარამეჯულმა მზემ, ქარმა, წყალმა, ძროხებმა, ცხენებმა, ქათმებმა, თოვლმა, ტყემ, მამლების ყიყლიყოებმა, ხალხის ერთურთგადაძახებამ, ნებმა, პილპილმა თუ ათასმა სხვა რამემ მთლიანად არ გაანტარამეჯელა და თავისი რუსულგერმანული ენაც ანტარამეჯულით არ შეიცვალა:

— გული მწვადსა მთხოვს, მამა;

— საპონი არა გაქვთ, საპონი მომეცით, საპნით დავიბანო; — თივასა ვფოცხავდი და იმიტომაც დამიბებრდა ხელები; — ვინც არ მუშაობს, ის არ ჭამს, ვინც მუშაობს, ის — ჭამს; და ანტარამეჯულად წაოხუნჯებაც კი სცადა: — ვინც მუშაობს, დრო არა აქვს, ვინც არ მუშაობს, დრო აქვს, ჭამოს.

ხელები კი მართლაც გაუხეშებოდა. თავად პატარა გოგო იყო, მუშაობისას რომ გენახა, იტყოდო, ცოდოა ეს ბავშვიო და ხელები კი გაუხეშებოდა.

...ჰოდა, ახლა როგორ უნდა შეიძულო კაცი, რომელსაც, როცა დასცინი, იგინება, მაგრამ აღელვება რომ მოერევა, რაიონიდან სოფელში რეკავს და ხარებსა კითხულობს, როგორ არიანო. ეჰ, არა, ძმაო, სიძულვილი ოქროს ზოდია და იმ ზოდს ყველანაირი ღილისთვის ვერ დააქუცმაცებ. განა ისეთი რა მოხდა? ცხვარი სხვისი იყო და, რაღა თქმა უნდა, ამას დავა-ლაპარაკიც მოჰყვებოდა, ჩხუბიცა და ციხეც. ღიდი ამბავი!

10

კოკა მძიმე იყო და ცოლიც მძიმედ ამოდიოდა წყაროს ბილიკზე;

მავს გარდა, კიდევ ფუთიანი ვედროც ეჭირა მეორე ხელში და ისიც მხარსა სწყვეტდა; გზის მტვერ-ვაგლახში მისი ბავშვი ჩამჯდარიყო, იფხლიკებოდა და დედას ღრიალით მოსტიროდა, ამიყვანეო; იქავე ბაღში, თხა გადასულიყო და ერთი წლის ვაშლის ნამყენს გემრიელად ახრამუნებდა. რა იხილა ეს ყველაფერი, ზავენს გული მოუვიდა თავის თავზე: ეს რა ბავშვურ რამეებს ჩავდივარ, რა თავქარიანი ქალივით ვიქცევი, რომ ოჯახის მიმართ პასუხისმგებლობაც დავკარგე და თავმოყვარეობასაც ხელი ავუქნიეო. ეს კარგად არ დამიჯდებაო, გაიფიქრა ზავენმა და პავლეს უთხრა:

— იქ ბაღლური რამეები არ დამიწყო, პავლე, რიგიანად გეჭიროს თავი!

— შენ რა უთხარი?

— რა ვიცი, — ხელი ჩაიქნია ზავენმა, — შენ მაინც ჭკვიანად იყავი.

— არც წავალ და არც ჭკვიანად ვიქნები, — მძიმედ თქვა პავლემ.

— აი, მაგიტომ გეუბნები სწორედ. ასე რომ, წახვალ კიდევ და ჭკვიანადაც იქნები!

„ამ ამბავს კეთილი ბოლო არ უჩანს, — გაიფიქრა ზავენმა. ყველაფერი კი იშხანის ყბადიაობის მიზეზით მოხდა. თუმცა, იშხანი რა შუაშია, ჩემი ბრალია ყველაფერი. ან არადა, კაცო, მართლა ქურდობა ხომ არ ჩავვიდენია, რომ იშხანს დაემალნა?! მაშასადამე, არშოა დამნაშავე... არშოსთან კიდევ რა მესაქმება — არშო მაზუთია, რასაც წაუსვამ, ზედ მიეკვრის. ჰოდა, მიჰკვრია კიდევ თავის შესაფერ ადგილს. კაცო, როგორ თუ თავის შესაფერ ადგილს მიჰკვრია, — თავს გაუბრაზდა ზავენი — არშო აქ რა შუაშია, ან გამომძიებელი რა შუაშია. აქ შენა ხარ! შენი შრომა! შენი მთები! შენი რევაზი!

შენი ცხვარი და შენი გეტამეჭი!

ერთხელა თუ ორჯერ ყოფილა. გეტამეჭელებს ჩვენი ჯოგი მოუბარავთ?

აქეთ ჯოგი, იქით — ჯოგი, სად არის ჯოგი?! ხუთი დღე, ექვსი დღე. ერთი კვირა გვიძებნია და ვერ გვიპოვნია! მერე გაიხედავ და, ვიღაცა რეკავს ტელეფონზე: „ეგ რა კარგი ცხენები გყოლიათ, კაციო!... სათიბ მანქანას ისე ეწევიან, თქვენც გაგიკვირდებათ; ის კი არა, იტყვიან კიდევ: „მაშ, დავიჯეროთ, ესენი ჩვენი ცხენები არიანო?“ და — წკატ! — უცებ ითიშება ტელეფონი. კანტორაში მყოფნი ჯერ შტერდებიან, მერე რომელიმე ცოტა უფრო საზრიანი ყურმილს იღებს და სასოფელ-შორისო სატელეფონო სადგურში რეკავს: „ალო, ამ ცოტა ხნის წინ რომელი სოფელი ლაპარაკობდა ანტარამეჯთან?—ეგ სახელმწიფო საიდუმლოებაა! — ალო, ანიკ, გთხოვთ, შენი ჭირიმე, ცხენები ძალიან გვჭირდება. — ნუ მაცდენთ, მე სახელმწიფო მოსამსახურე ვარ.—ანიკ...— კარგი, თუ ერთ წყვილ წინდას დამპირდებით! — ანიკ, თუ ქალი ხარ, ჯერ ჩემი ცოლისთვისაც არ მიყიდი წინდები...“. ტელეფონი ითიშება. იგივე ყველაზე უფრო საზრიანი კვლავ იღებს ყურმილს, განრისხებული რეკავს და მორიგეს ემუქრება, წინდას გიყიდი კი არა, მოვალ, რაც ზედ გაცვია, იმ წინდებსაც გაგხდით. — როგორც გენებოთ! -- პასუხობს ანიკა და კვლავ უთიშავს ტელეფონს. ტუ, ტუ, ტუ, ტუ...

ახლა თავმჯდომარე რეკავს: — ანიკ, მე ვარ. ერთი რამ უნდა შეგეკითხო, ანიკ... — წინ-დე-ბი! — ეუბნება ანიკა. — კაი, ბატონო, ალალი იყოს... — ერთი წყვილი იმიტომ, რომ გატყობინებთ; ერთი წყვილიც ჩემს

დედამთილს უნდა უყიდოთ. შეურაცხყოფა რომ მომაცუნეთ, იმიტომ. კარგი, — ეუბნება თავმჯდომარე, — ორთავეს გიყიდი. შენს დედამთილს კიდევ სარტად სხვა რამესაც გამოვუგზავნით. მოხუცებულია. ჩაიცვას, არ გაცივდეს. შენ ეგ მითხარი, სხვა ვინმე — დედა, ბებია ან დედამთილის დედამთილი აღარა გყავს, რომ თითო წყვილიც იმათ... — სხვა ვინ უნდა ყოფილიყო, გეტამეჭი იყო. — ამბობს ანიკა, — წინდები არ დაგაეწყდეთ, თორემ ერთხელაც მოგიხდებათ რამე.

ერთხელ კი არა და, ბევრჯერაც მომხდარა, მაგრამ კაცი რომ მოეპაროთ, ეგ კი ერთადერთხელ მოხდა.

პავლე დაიკარგა. შვიდი დღე ზედიზედ არ გამოჩენილა. ხუთი დღე დაკარგულად არცა სთვლიდნენ. რადგან ანტარამეჯი მხოლოდ ორასი სახურავით არ შემოიფარგლება, სოფელს დიდი მისადევარ-მოსადევარი აქვს და ხალხი ტყე-მინდორშია გაშლილი. თუ მზე და სითბოა, მთელ იმ მოსადევრობაზე ერთი ამბავია: სიცილი, ტირილი, განკარგულება. ელარუნ-ჩხარუნი, ორსულის მიზანტეხული ღიმილი, ვედროდან ამავალი ორთქლი, საპნის ქაფი, კოცნა, ამბორი, ჭორი, გაჭრილი თითი, ტკივილისგან შეჭმუხნული შუბლი თუ ჭრილობის სახვევი. მოკლედ, სოფელი ამ დროს მინდვრებში უფროა. ვიდრე თავად სოფელ ანტარამეჯში. სადაც თავლივით ზანტად იღვენთება მამლის ყიყლიყო, ბანზე გაფენილი ჩირი ხმება. ხოლო ჩირისა და მამლის პატრონი დედაბერი შვიდი თვის ჩვილს ასე ეუბნება: — დედილომ ძუძუ მინდორში წაიღო, გენაცვალე? უძუძურად დარჩი. შემოგვევლე?...

ერთი სიტყვით, პავლე დაიკარგა. ხუთი დღე დაკარგულად არცა

სთვლიდნენ, რადგან ასეთ დროს, როგორც ვთქვით, მთელი ანტარა-მეჯი მინდორშია და ცდილობს მინდორიც ისევე დამთავრებულ ნივთად გაიცხადოს, როგორც თავის სახლში ელექტრონათურა, სუფრა-გადაფარებული მაგიდა ან კიდევ ჩაიდანი. საცა სამუშაოა, კაცი იქ არის. სახლში საქმეს რა უნდა, სახლში უნდა დაისვენო. ზაფხულობით კი ან სახლში როგორ დაისვენებ?

ასე რომ, ხუთი დღის განმავლობაში დაკარგული არ ეგონათ. მეექვსე დღეს, შესვენება რომ მორჩა, მთიბავთა ბრიგადირმა დაიძახა: — ადექი, პავლე!

მაგრამ პასუხად მხოლოდ ზავენის ხმა გაისმა ღარტაფში: — ნეტავ მსოფლიო კომუნიზმი როდის მოვა, რომ აღარაფერი ვაკეთოთ და მართო გვეძინოს და გვეძინოს, პა, პავლე?

— ეი, ძმისწულო, ადექი, — იშხანმა ქუდი ესროლა მის პირდაპირ დაყუდებულ, თავისი აზრით, პავლეს ზურგს, მაგრამ გაიჩქვია, რომ ის ზურგი იშხანისავე ვირის ფალანი იყო მხოლოდ.

— იმდენი სძინებია, რომ უგრძნობელი გამხდარა, ვირის ფალნად გადაქცეულა, — ეს ზავენი იყო. იგი უცებ შედგა და, თითქოს რაღაცას მიხვდაო, დაუსტვინა, — დღეს პავლე არ მინახავს, ბიჭებო. გუშინაც არსად დამიკრავს თვალი, გრიძა!... ხუთი დღეა, არა ჩანს. მეც არ გამიკვირდა, ჩვენი ნათიბი რა ცოტა გამოვიდა-მეთქი. პავლე არ არის და იმიტომაც გამოვიდა ცოტა.

მიაკითხეს ზელმძღვანელობას. არც იმათ იცოდნენ რაზე, არაფერი დაგვივალებია და არსად გაგვიგზავნიაო.

— არა, ყველის გასასვლელად არ წასულა, — თქვა ცოლმაც.

მერე დაბლა საძოვრებიდან ბინაში ბებიას ასძახეს:

— ჰეი, ანუშ ბებო, ანუშ ბებო!.. პავლეს უთხარი, ჩამოვიდეს, მაწონი ჩამოგვიტანოს და ჩამოვიდეს...

ანუშ ბებომ კი მთიდან ჩამოსძახათ:

— პავლე გამოგზავნეთ, მოვიდეს, მაწონი ჭამოს, მაწონი, მაწონიიი...

— ვგზავნით, ვგზავნიით, — უპასუხეს მთიბავეებმა ანუშ ბებოს და ერთმანეთს შეეკითხნენ: — სად იქნება?

ძია ავაგმა თქვა: — მე აღრევე მოვისაკლისე, მაგრამ ეს უპატრონო დღეები აღარ დამითვლია.

— ბიჭებო, გახსოვთ, ტიგრანი ერთ თვეს რომ იყო დაკარგული და მერე მკვდარი იპოვეს ცოცხით ხელში? ცოცხის კვრისას მომკვდარიყო.

— კაცო, ნუ მიედ-მოედები რაღაცას!

მაგრამ, რადგან კაცის ეს იდუმალი გაქრობა დამაფიქრებელი იყო, ათასი მიზეზი და ვარაუდი ჩხრიკეს. იშხანი კარგა ხანს ყელს იწმენდდა და წრიალებდა, რაღაც სათქმელი აწუხებდა. ყველა მას მიაჩერდა. შეშინებულმა და უცნაური ფიქრით დაძაღულმა იშხანმა ველარ შეიკავა ტვინის მხურვალე ჩარხიტრიალი.

— ღმერთმა ნუ ქნას, ხალხო, მართლა ასე იყოს და... მაგალითად ვამბობ, რა ვიცი... აი... ვაითუ, მისი ბიძა რომ მთვარეული იყო...

— მერე?

— ღამ-ღამობით მძინარი დადიოდა.

„მემკვიდრეობითია“, დაასკვნა ყველამ ერთფიქრად. აფრენილიყო (ასე ჰყვებოდნენ) მისი ბიძა პაერში, მიფრინავს თურმე დუბეებსა და ხეხვებზე მთვარის სხივებში გახვეული. თან ჩრდილი მისდევს თურმე.

გადადის ეს ჩრდილი ღრანტეებზე და მთვლემარე ფარეხებზე. აყმუფლებულან ჩრდილისაგან შეშინებული ძაღლები. იმ მწყემსსაც მერე თავი დაუნებებია ცხვრისთვის და ქალაქში გადასახლებულა. იმასაც ამბობენ, ბიძა ჰყვებოდა, ერთხელ ზღვაზეც გადავფრინდიო; რუკის მცოდნეებმა გადაწყვიტეს, ეგ კასპიის ზღვა იქნებოდაო. მოკლედ, კაცს გაგბურძღლავდა ტანში იმ უცნობი უფსკრულების, მოჩვენებებით სავსე ჭანჭანებისა და იმ ცივბნელი ზღვის წარმოდგენაზე... „ცხენსა სცემს და ცხენი უკან-უკან იწევს... კლუბის გამგე კორესპონდენტს ეუბნება: ერთი, ჩავალ, ვნახავ, რა ამბავიაო... არადა, ბნელა, ბნელა რომ თვალთან მიტანილ თითს ვერ დაინახავ... უთქვამს, ჩავალ, ვნახავ, რა მოხდაო... ეს სიტყვა ყოფილა და, მერე — კივილი და დუმილი მხოლოდ! დუმილი!.. კარგა ხნის შემდეგ კი ყრუ რაღაც ბათქვანი გაუგია და ისევ — დუმილი და სიბნელე ირგვლივ!“.

მერე ერთმა გული მოიცა და დაილაპარაკა:

— კაცო, რამდენადაც მე ვიცი, ბიძამისი მთვარეული არ ყოფილა, — ეს თვითონ პავლეს ბიძა იყო, იგი ცელის გამოსაწეპად ჩამჭდარიყო და ეგრევე ხელში ჩაქუჩმოდერებული გაშეშებულიყო, — ბიძა მე ვარ. მე კიდეც, რაც თავი მახსოვს, არ მაგონდება მაგნაირი რამე მომსვლოდეს. არ გავფრენილვარ, ღმერთი-რჯული!.. ზოგჯერ სიზმარში და ისიც, ბაღლობისას, კი მომხდენია ეგეთი რამე, მაგრამ ეგ არის და ეგა, მეტი არ მიფრენია. თქვენ ნამდვილად, გიქორში გერევით. გიქორი გაამპარტავნებული იყო და ფრინავდა. მერე ნახა, ფრენას რომ ისევ მიწაზე სიარული სჯობნებია, იწამლა

და განიკურნა. გიქორი მეზობელია, ბიძა კი არ არის მისი. ბიძა მე ვარ, — და შემოკრებილთათვის რომ ეჩვენებინა, სრულიად ჭანჭრთელი ვარო, მაშინვე განავრძო ცელზე ჩაქუჩის ძანგა-ძუნგი.

— ვერ უყურებ შენა?!..

— ბიჭო, სად პავლე და სად — მიფრინავი. ადგილიდან დაძვრა ეზარება, რისი ფრინვა, რა ფრინვა!..

— ნეტავი პავლეს! საცა არ უნდა იყოს, კარგა გამომცხვარი იქნება ძილით.

თავის ფიქრში ყველამ თითქოს ხელახლად აღმოაჩინა პავლე, მხიარულად უსტვენდნენ და ფალანს ქუდებს ესროდნენ. ფალანი კი მართლაც რომ ბალახებში მძინარე კაცის გავა-ზურგივით ამოზნექილიყო და თითქოს ფშვინვით ადი-ჩადიოდა კიდეც.

ნამდვილი პავლე კი ორი დღის შემდეგ გამოეცხადათ — კუნძოვით მსხვილი, მკვრივი და უძრავი, მხარზე ცელგადებული.

— უ! უუუუ...

— კასპიის ზღვა გაუთიბავს...

— რამდენ ძაღლს გაუხეთქე გული?...

— „მთებსა და ფართო ველებზე მიჰქრის...“ პავლე.

— პავლე — პრევეალსკი — კასპიისკი!

— ეგოროვია!

— კინოა, კინო. კინო — პავლე. პრევეალსკი რა კინო იყო. დედამისის ზომებს ადგენს პავლე.

— რა მოგივიდა, პავლე?

პავლე გეტამეჯელ მთიბავებს მოეპარათ.

— სოფლიდან გამოვედი, ხევში ჩავედი და ის იყო, გორაკისკენ შევუხვიე, რომ ვიღაცამ თავზე ტომარა ჩამომაცვა. ხელფეხი გამიკრეს და შემავდეს ცხენზე. „პაიდა, წავე-

დით!“ ვიარეთ, ვიარეთ — რას ვი-
ზამდი; სული მეხუთებოდა, იმ ოხ-
რებმა, მუცლით გადაჰკიდეს ცხენზე,
ხურჯინივით. ჩემივე სუნთქვისგან
პირისახე გამიცხელდა, მეწვება და
თვალეები ბუდიდან მიცვივა. უხერ-
ხულადა ვარ გადაკიდებული-მეთქი,
ვაგრძნობინებ. არაფერიც არა ვი-
შავს, ძალიან კარგადა ხარო და, მი-
დიან სიმღერით. ვტოკავ, ვფხაკუ-
რობ რაც შემიძლია, მაგრამ ტომარა
არ მიშვებს. ძალღიშვილებმა ისე მა-
გრად გამომინასკვეს, გეგონება თივა
ვიყო ან ნამჯა რამე. თოკები კიდევ
დაგრეხილი ბამბისა იყო, მაგარი.
ერთი ეუბნება მეორეს: — გაბრიელ
მთავარანგელოზო, რაკი ეს ამხანაგი
აფხლავუნებს, ეტყობა, ადგილი ევი-
წროება. მე წინანდელზე მეტად
ვაფხლავუნებ და თან ყურს ვუგ-
დებ. — ჩემო ანგელოზებო, — ამ-
ბობს ჩემი მთავარანგელოზი, — სა-
მოთხის გზა ძნელია, მაგრამ მაინც
სამოთხის გზაა. ჩვენ კი, თქმა არ
უნდა, ჯოჯოხეთი შევუქმენით ამხა-
ნავს. ტომარა მოხადეთ, მაგრამ თვა-
ლახვეული დატოვეთ, თორემ მაგათ
ძალიან მალე მოაგონდებათ
ხოლმე თავიანთი ცოლები.

თვალეებს მიხვევენ, ფეხებს მი-
თავისუფლებენ, მსვამენ ცხენზე
და — ჰაიდა! ხელები, მართალია,
ზურგსუკან მაქვს გაკრული, ფეხები
კიდევ — ცხენის მუცელქვეშ, მაგრამ
ახლა შედარებით ამოვისუნთქე,
გერმანელი გენერალივით აღარა
მაქვს საქმე. ასე ცოტა უფრო მოს-
ვენებული ვარ, თავისუფლად ვსუნ-
თქავ და პირის გაღებაც შემიძლია...
პირველ რიგში, გასაგებია, ღმერთს
შევუკუთხოვ წვერ-ულვაში, მერე
ჩემს მთავარანგელოზსა და ანგელო-
ზებს. ის კი არა, იმათ ცოლ-ანგე-
ლოზებსაც გადავწვდი. ვიკუთხოვები
ეგრე და ჩემივე ხმას ყურს ვუგდებ.

ცოდვა გამხელილი სჯობს და ქალ-
ანგელოზებს რომ შევუკუთხოვ, — ეგ
განსაკუთრებით მომეწონა და ერ-
თელ კიდევ ჩავიტყუარუნე პირი.

ამაზე ძია გაბრიელი ეუბნება და-
ნარჩენებს: — პავლეს ცოლი ფეხ-
მძიმედ არის, მაშასადამე, ამ მხრივ
ხელს არ გვაძლევს. პავლე უშრომე-
ლი კაცია, თავშენახული, ქალ-ანგე-
ლოზებს იმიტომაც შეაგინა ორჯერ.
ჩვენ პავლეს ვამუშავეთ, ვირს ბა-
ტონს დაუძახებს და ქალ-ანგელო-
ზებსაც ბოდიშს მოუხდის.

— რომელ მუშაობაზე ლაპარა-
კობთ-მეთქი, ვეკითხები.

— თიბვაზეო, მეუბნება. გაგო-
ნილი გვაქვს, კარგი მთიბავი ყო-
ფილხარ, მაგრამ ჯერ ნახვით არ გვი-
ნახავსო. დამცინის ძალღიშვილი,
ქაჯ-ნაზარასა¹ ჰგევხარო, მეუბნება.

— როდის იყო, მთიბავს ხელებს
უკრავდნენ-მეთქი, ვეუბნები. მო-
ნებს უკრავდნენ და იმიტომაც იმა-
თი საქმე წინ არ მიდიოდა, საქონე-
ლი მშიერი ურჩებოდათ-მეთქი.

— ეტყობა, ესმის მეურნეობაო,
მაქვს. ბავშვებიცა ჰყოლია. რამდე-
ნი ბავშვი გყავსო, პავლე? თან სა-
მამულო ომის მონაწილეა, სკოლაც
დაუმთავრებლად მიუტოვებია, გან-
თქმული მთიბავია და როგორც ხე-
დავთ, ჭკვიანიც არისო, მიჰქარავს
რაღაცეებს.

აქ კი მივხვდი, რომ ეს ჩემი მთა-
ვარანგელოზი გეტამეჯელი ბეითა-
ლია. ვეუბნები: — რაღა თქმა უნდა,
კაცმა კარგი თიბვაც უნდა იცოდე,
ბავშვებიც კარგად შეინახო და არც
მეურნეობას აუქნიო ხელი. მე ხომ
გეტამეჯელი ბეითალი არა ვარ, ბრი-
ყვი და უმეცარი, უნივერსიტეტის

¹ სომხური ხალხური ზღაპრის (ეს ზღა-
პარი თუმანიანმაც დაამუშავა) გმირი. ქარ-
თული ნაცარქექიას წყვილისცალი.

დიბლომით მივიღე და ფერმაში სა-
ქონელი ამოვწყვიტო. იქნებ იცნობ-
დეთ კიდევ იმ კაცს, გაბრიელ მთა-
ვარანგელოზო-მეთქი?

— არა, არ ვიცნობო. ცაში მარ-
ტო კარგ მთიბავეებს ვიცნობთო.

— დიდი პირუტყვი ვინმეა-მეთ-
ქი, ვეუბნები.

— რას ნიშნავს პირუტყვი, ან-
გელოზებო, მითარგმნეთ ამ კაცის
ენაო.

— ვირს, ცხენს, ძროხას, ხარს,
პავლეს, კამეჩს... რა ვიცი, — ხმა-
მალლა თვლის ერთი და ისიც არ
იტყვი, ვინ? მუკუჩის დიდი რადიო¹.

— მაშ, შენ ამბობ, რომ დიდი
პირუტყვი ვინმეა, არა, პავლე? —
მეკითხება მთავარანგელოზი.

— ნამდვილად! ისეთი კაცია,
თავზე ტომარა უნდა ჩამოაცვა და
ფერდებში მაგრად მისცხო-მეთქი.

მუკუჩაანთ დიდი რადიო მეკი-
თხება.

— პირადად თუ იცნობ იმას,
პავლე?

— როგორ არა-მეთქი, ვეუბნე-
ბი, იმის ცოლსაც კი ვიცნობ, ერთი
გავარდნილი ქალია, იმდღეს მთის
გზაზე გადამეკიდა, ვერა და ველარ
მოვიშორე; ვუთხარ, თავი დამანებე,
შენმა ქმარმა რომ გამიგოს, საქონ-
ლის ჯანმრთელობის ცნობას აღარ
მომცემს და ველარ დავყიდი-მეთქი.

— კი მაგრამ, იმას რომ ცოლი
არა ჰყავს, პავლე?!

— შენ რაღას გვეჩხირები, იქ-
ნებ შენი დეიდა იყო-მეთქი.

მერე მეუბნებიან: — ჩვენ მხო-
ლოდ ერთი დღე უნდა გვემუშავე-
ბინე, ისიც ისე — საცდელად. ახლა
რაკი ჭორიკანაცა ყოფილხარ, ორ
დღეს გამუშავებთო.

ვუთხარი, ეგ არაფერია, ვიმუშა-

ვებ, მუშაობას კი არ გავუბრი, მაგ-
რამ ხელები შემოხსენით, თავი მგფ-
ხანება და ნასკვებიც კიდევ მი-
ჭერს-მეთქი.

გამიხსნეს ხელები და ერთი მაგა-
რი ტალამაშიც ვაჭამე გამხსნელს...

— ვაპო, — მეუბნება, — რამძი-
მე ხელი გქონია, შენამდე ცხენს
რომ არ ჩამეტვრია ჩემთვის კბილე-
ბი, უეჭველად შენ ჩამამტვრევდი,
ცხენის წიხლის ძალა გაქვსო.

მთავარანგელოზმა კი ხელად
ბრძანება გამოუკანკლა:

— ზულიგნობისათვის — სამი
დღე!

— მთავარანგელოზო-ჯან, — ვე-
უბნები, — მოდი, ერთი ყბაში გხეთ-
ქავ და ბარემ ოთხი დღე გამიხადეთ-
მეთქი.

— კარგიო, მეუბნება, აჰა, და-
მარტყიო.

გავაქანე და ფიცარივით რაღა-
ცას კი წავაჯახე მუშტი. ატეხეს ერ-
თი ხორხოცი. ჩექმა მოეშვირნა მა-
მაძაღლს.

— რეგვენო, — ვეუბნები, —
თვალახვეულის, ბრმის მოტყუება
როგორ შეიძლება. მოტყუებისათვის
არც ერთი დღე-მეთქი!

ამაზე დამეტანხმნენ, მაგრამ შეც-
ბუნდნენ კი ცოტა. ბოლოს მივე-
დით ადგილზე. ძაღლების ყეფა ის-
მის აქა-იქ. მოვიდნენ, ჩამომსვეს
ცხენიდან და მომხსნეს თვალბანდი.

მომხსნეს თვალბანდი და რას
ვხედავ: გეტამეჯის საძოვრებში არა
ვარ! მიდის და მოდის, ბიჭებო, შიგ-
ნიავი რომა — შენი მოწონებული!
ერთიანად მწვანან, მწვანან... და
კურდღლაობს საყვარლად, ირწევა
ზღვაზე გემივით. მეც თითქოს გემზე
ვიდგე და მარწევდეს, ისე მსუბუქად
მიბრუნის თავი...


სათიბებს თვალში ვიძვრენ, ვუ-
ყურებ და ვეუბნები ამათ:

¹ კაცის მეტსახელია.

მანაბა მავროშელიძის ჟღერის ნამუშევრები



პერსიკის ლაგანა



წიგნის ფლის მოჭედებუბანი. კერცხლი.
ტიხრული მინანქარი




გერმანული
ბიბლიოთეკა

სამკაულები




ნ. ბარათაშვილი. მერანი. ყდის
მოჭედულობა. კერცხლი. მინახარი





გულსაკიდი. ჭეღვა. შინახარი

ალბრეხტ დიურერის პორტრეტი





ეროვნული
ბიბლიოთეკა



კ. კ. კახიძე
„კახიძის პრესა“

— კარგი, ბიჭებო, ჩემთვის სულერთია, აქა ვთიბავ თუ ჩვენთან, შრომადლე ხომ აქაც არის-მეთქი.

ბევრი კარგი მთიბავი ჰყავთ. ზოტეტქნიკოსი თითქოს მისწრებდა კიდევ, მაგრამ მერე დაიღალა. პირველ დღეს ერთმახეთის ჯობნაზე ვიყავით, მაგრამ მერე დავწყნარდით, ნება-ნება მივყევით საქმეს. გასწრებაზე თიბვა არ შეიძლება. კარგი ბიჭები არიან. შუაში ჩამიყენეს, ფხაჭა არსაითა ქნასო. თან თოფიცა ჰქონდათ მარილით გატენილი. ვინც ისვენებდა, ილღიაში თოფამოხრილი მზად მედგა, ვითომდაც მართლა ტყვე ვყოფილიყავი. მოსაშარდავადაც რომ გავსულიყავი, ერთი თოფიანი თან მომდევდა, მოშორებითა დგებოდა და მალიმალ გამომძახებდა: — პა, არ მორჩი?

ჰო, მართლა! ეგრე თქვეს, თქვენი თავმჯდომარეც უნდა მოვიპაროთ, ერთი ათი დღე მაინც გვიხელმძღვანელოსო. მე ვუთხარ, არ გეშინიათ, რომ იმ ათ დღეში ბრძანოს და გეტამეჯის საძოვარ-სათიბები ანტარამეჯს გადასცეს-მეთქი? რატომ უნდა გვეშინოდესო, მეუბნებიან. სათიბები გადასცეს, მაგრამ ვეტყვით, რომ ისიცა ბრძანოს, იმ საძოვრების სულადობრივი შესაბამისობით ჩვენი ცხვარ-საქონელიც გადასცეს ანტარამეჯსაო.

ხელმძღვანელებს უყვართ ბრძანებების გაცემა, შეუძლია ასეთი რამ მართლაც ბრძანოს, მაგრამ საძოვრები გადასცე და ცხვრის ფარებიც თან დაადვენო, ეს იგივეა, ვითომც არ გადაგიცია.

11

— ამ დროს სოფელში რა გინდა, ზავენ? — შეეკითხა თავმჯდომარე.

— ცხვრების საკითხზე გამოგვიძახა.

— არა, ერთი?!

ზავენი მხრიბში მეტყველად შეიხმუჩნა.

— შენ შენი მწყემსები მოკრიბე და წადით მთაში. მაგ ცხვრების საკითხს მე მოვუვლი.

— როგორ, ერთი წყვილი წინდით?

— ზავენ, რა მოვივიდა, ზავენ?

— ზახრუმალა მომივიდა და ჯანდაბა მომივიდა, დაუსწრებელზე რომ მიწოდდა უმაღლესში, რატომ არ გამიშვი?

— მოიცა, მოიცა, ზავენ. თუ რევაში არ ჩივის, განა საკითხი გადაწყვეტილი არ არის?

— რევაზს ვინ რასა ჰკითხავს. რევაზი თუ არ ჩივის, პირიქით, პასუხს აგებს სწორედ იმიტომ, რომ არ ჩივის.

— ვერაფერი გამიგია. აქ ჩვენა ვართ და ჩვენი სოფლები. მე რევაზი ვარ, ცხვარი დავკარგე, ვისი რა საქმეა? ნუ გეშინია, სოფლეურად წამოვდგებით და ერთ ამბავს ატყებთ.

— ერთ ამბავს ასტეხთ და სასამართლოს დარბაზიდანაც გამოგყრიან.

— კაცო, დარბაზიც მე ვარ და სასამართლოც, ბრალმდებელიცა და ბრალდებულიც, ცხვრის პატრონიცა და ცხვრის შემკმელიც, შენ ვინა ხარ?

ზავენი წამით თითქოს დაიბნა, — მე, — მერე შეიძლება და თავის თავზე აიღო ვიღაცის როლი, — მე კაცი ვარ, რომელიც მანქანებისთვის ქუჩას განვაჩინებ, ფეხით მოსიარულეთათვის კი — ტროტუარს; ფეხით მოსიარულეთათვის ქუჩაზე გადასასვლელ ხაზებს ვავლებ, მანქანისთვის კი ვაწესებ ნებადართულ სიჩქარეს.

ხაზს გადასცდები — დაჯარიმდები, სიჩქარეს გადაამეტებ და — დაჯარიმდები, მე მაქვს არქივი, მე ვაწესრიგებ ყველაფერს, მე თვით წესრიგი ვარ, გაიგე? მე ასფალტით ვათანასწორებ ყველაფერს, გაიგე? ეს მე ვასწავლი შეჯამება-გაყოფას, გაიგე?... ანგარიშით არის ყველაფერი, გესმის? ანგარიში ისწავლე, თვლა ისწავლე!

— მოიცა, მოიცა! ახლა ანგარიში არამცთუ მე უნდა ვისწავლო, პირიქით, ამ შემთხვევაში, შენც უნდა ჩამოგართვა მაგისი ნიჭი. მისმინე: მე სახლში, ჩემს ოჯახში, ცხვარი დავკალი. მაგიდაზე ღვინოც შემოვდგი და დაგპატიყე შენ. დაგპატიყე და ყოველი ჭიქით ვსვამ მხოლოდ შენს სადღეგრძელოს, ხოლო თუ ჩემს სადღეგრძელოსაც დავლეგ, ეს ისევ შენი სადღეგრძელოა, რადგან, შენ რომ წესრიგი, ხარ, სწორედ შენის გამოისობით ვართ ასე. შენ ეს არ გაღელვებს? ტირილი არ მოგდის?

— მე შენს სახლში არ მოვალ, არ დაგეპატიყები, რადგან ჩემი ოქმი ოქმს უნდა ჰგავდეს. ჩემი ქალიშვილი მუსიკალურზე სწავლობს, მეორე სართულზე ვცხოვრობ და არც სამსახური მაქვს ცუდი. მინდა, ჩემმა ქალიშვილმა კარგი მუსიკალური განათლება მიიღოს, ბინით ცოტა გავფართოვდე და სამსახურშიც თანამდებობა მომიმატონ.

— მაგრამ თუ გშია?

— თუ გშია — მაღაზიაში ძეხვი იყიდება.

— სირცხვილი არ არის, ბიჭო, სოფელში მაღაზიის ძეხვი სჭამო?

— სწორი საქციელი ეს არის.

— კი მაგრამ, ეგ რაღა სომხობა გამოვიდა?

— რად მინდა შენი სომხობა?

ამ ქვეყნად ყველაზე მძიმე იცო, რა არის?

— როგორ თუ, ყველაზე მძიმე?

— ისე, რაღა, მძიმე.

— ტყვიაა, სხვა რა უნდა იყოს.

— მაგ ტყვიაზე მძიმე — სიკეთეა. სიკეთის სიმძიმე უმეტესია. მე შენს ოჯახში ცხვრის ორი ჩიჩქნა ხორცი შევჭამე, ორი ჭიქა ღვინო დავაყოლე და წავედი. მივდივარ და ვფიქრობ, რომ შენს ოჯახში ორი ჩიჩქნა ხორცი ვჭამე და ორი ჭიქა ღვინო დავლიე. ვმუშაობ და კიდევ ვფიქრობ, რომ შენს სუფრაზე ორი ჩიჩქნა ხორცი ვჭამე და ორი ჭიქაც ღვინო დავლიე. აბანოში ვარ და ამაზე ვფიქრობ, დასაძინებლად ვწვები და ისევ ამაზე. ცხვარსა ვხედავ — ის ხორცი მაგონდება, ხორცსა ვხედავ — ის ხორცი მაგონდება, მწყემსსა ვხედავ — მაგონდება, ყურძენსა ვხედავ — მაგონდება, მთვრალსა ვხედავ და — მაგონდება. მახსოვს და მახსოვს. მძიმეა პურმარილის მაღლი. რამდენჯერ გაგიგონია: „ეგეც ჩემი სიკეთე!“ ან შენ თვითონ რამდენჯერ გითქვამს! ასეა, მაღლი და უმადურობა სულ ერთად არიან. ტყვია ამათთან როგორ მოვა სიმძიმით. ამიტომ მე მირჩევნია ჩემი კაპიკებით მაღაზიის ძეხვი ვიყიდო და ისა ვჭამო. „მოვიდა, ჩემი პურმარილი ჭამა და მერე სასამართლოს მიგვცა პირში!“, ჰა, რა აზრისა ხარ ამაზე? — ჩაიცინა ზავენმა.

— არა მგონია, თვითონ ასე გაართულოს. ეგ, შენ ართულებ, ზავენ.

— შენა სთქვი და მეც — გითხარი.

— მე ვარ მართალი, ეს — ერთი. მეორე კიდევ — ჩვენ გენერალი გვყავს.

— წოდებით — კია გენერალი.

— როგორ თუ წოდებით?

— როგორ და — ისე: წოდებით, ვარსკვლავით, ლამპასით.

— მაშ, სხვარიგად როგორ იქნებოდა?

— სხვარიგად, ნაღდი გენერალი უნდა იყოს კაცი. გეხერლის აზრი, გენერლის გული და გენერლის სიცილი უნდა ჰქონდეს. აი, მაშინ იქნებოდა დიდი. ის კი, აბა, რა გენერალია! რაკი გენერალია, ნამდვილი გენერალი გგონია? ხომ გახსოვს, როგორ დაატყაპუნებდა. სულიმწარედ ელოდებოდა, ნეტა ამ წელს მომცემენ გენერლის წოდებას თუ მომავალი წლის დღესასწაულამდის გადასწევნო!

— ისევ ართულებ, ზავენ. იმან ჩვენი გულისთვის ტელეფონზე უნდა დარეკოს მხოლოდ. ჰოდა, ვისაც ის დაელაპარაკება, იმასთან რა ისეთი აზრი, გული, სიდიადე თუ მოხერხება დასჭირდება. უბრალოდ ეტყვის, გაწუხებთ გენერალი ესა და ესაო და ისიც ოთხად მოიკუნტება. „გისმენთ, ამხანაგო გენერალო!“ მორჩა და გათავდა! რამდენიც უნდა უმტკიცონ, მწყემსების გამართლება შეუძლებელიაო, არ იქნებოდა და ასე შემდეგ, გენერალი, მართალია, მოუსმენს კი, მაგრამ მოსმენილს ბაიბურშიც არ გაიტარებს. ის გენერალია და ასეთი წვრილმანი რაღაცებით ტვინს არ გამოიტენის. ეს ამბავი იმასაც ჰგავს, გონებას რომ კევი მისცე საღეჭად; მოკლედ, ტვინის ჭყლეტაა, რაღა. ჰოდა, აბა, შენვე თქვი. გენერალს ძალიან ეხალისება ტვინის ჭყლეტა? იმათ რამდენიც უნდათ უხსნან და უმტკიცონ, პატიმრობიდან ვერ გავათავისუფლებთო, ის მაინც თავისას ეტყვის: „როდისთვის მპირდებით საქმის გათავებას? ორ დღეს გაძლევთ ვადას. შეასრულეთ და მომახსენეთ!“. აი, სულ ეს არის, ზავენ. შენ ჭკვიანი

კი ხარ, მაგრამ ჯერ ძალიან ახალგაზრდა ხარ.

— ე-ე, — თქვა ზავენმა, — კარგია, მაგარი ბიძა თუ გყავს კაცსა. მაგრამ ბიძასაც ბიძის შესაფერი ძღვენი უნდა. არ მიუტან და — უკვირს, იცი როგორ უკვირს? მეფეს რომ უბრალო კაცი თავს არ მოუჭრის, მეფეს გაუკვირდება, ის კაცი ქანდაკება ეგონება. ასევე გაუკვირდება იმ ბიძასაც. თავმჯდომარე აბგარმა ბაღლობაში ერთხელ წვინტლი მომწმინდა და, რამდენიც დამინახავს, მაგას მეუბნება. ერთი სიტყვით, მე არ მინდა გენერლის მაღლი ფალნად დავიდგა.

— დღეს რა ფილოსოფოსობა დამიწყე, — გაბრაზდა თავმჯდომარე, — ახლა ენაჭიკჭიკობ და ცხვარი რომ დაინახე, მაშინ ფილოსოფია დაგავიწყდა, მგლად იქეცი, არა? უმაღ მიირთმევდი, არა? თქვენ მართო ლაპარაკში ხართ მაგრები!

— აჰა, შენც უკვე მსაჯულად იქეცი, — გაიღიმა ზავენმა, — მსაჯულად ყოფნა ადვილია, მაგრამ მთაში რომ შენც შეგვსწრებოდი იმ დროს, რევაზის ცხვრები ვითომ უკეთეს დღეში ჩაცვივდებოდნენ?

— არა, არა მგონია, — ფიქრიანად გაეხმიანა თავმჯდომარე, — მაგრამ თუ იპარავდით, წესიერად მაინც მოგეპარათ... — მერე უცებ დაუშატა: — მთელი სოფელი მივადგებით, — ეგ ერთი; გენერალიც — ეგ ორი! მე წავედი ქალაქში!

— ღმერთმა ხელი მოგიმართოს.

— ვითომ რატომ არ უნდა მომიმართოს.

— რა ვიცი, აბა?

ზავენს გაახსენდა ერვანდ წარუკიანი — ცოლის შორეული ნათესავი, რაიბანკის თანამშრომელი, სამოცი წლის კაცი. მრგვალი თვალები

აქვს, თვალები — ცალკე, წარბები კიდევ — ცალკე, ზედ შუბლის თავზე. უკან გადაქანებულ შუბლს ერთი ბეწო სიმაღლე არ ეტყობა, გეგონება კეფიდან ირიბად ჩამოათალებსო. წარბის ძვლები მაღლა ამოსჩრია და ისეთი ძვალპიტალო შეუქრავს, სატეხითაც ვერ გაიტან. ზავენს კოლმეურნეობის ფული უნდა გაეტანა ბანკიდან და უნდა მიეღო სწორედ ამ წარუქიანისგან. წარუქიანი დიდხანს სინჯავდა მიმართვას და მერე თქვა, ბეჭედი კარგად არ ეტყობაო.

— ანტარამეჯში მელანი არა გაქვთ? — თავისი ჭკვით ვითომ იხუმრა მან.

— გვაქვს.

— ვიცო, რომ გექნებათ. მელანზე იაფი რა არის, ბოთლი რვა კაპიკი ღირს. მაგრამ თქვენებურებს, ვინც ეს ქალაღი გამოგატანეს, კარგად არ სცოდნიათ, როგორ უნდა შეადგინონ საქმიანი ქალაღი. ეს ხომ საბუთია, ეს საქმეში ეკერება. ამით შენ ფულს გაძლევთ, სახელმწიფო ნაღდ ფულს. ეს რომ რევიზორმა საქმეში მინახოს, ყოფას არ მიტირებს? მიტირებს! ჰოდა, შენ მაშინ აქ იქნები, რომ რევიზიას პასუხი გასცე? აქ არ იქნები. მელანი და ბეჭედი იმისთვის არის. შვილო, რომ ფარატინა ქალაღი საბუთად აქციოს.

მისი ჩაკირკიტებული საუბარი რომ ესმინა. ყველაზე უსაქმურ კაცსაც კი მოეჩვენებოდა, რომ გადაუდებელი საქმე აქვს და აგვიანდება. სახეშეგმუხვნილი ზაენი წამოაუწუმ ფეხს ინაცვლებდა და წრიალებდა.

— რამეს რომ გეუბნებიან კიდევ, არ უნდა გეწყინოს. საბუთის რიგიანი მოპყრობა არც შენა გცოდნია: აი, ნახე, რამდენჯერ გაგიკეცია.

— მაგვიანდება, გთხოვთ, ამხანაგო წარუქიან.

— მაგვიანდება და, წადი, ხვალ მოდი.

— დღესვე სოფელში უნდა ვიყო, ამხანაგო წარუქიან.

— საქმეს მორჩი და წადი, ძალით ვინ გაჩერებს? თუ ამას შენს საქმედ არა თვლი. წადი, უთხარი. სხვა ისეთი ვინმე გამოგზავნონ, ვისაც არც აგვიანდება და საბუთის შენახვის წესიც იცის; დიახ, საბუთის შენახვის წესიც იცის.

— თქვენც მორჩით, რომ წავიდე.

— აქ უკვე ბოღიში, აქ უკვე ბოღიში მოიხადე, ყმაწვილო, მე ჩემში საქმე ვიცი. მე ვიცი ჩემი საქმისა, როდისაც მოვრჩები. ჩემ საქმეს შენ როგორ მასწავლი. აქ მე ათას ცხრაას ოცდაერთი წლის ივლისის ცამეტიდან ვმუშაობ და ჩემთვის ჩემი საქმე ჯერ არავის უსწავლებია.

და როგორც კი დაინახა, სიწითლედ მოაწვავ, ზავენმა ენის გასატეხივით ერთბაშად მიაყარა:

— კარგი, კარგი, კარგი... მე — ბოღიში. მე — ბოღიში..

— მაგნაირი ბოღიში მე არა მჭირდება, ხელებს ნუ იქნევ, „კარგი კარგი, კარგი“... რამეს რომ გეუბნებიან, ყური კარგად დაუგდე. შიგ შეცდომაც არის. ბეჭედიც ბეჭედს არა ჰგავს, საბუთიც დაჭმუჭნულია და თანაც სწყინს — „კარგი, კარგი, კარგი“... ჩემს ადგილას რომ სხვა ყოფილიყო, იტყოდა, საბუთი ყალბიაო; მილიციას დაუძახებდა. სახელმწიფო საქმეა, სახელმწიფო მოსამსახურენი ვართ, მამაჩემისა და მამაშენის საქმე კი არ არის, რომ გწყინს კიდევ. ორი შენოდენა ასაკის ნამსახურობა მაქვს და დარბეზის უფლებაც არა მაქვს?!

როცა საქმე თითქოსდა მორჩენილი იყო, წარუქიანმა ის ავბედითი ქალაქი ბანკის დირექტორთან წაიღო. — ეს ნაღდი ფულია, გესმის? ეს უბრალო ქალაქი კი არ არის, რომ როგორც გინდოდეს, ისე დავეცო, — წაღების წინ აუხსნა ზავენს. დირექტორმა ნება დართო, ხელის აქნევით პირდაპირ მოიშორა იგი. მხრებაჩეხილი წარუქიანი ილიმებოდა, როგორღაც დაბნეული იყო. მეტი მკაფიოდ წარმოთქვა: — თქვენ იცით, მეტი შემოწმებაზე თუ რამე მოხდა, არ დაგავიწყდეთ. მე ხელი დამიბანია. რა ვქნა, წესრიგის მოყვარული კაცი ვარ.

რადაც რამდენიმე მანეთი იყო, ზავენს ოთხმოცდაათგან მოაწერინა ხელი, — კარგად არ გამოვიდა, კალამი ისევ გასვარე. მანდ არა, ცოტა ქვემოთ, უყურე, გარკვევით წერია — „ქოჩარიანი“, სწორედ პირდაპირ. მოაწერე ისე, როგორი ხელწერითაც პასპორტში გაქვს მოწერილი. ჰო, ჰგავს. თავისუფალი ხარ. დაითვალე და მეტი წადი. რამეს რომ გეუბნებიან კიდევ, ნუ გწყინს. ჩვენც გვაქვს გრძნობა. შენ კარგი ბიჭი ხარ, მაგრამ მამაშენი ნამდვილად კაცი კაცი იყო. მეც მამაშენის ტოლა კაცი ვარ და თუ სიფრთხილეს ვიჩინო, მაშასადამე, რადაც მეტი გვინახავს... დაითვალე, დაითვალე. ასე. მაშასადამე, მორჩა, მეტი ერთმანეთში ვალ-სესხი არა გვაქვს. ჩვენს გოგოს მოკითხვა და, მშვიდობით.

ქსოვილების მაღაზიასთან ჩავლისას ზავენს მოაგონდა, ცოლმა რომ წერილი გამოატანა წარუქიანის ცოლთან. „ნარმა უნდა ეყიდათ ჩემთვის, წადი, გამოართვი; თუ დარჩენა მოგიხდეს, მათთან გაათიე, სასტუმროებში ფული არ დახარჯო“.

„ვეღარ იხილე ის შენი ნარმა,

ქალო! — გაიფიქრა ზავენმა, — სასტუმროშიც ფული დავხარჯე და. შენ რომ იტყვი, რჯახიც დავანგრეო“.

მთავარ ქუჩაზე ძალაზიების დათვალიერებას რომ მორჩა, ზავენმა იმედმიხდილად გაიცინა:

— ჩემმა ცოლმა პირდაპირ სამოთხეში გამომგზავნა.

„ოტელოს“ შუადღის წარმოდგენიდან გამოსვლის მერე ზავენმა კითხვა-კითხვით იპოვა წარუქიანების სახლი. წითლად შეღებილ კიშკარზე ჩაქუჩი და ფილა იყო მიმაგრებული. ქალაქში ზარს უყენებენ ხოლმე და ამათ რატომ აღარ დაუყენებიათო, გაიფიქრა ზავენმა და იქვე დაჯერებით უპასუხა თავის თავს: — იმიტომ, რომ ზარი ელექტროდენია, ელექტროდენი — ფულია. ფული — სული, სულის შებერვა და განიავება კი არ შეიძლება. ამ წუთში ზავენი ამაყოფდა თავისი მთიელობით. პირველივე დარაკუნებაზე მეორე სართულის ფანჯარაში ფარდები გადაიწია, მინაზე ცხვირმიჭყლეტილმა გოგომ კითხვის ნიშნად ქვედა ტუჩი ჩამოაგდო და ფარდები ისევ შეერთდნენ. ზავენი კარის გაღებას დაელოდა, მაგრამ ფეხისხმა არა და არ ისმოდა. მეორე დარაკუნებაზე ფარდების ღრიჭოში ახლა სხვა გოგომ გამოიხედა. ისიც პირველივეთ განურჩევლად იყურებოდა, თითქოს ვერ ხედავდა ზავენს. მაშინ ზავენმა წერილი დაანახვა. გოგომ თავი დაუქნია, მესმისო, და ხელით აჩვენა, წერილი ფოსტაში ჩააგდევ. ზავენს ახლა უკვე დიდხანს მოუხდა ჩაქუჩის რაკუნის. „ყოველ ჩამოსვლაზე თითო ცხვარს გივლავთ, ასე თითო-თითობით მთელ ფარასა სჭამთ; პატივს იცემთ, პატივს შეიშენებთ, ქალაქში ჩამობრძანდებით და სახლებში იკეტე-

ბით, მე თქვენი...“ მეორე ფანჯრის ფარდიდან ახლა კიდევ სულ სხვა გოგომ გამოიხედა, ხოლო პირველი ფანჯრიდან მზირალმა საკეტი გადასწია და ფანჯარა გამოაღო. ასე კანკალისა და შიშის გარეშე ფანჯრის გახსნისთვის ზავენმა იგი ქებითაც კი დააჯილდოვა.

— ყოჩაღ!

— ვინ გნებავთ?

— წარუქიანი.

— ეს წარუქიანების სახლი გახლავთ.

— ვიცი, რომ წარუქიანებისაა, — უთხრა ზავენმა. — „წარუქიანებისა!“.

— რა გნებავთ?

— ხუთ კაპიკს არ მომცემ? — ზავენმა ყელი გადაიგდო.

წარუქიანი ბაღში ქვას ამტვრევდა. ტონიანი ლოდი იყო და გვერდებზე როგორც თავისგან შაქარი, ისე იყო მოფხვნილი.

— აა, შენა ხარ, ყმაწვილო? მშვიდობა შენს მობრძანებას. კიდევ საქმეა რამე?

ზავენი ბაღსა და სახლს ათვალიერებდა. ერთიცა და მეორეც უნაკლო იყო.

— მე თვითონ ავაშენე, აი, ამ ხელებით. ოსტატმა მარტო კედლები ამოიყვანა და მაშინაც კი ოსტატის ტოლას ვმუშაობდი. აი, ნახე! — წარუქიანმა ხელის გულები უჩვენა.

ხელები მართლაც ნამდვილი ქვისმთლელისა ჰქონდა, უხეში და ფრჩხილებდამტვრეული.

— ამ ქვას რომ უყურებ, ამოდენა კი არ ყოფილა, დიდი იყო, სახლისოდენა, მაგრამ მე ამოდენა გავხადე, ნელა-ნელაობით ამოდენა გავხადე. ჯანმრთელობასაც არგებს და ფულიც ტყუილად არ დაიხარჯება. უყურე! — ბაღის გაღავანი უჩვენა ზავენს, — ეს თავის დროზე

ძველი სახლის კედლები იყო, დავ-შალე და ყორედ გამოვიყენე. ყველაფერი კი იმ ერთი უზარმაზარი ქვისაგან არის, მისგან ესლა დარჩა.

ბაღი ისე იყო დაკარგვარებული, ხორბლის მარცვლისოდენა ქვის ნაფშხვენიც კი არ ეგდო არსად.

— მიწა გავცერი და სულ ისე ვასუფთავე. აი, აქ კი დიდი სალია ჩაგდებული. ვნახე, ძირი ღრმადა ჰქონდა, ვერ ამოვიღებდი და, მაღლიდან მიწა გადავაყარე, ცოტა კი არა, ორმოცდაათი ტონა მაინც. არ გეგონოს, მანქანით მოვაზიდინე ის მიწა. ხელით ვეზიდე, ვედროთი. ბუღდოზერებით ქუჩას თბრიდნენ, კარგი, შავი მიწა ამოდიოდა დამეც ვეზიდებოდი. აბა, ახლა გახედე, როგორი ქინძი მითესია. მოწყვიტე, ნუ გრცხვენია, მოწყვიტე ერთი ღერი, ერთადერთი ღერი, გასინჯე, — წარუქიანი თვითონ დაიხარა, ქინძი მზრუნველობით გადასწია, თითებით ძირი მოუფხვიერა, ამოსწია და ერთი ცალი ძირიანად ამოგლიჯა, — აბა, შეჭამე, ნახე ეს ერთი ცალი... მაგით კი არ გამაღარიბებ, ნუ გეშინია. კაცი ძუნწი არ უნდა იყოს. სიძუნწეც არა, მაგრამ არც ძალიან ხელგაშლილი უნდა იყო. ჩვენ მშრომელი ხალხი ვართ. თავადები ხომ არა ვართ. მე, მაგალითად, ხელფასი ასი მანეთი მაქვს, ოცდაათიც პენსიად მეძლევა... ხომ იცი, ძველი პარტიზანი ვარ... ჰოდა, ის მინდოდა მეთქვა, რომ თუ კაპიკი კაპიკს არ დაადე და არ შეინახე, მაშინ მშრომელი კაცი კი არა, ასე გამოდის, თავადი ხარ და ეგ არის...

ის ადამიანთა იმ ჯგუფს განეკუთვნებოდა. ათწლეულების უღელს ქედს რომ ნებით წაუღუნავენ, მაგრამ მაინც ჯანდაზოგვით ეწევიან. მათ ერთი ან ორი ღერი თმა თუ გასცვივით წელიწადში და მაინც

წუწუნებენ, „თავზე თმა აღარ შემ-
რჩაო“. კედელზე მრგვალ ჩარჩოდან
გამომზიარალი ყმაწვილკაცობის დრო-
ინდელი სურათები კარგად წარმო-
გვიდგენენ მათ ფიზიონომიას — ზე-
მოთ აცქვეტილ მოკლე უღვაშებს,
მრგვალსა და წარბებიდან საკმაო
დაშორებით ჩამსხდარ თვალებს,
ამოჩრილ წარბისძვლებს ანუ ზემო-
დან ტყავგადაკრულ რკინას და პირ-
ში გაჩრილ აუნთებელ სიგარეტს.

— ერთ დროს ვეწეოდი. მერე
თავი დავანებე. ჩემი ჯანმრთელო-
ბისა და ჯიბის მტერი ხომ არა ვარ.

ამნაირ ხალხს პალტოს სასყიდ-
ლად ათი მანეთი რომ ესესხო ერთი
დღით, ჯერ დაფიქრდებიან და მერე
დაგარიგებენ:

— ფულს ტყუილუბრალოდ ნუ
ფლანგავ.

— პალტოს ვყიდულობ, ოთხმო-
ცი მაქვს და ათილა მაკლია.

— ესე იგი, პალტო ოთხმოცდა-
ათმანეთიანია.

— დიახ, ოთხმოცი მაქვს და,
გთხოვთ, ათი მანეთიც მასესხოთ
ხვალამდე.

— ის პალტო უკვე გაგიცვდა?

— გამიცვდა.

— რამდენ წელიწადში გაცვითე.

— ხუთ წელიწადში. ახლა ახა-
ლი მინდა ვიყიდო.

— ძალიან გიცვეთნია. არ გაფ-
რთხილებიხარ.

— გასაცვეთი იყო და გაცვდა.

— კარგია, ოთხმოცი მანეთი
რომ გქონია. მე მეგონა შენ ჩემზე
უარესად გიჭირდა. კარგია, რაღა,
ოთხმოცი მანეთი რომ გქონია. მე
მოხარული ვარ, მაგალითად. დაე,
ყველასა ჰქონდეს მაგდენი, რა
უშავს, მე თუ არ მექნება.

ჰოდა, კარგსაც აკეთებენ, რომ
არ გასესხებენ. თუ ისეთი საცოდავი
ხარ, ათი მანეთი არა გაქვს, ღმერ-

თმა იცის, ვალს დაუბრუნებ კი სა-
ერთოდ?

რაიმე არეულ საერთაშორისო
მდგომარეობასთან დაკავშირებით
შეერთებული შტატების პრეზიდენ-
ტის მიერ გამოქვეყნებულ განცხა-
დებაზე ისინი უფრო მეტს ფიქრო-
ბენ, სანამ თავად პრეზიდენტი. ფიქ-
რობენ და თან მალ-მალ ჩახედა-
ვენ სარდაფის კუთხეში მიდგმულ
სკივრს, რაშიც შავი დღისათვის სა-
პონსა და ასანთს ინახავენ. ასეთი
საშავდღეო სკივრები ბევრია და
შიგ კიდევ, რა გინდა რომ არ იყოს:
ცხვრის ყაურმა, ყველი, ერბო,
ფქვილი, ხმელი პური, ხმელი ხილი,
ხმელი კომპოტი, ხმელი ლუდი და
ათასგვარი ხმელი ნაგავი. ფულის
გამოცვლისას ისინი ერთმანეთის
ჯგლეფით ყიდულობენ მაღაზიებში
რაც კი მოხვდებათ, რაზეც კი ფასია
აღნიშნული.

თავიანთი უახლოესი ნათესავის
საცოლედ მოყრილ ბიჭს ისინი ასე
ეკითხებიან:

— ბინა გაქვს?

— ჯერ არა, მაგრამ მივიღებ.

— მიღებაც არ არის ცუდი, მი-
იღე, მაგრამ ის ბინა რა ბინა იქნე-
ბა. ისევ, აი, რა სჯობს: ქალაქის
საბჭოში განცხადება შეიტანე, ქალა-
ქის განაპირას ერთი ნაკვეთი აიღე,
იმ ნაკვეთში ხუხულა რამ მოიქოხ-
მახე და შედი შიგ. სამსახურიდან
რომ დაბრუნდები, ბარი აიღე და
ყოველდღე ერთი-ორჯერ ჩაჰკარი
მიწას. ერთი-ორჯერ. მერე თავისთა-
ვად გაშენდება ყველაფერი. საკუ-
თარი სარდაფი გექნება, საკუთარი
ეზო, ეზოში კიდევ — თუთის ხე. რა
ბევრი ეს არის, მაგრამ — შენი იქ-
ნება. დაბლა — კარგი სარდაფი,
მაღლა — ოთახები. ეზოს გარშემო —
გალავანი და, მორჩა, სხვასთან აღა-
რაფერი გესაქმება.

ძალიანაც კარგად იქცევოდა, თან-
ვანთ ჭიშკრებში რომ იკეტებოდა.
ის მათი სახლია, იქ მარტო არიან სა-
კუთარ თავთან.

ახლა ვნახოთ რას ჰამენ, რით
იკვებებიან ისინი. თუ ახლა ორმოც-
დარვა წელია, ჰამენ ოცდათვრამეტი
წლის დროინდელ სანოვაგეს, თუ
ორმოცდათვრამეტი წელია — ორ-
მოცდარვა წლისას. ასევე, სამოცდა-
რვა წელს იხარჯება და ცვდება ორ-
მოცდათვრამეტი წელს ნაყიდი კარა-
ქი, საპონი და ტანსაცმელი. აი, დარ-
დი! თუ ახლა ათას ცხრაას სამოც-
დარვი წელია, დაე, ათას შვიდას
სამოცდარვის ფქვილი გამოიცხონ,
რა მენადვლება. მაგრამ, საქმე ის
არის, რომ მათ მუდამ წესიერ ადა-
მიანებად იცნობენ. თამბაქოს არ
ეწევიან, რომ ქუჩაში ნამწვის გა-
დაგდებაში შენიშნო; დიდ ქურდო-
ბას არ ჩაიდენენ, რომ დასაჭერად
გაუხდეთ საქმე და არცა სვამენ,
რომ საზოგადოებრივი სიმშვიდე
დაარღვიონ. პატიოსანი ხალხია, იც-
ვამენ არც ისე ძველ, არც ისე ახალ
ტანსაცმელს, ბაზრიდან ბადესავსედ
მომავალნი ღიმილით ესალმებიან
ნაცნობებს და თითქმის ყოველთვის
საბინაო რწმუნებულნი არიან საზო-
გადოებრივ საწყისებზე. ჯანდაბას,
იყვანენ, ძალიანაც არ მეხარბება! მე,
უბრალოდ, ის მამბრაზებს, რომ კა-
ციშვილს აზრად არ მოსდის ცოტა-
ოდენი ბენზინი იშოვოს, სწორედ
წლებანდელი ბენზინი, მიასხას და
ამოხუგოს თავისი სახლიანად, თავი-
სი ჩანაფტალინებული ქსოვილები-
თა და ორმოცდარვა წლის ყველით.
თავისი ოცდახუთი წლის ნავთითა
და ათასნაირი ნაგავით.

წარუკიანს თავისი ხუთიოდე
მეტკველი მიწა პატარ-პატარა კვლე-
ბად დაეყო. თითო კვალი. ასე, ნარ-
დის დაფის ტოლა თუ იქნებოდა.

კვლებში ცალ-ცალკე ეთესა წიწმა-
ტი. უკმა, ტარხუნა თუ სხვა მწვანი-
ლეული. ის ბეყე-კიტრი, როგორც
კიტრსა სჩვევია, მეზობელ კვალშიც
გადაპარულიყო, მაგრამ პატრონის
ხელს მისთვის მალევე ეჩვენებინა
თავისი ადგილი, „შენი ადგილი იცო-
დე, კიტრუნავ, შენი ადგილი.“. მოკ-
ლედ, ამ ბოსტნის შემხედვარე კაცი
დაიდასტურებდა, როგორ შესძლე-
ბიათ სანტიმეტრებს ჰექტრად გადა-
ქცევა.

სახლში, კედლის ღუმლიდან ჩა-
მოსაკიდებელ პირსაბანამდე, ყველა-
ფერი შეღებილი იყო. ის საღებავი
ამბობდა: „თქვენ: სინოტივევ, ბალ-
ლინჯოებო თუ დროჟამო, აბა, აბა!
ციც! რასაც კი ფასი და ღირებულე-
ბა აქვს, თქვენ ყველაფრის გაფუჭე-
ბა გინდათ, მაგრამ მე საღებავი ვარ
და მაგის ნებას არ მოგცემთ...“ და
საღებავი სასტიკი მეთვალყურე და-
რჩავით უარის ნიშნად თავს იქ-
ნევდა.

ამ ნივთებისა და საგნების გარე-
მოცვაში, წარუკიანის მუშტისტოლა
თავისა, გალიაში ჩასმული კარმიდა-
მოსი, იმ საღებავისა და უნაკეცო
ფარდების შემხედვარეს არარაობის
განცდა დაგეუფლებოდა. თავი შე-
გეზინებოდა, გაგიკვირებოდა,
რომ საჭარას უდაბნო სადღაც თავის
საზღვარ-ფარგალს ითმენდა, არ გად-
მოემთხვეოდა და მთელ დანარჩენ
ქვეყნიერებასაც უდაბნოდ არ აქ-
ცევდა. არადა, გრცხვენოდა თაზისე-
ბის არსებობა; არადა, გინდოდა, სა-
კუთარი თავი გეცემა. „ავსტრალიის
კონტინენტზე ასოცი მილიონი ცხვა-
რია. ეს პირდაპირ საოცრებაა!...“
სირცხვილია, სირცხვილი! რომ
სთვლით — ის არაფერი, და თან
გაკვირვებასაც გამოთქვამთ? ეს შე-
მაძრწუნებელი სიკნინეა! ისეთი სიკ-
ნინე-სიპატარავე, როგორც ზოგნი

ჰყოფენ მიწის ამ სიღრმე-სიგანით თვალმოუდევარ სიმდიდრეს ციცქნა-ციცქნა ნაკვეთებად; აქ — წიწმანა, იქ — კამა. „იქით წაიღე შენი ცაცები, კიტრუნავ, ნუ ეხახუნები პატარა კამას!“, ხალხო ხვთისნიერო, ეს მიწაა თუ მიწის მაკეტი!

აი, ახლა, სწორედ ამ მაკეტური ქვეყნის მფლობელი, სარაიონო ბანკის თანამშრომელი, ცოტაოდენი — დიდი-დიდი, ორას ჩვიდმეტი გრამი ტვინის პატრონი, სიცოცხლეში ოთხიოდე რჩევა-დარიგების, ცოტაოდენი დამსახურებისა და ცოტაოდენი პატივბის თავისმომყრელი ერვანდ წარუქიანი მივიდა და კარადიდან ლიმონი გამოიღო, ერთი ცალი ლიმონი. საგულსგულოდ ამოაჭრა ლიმონს გამომჟალი ადვილი („გუშინ საღი იყო. თვალს მოაცილებ თუ არა, ფუჭდება!“) და მერე შვეულად ჩამოაჭრა ორი თხელი ფენა.

— ჩაი დავლიოთ.

უფალო ღმერთო ჩემო, ლოდი — ლოდი იყო, უხერხულად იდო, არ შეგეძლო დინამიტით აგვეფეთქებინა — ეგ გასაგებია; ლოდი მაინც ქვაა, მაგარია და კაცი ქვასთან ისეთივე მღრღნელი ყოფილა, როგორც თავი შექართან... მაგრამ ლიმონი?

— ასეთი რამეები თუ ხდება ხოლმე მართლა? — ჭოჭმანით დაიწყო ზავენმა, — გამიგია, ბანკებში ბევრი ყალთაბანდობა ხდებაო. ვითომც მსხვილი ფულის დასტაში შიგადაშიგ მანეთიანებს ურევენ და ხალხს ატყუებენო. თანაც ხშირად ხდება, ყველამაც იცის, მაგრამ მაინც ტყუვდებიანო. მართალია? მე, მაგალითად, არა მჯერა, მაგრამ... — ზავენი სავარძელზე გადაწვა, საზურგეზე ხელი გადაჰკიდა და თან იმ გამარჯვებული კაცის ღიმილით იღიმებოდა, რომლის ხაფანგში შეტყუ-

ებაც არ გამოუვიდათ. „შვიდას სულ ცხვარს ვუვლი, ყოველ ზაფხულს ოთხმოც ჰექტარ ბალახსა ვთიბავ და, ამის დედა ვატირე, იმის მაგივრად, რომ ამერიკის პრეზიდენტი მე ვყოფილიყავი, ეს კაცთუმსგავსი, ეს ცხვარია ამერიკის პრეზიდენტი!“ — ჰა, აკეთებენ ასეთ რამეს? თუ ისე, შემთხვევით მოხდება ხოლმე? თქვენ, მაგალითად, ასეთ რამეს არ იკადრებდით, მაგრამ სხვები... — ზავენი ვერც კი მიხვდა, როგორ გამოვიონა ტყუილი: — თქვენ ვთქვით, მოვიხდათ და შეცდით ამჯერად... — და სკამის საზურგეზე გადმოხრილი ისე იღიმებოდა, ვითარცა უშიშარი მოყმე. მერე თვალები გაუფერულდა და ისეთი გამომეტყველება მიიღო, რომ კაცი პირისახეზე ხელების აფარებით თუ დაიცავდა თავს მისგან.

— ყალთაბანდობთ! დასტებში აქეთ-იქიდან მსხვილ ფულს უდებთ, შუაში კი მანეთიანებით ავსებთ. თქვენ ისეთი კაცი არა ხართ, რომ შეცდეთ, მაშასადამე. შემთხვევითობა გამორიცხებულია! ასე რომ, თქვენც ატყუებთ! ხმას ვეღარ იღებთ? გელარაფერს ამბობთ? ნუ იტყვიოთ!...

— ბოდიში, ბოდიში!..

— ა-ღა-რა-ფე-რი! აღა-რა-ფერი მი-თხრათ! — პირის ღმეჭით თვალეში დახუჭა ზავენმა.

— აქ სახლის პატრონი მე ვარ... მე ვარ, გაიგე? შენ კი არა!..

— მორჩა! — ყელში ხელი იტაცა და დაიღრიალა ზავენმა. ამის შემდეგ ლაპარაკის უნარიც დაკარგა და მხოლოდ ლულულულებდა. ეძალე-ბოდა ამ კაცისთვის გარტყმის სურვილი და ჭიბეებში მუშტებს კუმშავდა.

მერე, როგორც შეუჩვეველმა კაცმა იცის თიბვის შაბაშზე, ზავენმა ვეღარც კი გაიგო, სად დაჯდა და

თავდაკარგული მხოლოდ ამას იმეორებდა:

— მომატყუეთ... მომატყუეთ!... თუნდა ორდენოსანიც იყოთ, მომატყუეთ!.. მართლა სრულადაც რომ მოგეცათ, მაინც მომატყუეთ!...

წარუქიანმა ფრიად თავაზიანად აუხსნა:

— აქ უკვე ბოდიში, მე შენ სრულად მოგეცი! შენ რომ გსმენია, მე იმათგანი არა ვარ. ვინ იცის, გამობრუტა სადმე, ახლა მომდგომია და — მომატყუეთ!.. მე დავთვალე და მერე შენ მოგიტვალე. გითხარი კიდევ, თავადაც დაითვალე და მერე წადი-მეთქი. ხომ დაითვალე ჩემს თვალწინ? მაშ, რაღაა გაურკვეველი? არაფერი! მე შენ არ გიცნობ, შენ — მე არ მიცნობ! სახლში მესტუმრე? კეთილი იყოს შენი მოსვლა. გითხრა ვინმემ, რად მოხვედიო! არ უთქვამს. პირიქით, შენი გულისთვის საქმეს თავი მივანებე და, აგერ, ჩაითაც გიმასპინძლდები. ესეც — ლიმონი! მოხუცი კაცი ვარ, ჩემთვის ვკუკუნებ ჩემს ბაღჩაში, არავის არაფერსა ვთხოვ და არავის ზიანს არ ვაყენებ.

სანამ მოკუნტული და თვალდახუჭული ზავენი აბნეულად იმეორებდა, მომატყუეთო, წარუქიანმა ამასობაში მილიციაში დარეკა. როცა ლეიტენანტი მოვიდა, წარუქიანი ენად გაიკრიფა: ეს ლოდო, ის — ლიმონიო, ჩემი სამსახურებრივი დამსახურებაო... მეზობლები ჩემით კმაყოფილნი არიანო, საბჭოთა სახელმწიფო და მისი ახლანდელი ხელმძღვანელობაც ხომ ძალიან მაფასებსო... ერთი სიტყვით, რა აღარ ეტარტარა ლეიტენანტს და ბოლოს მაგიდაზე შემოდო კარადის ერთ-ერთი უჯრა.

— ესეც ჩემი შრომის წიგნაკი! ნახეთ, ჯერ კიდევ ათას ცხრაას ოც-

დაერთი წლის ძნელი დროიდან ვმუშაობ, როცა ეს ამხანაგი ჯერ დაბადებულიც არ იყო. ეგ მაშინ სად იყო, მე რომ ტროცკისტებსა და კულაკებს ვებრძოდი!

მერე მედელიც უჩვენა, გერმანიაზე გამარჯვების აღსანიშნავად ომის შემდეგ ყველას რომ ურიგებდნენ ხოლმე — ისეთი.

(ერთხელ მამაჩემის ხუთი, დედაჩემის — ორი, ბიძაჩემის — სამი და ერთიც ჩემი მედელი გულზე გამოვიმწკრივე და სოფელში გავედი. იმათი სიმძიმით პერანგი ჩამოხვევაზე მქონდა. სალაყბოზე ერთი ამბავი ატყდა: „ბიჭებო, გახედეთ, იგნატიოსის კუთუზოვი მოდის! ეი, კუთუზოვ, მაგეების თრევას ბარემ თქვენს ვირს მიხედო, რომ მთელი ყანები გადაძოვა!..“ იმ ზაფხულს სოფელში, სულ ცოტა, ასოცდაათი კუთუზოვი გიყავით).

ცალ-ცალკე აღებული, რაღა თქმა უნდა, სასაცილო იყო წიგნაკის ქნევაცა და მედლის ჩვენებაც, იმ ლიმონისა და ლოდის ამბავიც, მაგრამ მერე, ერთი ნახევარი საათის შემდეგ, ისეთი რამეები უჩვენათ, რომ ლეიტენანტიცა და ზავენიც მისდამი პატივისცემით განიმსჯვალნენ. ესენი გახლდათ ქების სიგელი, რომელიც ძველი გაზეთის სტატია, სადაც წითელი ფანქრით იყო ჩაზგასმული. ე. წარუქიანი; ცნობა იმის შესახებ, რომ მის შვილს სამუშაო დროს ფოლადის ნაგლინისაგან ქუთუთო დაზიანებოდა; ქალიშვილის ქების სიგელი და ხუთიანებჩაწიკებული მესამე კლასში გადასვლის მოწმობა; საწევრო შესატანებით შევსებული პროფკავშირის წიგნაკი; პროფკავშირის კიდევ სხვა წიგნაკი და ოთხიც სხვა რაღაც ბილეთი — თავიდან ბოლომდე ბეჭდებდარტყმული და მარკებით აჭრელებული;

დაბადებისა და მოღვაწეობის რომელიღაც წლისთავზე პროფკავშირისგან ნაჩუქარი ჩაიდახი და წარწერიანი უთო; წარუკიანი კიდევ რომელიღაც ქვის გამხეთქ საბუთს ეძებდა და გზადაგზა არც ტელეფონისათუ წყლის საგადასახადო ქვითრების ჩვენება ავიწყდებოდა.

— ნახეთ, გასინჯეთ, ერთი თვით, თუნდაც ერთი დღით მაინც დამიგვიანებია გადასახადის შეტანა? ვალი ვალია და ვალს ყოველთვის პატიოსნად ვიხდიდი. საბინაო დავთარს კიდევ რაღა ჩვენება უნდა, ათასჯერ არის შემოწმებული. უნდა ნახოთ, მილიციის რწმუნებულმა რამდენჯერ ჩაწერა: „შემოწმებულია, ყველაფერი რიგზეა“.

მერე ცოლს დაუძახა.

— ერანუპი, გენერალზე წიგნი აქედან ვინ აიღო?

წიგნი არავისაც არ აედო, ადგილზევე იდო, ზედ მის ცხვირწინ, მაგრამ თვითონ იყო დაბნეული და ვერ ამჩნევდა. იმ წიგნის ერთ ფურცელზე გვერდიგვერდ დაბეჭდილი სამი ფოტოსურათიდან გამოიმზირობოდნენ დონცხო ბავშვი — გენერალი, აგრეთვე გენერალი—გენერალი და მოსწავლე გენერალი კლასთან ერთად.

— ჩემი კლასელია, ჩემი ახლო მეგობარია. ვეუბნებოდი, საშა-მეთქი და — რა გინდაო, ერვანდ-ჯან!... მაშა!.. ეს — ამხანაგი გენერალია, ესეც კიდევ, მის გვერდით მე ვარ...

ბოლოს ზავენ ქოჩარიანმა ბოდიში მოუხადა ერვანდ წარუკიანს, წარუკიანმა კი დამოძღვრა, სახალხო დოვლათს არასდროს ცერად არ შეხედოო და გამოისტუმრა. ზავენმა ნელა ჩაიარა საღებავის სქელი წითელი ფენით დაფარული ვიწრო, დაბალსაფეხურიანი კიბე. საფეხურები ისე იყო გალიბული, არამც თუ

წვეთ წყალს არ შეიწოვდა, ფეხსაცმელსაც კი ვერ მოჰკიდებოდა. უნდაო, ორ-ორ საფეხურზე ერთად ჩამოედგა ფეხი, მაგრამ ფრთხილობდა — ფეხი უცურავდა; არადა, თითო საფეხურით ჩამოსვლა ცოცვას უფრო ჰგავდა — ფეხს ფეხის წვერზე იდგამდა.

იმ წამს საოცრად მოეძალა მთების სურვილი, მთების სიყვარულმა ახალი ძალით იფეთქა მის გულში; მთები! ისევ და ისევ მთები — ცადაზიდულნი და პირშეჭმუხნილნი; ზეგებში უცაბედად ჩაჭრილი უფსკრულებითა და უცაბედადვე ატყორცნილი ფრიალოებით, უცაბედად წამოშენილი წვიმითა და ელვასავით უცაბედადვე გამოჩახჩახებული მზით.

— აბა, ჩამოკაკლე, საყვარელო მეუღლე, ის როგორ იყო, გეტამეჯელ კახპასთან — ნუ, ნუ გრცხვენია — კახპასთან ერთად რომ მობრძანდებოდი მთიდან?... — გულხელდაკრეფილი ზარიკა ისეთი ღიმილით იღიმებოდა, რომელიც ზავენს საპასუხო ღიმილის უფლებას უსპობდა, — ჰა, როგორ იყო?

— მაგისი თავი არა მაქვს.

— რაღა თქმა უნდა, ჩემს არტისტს, რაც არ ეპრიანება, იმისი თავი არა აქვს! ეგ გვიბრძანე, თავი როდის გექნება?

— არ მესმის, რა გინდა?!

— დღეს მორჩა შენი არტისტობა, ხომ იცი! — ღიმილი და ღიმილთან ერთად გულხელიცა და თავშეკავებაც აიკრიფა ცოლმა, — მთიდან დღეს ვისთან ერთად ჩამოხვედი?

— ა! — წარბი ასწია ზავენმა.

— ჰო, ჰო! — დამცინავად დაუბეჭდა ცოლმა, — მოგაგონდა შენი კახპა?

— რაო?

— რაო და, შენი ჩანადენი მე უნდა მოგიყვე?

მე რა ჩავივლინე, რომ არ ვიცი.

— ამ შენს ლეკვს რომ მოგაგდე და წავალ, მაშინ კარგად გაიგებ!

— მორჩი, ზარიკ, გულწრფელად გეუბნები, მაგეების ხასიათზე არა ვარ.

— მთიდან ვისთან ერთად მოდი-ოდი? არ მომატყუო.

— მწველავი ქალია ერთი, გეტამეჭელი.

— ვინ ქალი? სახელი არა აქვს?

— სახელი არ ვიცი, ზარიკ.

— არ იცი? ვითომ არ იცი? სხვა რამე თუ იცი, ნეტა?

— ნუ ყვირი, გთხოვ, ზარიკ.

— მაშ, პაიწარის სახელი არ იცი? არ იცი, რომ პაიწარი ჰქვია?

— მართალია, პაიწარი იყო.

— მერე?

— მერე რა, ზარიკ?

— მერე — შენ იცი, რაღა. მე რად მეკითხები? მე შინა ვზივარ, პატიმარი ვარ და შენი ლაწირაკის ფალას-ფულასებსა ვრეცხავ. მე ცოლი ხომ არა ვარ, მონა ვარ!..

— გცემ, ზარიკ.

— შენ მეტი რა შეგიძლია!

— არაფერი შემიძლია. კაციც არა ვარ, პირუტყვი ვარ, ფრთხილად იყავი — გაგთელავ, ზარიკ.

— პაიწარი კახპაა.

— მართალია, ღღემუდამყამს და ღღეყოველწამს კახპაა.

— ენა თუ გქონდა, გამომძიებელს უპასუხებდი.

— თავი დამანებე.

— მთიდან ერთად ჩამოხვედით, არა? თან ცხენზეც შესვი, არა?

— ჰო, ცხენზე რომ ზის, მაშინაც კახპაა ისა. უხერხული იყო, ქა-

ლო, ქალი ფეხით მეტარებინა და მე ცხენით მევლო?

— მერე, ის ქალია?

— კახპაა, მაგრამ იმ კახპას ფეხი სტკიოდა, მე კი არა მტკიოდა. შევსვი და, ის ცხენით ჩამოვიდა, მე — ფეხით, განა რა მოხდა?

— ფუ, შე უსირცხვილო!..

— გცემ, ზარიკ!.. — აცახცახდა ზავენი.

— მცემე, ეგლა დაგრჩა, რაღა! მცემე, რატომ არა მცემ? აჰა, გინდა ერთხელაც — ფუ!..

— ფეხქვეშ წაგიგდებ, ზარიკ! — და რომ მართლა არ ეცემნა, ზავენი გარეთ გამოვიდა. ფეხში მოდებული ძალდი წიხლისკვრით მოისროლა აივნიდან, — ეს რა ქვეყანაა, ეს რა ბუღალტერიაა!.. — მერე შედგა და ცოლს მიუბრუნდა — ზარიკ, გეუბნები, ერთი სიტყვა, ერთი ხმა-გლიმი, ერთი წმუკუნი მაინც თუ დაგცდენია, იცოდე, მართლაც რომ ძალივითა გცემ!..

მაგრამ თვითონვე ამოუჯდა გული და ყელში მოწოლილი ბოლმა ყვირილად ამოსკდა:

— ვინა ხართ, კაცო, თქვენა? ხალხნი არა ხართ, კაცო?.. რა არის, ბოლოსდაბოლოს, ადამიანები არა ხართ?.. თუ ხართ, მაშ, იყავით, რაღა!.. განა მე თქვენთვის რა მიქნია!.. წელიწადი-თორმეტი თვე ხარით უღელში ვარ შებმული, სხვა რა გინდათ, რაღა შემიძლია, რა ვალი მაღევს, წაიღეთ, მე თქვენი!.. — ზავენს გინების თავიც აღარ ჰქონდა. მერე კი ლაპარაკის უნარიც წაერთვა და მხოლოდ ტიროდა, — ხუთი თვეა ტანი არ დამიბანია, ხუთი თვეა არ დამიბანია, ხუთი თვეა არ დამიბანია!..

ამ კაცების ტირილი პირდაპირ სასაცილო სანახავია. ამათ ხომ ხეირიანად არც კი იციან ტირილი. ამა-

თი ხვრიპინი ქალის რბილად ჩამდინარ ცრემლებთან სად მოვა, რომ მათსავით თანაგრძნობა დაიმსახუროს; არც ბავშვის გულამოხვინჩული ტირილია, რომ მიხვიდე და სველ ლოყაზე აკოცო; არც ქვითინია, არც სლუკუნია, მარტო ცოტათი თვალები ემღვრევა, ხანდახან ისეთ ხმას ამოუშვებს, თითქოს ამოიყუდებოდეს. მე რე უთანაბროდ ამავალ-ჩამავალი მკერდი დაუწყუნარდება, ტვინი გამოუცარიელდება, თვალებს ჭერს მიაპყრობს და დახუჭავს. მე რე ჩაეძინება. უხეში წვერი ჯაგარივით დასდებია, სუნთქვისას თუთუნის მძიმე სუნის ასდის, ფართო მკერდი მშვიდად აუდ-ჩაუდის და, საერთოდ, არ გააჩნია ის სიფაქიზე, სილამაზე, რაც თანაგრძნობას გამოიწვევდა ადამიანში. ეგ კი არა, ისიც არ მოგაფიქრდება, რამე წაახურო, ეს მძინარი კაცი არ გაცივდეს. ნადირივით ტყე-მთაშია გამოჯაგული, გაცივება რას მიქვია! ისე კი კარგია, პაიწარისა და ამისი ამბავი რომ ტყუილი გამოდგას, მაღლობა ღმერთს!

— ადექი, ზავენ, პავლესა სცემა.

— ვინა სცემა.

— გამომძიებელმა.

— ვინ გამომძიებელმა.

— გამომძიებელმა.

— ა!.. მეც არა ვთქვი... ჩოკინის ცემა ახალი ხილი არ არის.

12

სცემა და—სცემა, რა მოხდა. დღეს ცემა აღარავის უკვირს. ბევრი ბევრსა სცემს. ასე რომ ცემა ტრაგედია არ არის. მაგრამ პავლე რომ წამოდგას, ტანში გასწორდა და ზედ მის მკერდზე მომდგარი ლეიტენანტი იხილა, ატირდა. დიახ, ბევრი სცემს ბევრსა, მაგრამ როცა სუსტი

ძლიერსა სცემს, ეგ უკვე ტრაგედიაა ჰგავს.

ყველამ ვიცით და ყველასათვის ცხადია, ცხვრის დაკვლა დანაშაული არ არის. პირიქით. თუ გნებავთ იცოდეთ, ცხვარი სწორედ დასაკლავად არის გაჩენილი. მაგრამ თუ კლავ ცხვარს, რომელიც კანონით შენ არ გეკუთვნის, მანდ უკვე — ბოდიში! მე, ძმაო, გამომძიებელი ვარ, მე გამოვააშკარავე ქურდობა. ახლა ისლარჩება, შეკითხვები მოგცე, შენ კი მიპასუხო: „დიახ!“, მორჩა და გათავდა!

არა, არც მორჩა და არც გათავდა. საქმე ის არის, რომ ხუთი წელი ჯარში ვიყავი და იმ ხუთ წელში მუხლები დამაწყდა. უბრძანებიათ, დაწეო, — დავწოლილვარ, უბრძანებიათ — ადექო, ფეხი გადაადგიო, ნაბიჯი ფართოო და, ყველაფერი შემისრულებია. ამ ხანმოკლე ცხოვრებაში კაცს თავისი წილი სიმწარეც ერგება და სიხარულიც. როგორც ვაჟკაცს შეეფერება, მე ჩემი წილი სიმწარე უდრტვინველად გადამიტანია. არავისთვის დამიძალებია, არავისთვის მითხოვნია იმ ჩემი სიმწარის თუნდაც ერთი ნამცეცი მაინც ეგემა. ახლა, ასე მგონია, ჩემი წილი სიხარულის დროა დამიდგარი და, ღმერთი-რჩული, აღარ მეხალისება ის ტანჯვა-სიმწარე ხელახლა დავიჭაშნიკო. ეგ კი არადა, ჩემ სიხარულსაც ვერავის გავუყოფ, ერთ გრამსაც ვერავის მივცემ. ჯანდაბამდისაც გზა გქონიათ შენცა, იმ შენს რევაზსაც და იმის ცხვრებსაც კიდევ... მე პავლე არა ვარ და არც ცხვრისა ვიცი რამე. ცხვარი რასა ჰქვია, რა სულიერია, არც ეგ ვიცი. წადი, გზას ბარაქა დააყარე, შენს საქმეს მიხედე, თორემ... ამ სოფლსაბჭოს კედლები პავლეს აშენებულია. თუ არა გჯერა, გარედანაც

ეტყობა, შუბლის ქვაზე აწერია — „პავლე“. კარის დაბლა რომ სკამია, იმ სკამზეც ნახავ პავლეს დანის წვერით ამოღარულ — „პავლეს“. იმის ქვემოთ იმავე დანის წვერით ამოღარულია — „იშხანა“. ვილაცას (მრგვალ ასოწერილობაზე ზავენის ხელწერა გამოიცნობა) „პავლეს“ პირდაპირ ამოუკაწრავს „მაიორი“. იმ სკამის მოღალღალღებულმა ლურსმანმა ერთხელ პავლეს პოლკოვნიკის შარვალი დაუხია. პავლემ ქვით ღრმად ჩააჭედა ლურსმანი და ლურსმნის ირგვლივ სკამს ახლაც ეტყობა ქვისგან დაჩნეული ფოსოები. ეს ანტარამეჯია — პავლეს მშობლიური სოფელი, პავლეს სახლი და ოჯახი; ასე რომ, მაგ თქვენი დაკითხვებიანად მიბრძანდით თქვენს სახლში და იქ დაჰკითხეთ, ვინც გნებავთ.

— მე ცხვრისა არა ვიცი-რა.

— არ იცი?

— არ ვიცი. ვის აშინებ?!

— მაშ, არ იცი?

— ზმას ნუ აუწიე, არ ვიცი.

— ადექი!..

— ადექიო? შენ რომელი ჩემი გენერალი ხარ! „ადექი!..“

იცოდნენ გამომძიებელს შიოდა, პირდაპირ სული სძვრებოდა შიმშილისაგან, მაგრამ პურის საჭმელად არავის დაუპატიჟია, რომ უხერხულად არ ეგრძნო თავი. ის ჩუმად გაიპარა სოფლიდან.

სოფელ ანტარამეჯში ერთი სტეფანე ძიაა. ეს სტეფანე ძია, აგერ ოცი წელი იქნება, სულ სამოცდაათი წლისაა, არც ემატება და არც აკლდება. ადვილი წარმოსადგენია, ოდესღაც იგი ორმოცდაათი წლისა უნდა ყოფილიყო, იმაზე წინ — ორმოცისა და იმაზე უფრო წინ — პეი

გიდი, ჰა! — ოცდაათისა... თავისი თქმით, ერთ დროს დონიერი და გულადი ყოფილა, დათვის კომბლით შებმია, ქეციანი ძაღლივით უცემია და გაუქცევია. მერე შუბლზე ოფლი მოუწურავს და დაუცინია კიდეც, რა მიგარბენინებს, დაგეცადა, გვესაუბრა ცოტაო. სოფლელებს ეს ამბავი არა სჯერათ, სტეფანე ძია ჯეილი რომდისა ყოფილა, რომ დათვთან კომბლით ეჩხუბაო. მათი წარმოდგენით, სტეფანე ძია იმთავიდანვე სამოცდაათი წლისაა, მკვეხარა და ცოტა მატყუარა, ხოლო თუ საქმე საქმეზე მიდგა — ძალიან მატყუარაც. მატყუარაა თუ არ არის მატყუარა, სტეფანე ძიამ ხანდახან კაცი გემრიელი ამბების მოყოლაც იცის.

— სომეხ-თურქის ჩხუბი რომ ჩამოვარდა, ოვანეს თუმანიანის დროს, მაშინ ჩვენი მთების მომიჯნე აზერბაიჯანელები გვმეგობრობდნენ. ომამდის ხილი და ფქვილი ამოჰქონდათ ხოლმე თავიანთი ყაზახიდან, ჩვენ კიდეც თაფლზე და კარტოფილზე ვუცვლიდით. ჰოდა, ამ ჩხუბის დროსაც, ჩვენთვის მაინც ამოჰქონდათ ფქვილი და ბროწეული, ჩვენც ისევ თაფლსა და კარტოფილს ვატანდით. მაგრამ ერთხელაც, ვნახოთ და, მამაჩემს იმათ ფქვილში ხელი ჩაუყვია და ურევს, დაეჭვებულა როგორღაც. ბოლოს დედაჩემს ეუბნება: დედაკაცო, ამისი პური ბაღლებს არ აჭამო, სანამ მე არა ვჭამო.

სინამდვილეში კი ჯერ თვითონ არ უჭამია, ძაღლს მიუგდო და კაცი სამი დღეც უცადა, მოკვდება თუ არაო. ვხედავთ, აღარც იმ აზერბაიჯანელს უნდა ჩვენი თაფლი, გვეუბნება:

— ასე მირჩევნია, მარტო კარტოფილს წავიღებო. ასე, რომ სა-

ლამ-გამარჯვება კი იყო, მაგრამ ჩუმ-ჩუმად ერთმანეთის გვეშინოდა. ჰო-და, ერთხელაც მთაში იმათი მე-ბატკნე და მე (მე კიდევ ჩვენი მე-ბატკნე ვარ) დანასობიას ვთამა-შობთ. ვხედავ, იმათ მებატკნეს ხე-ლი უკანკალებს. მაშინვე თითზე ვიკბინე, ამას უეჭველად, ისა, რაღა, აი, კულტურულად რომა ვთქვა — შარდი სხვანაირად ამღვრევია-მეთქი და მეც ამემღვრა. ვიფიქრე, თამაშს მე ვიგებ, ეს — აგებს, წამგებმა კი მიწიდან კბილებით პალო უნდა ამოაძროს; ჰოდა, თავს რომ წაი-შვერს პალოს ამოსაძრობად, აი, მა-შინ ხანჯლით... მეთქი. ერთი სიტყ-ვით, გადაწყვეტილი მაქვს, არ და-ვინდო. თურმე ისიც იმასვე ფიქ-რობს, იმასაც ეგ აწუხებს და — ჯერ თამაში არ დაგვიმთავრებია, რომ პალო უკვე მიწაში ჩაასო და მეუბ-ნება, ამოიღეო. ვეუბნები, ჯერ თა-მაში მოიგე და პალო მერე ჩაასვი-მეთქი. ხომ მოვიგეო? არ მოგიგია-მეთქი. რომელზე გავჩერდიო? თვი-თონ იცი, რომელზეც გაჩერდი-მეთ-ქი. მეუბნება — „გადატრიალაზეო“. „გადატრიალა“ კიდევ, ხომ იცით, ისეთია, შეუძლია ხანჯალი ვითომდა მიწაში ჩასასობად გადმოიქნიოს, ნამდვილად კი სტეფანეს შეესოს მუცელში.

ვეუბნები, არა „შეტრიალაზე“ გაჩერდი-მეთქი. გესმით? შეტრი-ალაზე-მეთქი. ხანჯალი მძიმეა, მერე მაშინდელი ხანჯლები, ხომ იცით! ეს მძიმე ხანჯალი ორი თითით უნდა შევისროლოთ და, შეიძლება, ისეც მოხდეს — ისროლეღმა თავი დაიზი-ანოს. ამიტომ ეშინია და ამბობს, „გადატრიალაზე“ ვიყავიო. „შეტ-რიალა“-მეთქი. „გადატრიალაო“. მე მართალი ვიყავი და გავიმარჯვე. შეავდო „შეტრიალაზე“ და შუბლი გაიხეთქა. ახლა, თითებით უჭირავს

შუბლი და საწყლად მეკითხება, შენ რაღაზე იყავ გაჩერებულიო. მე უკვე ბოლო გდებაზე ვიყავი, ვამთავრებ-დი, მაგრამ სისხლი რომ დავინახე, შემეცოდა: მეც „შეტრიალაზე“ ვარ-მეთქი; ის თავის მარცხზეა გაგული-სებული, ჯავრი მოსდის, მეუბნება: შენ „შეტრიალას“, რამდენი ხანია, გასცდიო. ვეუბნები: არა, ძმაო, ჩვენ უთქვენფქვილოდ ვერ ვიცხოვრებთ, თქვენ კიდევ უჩვენკარტოფილოდ, ასე რომ „შეტრიალაზე“ გავჩერდი-მეთქი. ბუტბუტებს: თაფლი, თაფ-ლიო... ეს აზერბაიჯანელები, კაცო, ძალიან თაფლის მოყვარული ხალ-ხია, ალბათ, უფრო იმიტომ, რომ ფუტკრის მოვლა არ იციან. რაღა თავი შეგაწყინოთ, ხანჯალი „შეტ-რიალაზე“ შევისროლე და მეც გა-ვიხეთქე შუბლი. იმას რომ მოერტყა ჩემთვის, იქნებ ასე ძალიან არც კი გამჭროდა.

ამ ბოლო ხანებში ვირით თაფლი მიმქონდა ყაზახში ბროწეულზე გა-დასაცვლელად. გზაში ერთი აზერ-ბაიჯანელი შემხვდა. მისასალმებლად ქუდი მოვუხადე. იმანაც ფაფახი მომიხადა. ორივენი მელოტები ვართ და ორივეს თავზე თითის სისქე ნაჭ-რილობევი გვეტყობა. ის ძველი მე-ბატკნე იყო, ვირით ბროწეული მოჭ-ქონდა თაფლზე გადასაცვლელად. ვეუბნები: პა, „გადატრიალა“ თუ „შეტრიალა“-მეთქი? „შეტრიალაო“. ვეკითხები, თმა რა უყავი-მეთქი? შენ რაღა უყავიო? ვეუბნები, ჩე-მი დრომ წაიღო-მეთქი და — ეგ დრო ჩვენთანაც მუშაობსო. ვეუბნე-ბი, ნაჭრილობევი დაგრჩენია-მეთქი. შენც დაგრჩენიაო. ნუ გეშინიან, ეგ უბრალო ნაწიბური რას გიზამს-მეთ-ქი. მეუბნება: ალაჰის მადლით, კაცს ოღონდ თავი ებას, თორემ თუნდაც ქაჩალი იყოს და ზედაც ნაჭრილო-ბევი ეტყობოდეს, რა ბედენააო. მეც

ვეუბნები: მართალია, არც მე ვარ უკმაყოფილო ჩემი ქაჩალი და ნაჭ-რილობევი თავით, ცუდად არ მემსახურება-მეთქი.

აქეთური, იქითური, ვილაპარაკეთ, გავიხსენეთ ძველი ამბები, ვინაღ-ვლეთ, ვიდარდეთ და დავშორდით. ჩემი ვირი ჩემივე თაფლიანად იმან გაიგდო წინ, მისი ვირი მისივე ბრო-წეულიანად მე გამოვიგდე და გა-მოვბრუნდი სახლში; იმისი ვირიცა და ჩემიც, ორივენი ულაყები იყუ-ნენ, შავები და დრუნჩითეორები, ერთი წლოვანებისა და ერთი აღნა-გობისა. ისე კი გამომივიდა, თით-ქოს არც ჩვენ შევცვლილიყვნეთ და ჩემი მონათხრობიც ტყუილსა ჰგავ-დეს, მაგრამ, დამიჯერეთ, ტყუილი არ არის. სტეფანე ძია ტყუილს თა-ვისდღეში არ იტყვის...

— კოლექტივი რომ შემოვიდა, ერთი-ორი დღე მეც გავედი, ხალ-ხთან ერთად ვიმუშავე. გავიხედე და, ეს აბგარა თავმჯდომარე არ დამად-გა! მთელი დღე ღლეტულობო, არც შენა მუშაობ, მაგ ტყუილების ყბე-დობით ხალხსაც მიცდენ და შრომა-დღესაც ტყუილად მაწერინებო. ვუ-თხარი, ამის შემდეგ აღარც სამუშა-ოდ გამოვალ და აღარც ვიყბუდებ-მეთქი. მერე გავჩუმდი, ხან ეს ვი-ფიქრე, ხან ისა, და უცებ ვხედავ, ჩვენს ძველ სათიბს არა ვთიბავ! ვთიბავ და ახლა როგორა ვთიბავ! სადილად დავჯექი, ცოტა დავისვენო და ფერდიც ამოვიღო-მეთქი და ვხედავ, ეს აბგარი ცხენს მოაქევეჭე-ვებს, ჩემკენ მოდის. თან შორიდან-ვე ყინჩად მელაპარაკება, მბრძანებ-ლობს, რაღა. სხვანაირად ვითომ, როგორ ეკადრება, კალოს ყარაული ხომ არ არის, თავმჯდომარეა კაცი!

მეც ვუყვირი, აბგარ, ახლო არ მომიდგე-მეთქი. მაინც მოდის, თით-ქოს მას არ ეუბნებოდნენ ან სის-ხლის გიჟი სტეფანე არ ეუბნებო-დეს. ცელი მიჭირავს და ვუყვირი: „აბგარ, არ მომეკარო, თორემ, კი-სერს წაგასხლავ, აბგარ! ცხრა შვი-ლი მყავს, სისხლში ნუ გამხვევ, ბაღლები ობლად არ დამაყრევინო, აბგარ! საციმბიროდ ნუ მიხდი საქ-მეს, თავი დამანებე, გეხვეწები, აბ-გარ!.. იცოდე, თავს გაგაგდებინებ, სოფელი უხელმძღვანელოდ დარჩე-ბა, აბგარ! შენი ოჯახი დაიქცეს, მაშ, ნამუსი არა გაქვს, სისხლში რომ მაგდებ, აბგარ! არ დაგიშლია და, მოდი, გაჭრა კიდევ ამ ცელსა ვკი-თხოთ... აჰა, წაგასხალი თავი და მორჩა-მეთქი... უჰჰ-მეთქი“. და, ცე-ლი მზად მეჭირა, მაგრამ სიკვდილმა თვალი აუბა, არაფრად ჩააგდო სი-კვდილი და მოვიდა, ცელი გავარი-დე, ვეუბნები: შენ გინდა, ციმბირ-ში გადამაკარგონ, მაგრამ სტეფანე ციმბირში წამსვლელი არ არის-მეთ-ქი. გადმოვიღე ცხენიდან ეს შენი აბგარი, დავიდე, დავაჭირე მუხლის-კვერი, ამ წუთში დაგახრიობ-მეთქი და, მართლაც, წავუჭირე ყელში... ვახრიობ, რაღა, ნაღდად ვახრიობ. ვისმე რომ საათზე ეყურნა, საათზე მეტს ვახრიობდი. მოკლედ, გა-ვგუდე ერთი კარგად; მოეშვა ეს შე-ნი აბგარი ახალდაბადებულ ხბოსა-ვით. ვეუბნები, ეგ გინდოდა, აბგარ-ჯან, თავმჯდომარე იყავი და ახალ-დაბადებულ ხბოდ იქეცი-მეთქი. ახლა, ვაზივარ ზედა და ვისვენებ. ერთიც ვნახოთ, წითელ რაღაცას მოვკარი თვალი. კარგად დავაკვირ-დი და რას ვხედავ — ამ ჩვენი აბგა-რის წითელი წიგნაკი არ არის! აქ კი მომეკვეთა მუხლი. ეხ, სტეფანე, სტეფანე, ციმბირს გაუბოდი და შენი ფეხით კი მიხვალ ციმბირში-

მეთქი. მაგრამ, როდის იყო, სტეფანეს საძროში ვერ ეპოვოს — გადმოვიტრიალე ეს აბგარი, ქვეშ მოვექეცი, თან ხელებიც ყელში წავავლებინე: დამახრჩე აბგარ-ჯან, დამახრჩე... ღირსი ვარ და დამახრჩე, ოღონდ სოფელში არაფერი წამოგცდეს-მეთქი. არ დამზოგა, მართლა მაგრად წამიჭირა ყელში, უკვე ენა გადმოვავდე. ვიფიქრე, ეს მამაძალი ნამდვილად მკლავს და აღარა ხუმრობს, რა ვქნა, რა ვუყო-მეთქი. ჯერ არ ყოფილა, სტეფანე დაბნეულიყოს — ჰოდა, მეც დავუწყებ ხრჩობა. ოღონდ ქვეშიდან ვერ გამოვდივარ, ქვეშიდან ვახრჩობ. ვფიქრობ, გაუშვია, ეგონოს, ვითომ თვითონ მახრჩობს-მეთქი. ასე და ამგვარად, ამ ჩვენმა აბგარმა თან ცემა შეიტყაპუნა, თანაც ეგონა, ვცემეო. სოფელში კი, ნამუსი შეინახა და მართლაც არაფერი უთქვამს. მერე, რომ ნახა, მე და კოლხოში ერთად ვერ ვივარგებდით, მითხრა, ისევ კერძო ცხვარში იარეო. მართალია, აბგარ?

სოფლის თავდაპირველი თავმჯდომარე, ჩიტებისა და ბატების კალოების ახლანდელი ყარაული, რბილად იღიმება.

— მართალი არ არის, აბგარ-ჯან?

— ფაქტიურად მართალია, — კვლავ რბილად იღიმება ყარაული, — მაგრამ სინამდვილეში ტყუილია.

— „ფაქტიურად მართალია, სინამდვილეში — არა“ — მხრებს იჩეჩს სტეფანე ძია, — მაშინაც ეგეთი რთული და გაუგებარი ლაპარაკი იცოდი; იფიქრეს, ჭკვიანი კაციო და იმიტომ დაგნიშნეს თავმჯდომარედ.

— ამისი გაგება რა შენი ჭკუის

საქმეა, სტეფანე. შენი საქმე ქვეშიდან დახრჩობაა და ხომ დამახრჩე კიდეც. ნამდვილი ის არის, — მსმენელებს მიუბრუნდა აბგარი, — რომ იმ დროს მე ორმოცი წლისა ვიყავი, სტეფანე კი, ეხლანდელივით, სამოცდაათისა იყო. ცხადია, ორმოცი წლისა, ვინც არ უნდა იყოს და როგორც არ უნდა იყოს, სამოცდაათისას მოერევა, როცა უნდა. მაგრამ მე რომ ამისთვის მეცემა, არ ივარგებდა, სირცხვილი იქნებოდა. იმიტომ, რომ სირცხვილია სამოცდაათი წლის კაცის არა მარტო ცემა, არამედ სიტყვის შებრუნებაც კი. ეგეც არ იყოს, ბერიკაცის გვერდით ისიც შეგრცხვება, რომ ორმოცი წლისა ხარ, როგორც შეგრცხვებოდა, მაგალითად, თავად მაძლარი იყო და შენი მეზობელი მშიერი კვდებოდეს. მოკლედ, ასე იყო.

მერე აბგარმა სიგარეტი მოქაჩა და განაგრძო:

— მოიცა, ე, მოიცა. ეს ერთი. მერე: მე პარტიული ვიყავი, სტეფანე — არა. მე მთავრობა ვიყავი, სტეფანე — არა. სტეფანესთან შედარებით, მე უპირატესობა მქონდა და სტეფანე დაიჩაგრებოდა, რადგან მას არ გააჩნდა ეს უპირატესობა. აბა, ახლა თქვენ იანგარიშეთ: თუ მე, ორმოცი წლისა და პარტიული, დავახრჩობდი, როგორც სტეფანე ამბობს, სამოცდაათი წლისას და უპარტიოს, ისიც თავიანთსავე სათიბში, თავიანთ გუშინდელ მამულში, სტეფანეს გული არ გაუსკდებოდა? გაუსკდებოდა, რაღა თქმა უნდა. მეც თავი გავანებე, გამარტყა ორიოდ და წამოვედი სახლში. გზაში დავარწმუნე, სჯობია ისევ კერძო ცხვარი მწყემსო-მეთქი.

— ფაქტიურადაც სწორია და ნამდვილადაც. მართალი ხარ, აბგარ! — თქვა სტეფანემ.

არაფერს ანგარიში არ გაუწიეს და იმ გახურებულ პარსვაში ბიჭები პატიმრობაში აიყვანეს. კოლმეურნეობის თავმჯდომარე დედაქალაქში წავიდა, იქნებ გენერლის, სოფლის მეურნეობის მინისტრის, საბჭოს თავმჯდომარის ან მილიციის უფროსის შემწეობით ამ საქმეს რაიმე ვუშველო. წავიდა და... შერცხვა, რომ მასაც თავმჯდომარე ერქვა და მინისტრთა საბჭოს თავმჯდომარესაც. შერცხვა, რომ ქურდობის წვრილმანი საკითხით დროს ართმევდა იმნაირ ხალხს, როგორებიც ისინი იყვნენ.

— დაურეკე, ბიჭები გაანთავისუფლონ, ამხანაგო გენერალო, ტყუილუბრალოდ არიან დაპატიმრებულინი, — ანტარამეჯული შინაურულობით უთხრა თავმჯდომარემ.

— სოფელში რა არის ახალი? — შეეკითხა გენერალი.

— ბიჭები დააპატიმრეს, ოთხნი ერთბაშად, ეგ არის ახალი. სხვა გამოსავალი არ არის, უნდა დარეკო, ამხანაგო გენერალო.

— დაა, — გაიღიმა გენერალმა, — გახსოვს, ერთხელ მე და შენ რომ კიტრის მოსაპარად წავედით. გახსოვს?... — გენერალმა სასაცილო მოგონებაზე გადაიხარხარა, — ყარაულმა რომ მარილიანი თოფი გვესროლა და საჯდომი ამიწვა... კაცო, — მიუბრუნდა გენერალი ცოლს, — მე გენერალი ვარ და ყარაული კი მესროდა... საკვირველი ქვეყანაა, არა?.. ის რომ გენერალი ყოფილიყო, უარესს არ იზამდა? მაშინ ხომ სულ ქვეყანას გაანადგურებდა... როგორ იგინებოდა!.. შარვალი უკან სულ დაცხრილული მქონდა, გახსოვს? შინ კიდევ დედაჩემმა მცემა მაგის გულისთვის. ეგეც შენი კიტრი! — გე-

ნერალი კიტრისა და დედის ამბავს მოუყვა ცოლს.

— კარგი ქალი იყო, — თქვა თავმჯდომარემ, — ნათელი ედგეს. ამხანაგო გენერალო, ბიჭები ტყუილ-უბრალოდ...

— გახსოვს? — გაიღიმა გენერალმა, — მე და შენ ჩანჩქერში რომ შევედით საბანაოდ... გლესურად რას ეძახით ჩანჩქერს? ჰო! ჩახრ... ჩახრიალა, ჩახრიალა! არ გახსოვს? მე და შენ გვინდოდა იმ ჩახრიალას ქვეშ ბანაობა, წყალი აქაფებული იყო, სულ თეთრი, არც ფსკერი უჩანდა და გვეგონა ძალიან ღრმა იქნებოდა, შიშით, კანკალით შევედით და აღმოჩნდა კი, რომ მუხლამდეც ძლივს იყო... ვაი, ჩახრიალა, ჩახრიალა! ახლა როგორიდაა ის ჩახრიალა?

— ის ჩახრიალა, — დაფიქრდა თავმჯდომარე, — მიწყემსებმა, მგონი, გააღრმავეს. ცხვარს აბანავებენ ხოლმე შიგა. მოხერხებული ადგილია და, მგონი, არც იმღვრევა. იმ ბანაობაზე რომ ამბობ, ამხანაგო გენერალო, მე ძლივს მახსოვს და შენ როგორღა გახსოვს, ამხანაგო გენერალო? ამხანაგო გენერალო, — თქვა თავმჯდომარემ, — ბიჭებიდან ოთხნი...

— ერთხელ კიდევ, — მოიგონა გენერალმა, — ტყეში რომ წავედით, საჭმელი რომ არაფერი გვქონდა, გოჭი რომ დავკალით და ვჭამეთ, ის თუ გახსოვს? აღარც კი მახსოვს, ვისი გოჭი დავკალით. ვისი გოჭი იყო? უმარილოდ, წარმოგიდგენია? — ცოლს მიუბრუნდა გენერალი, — მარილი არა გვქონია, გოჭი უმარილოდ შევჭამეთ.

— ჰო, ჰო, — წარბები აზიდა თავმჯდომარემ, — ახლაც ბიჭები მშვიდრები ყოფილიყვნენ და ცხვარი დავკლათ. სწორედ ამისთვის ისინი...

— ვინ იყო? ჰო! — გაიხსენა გე-

ნერალმა, — ავადი იყო. ერთი ტახი ჰყავდა, მგლებს არ უშინდებოდა, ის ტახი როგორ არის?

— ის ტახი არ მახსოვს, — თქვა თავმჯდომარემ, — იქნებ ძალიან დიდი ხნის წინათ იყო. ტახს, ცხადია, დაკლავდნენ, ამხანაგო გენერალო, ავადი კი დააპატიმრეს.

— რისთვის დააპატიმრეს?

— ცხვარი დაკლეს. მარტო ავადი კი არა, ოთხნი არიან. პატრონს არ უჩივლია. ფაქტიურად, ქურდობა არ გამოდის, მაგრამ ბიჭები პატიმრობაში აიყვანეს ამ გახურებული მუშაობის დროს. ხომ გახსოვს, ამხანაგო გენერალო, ჩვენთან ამ დროს როგორი მუშაობაა ხოლმე. ბიჭებიდან ერთ-ერთს კი გამომძიებელმა სცემა კიდევ. ვიარე, ვიჩივლე, არავინ ყური არ მიგდო, მეუბნებიან, დანაშაულს სასჯელი მოსდევსო. დანაშაულს რომ სასჯელი მოსდევს. ეგ ვიცი, მაგრამ ჯერ ხომ დანაშაული უნდა იყოს და მეჩვენებ — სასჯელი. ასე არაა, ამხანაგო გენერალო?

— ცუდი ამბავი მომხდარა. — თქვა გენერალმა და თან ტელეფონს უყურებდა, ტელეფონისკენ გადახრილს ხელი ტელეფონისკენ მიჰქონდა. ყურმილი უკვე აღებული ჰქონდა, რომ მოაგონდა, — შარვალი აქვს ავადს? იმას გეუბნები, რა შარვალი აცვია-მეთქი ავადს?

— რა ვიცი, შარვალია, რაღა, ამხანაგო გენერალო, ჩვეულებრივი შარვალი.

— მაშასადამე, ჩემი ნაჩუქარი გაუცვეთია, — და გენერალმა ცოლსა და თავმჯდომარეს მოუყვა, ომის შემდეგ ავადს შარვალი არა ჰქონდა და ჩემი ერთი შარვალი ვაჩუქეო. ის ჩემი ნაჩუქარი რომ არა, ავადი უშარვლოდ რჩებოდაო. შუაშუა, — ყურში უშრაშუნებდა ეს სიტყვა თავმჯდომარეს.

— მაშასადამე, გაუცვეთია ჩემი შარვალი.

— არა, ვერ მოასწრო გაცვეთა. ბიჭი დააქორწინა თუ არა, რძალმა ახალი შარვალი შეუკერა. შენი შარვალი, ამხანაგო გენერალო, ავადმა პავლეს მისცა. პავლემ როგორც კი, ჩაიცვა, სახელი გამოუცვალეს, მაიორი დაარქვეს და ახლა პავლე, შენი შარვლიანად, ამხანაგო გენერალო, პატიმრობაშია აყვანილი.

— დაიცა, მე ხომ უკვე გენერალი ვიყავი, როცა ის შარვალი მივეცი, მაიორი რაღა შუაშია.

„ყველაზე მძიმე რა არის?

„როგორ თუ ყველაზე მძიმე, მეტალებში?

„თუნდაც მეტალებში.

„ტყვია, რაღა.

„აი, იმ ტყვიაზე მძიმე მადლიერებაა.

„— ყველაზე მძიმე, ზავენ-ჯან, მეტალებშიც და საერთოდაც, გენერლის შარვალია“.

— რაზე ვლაპარაკობდით? — ჩაფიქრდა გენერალი, — ჰო! ავადის ტახზე. მაშ, მეუბნები, დაკლესო? აფსუსს, ტახო! ისეთი ტახები არ უნდა დაკლა, უნდა გყავდეს. უნდა განსაკუთრებულად კვებო და გაუშვა ხოლმე მგლებთან საჩხუბრად. მე რომ იქა ვყოფილიყავი, არ დავაკვლევიანებდი. ეშვები, აი, ამოდენა ჰქონდა, აი, — გენერალმა ქალბატონ გენერალს სუფრის დანა უჩვენა, — თურქული იატაკიანით მრუდე.

„ამის ღმერთი არ იყოს, მაშ, ვერასგზით სიკეთე ვერ უნდა ჩაგადენინო?“ და თავმჯდომარემ გენერლის მეუღლეს უთხრა: — მართალია, ეშვები სწორედ მაგ დანის ტოლა ექნებოდა და წარმოიდგინეთ, რომ ისეთი ტახის პატრონი სხვა იმწყემსებთან ერთად დააპატიმრეს.

— საინტერესოა, — გაიღიმა ქალ-

ბატონმა გენერალმა, მაგრამ იგრძნო თავისი სიტყვის უადგილობა და მოწყენილ თვალებში ცნობისწადილი აისახა — ეგ ტახი რა არის, რა სულიერია?

— ტახი?... — გენერალი კარგა ხუთიოდე წუთი ხითხითებდა (ამ ხნის განმავლობაში ერთხელ რომ დაერეკა, ბიჭები უკვე გათავისუფლებულები იქნებოდნენ) და მერე ხითხითითვე მიუგო: — ტახი ძროხის ბიძაა, — მერე კიდევ ერთი ხუთი წუთი იცინა და დაასკვნა: — ტყუილად კი არ არის ნათქვამი, გენერლებსა და გენერლების ცოლებს ცოტათი გასოფლელება არ აწყენდათ, დიიახ!..

მერე გენერალს დაურეკეს. მან აიღო ყურმილი და თქვა:

— ასე რომ, ტახი ძროხის ბიძაა, — მერე კი უპასუხა: — არა, შინ არიან, დღეს არავის დაუბატიყია. კაცი ხანდახან თავის სახლშიც ხომ უნდა იყოს. რას იზამ, მოსაწყენია თუ არა, მაინც ჩვენი სახლია ბოლოს და ბოლოს. არა, სოფლიდან სტუმარი გვყავს, ვსაუბრობთ, ძველ ამბებს ვიხსენებთ. კარგი ხალხია სოფლელები.

— ამხანაგო გენერალო...

— მაშ, ჭურდობა ჩაიდინეთ, ჰა?... —

— ჰო, რაღა. მაგრამ არც მთლად ჭურდობაა, ამხანაგო გენერალო, ჩვენი სოფლის ამბავი ხომ იცი?

გენერალმა მაძლარი კაცის კეთილი სიცილით ჩაიცინა. — ჩვენს თანასოფლელებს კარგად ვიცნობ: ხარს შეჭამენ და იტყვიან, რა იყო, რა მოგივიდათ, ხარი იყო, რა დიდი რამე ეგ იყო! ხარი, ქალბატონო სოფი, ძროხის უქნარა მეუღლეა, — გენერალმა თვალი ჩაუკრა თავმჯდომარეს.

— ჰო, ეგეცა ხდება ხოლმე, ამ-

ხანაგო გენერალო, ხანდახან ხარსაც ვჭამთ.

— აჰა, ხომ ვთქვი! კარგად ვიცნობ ჩვენს სოფლელებს. კამეჩს შეჭამენ და იტყვიან, კამეჩი იყო, რა დიდი რამ კიდევ ეგ იყო, რა გაყაყანებო...

— ვაი, ამხანაგო გენერალო, ამხანაგო გენერალო... — გაეცინა თავმჯდომარეს, — რა კარგად ამბობს, კაცი... კამეჩს შეჭამენო...

— ხომ გითხარი, რაღა, ვიცნობ ჩვენს სოფლელებს: ტრაქტორს შეჭამენ და — ტრაქტორი იყო, რაღა, რა ვალაპარაკ... ვაი ხალხნი არიან ჩვენი სოფლელები. — აქ გენერალმა ქალბატონ გენერალს მოუთხრო წითელ პარტიზან ეგორისა და სარქისის ამბავი, ხარის დაკვლისა და კატების ამბავი, მერე თავმჯდომარეს მიუბრუნდა: — ისეთივენი დარჩენილან ჩვენები, სულ არ გამოცვლილან.

— აბა, როგორ გამოიცვლებიან, ამხანაგო გენერალო, ხალხი მუშაობს, იმისი დრო სადა აქვს ზნე-ხასიათი შეიცვალოს? თავად გასინჯეთ, ამხანაგო გენერალო: პექტარზე ოცდაათი ცენტნერი ხორბალი მივიღეთ, ას ცხვარზე — ასოცი ბატკანი, ვაშლის ძირზე — თითო ტონა ვაშლი და, ახლა თაფლი იანგარიშეთ... ან კიდევ — სხვა რომელმა სოფელმა მისცა ქვეყანას გეხერალი? ჩვენსას კი, აგერ, სატრაბახო აქვს თქვენი სახით. ჰოდა, ჩვენც, ისე როგორ იქნება, ხანდახან თითო მწვადით არ მოგიგონოთ ხოლმე. ჩვენი სოფელი თქვენით ამაყოფს, ამხანაგო გენერალო და ეგ რაღა გამოვა, თუკი რაღაც სამი-ოთხი ცხვრის დაკვლისა შეეშინდება...

— დაა, — თქვა გენერალმა და მთქნარებაში კიდევ რაღაც წაიბუტბუტა.

— რაო, ამხანაგო გენერალო? ვერ გავიგე, — თავმჯდომარე გენერლის მხარეს გადაიხარა და ყური მიუმარჯვა.

— იმას ვამბობ, — გენერალმა მთქნარების შესაჩერებლად პირზე რამდენჯერმე მიირტყა ხელისგული, — ცუდი ამბავი მომხდარა. მოწიფული ხალხი ხართ, არ იცით, რომ სხვისი ცხვრის დაკვლა არ შეიძლება?

და თავმჯდომარეს ისე შეეზიზღა ყოველი, რომ ბიჭების ერთი-ორი წლით ციხეში ჩასმასაც კი შეურიგდა. ეს არც ისე საშინლად ეჩვენათ თავმჯდომარეს, ის კი არა, ამჯობინა კიდევ. იგი წამოდგა და ქუდი დაიხურა, „აქამდე მწვადსა სჭამდით. ახლა როგორმე სხვა საჭმელზე გადაიარეთ“, კარებში მდგარმა გენერალმა კი უკანიდან დააწია:

— ქალაქში რომ ჩამოდიხართ, სხვაგან კი ნუ მიდიხართ, ჩვენთან მოდიეთ, ნუ გრცხვენიათ. ხომ ხედავთ, ქალბატონ გენერალთან სოფელზე ლაპარაკი ძნელია, მოდიეთ ხოლმე, ჩაი დავლიოთ, დავსხდეთ, ვისაუბროთ, საინტერესო იქნება. ასე და ამრიგად, — დაამთქნარა გენერალმა, — ტახტი ძროხის ბიძაა, ქალბატონო გენერალო.

გამოდიოდა, რომ იმ ქალბატონ სოფის არამცთუ რაიმე სამხედრო საქმეზე ემუშავა, არამედ სულაც არაფერი გაეგებოდა სამხედრო საქმისა. ამ კაცისა მხოლოდ სარეცლის მოზიარე იყო და აქაც იმისთვის წამოჰყოლოდა, რომ ქმარს სამხედრო გენერლობაშიც შეზიარებოდა.

დარბაზში მხოლოდ რამდენიმე კაცი იჯდა. მერე შიგნით გადაიხარხარეს და კინოდან თუ ცირკიდან

გამომავალმა ხალხმაც დარბაზში შეუხვია. მთელი სოფლიდან ერთი კაციც არ აღმოჩნდა, რომ ოდნავ მაინც ჭკვიანურად ელაპარაკა. მოსამართლის შეკითხვაზე ბრალდებულები უპასუხებდნენ: „ჩვენ რას გვეკითხებით, ჩვენ ხომ ბრალდებულები არა ვართ!“ მათს პასუხზე დარბაზი ხარხარებდა. პროკურორი ისე დასცინოდათ, დარბაზიც ისე ლაზღანდარულად იცინოდა, რომ კაცს ანტარამეჯელობა შერცხვებოდა. აღამიანი არარავდებოდა, სიტყვასაც ველარ ახერხებდა და მხოლოდღა ლუღლუღებდა: „ღმერთო ჩემო, როგორ მოხდა, რომ ცხოვრებას ასე ჩამოვრჩი? განა რა არის აქ სასაცილო, რატომ მე ვერა ვხვდები?“.

ანტარამეჯს თავზე ხშირად გადაუფრენენ ხოლმე თვითმფრინავები. ისინი უმაღლეს მთებზეც უფრო მაღლა მიფრინავენ. ღრუბლები იმ თვითმფრინავების ქვემოთაა, იმდენად ქვემოთ, რომ კაცი იფიქრებს, ღრუბლები თოვლის მინაგვანი რაღაცაა და თოვლივით მიწაზეა დაფენილი. იმ ღრუბლებშია, მოწმენდილზე, მიწიდან ერთი-ორი წუთით თუ გამოჩნდება ხოლმე მზის სხივებით აელვარებული თვითმფრინავის ტან-ფრთა და მერე გადაიგრუხუნებს, წავა, ასე რომ ანტარამეჯელებმა იციან, რა არის ფრენა და თვითმფრინავი, მაგრამ არცერთი ანტარამეჯელი ბავშვი არ ოცნებობს მიფრინავად გახდომაზე. ანტარამეჯელი ბავშვისთვის სამჭედურში საბერველის ბერვა იმდენადვე სერიოზული საქმეა, რამდენადაც თვითმფრინავის მართვა. ამიტომ ანტარამეჯელი, რომელსაც, ვთქვათ, ვირით კარტოფილი მიაქვს, მისდღეში თავს არ ასწევს ცისიერ გრუხუხზე.

მაგრამ აქ, სასამართლოს დარ-

ბაზში თავიანთი თავი ისე ნამცე-
ცად იგრძნეს, როგორც თვითმფრი-
ნავიდან ვირის გამყოლები მოჩა-
ნან.

იგრძნეს და შერცხვათ, რომ მთი-
ბავეები იყვნენ, გაუპარსავეები ისხ-
დნენ და ხმამაღლა ლაპარაკობდნენ;
შერცხვათ, რომ თუმცა პერანგი,
ტანსაცმელი, წინდები გამოიცვალეს,
თავიც დაიბანეს, ფეხიც და სასამარ-
თლოში ისე მოვიდნენ, მაგრამ მაინც
ნეხვის სუნი ასდიოდათ; შერცხვათ
იმაზეც, რომ ავტობუსის ბილეთის
ფასი არ იცოდნენ.

და ტელეფონ-საქომ უთხრა ვა-
ნის:

— ცხოვრება მიდის და შენ
ცხვარი პარსე, ვანი!..

ვანი გაბრაზებული იყო და შე-
ულრინა: — ხმა ჩაიწყვიტე! „ცხოვრება
მიდის და შენ ცხვარი პარსე, ვანი!“.

პავლემ ხომ სულ გამოაჭენა სო-
ფელი. ეგეც შენი მაიორი! ეუბნე-
ბათ:

— ეგ ვითომ, რა გახარხარებთ?
ერთი მითხარით, რა გახარხარებთ?
მეტი საქმე არა გაქვთ? გადით, დაი-
კარგენით აქედან, თქვენ საქმეს მი-
ხედეთ, თქვე ძაღლიშვილებო! აბა,
მარში!

ჰოდა, რატომ უხდა ყოფილიყო
ვითომ ეს პავლე ანტარამეჯელი?
კაცი მარტო სახელად კი არა, სული-
თაც უნდა იყოს ანტარამეჯელი. ან
ეს ანტარამეჯი რა სოფელია! სახე-
ლი მაინც ერქვას რიგიანი! ან-ტა-
რა-მე-ჯი, ფუ!

ავაგი, ავაგი?! ავაგს აღარ იკი-
თხავთ? კაცი სამოცი წლისაა, შვი-
ლიშვილების პატრონი, თავისი წვე-
რისაც არა რცხვენია და ერთ ქალს
ეუბნება:

— ქალბატონო, მუხლები გი-
ჩანთ! — თან იდაყვსა ჰკრავს იშ-
ხანს, — მა რა, თუ ჩამოვედით ქა-

ლაქში, ბარემ ვიცინოთ კიდევ, სა-
ტირლად ხომ არ ჩამოვედით?

მოსამართლე კითხვებს აძლევს
ავაგს, ის კი არც უსმენს, თვალ-
დარბაზში აქვს, იმ მუხლებმოღლე-
ტილ ქალზე და თხასავით ფრუტუ-
ნებს: ჰი-ჰი!.. ზახრუმა! პროკურორი
შენიშვნას აძლევს, არცხვენს, ის კი
კვლავ ჯლიგვსა სცემს იშხანს: — იშ-
ხან, გახედე, ე, მაგის ქვეშ სკამი
აღარა ჩანს! — თან ქირქილით აზრს
ეკითხება: — თურქებში ორი ცოლის
ყოლა ისევ ნებადართულია თუ აკ-
რძალებს?

— იშხან, ნეტა ქმარი თუ ეყო-
ლებს?..

— მაშ არადა! ისე ვინ გაუშ-
ვებს.

— ნეტა მაგის ქმარსა და ვაი
მაგის ქმარსა!

ბოლოს კი ველარ მოითმინა და,
ზღაპრებში მეფეებს რომ მიმართა-
ვენ ხოლმე, იმ კილო-ყაიდაზე უთხ-
რა მოსამართლეს:

— დიდებული მოსამართლე...
ჰი-ჰი-ჰი... ქალბატონსა სთხოვეთ,
გარეთ გავიდეს, თორემ აზრისთვის
თავი ველარ მომიყრია, ფიქრს მიშ-
ლის, მოქალაქე მოსამართლე!

ავაგს იშხანიც აჰყვა ლაზღანდა-
რობაში, თან ცხვირს ისრესდა, ვი-
თომ — შემომხედეთ, რა ყოჩაღადა
ვარ, ეს სასამართლო მე სულაც არ
მეხებაო.

— ნეტა ლოყები მართლა წითე-
ლი აქვს თუ ფერუმარილის ამბავია,
ავაგ?

— ნამდვილად, ფერუმარილი იქ-
ნება, იშხან.

— ტუჩებიც შეღებილი აქვს,
არა?

— ტუჩებიცა და ყველაფერიც
ხელოვნური აქვს.

— არა, ავაგ, იმ ადგილას, რა
ვი, ეგრე ამბობენ, ბალიშებს იკრა-

ვენ ქვემოდანო, მაგრამ მუხლები როგორღა ექნება ხელოვნური?

— მუხლებიო?... ზი-ზი-ზი... ახ, ქვისლო, ქვისლო!

მოკლედ, კაცი რომ შესედავდა იშხანის მუშტისტოლა, მოუხეშავ ცხვირსა და მრუდე ღიმილს, ავაგის ბრიყვულსა და დაცეცებულ თვალებს, იფიქრებდა: განა არ ჯობდა, რაიმე უფრო დიდი ქურდობა ჩადინათ, კამეჩი ან ტრაქტორი მოეპარათ, თუნდაც ზიდი აეფეთქებინათ, მოსამართლესაც არ დაეზოგა და ოცი, ორმოცდაათი წელი, თუნდაც მთელი სიცოცხლე, პატიმრობა მიესაჯათ.

იმათში ყველაზე ჭკვიანი ზავენი იყო და მოსალოდნელი იყო, ის მაინც ჭკვიანურად ილაპარაკებდა და პროკურორის ენამჭევრობას ალიკაპს ამოსდებდა. მართლაც ადგა და ილაპარაკა, მაგრამ რა ილაპარაკა! სულ ერთსა და იმავეს იმეორებდა:

— ბუღალტრები ხართ, ბუღალტრები... თქვენ კაცმა თავი არ უნდა გაგიყადროთ... მედლებს აგროვებთ, სიგელებს აგროვებთ, ბიოგრაფიასაც აგროვებთ და უფროსები ხდებით... ბუღალტრები ხართ, ბუღალტრები!..

— შენ საქმეზე ილაპარაკე, — ეუბნება მოსამართლე.

— მეორე წარუქიანი ხართ, რაღა, მოქალაქე მოსამართლე, თქვენი ავ-კარგი, თავ-ბოლო, ყველაფერი — მხოლოდ „საქმეა“ და სხვა არაფერი... ქვეყანა ბუღალტრობად აქციეთ.

მას ვერც მოსამართლემ გაუგო და ვერც დარბაზმა. მოსამართლემ მხოლოდ მხრები აიჩეჩა და ტუჩები დაღმინა.

— გეყოფათ, მორჩით!

თქვი, შე კაი კაცო, ნაკითხი ბიჭი ხარ, შექსპირია თუ რაღაცა, ზეპირ-

რად იცი, თქვი რაიმე ლოგიკური; იმ შექსპირიდანაც ერთი-ორი სტრიქონი ისეთი სჭედე, რომ ხალხს გული შეუფანცქალოს. რას დამდგარხარ და: „ბუღალტრები ხართ, ბუღალტრები... ბუღალტრები ხართ, ბუღალტრები!..“

თავმჯდომარემაც ილაპარაკა:

— შე როგორც ადგილობრივი პირობების კარგად მცოდნე კაცს... — ასეთმა დახვეწილმა შესავალმა ყველა მისდამი პატივისცემით გამსჭვალა, — როგორც ადგილობრივ მაცხოვრებელსა და როგორც ადამიანს, ასე მიმაჩნია, — თავმჯდომარემ ხელით გაურკვეველი მოძრაობა გააკეთა, — ჩემი ღრმა რწმენით, ეს სასამართლო მცდარია.

— ღმერთო, ღმერთო! — პროკურორმა პირველი გადაიწერასავით, — როგორც კანონისგან არც თუ ისე შორს მდგარს, როგორც პროკურორს და როგორც, აგრეთვე, მოქალაქეს, — მან ზუსტად გაიმეორა თავმჯდომარის ის გაურკვეველი მოძრაობაც, — მიმაჩნია, რომ ამათი ადგილობრივი პირობები მცდარია, — და როგორც წელან თავმჯდომარე, ერთბაშად, ტვირთმოხსნილივით დაჯდა.

ანტარამეჩელების გარდა დარბაზში ყველას გაეცინა.

— დაგვცინის, ბიჭო? — ჰკითხა ავაგმა იშხანს.

— ბიჭო, მგონი მართლა დაგვცინის.

— დაგვცინის! — ამოიქშინა ორივემ.

— მაშ ჩვენებმა რატომ არ გაიცინეს?

— ჩუმად, შეფარვით დაგვცინა.

ავაგი გაჩუმდა, იფიქრა და შემდეგ შეეკითხა: — საქონელი რომ საბჭოური არ არის, იმას რას ეძახიან?

— საზღვარგარეთულს.

— არა, რაღაც სხვას ეძახიან.

— რას?

— აი, ხელნათურები რომ იყიდება, იმათ რა ჰქვია?

— ჰო, ჩეხური!—მოაგონდა იშხანს.

— ჩეხური, ჰო, ჩეხური! — გაიხსენა ავაგმაც, — ასე რომ, ეგ დაცინვა ჩეხური იყო და იმიტომაც ვერ გაიგეს ჩვენებმა.

სხვები კიდევ არაფერი და, თუ ვინმე შეარცხვინა, წითელმა პარტიზანმა სარგისმა შეარცხვინა ანტარამეჯი. მოსამართლეს ეუბნება: „ამხანაგო მოსამართლე, ახლავე, ამ წუთში გაუშვი ეს ბიჭები, წავიდნენ და მიხედონ თავ-თავის საქმეს. ცხვარი შეჭამეს თუ კამეჩი, რევაზისა იყო თუ მრევაზისა, რა შენი საქმეა. შენ მანდ ჭკვიანად იჯექი და ტყუილუბრალოდ ნერვებს ნუ დაიწყვეტ, რევაზი ხომ არც გინახავს და არც იცნობ!“.

როცა მოსამართლემ მის მიამიტობაზე გაიღიმა, სარგის ძია გაბრაზდა, გრძელი, ნამგალივით მოღუნული თითები აუკანკალდა და, ვითარცა ძველ პარტიზანს შეეფერებოდა, მოსამართლეს უთხრა:

— თუმცა რა შენი ბრალია, დრო — ის დრო არ არის!

— იქნებ უფრო გასაგებად აგვიხსნათ?—კვლავ გაიღიმა მოსამართლემ, რომელიც ასე, ოცდარვა-ოცდაცხრა წლის ახალგაზრდა იქნებოდა.

— ხომ გეუბნები, დრო — ის დრო არ არის-მეთქი.

— კაცო, წესიერად გამაგებინე, თორემ ისე, ჰაერზე ვისაც გინდა ბრალს დასდებ.

— მეც მაგას ვამბობ, რაღა, დრო — ის დრო არ არის-მეთქი.

სარგისის სიტყვებზე თვითონ ან-

ტარამეჯელებმაც კი იცინეს, ავაგმაც კი იხარხარა. იმ თჯახაშენებულის შვილს იმდენჯერ დააბრალებს, ძველი პარტიზანი ხარ, ძველი პარტიზანი ხარო, რომ ახლა თვითონაც სჯეროდა თავისი პარტიზანობა და ათიანით სროლა. ვაი, სარგის, სარგის! თან ხელიც კი წაიღო იქითკენ, სადაც ვითომ ათიანის ბუდე ჩამოჰკანკურებდა... მერე, როგორც იყო, აბვარმა ხალათის კალთაზე მოქაჩა და დასვა: „დაჯექ, სარგის, დაჯექ!“.

ვთქვათ და, სასამართლოს არავინ დაუპატიმრებია. ვთქვათ, რევაზმა ჩვენება შეცვალა და ჩვენების შეცვლაზე ანტარამეჯის თავმჯდომარემ სასამართლოს ჯარიმა გადაუხადა. ვთქვათ, ყველანი სიცილითა და ერთი ამბით დაბრუნდნენ თავიანთ მთებში. ვთქვათ, ავაგიც იმ ერთ დღეში გაკულტურულდა და იშხანს უკანიდან მისძახოდა:

— ბრალდებული ანტონიანო... მომიცადე, რაღაც უნდა გითხრა, ბრალდებული ანტონიანო!

ვთქვათ და ვთქვათ... მაგრამ მთავარი მაინც სხვა არის, ამ დაპატიმრებისა თუ დაუპატიმრებლობის შემდეგ პავლე სრულიად შეიცვალა და შეიცვალა სწორედ უარესისკენ. თითქოს რაღაც ფარული ავადმყოფობა შეჰყრიო, სულ მოღუნდა და თავის თავში ჩაიკეტა. თვითონ კი ამტკიცებდა, ძველ ღონეზე ვარო, მარილის ტომარასაც ცალი ხელით აიტაცებდა მიწიდან, მაგრამ ზურგზე აღარ იკიდებდა — მაგისტრის შრომადღეს არ მიწერთო, და დადიოდა ჩამყავებული სიფათით, ფილოსოფოსივით მოღუშული. ტელეფონსაქო ხესა და ქვას ასკდებოდა, ბიჭი ჭკუაზე აღარ არის, ხალხნო, უშველეთ რამეო. მერე საქო ჰყვებოდა: „პავლეს ერთი ბიჭა ჰყავდა, აღასი

ერქვა. ეს აღასი რომელიღაც ომი-დან თუ ჯარიდან შინ მომავლებულა და თან ბევრი ოქრო მოჰქონებია. აქ, ჩვენს ახლობელ რომელიღაც სადგურში, ის ოქრო ქურდებს აუ-წაპნიათ. რა ექნა, მოვიდა სოფელ-ში გაქურდულ-გაღლეტილი, ერთი-ორი თვე თავჩალუნულმა იარა და მერე გაგიჟდა. ხმელ ბალახ-ბულახს აქუჩებდა, ჭიკოკონას ანთებდა და ზედა ხტებოდა. მერე და მერე სულაც საცვალ-პერანგიანი დადიოდა ველ-მინდორში. ერთხელაც, იმ ტყე-ღრე ხეტიალში ჭკუა დაუბრუნდა და, რომ ნახა თავისი თავი საცვალ-პერანგიანი, სირცხვილისაგან თავი აღარ იცოცხლა საწყალმა, კლდეზე გადავარდა. „აღასის ხევი“ იმიტო-მაც ჰქვია იმ ადგილს“.

ვინ, ვინ და — პავლე კი აღასი არ იყო. ერთ მშვენიერ დღეს ცხვარს დაემშვიდობა, წაიყვანა ოჯახი და ქა-ლაქში გადავიდა საცხოვრებლად.

აბა, ის რომელი ქალაქის კაცია — ნაღდი ვირი და ვირისთავი. მიუვლენ სტუმრად ქალაქელი ამხანაგები, ხე-დავენ — დამჯდარა და ღოლოს შე-ჭამანდსა თქვლეფავს თავჩალუნუ-ლი. მერე ცოლს გაუწვდის მათლა-ფას:

— თუა, ერთიც დამისხი.

თან გაუფცქვენელ კარტოფილს ატანს და ცივ წყალს აყოლებს. კარ-ტოფილის ტომრის გვერდით პიანი-ნო უდგას, ვინც კი ანტარამეჯიდან ჩამოუვა, მიიყვანს და აჩვენებს: „ბაღლებმა გამიჭირეს საქმე, გვიყი-დეთ. ძვირი კია, მაგრამ, რა ვუყო, ავერ, მეზრდებიან. სხვისებს რატომ უნდა ჰქონდეთ და ჩემებს — არა“. თვითონ კი, საქმე საქმეზე რომ მიდ-გეს, პიანინოს ახდაც კი არ იცის. სახლი აუვსია და დაუმშვენებია ავე-ჯით — მაცივრით, პიანინოთი, „დო-რე-მი-დო... დო-რე-მი... რე-რე-რე!“

ამბობენ, მისმა გოგომ მუსიკალური ნიჭი გამოამჟღავნაო. ამ თვალსაზრი-სით, რაღა თქმა უნდა, ქალაქში სჯობს, მაგრამ, აი, სოფელს თავისი არსებობის ათასი წლის მანძილზე მუსიკალური ნიჭი ჯერ არავისთვის აღმოუჩენია. ნიჭიერები კი, ალბათ, ბევრნი იყვნენ, მაგრამ ისინი თავი-ანთ აღმოუჩენელ ნიჭთან ერთად კვდებოდნენ — კომბლითა და ფო-ცხით ხელში, თუ არადა, დიდი-დი-დი, სალამურზე თუ დაუკრავთ ყვე-ლასათვის ცნობილი ჰანგები ან კი-დეც რომელიმე სიმღერის ერთი კუბ-ლეტი შეუცვლიათ. ასე რომ, პავლეს მარგოს შეგვიძლია გზა დავულო-ცოთ დიდი სცენისაკენ.

ეს ყველაფერი კარგი და, მეტი კარგი რაღა გინდა, ამბობენ, ანტა-რამეჯში იმ უკუღმართი ცხვრების ქურდობის შემდეგ არცერთი ქურ-დობა აღარ აღმოუჩენიათო. მოხდე-ნით, ვინ იცის, იქნებ კიდევაც მოხ-და ქურდობა, მაგრამ რაკი ვერ აღ-მოუჩენიათ, გამოდის რომ არ მომ-ხდარა.

სადაც კარგია, იქ ცუდიც არის და ცუდი კიდევ ის არის, რომ ახლა ანტარამეჯში თაფლი ერთ ამოღება-ზე თავდება; მეორედ ვეღარ იღე-ბენ, რადგან, მათი სიტყვით, ფუტ-კარს უტოვებენ საზამთროდ, თანაც საკმარისზე გაცილებით მეტს, მაგ-რამ სკების ბარაქა, რატომღაც, სულ უკან-უკან მიდის, ოჯახები წყდება. სკას ახდი, ჩაიხედავ: თაფლი არის — მაშასადამე, შიმშილით არ ამომწყ-დარან; სითბოს შეამოწმებ — თერ-მომეტრი გიჩვენებს, რომ სკაში არ ციოდა, სკას ნასვრეტი არსად არ უჩანს, თანაც სკა ყველაზე თბილი ხისგან, ცაცხვისაგან არის გაკეთე-ბული, ესე იგი, სიცივე აქ არაფერ უშაშია. თუ ავადმყოფობას ვი-ტყვით, არც სენი შეჰყრიათ რაიმე.

მაგრამ დაღუპულა, გამწყდარა ოჯახები. ერთი სიტყვით, საფუტკრეს რომ დახედო, ტირილი მოგინდებოდა. ერთ ღროს აქ ხუთასი ოჯახი იყო დანომრილი და ჭადრაკულად დაწყობილი. ჭადრაკულად ახლაც აწყვია, მაგრამ რიცხვები კოჭლობით მიხტია: 9, 10, 21, 35, 70, 108, 109, 210, 211, 287, 530.

ცუდი მარტო ეგ არ არის. ზარიკა ზავენს დღემუდამ ქალაქისკენ უგრეს კისერს: „პავლე თუ ცხოვრობს, ჩვენ რა, ვერ ვიცხოვრებთ

იქა? ცოტა შენც გაინძერი და მეც კიდევ რომელიმე ქარხანაში დამლაგებლად ვიმუშავებ“. იშხო? იშხო რაღას აკეთებს? იშხოსაც ქალაქისკენ უჭირავს თვალი. რაღა თქმა უნდა, იშხან, ქალაქს სძინავს თუ ღვიძავს, სულ იმას კითხულობს, იშხანი სად არის, რატომ არ ჩამოდისო? წადი, იშხან, დადექი ქალაქის ქუჩაში და უსტვინე. დამდამობით გაიღვიძე და ფანჯრიდან მწყემსური სტვენით გააცილე სასაკლაოზე ფრუტუნით მიმავალი ფარა.

□

აფხაზურიდან

თარგმნა რენე კალანდიაშვილი

* *

დედაჩემის ხელისგული —

დედამიწის რუკა,

რომელშიაც ვცოცხლობ მარად ბედნიერი, ანდა
ნაღვლიანი. ზედ დავხედავ ხელისგულს და უკვე
ვიცი, რაღა მელოდება, ან სად დამიდამდა...

დედაჩემის ხელისგული —

არის ჩემთა დღეთა

სასიცოცხლო რუკა ვრცელი,

როგორც გზები მიწის

ერთუროს კვეთენ ხაზები და ვაკვირდები ერთხანს
უფრო ღრმას და სწორად მავალს —

ჩემი გზაა, ვიცი.

დედაჩემის ხელისგული — სიხარული ნაზი,

მწუხარებაც — თვით ცხოვრება, როგორიც ის არის.

შევისწავლე მე ამ რუკის უმცირესი ხაზიც,

მაგრამ იქ ვერ დავინახე აღსასრულის ზარი.

დედაჩემის ხელისგული — რუკა ჩემი ბედის

იქ სიკვდილი აღარა ჩანს ჩემი, სასომისდილი...

ხოლო ხაზი დაფარულა სიყვარულის ქედით

და ღრუბლებით — მას არ სწამს ჩემი წილი სიკვდილის.



* *

მე სიმღერამ გამაღვიძა —
 იავნანას სიმღერამ,
 მეზობლად რომ წამოიწყო
 დედამ შუადამისას...
 რამ შეაკრთო ნეტავ ბაღლი?
 იავნანა იღვრება,
 ვით სიმშვიდის ღურჯი ტალღა და ნათელი მთვარისა...
 მელოდია იფრქვეოდა,
 სევდის ვარსკვლავს აღწევდა,
 ხოლო დედა ეძიებდა სიმყუდროვეს ბაღლისთვის —
 სამყაროში...
 იავნანა ცთომილთ კრებულს არწევდა,
 აძინებდა...
 მე ვერ შევძელ დაძინება, დაღლილმა...
 არც შემეძლო.
 იავნანამ დააძინა მზისდარი. —
 ბავშვი,
 ჩემში დაივანეს მოწრიალე ფიქრებმა,
 რომ ეს მე ვარ დამნაშავე, მე გავწყვიტე სიზმარი,
 ცოდვილი ვარ, ცოდვა ჩემი მარადისი იქნება.

იქ, სადაც

არის ყოველგვარ შეხვედრაში რაღაც მარცვალ
 განშორებისა...
 გემუდარები, ნუ იჩქარებ გამომეცხადო...
 მე მეშინია შეხვედრის და გავუბი კიდეც.
 არ მსურს,
 რომ ჩადგე ამ გულსა და გონებას შუა.
 იყავ იქ, სადაც აღარ აღწევს ჩემეული მზერის აღმასი,
 იქ, სადაც კრთება ალერსიანი მზის ძოწეული სხივების წყება.
 მე იქ არ მოვალ —
 მეშინია —
 შენს ღურჯ თვალებში ჩახედვის წამის...
 მძულს განშორება.
 იგი ღურსმანს ჰგავს მარად მღელვარ გულის სიღრმეში,
 რომელიც შემდგომ ჟანგის ტყვე ხდება.
 დარჩი იქ, სადაც...
 მე არ მოვალ...
 რათა არ მოხდეს — განშორება გარდაუვალი.

„იგი მოკლეს განთიადისას“ — ასე ჰქვია
ფედერიკო გარსია ლორკას ლექსი...

... და ის
მოკლეს


ეროვნული
ბიბლიოთეკა

გ ა ნ თ ი ა დ ი ს ა ს

განთიადისას
კიდური ცისა შეღებილია სისხლით!
განთიადისას
აბელის ძემან რომ დაინახა სისხლი, —
აისის ვარდი ეგონა.
აისი არის ნათელი —
მახარობელი მზისა.
სისხლი — მარტოდენ სისხლი!
როგორც იმ თევზს,
ვერცხლისფერ მდინარეს რომ მოაშორეს —
სუნთქვა ეკვრის, კვდება,
ისე სისხლსაც —
სხეულიდან ამოხეთქილს, განშორებულს —
მოელოდა უეცარი გაცივება...
მაგრამ იგი
თვით ბალახმა დაღია და
სისხლი არ გაცივებულა...

* *

შემოდგომა —
მოვარდნილი
ოქრო-ვერცხლით შეკაზმული რაშით.
ყამი რთვლისა —
შექმნის ყამი...
ნეტავ მქონდეს დრო:
დავდგებოდი,
ვუყურებდი —
გამოუთქმელ ფერთა ღოცვას —
შემოდგომის სურათებს,
მაგრამ მჭვრეტელს აქ არა აქვს საქმე.
აქ ყოველი
ღმერთია და შემოქმედი...



ეროვნული
ბიბლიოთეკა

მაბატიე, გამვლელო, რომ არ მცალკია შენთვის
ხვალ დადგება შენი ჟამი...

ქარვის მტევნებს რომ შეეხო —

მალა, მზისკენ მიილტვიან ხელები...

რა სიკეთე და სინაზე

უნდა იყოს შენს თვალებში,

რომ მოგენდონ მტევნები!

რათა უსინანულოდ და

მომღიმარი თვალებით

დატოვონ მზე,

ჩამოვიდნენ ამ მიწაზე,

რათა ნათლის წმინდა სვეტი

დოქთა წყვდიადს ანაცვლონ და

შემდეგ ისევ შეურწყან

სისხლს

შენსას და ჩემსას...



თარგმნა ზურაბ ლორთქიფანიძემ

უნდა მოვიგონო ხალხი წარღვნის სწორი,
მათი ყოველივე ადრე-წესი, ბედო!
მოწმედ მომიდგება გვერდით მამისონი,
მე ყორანი არ ვარ, ბეჭში გავიხედო... ¹

ვიცი, — უასტირჯი ² მეგობარი ნართის
ნართად მოქცეული ჰქროდა მთა-ბარ კენტად.
იყო ამ ჩვენს მთებში მბრძანებელი ზამთრის,
ამიტომაც ზამთარს ცხრაკლიტულში კეტდა.

ერთხელ უასტირჯიმ ცხრაკლიტულის კლიტე,
მისცა მეუღლეს და თვითონ წითელ ცხენით
შორეულ გზას მიჰყვა ქროლვით კიდით-კიდე,
კმაყოფილი მისი ოქროსფერი დღენით...

ლაშქრობაში ბევრი გზა განვლო თუ ცოტა,
ყოველივე ცხადად იცის მაღალ ღმერთმა.
მასპინძელთან კარგი მასპინძლობა ჰქონდა,
ჯეირანთა მწვადის შიშხინი ცას შეწვდა.

არაყი და ლუდი ბევრი ასვეს თუნგით
მასპინძელი მღერის, სიხარულით ღელავს:

¹ გადმოცემით ყორანს შეუძლია გაიხედოს თავის ბეჭში და დაინახოს ყოველივე.

² მითიური სახე მფარველი ანგელოზისა.

— ჩვენო ოქრო უასტირჯ, არ გვეგონა თუკი
შენისთანა კაცი დაგვილოცდა კერას.

ღამე გაატარა ქეიფში და ბოლოს
ძილი მაინც, ძილი თავის წესზე მართავს.
დაწვა... უნაგირზე მისდო თავი მხოლოდ,
რომ სიზმრების ახსნა შესძლებოდა მართლად.

რიყრაყისას გარეთ ბავშვმა გაირბინა,
ფეხშიშველი გარეთ დარბის ცელქი ბიჭი,
უცებ შემობრუნდა, მწარედ დაიყვირა;
— რა შეგემთხვა, რაა, შვილო, სთქვი რა
გიჭირს?

— მამა! ნახე ციღგან თეთრი ფქვილი ცვივა,
ფეხშიშველა ფეხი გამეყინა ქარში.
წამოვარდა ყველა, ჩაჰქრა თვალთაბრწყინვა,
სტუმარიც კი უმალ გამოიჭრა კარში.

ყვირის: — ცხენი ჩქარა, უნაგირი ჩქარა!
— ო, მფარველო უასტირჯ, გზა მშვიდობის
იყოს.

დაგვიბრუნდა, მგონი, უკუღმართად ჯარა,
თუ შევცოდეთ რამე, შენმა კალთამ გვიხმოს!..

„ო, წყეულო ცოლო, შიშით ყველა დრკება,
ქვესკნელიდან ზამთარს რად გაუხსენ კარი.
აი, ჩემს წინ თოვლი მთისებურად დგება...
წყევლის მეუღლეს და წეწავს გრიგალქარი.

შინისაკენ განვლო გზა ბევრი თუ ცოტა,
ყოველივე იცის მხოლოდ ცაში ღმერთმა.
შეანელა ცხენმა ჭენება და შფოთვა,
სანთელივით გზაზე ნელა დაიღვენთა.

— ო, რომ ჩემი ცხენი არწივივით ფრენდეს, —
სწვდება მუხლის თავებს თოვლი მაღალ ხევში.
— არჯინარაგ¹! — ასე უწოდა მთის ფერდობს,
ბრაზი ბურთივითა აწვებოდა ყელში.

შემოახტა ცხენს და გზა განაგრძო ვრცელი,
არვინ იცის ბევრი იარა თუ ცოტა.

¹ არჯინარაგ — მუხლისთავი.

ხეობაში გზაა ეხლა ძნელზე ძნელი,
ცხენი მიფორთხავდა საბრალო და ცოდვა.

დაიღალა ცხენი, მოსჩქეფს ოფლის ღვარი,
მხედარს ყინავს, ყინავს ავდარი და შია.
ცხენიდან ძირს ხტება, ებრძვის ქარიშხალი,
აღარ იცის აღარ უკვე რა დღეშია.

ცის საცერში თოვლი გამტკიცული მოდის,
ცხენის ბეჭებამდე თოვლმა აიმატა.
ონ¹ — უწოდა ამ ველს გადმომდგარმა კორდით,
თქვეს: რიონიც თურმე ოფლით დაიბადა.

— გზას განვაგრძობ! — კვლავ სთქვა, მხედრის
გული ერჩის,
გზა ბევრი თუ ცოტა იარა, ვინ იცის.
მიადგა ირს² — აულს, გახვეულს თეთრ ფერში,
მასპინძელი ვიღაც შეეგება ფიცით.

— მასპინძელო, ჩემს ცხენს მოუტანე საზრდო, —
მხედრის ხელის გულზე აბრჭყვიალდა ქერი.
მერე თვალი ცხვრისკენ ისე შემოანთო,
უცებ ბასრი დანაც ელავს შესაფერი.

კმაყოფილი დილით ადგა ჩვენი მგზავრი,
ნაღვლიანად კადრეს, მკვდარიანო ცხენი.
უასტირჯი ფეხით მიდის გულდამზრალი,
და კუდაროდ ის გზა მოუნათლავს წყენით...

იმ ეშხს ღვრიან წინაპრები ჩემში: —
არჯინარაგ, — ირი, კუდარო და ონი.
მამისონი ბურხორს უმზერს ოქროს ფერში,
ჩვენც ამაყად ლხინში ჩავცქერთ ხარის ბეჭში.

¹ ონ — ბეჭისთავი.

² ირი — ოსეთი, სოფელი ონის რაიონში.

მონტაჟი

თარგმნა სოლომონ დეპურხანაშვილმა

ოყო დრო, როცა ას-
ლანბეგ თლათოვი და
ხაზიმათ თხაბსაევი ერთი ჯამიდან
სჭამდნენ საჭმელს, ვიდრე მათდა-
საუბედუროდ არ გამოჩნდა ამქვეყ-
ნად რიმა ბელიკოვა, ვინაც მრავალ
საცოლე გაუკაცს აუბნია თავგზა.

სიმართლე უნდა ითქვას, არც ას-
ლანბეგსა და არც ხაზიმათს არ შეხ-
ვედრიათ ცხოვრებაში ისეთი ქალიშ-
ვილი, ვინც სილამაზით რიმას გა-
უტოლდებოდა. მისი ბრიალა თვა-
ლები, ნაზი ღიმილი გულს უკო-
დავდა მნახველს. ამასთან ერთად
წყნარი გოგო იყო, თავდაჭერილი,
მისი ყოველი სიტყვა თუ ნაბიჯი
კეთილშობილების განსახიერება გახ-
ლდათ. შავი თმა ორ ნაწნავად დაჰ-
კიდებოდა ზურგზე. ისე ლაზათიანად
და გემოვნებით იცვამდა, თვალი
ზედ დაგრჩებოდა.

როცა ხაზიმათმა ასლანბეგთან
ერთად პირველად ნახა იგი, თავის-
თვის გაიფიქრა: ნეტავ მის სიამ-

ლოვს მამყოფა, ხანდახან თვალი
შემაღლებინა, ცხოვრებაში მეტი არა-
ფერი მინდაო.

იმავე ღამეს, როგორც კი შინ
დაბრუნდა ასლანბეგთან ერთად, ხა-
ზიმათმა რიმას ხატვა დაიწყო,
თითქოს ეშინოდა, მეხსიერებიდან
არ ამომივარდესო მისი სახეება. ხა-
ტავდა ხაზიმათი და ხანდახან თვალს
შეავლებდა ხოლმე ასლანბეგს. რამ-
დენიმე წუთის შემდეგ ქალაღიდან
წყვილი თვალი შესცქეროდა. ხაზი-
მათმა მეგობარს შეხედა და
უთხრა:

— რაზე ფიქრობ, ასლან-
ბეგ?

— აი, მაგ წყვილ თვალზე, წინ
რომ გიდევს.

ამის შემდეგ რამდენჯერმე სცა-
დეს მეგობრებმა კიდევ შეხვედროდ-
ნენ რიმას, მაგრამ ვერა და ვერ მო-
ახერხეს. ერთ კვირა დღეს ასლან-
ბეგი და ხაზიმათი ქალაქის მთავარ
ქუჩაზე მისეირნობდნენ. მოულოდ-

ნელად თავისუფლების მოედანზე რიმას შეხვდნენ.

ხაზიმათმა პირველმა მოიკრიბა გამბედაობა, რიმას ხელი გაუწოდა და უთხრა:

— სად დაიკარგე, რომ ვეღარსად გნახეთ?

რიმამ ხელი ჩამოართვა მეგობრებს და ხუმრობით უთხრა:

— ჩემი ნახვა თუ გინდოდათ, კიდევ მნახავდით.

— მოდი ახლა ცოტა ღვინო ვიყიდოთ და ჩვენი შეცდომა ამით გამოვასწოროთ, რას იტყვი, ასლანბეგ?

— მართალი ხარ, მართალი! — მაშინვე დაეთანხმა გახარებული ასლანბეგი.

მეგობრებმა ჯიბეზე გაიკრეს ხელი, ამოიღეს პატარა ლამაზი კონვერტები და ქალიშვილს მისცეს.

— რიმა, ამ კონვერტებში ჩვენი საიდუმლოებაა, ძალიან გთხოვთ, შინ რომ მიხვალ, მაშინ გახსნა. გახსნი ამ კონვერტებს და შენთვის ყველაფერი ნათელი გახდება. ახლა კი ვისარგებლოთ ამ კვირა დღით და ერთად წავიდეთ კინოში, ნუ იუკადრისებ უბრალო მხატვრებთან გასვირნებას.

— დიდი სიამოვნებით, — ღიმილით დაეთანხმა რიმა, კონვერტებს დახედა, წიგნში ჩააწყო და სამივენი კინოთეატრისკენ გაეშურნენ.

საღამოთი, როცა რიმა შინ დაბრუნდა, ცნობისმოყვარეობა ვეღარ დასძლია, კონვერტები ამოიღო, სინათლეზე გახედა, მაგრამ ვერაფერი დაინახა. მერე მაკრატელი აიღო და უცებ შეყოვნდა, ვერ გადაეწყვიტა, პირველად რომელი კონვერტი გაეხსნა. ბოლოს ასე მოიქცა, კონვერტები ერთმანეთზე დააწყო და ორი-

ვეს ერთად ფრთხილად შემოაჭრა კიდეები. ორივეში ერთად ჩაყო ხელი, თვალები დახუჭა და ორი პატარა სქელი ქაღალდი ამოიღო.

— ნუთუ მათი სურათებია? — გახარებულმა შესძახა, მაგრამ დახედა თუ არა, თავისი სურათები იცნო.

რიმას გაახსენდა ასლანბეგის სიტყვები: „როცა ამ კონვერტებს გახსნი, ყველაფერს ნათლად მიხვდებიო“. რა უნდოდა ამით ეთქვა ასლანბეგს, რას ნიშნავს ეს ორი სურათი? ან საიდან მოხვდა მისი სურათი მათ ხელში? მას ხომ იგი არავისთვის მიუცია. ქალიშვილმა სურათზე შეამჩნია, რომ სამუშაო ტანსაცმელი ეცვა, და გაოცდა. ეს ხომ ის ტანსაცმელი იყო, საამქროში რომ იცვამდა ხოლმე? საკვირველია, იმ მოკლე ხანში როგორ დაიმახსოვრეს რიმას გარეგნობა? ეეჰ, მეგობრებო, პირველი შეხვედრისთანავე ორად გაჰყავით თქვენ რიმას გული, ახლა რაღა მოგიხერხოთ მან? არ უნდა რომელიმე თქვენგანს აწყენინოს, ამიტომ სჯობია ორივესთვის დახუროს გულის კარი. თქვენ ისევ მეგობრებად დარჩებით, ის კი ისევ კენტად ივლის. ეს, როგორც ეტყობა, მათი საბოლოო შეხვედრა იქნება.

მაგრამ ამოდ ფიქრობდა ამას რიმა. როცა ამ შეხვედრის დრო მოახლოვდა, ქალიშვილმა მოსვენება დაკარგა, ერთი სული ჰქონდა, როდის ნახავდა მათ.

„როგორ მოვიქცე, აღარ ვიცი, — ფიქრობდა იგი, — ეს ორი საუკეთესო მეგობარი რად უნდა შევაძულო ერთმანეთს, ბოლოს და ბოლოს რას იტყვის ხალხი? ისევ ისა სჯობია ორივეს უარი ვუთხრა. მაგ-

რამ გული ეწინააღმდეგებოდა ამ ფიქრს, გული არ ემორჩილებოდა.

და აი ერთ დღეს ასლანბეგი და ხაზიმათი თვითონ ეწვივნენ რიმას და აცნობეს, თეატრის ბილეთები გვაქვს აღებულიო. რიმა დიდხანს ყოყმანობდა, რა პასუხი მიეცა და ბოლოს, როგორც იყო, მოერია თავს:

— მაპატიეთ და ვერ წამოვალ. ძალიან ცუდადა ვარ.

ასლანბეგი და ხაზიმათი გულწრფელად შეწუხდნენ, ექიმის გამოძახებაც კი დააპირეს, მაგრამ რიმამ გადააფიქრებინათ, წამალს ვსვამ და ჯერ ექიმი საჭირო არ არისო.

მეგობრებმა იფიქრეს, ავადმყოფს ალბათ მოსვენება სჭირდებაო, და აღარ დაუყოვნებიათ, მალევე წავიდნენ.

ღუუნებაწახდენილები თვითონაც აღარ წასულან თეატრში, ხეთაგუროვის მსუბუქო ქუჩაზე გავიდნენ და ერთმანეთს დაემშვიდობნენ.

როცა რიმამ მეგობრები გაისტუმრა, მაშინვე ლოგინში ჩაწვა, მაგრამ მთელი ღამე თვალი არ მოუხუჭავს, იმაზე ფიქრობდა, ამ ხლართიდან როგორ დაეღწია თავი.

არც ასლანბეგი და ხაზიმათი იყვნენ მშვიდად, ისინიც ჩააფიქრა თავიანთმა ამბავმა. მათი ფიქრიც რიმას დასტრიალებდა. ასლანბეგი თავს იტყუდა, ასე უცებ რატომ გახდა ავად რიმა ან რა აწუხებდესო. ხაზიმათს კი გული ეუბნებოდა, ქალიშვილმა ავადმყოფობა მოიგონა, ალბათ ვინმეს ელოდებოდაო. ხაზიმათი დილაადრიან ადგა და მეგობრისკენ გასწია.

— წავიდეთ რიმასთან, ეგებ ცუდად არის! მიმხედი არავინა ჰყავს.

ასლანბეგმა სწრაფად გადაიცვა ტანსაცმელი და ავადმყოფთან წავიდნენ. როცა მის სახლს მიუახ-

ლოვდნენ, დაინახეს, რომ რიმას წყლით სავსე ვედროები მიჰქონდა.

— აბა შეხედე ჩვენს ავადმყოფს, ისე მიაქვს ვედროები, თითქოს ბუმბულით იყოს სავსე, — უთხრა მეგობარს ხაზიმათმა და ეშმაკურად ჩაიცინა.

— შენ რას იტყვი, გუშინ ვითომ ავად იყო? — ჰკითხა ასლანბეგმა. იგი გუშანით მიხვდა, რომ ქალიშვილს მათთან წასვლა არ უნდოდა და ავადმყოფობა იმიტომ მოიგონა. მაგრამ რატომ არ უნდოდა, ასლანბეგი ამას ვერა ხვდებოდა.

— ასლანბეგ, — ხაზიმათმა მხარზე დაადო მეგობარს ხელი, — წავიდეთ უკან და სალამოს ვესტუმროთ, როგორც ავადმყოფს.

მეგობრები უკან გამობრუნდნენ. ერთხანს ჩუმად მიდიოდნენ, ბოლოს ასლანბეგმა გატეხა ნავსი:

— მე, იგონი, ჩვენ თვითონ ვართ დამნაშავენი.

— მეც ეგრე ვფიქრობ, — დაეთანხმა ხაზიმათი, — გოგოს მოვწონვართ თუ არა?

— მოვწონვართ!

— ორივეს გვიყვარს?

— გვიყვარს.

— ე!

— რა ე! — ჰკითხა ასლანბეგმა.

— შენ რას ფიქრობ?

— შენ თვითონ რას ფიქრობ?

— არ ვიცი! — ღრმად ამოიოხრა ხაზიმათმა.

— ჰოდა, მეც არ ვიცი. მარტო ის ვიცი, რომ ორივეს გვიყვარს.

— საქმე რაშია, იცი, ასლანბეგ? ძალიან ცუდ დროს გავიცანით იგი.

— რატომ?

— იმიტომ, რომ ახლა რესპუბლიკური კონკურსია და დიდი მუშაობა გემართებას.

— სიყვარული, ჩემო ხაზიმათ, ადამიანს დიდ და სასახელო საქმეს

გააკეთებინებს. მე წინასწარ ვიცი, რომ შენ კონკურსში ერთ-ერთ საუკეთესო ადგილს დაიკავებ.

— ჰმ, მაგის თქმა ასლანბეგ, იოლია, მაგრამ აბა აქ ჩაიხედე, — გულზე დაიდო ხელი, — შიგ რა ამბავია. ეგ სიტყვები გულს არ ესმის. ძალიან ჭიუტია.

— კი, გული ჭიუტია, მაგრამ მა-ცალე ბოლომდე გითხრა სათქმელი. კონკურსი ძალიან საპატიო საქმეს ეძღვნება. ყველა მხატვარს მოუწოდებს არ დაზოგოს საკუთარი ნიჭი და ასახოს ჩვენი სოციალისტური ყოფა, მისი აწმყო და მომავალი. ამიტომ ახლა დროის დაკარგვა არ შეიძლება. რიმაზე კი აი რას ვიტყო-დი: ის არც ვაშლია და არც მსხალი. შუაზე რომ გავიყოთ. ის ქალია, საკმაოდ ლამაზი და გონიერი. ეჭვი არ არის, იგი ჩასწვდა ჩვენს გულის-თქმას და როგორც იმგონია, ახლა ფიქრობს, რომელს უთანაგრძნოს.

— მეც ასე მგონია, — დაეთანხმა ხაზიმათი.

— აი რა მინდა გითხრა, მეგობრები ვართ თუ არა ჩვენ?

— განუყრელი მეგობრები.

— რაკი ასეა, ჩვენ ვერ ამოვირჩევთ რიმას. თვითონ მისი ნებაა ვისაც ამოირჩევს. ოღონდ ცოტა ხანს უნდა მოვიცადოთ. თანახმა ხარ? — თვალეში შეხედა ასლანბეგმა თავის საყვარელ მეგობარს.

— თანახმა ვარ, ჩემო კარგო ასლანბეგ. ვისაც რიმა ამოირჩევს, ის იყოს ბედნიერი, მეორემ კი, დაე, ღვიძლ დად მიიღოს იგი.

— ამას ლაპარაკი აღარ უნდა, თუკი მისი არჩევანი ჩვენ ორიდან იქნება.

— მაშ შევთანხმდით?

— აგერ ჩემი ხელი! — ხელი ხელს მისცეს და ერთმანეთს გადა-ეხვივნენ ახალგაზრდები.

* *

დღე დღეს მისდევდა, კვირა კვი-რას. ასლანბეგი და ხაზიმათი თით-ქოს მიწამ ჩაყლაპაო, აღარსად ჩან-დნენ. თვითეული მათგანი დაძაბული მუშაობდა საკონკურსოდ. ერთი წუ-თით არა ჰკარგავდნენ დროს. მხატ-ვრების სახლში ცალ-ცალკე ჰქონდათ სახელოსნო და სადამოთი, მუშაობით სიქაგაცლილები, შინისაკენ მიეშუ-რებოდნენ. რამდენიმე დღე ისე გა-ვიდოდა, ერთიმეორეს თვალითაც კი ვერა ნახულობდნენ. ბოლო დროს, როცა ხაზიმათმა ასლანბეგი ნახა, ისეთი დადლილი, მოწყენილი და გამხდარი ეჩვენა, შიშმაც კი აიტანა.

— თავს რად იკლავ, ასლანბეგ?

— არ ვიცი, რა გამომიგია, ძა-ლიან დიდხანს ვუნდები. შენ რას შვრები?

— აბა რას ვიზამ? ჩემს სახე-ლოსნოში დომხალია, მთელი იატაკი სხვადასხვა ვარიანტებით არის საგ-სე, მაგრამ არც ერთი არ მომწონს.

— რამდენჯერ გითხარი, ხაზი-მათ, ჩვენ ასეთი ხერხი არ გამო-გვადგება-მეთქი.

— რა ვქნა, ჩვეულება რჯულზე უმტკიცესიაო, ხომ გაგიგია.

— შენს ხელში ფუნჯი თვინი-ერდება, საღებავები ფერს იცვლიან, მაგრამ ძალიან დიდ დროს ანდომებ ვარიანტების რჩევას და ეს ხელს გიშლის მუშაობაში.

— ეგ მეც კარგად ვიცი, მაგრამ ვერაფერი მომიხერხებია. ხანდახან ვეტყვი ჩემს თავს, მოდი ამ ერთ სურათს დავხატავ და ეგ იქნება-მეთქი, მაგრამ გული მეუბნება, მო-სინჯე მეორე ვარიანტი, ეგებ უკე-თესი გამოდგესო. დავხატავ მეორეს და ახლა მესამეს მთხოვს გული.

— არა, ხაზიმათ, ერთხელ და სამუდამოდ უთხარი უარი შენს

გულს. ბოლოს რა ჰქენი, შეარჩიე რომელიმე?

— შევარჩიე ერთი.

— ეგ კარგია. მაშინ დიდხანს აღარ მოუხდები, კონკურსამდე აღარც დარჩა დიდი დრო.

— რიმა ხომ არ გვენახა. ასლანბეგ? დიდი ხანია აღარ გვენახავს.

— ახლა მაგისტვის არა მცალია, ვშიშობ, ვაითუ სურათი ვერ მოვასწრო.

ამით დაამთავრეს საუბარი და ერთმანეთს დასცილდნენ, თავიანთ სახელოსნოებისკენ გაეშურნენ.

* *

როცა რიმა „გამოჯანსაღდა“, ყოველდღე მოუთმენლად ელოდა ორი მეგობრის სტუმრობას. ისინი კი არ ჩანდნენ და არა. საღამოობით ქალიშვილი ქალაქში გამოდიოდა სასეირნოდ, იქით ეჭირა თვალი, საიდანაც ისინი ერთ დროს გამოჩნდნენ, მაგრამ ამაოდ. გვიანობამდე მოსეირნე ქალიშვილი რა რჯულის ხალხს აღარ გადაეყრებოდა ხოლმე ქუჩაში. გაივლიდნენ ვიღაც მოლაზღანდარეები, თვალებით დაუწყებდნენ ჭამას და არც გამკილავ სიტყვას დააკლებდნენ.

— ლამაზო, ტყუილად ელოდები, იმან სხვაზე გაგცვალა.

— ეგ არაფერი, ტურფავ, ერთი წავა და სხვა მოვა!.. — დაუმატებლა მეორე.

რიმა ხმას არ გასცემდა იმ ლაზღანდარებს, პირზე კლიტეს დაიდებდა და სახლისკენ გაეშურებოდა გაწბილებული. მივიდოდა შინ, დაჯდებოდა ფანჯარასთან და ათვალიერებდა მხატვრებისაგან ნაჩუქარ სურათებს.

„ნუთუ ასე მალე დამივიწყა ორი-

ვემ? — ფიქრობდა ქალიშვილი, — ეგებ ერთმანეთთან შეუღლს მოერიდნენ და იფიქრეს. ვიღოც ეს ქალიშვილი მეგობრებს მტრებად გვაქცევს, თავი მივანებოთ, ჯანდაბამდისაც გზა ჰქონიაო. იქნებ ასეც უნდა მოქცეულიყვნენ?“

რამდენჯერმე დააპირა ქალიშვილმა, სამუშაოზე შევუვლიო მხატვრებს, მაგრამ შუა გზამდე მისული ისევ ფეხს ათრევდა, თუ ჩემი ნახვა უნდოდათ, თვითონ მომძებნიდნენო.

ერთ საღამოს, როცა რიმა ფანჯარასთან იჯდა, მოულოდნელად დაინახა ხაზიმათი. მოწყენილი მოდიოდა პირდაპირ რიმას სახლისკენ.

„ალბათ წაიჩხუბნენ“, — გაუელვა ქალიშვილს თავში, მაგრამ ხაზიმათს მაინც მხიარულად შეხვდა.

— ასლანბეგი ქალიან ავად არის, საავადმყოფოში წევს. თუ გცალია, ვნახოთ.

რიმას ამის გაგონებაზე გული დაუძძიმდა, მაშინვე დაეთანხმა ხაზიმათს.

ასლანბეგი მართლაც მძიმე ყოფაში იყო. პირისაზე სიცხისგან მთლად ასწითლებოდა. ექიმმა მოწყენით თქვა: ნემსები კი გავუკეთე, მაგრამ სიცხემ ჯერ კიდევ არ დაუწიაო.

როგორც გამოირკვა, ასლანბეგს გაციების ნიადაგზე თირკმელები გამიზნებოდა და კარგა ხანს მოუწყვდა საავადმყოფოში წოლა.

რიმამ სთხოვა ექიმს, ავადმყოფს თავზე მე დავადგებიო. ექიმს უარი არ უთქვამს: სამუშაოდან პირდაპირ საავადმყოფოში მიდიოდა რიმა და მძიმე ავადმყოფს ის პატრონობდა.

ასლანბეგს მხოლოდ მესამე დღეს დაუწია სიცხემ და ცოტა მოიხედა. როცა მან თეთრ ხალათში გამოწყობილი რიმა დაინახა, უსა-

ზღვრო სიხარული ჩაუდგა თვალე-
ში. ქალიშვილს ხელი ხელზე მოჰკი-
და და მადლიერების ნიშნად მო-
უჭირა.

— მაპატიეთ, ალბათ ჩემი მე-
გობრის ბრალია, თქვენ რომ შეწყუხ-
დით.

— სამი ღამეა თავზე გადგას, —
აუხსნა მას ხაზიმამა.

ასლანბეგი შეწყუხდა.

— შენს სატკივარს მღელვარება
არ უხდება, ჩემო კარგო, მაგაზე ნუ
იწყუხებ, — და რიმამ ალერსით შე-
ახო ხელი.

როგორ უნდოდა ახლა ხაზი-
მას, ასლანბეგის ნაცვლად თვითონ
ყოფილიყო ავად. მაშინ ქალიშვილის
ნაზი ალერსი მას ხვდებოდა წი-
ლად.

— როგორ მიდის შენი სამუ-
შაო? — ჰკითხა ასლანბეგმა ხაზი-
მას.

— თითქმის გამთავრებ.

ასლანბეგს გაუხარდა.

— მადლობა ღმერთს, შენი ნა-
მუშევარი მაინც გავა კონკურსში,
თავად მე არ მაცალა ავადმყოფობამ
და...

— მაგაზე ფიქრი ახლა შენთვის
არ ივარგებს, — ალერსით მიუგო რი-
მამ.

— კეთილი, კეთილი, ჩემო მე-
გობრებო, აღარაფერს ვიტყვი.
ოღონდ შენ, ხაზიმათ, ტყუილუბრა-
ლოდ ნუ დაკარგავ დროს. შენ მაინც
უნდა გამოიჩინო თავი. შენი გამარ-
ჯება ჩემი გამარჯვებაცაა. აი ჩემი
სახლის გასაღები, შენთან იყოს, ხან-
დახან შეიარე.

— აუცილებლად, ასლანბეგ, აუ-
ცილებლად.

— შენც წადი, რიმა, მაპატიე,
რომ შეგაწყუხე. უღრმესი მადლობა,
ამას არ დაგივიწყებ.

— არა, ასლანბეგ, მე არ წავალ.
წიგნები აქა მაქვს და გაკვეთილებ-
საც აქ მოვამზადებ. შინ რა გავაყე-
თო! როცა უკეთ გახდები, მაშინ
წავალ.

ასლანბეგი აღარ გაჯიუტებულა,
მით უფრო რომ გულით ეწადა ქალი-
შვილის სიახლოვე.

როცა ასლანბეგი გვარიანად გა-
მოჯანმრთელდა, ხაზიმამა უკლო
მასთან სიარულს, ხოლო ბოლოს
სულ აღარ გამოჩენილა. რიმას უკ-
ვირდა მისი საქციელი და გუნებაში
სძრახავდა კიდევ, მაგრამ ასლან-
ბეგი ამშვიდებდა, ჩემი მეგობარი მე
არ მიმატოვებს, ბავშვობიდან ვიც-
ნობო.

— მერედა განა ასეთ დროს შე-
იძლება მეგობრის მიტოვება? არ
მიმატოვებს: ექიმი მეუბნება, შენი
ჯანმრთელობის ამბავს ტელეფონით
ყოველდღე კითხულობსო.

— შეც მაგას ვამბობ. ტელეფო-
ნით შეიძლება განა კითხვა?

— ჩემო ძვირფასო, ნუ ბრაზობ.
როცა ძალიან ავად ვიყავი, სულ
ჩემ გვერდით იყო, შენცა ხარ ამის
მოწმე. ახლა ის გაცხარებული მუშა-
ობს, ასეთ დროს კი ერთი წუთიც
ძვირფასია მისთვის. — მაგრამ ასლან-
ბეგს მაინც ეჭვი ღრღნიდა, ბოლო
დროს ხაზიმამა რად მიმივიწყაო.

როცა ასლანბეგმა ფეხზე წამოდ-
გომა შესძლო, რიმა ღამდამობით
უკვე შინ მიდიოდა, მხოლოდ დღი-
სით მოდიოდა საავადმყოფოში და
სამი-ოთხი საათი მასთან რჩებოდა.
ასლანბეგი ისე მიეჩვია ქალიშვილს,
რომ უიმისოდ გაძლება უკვე უჭირ-
და. ერთი წუთით რომ დაგვიანებო-
და რიმას, გზისკენ ეჭირა თვალი.
არც რიმა იყო მშვიდად. როგორც
კი სამუშაოს დაამთავრებდა, წუთით
შეირბენდა შინ, აიღებდა რომელიმე
წიგნს და საავადმყოფოსკენ გაიქ-

ცეოდა. რჩეულ ადგილებს ხმამაღლა უკითხავდა ასლანბეგს, ხოლო ერთხელ ისე მოხდა, რომ ერთად წაიკითხეს რომელიღაც მოთხრობა სიყვარულზე. როცა კითხვას მორჩა, ასლანბეგმა ჰკითხა:

— ეს ყველაფერი კარგია, მაგრამ შენ ახლა ჩვენი ეპისტოლე წაიკითხე.

— ასეა, — უპასუხა რიმამ.

— მერე, დრო არ არის პასუხი გაგვცე?

— ავად რომ არ იყო, მაშინ მე ორივეს უარს გეტყოდით, უბრალოდ საკუთარ თავზე შეყვარებულ ეგოისტებად ჩავთვლიდით, ვიფიქრებდი, მე მასუღელებენ, მაგრამ თვითონვე კი ჩავარდნენ-მეთქი სასაცილო ყოფაში.

— ამას ჩემზეც იფიქრებდი და ხაზიმათზეც, არა?

— რა თქმა უნდა. აბა როგორ, რა იყო, უცებ რომ დაიკარგენით? მე კიდევ თვალები დამაწყდა თქვენს მოლოდინში.

— ვტყუივართ, რიმა, მაგრამ მეტი გზა არ იყო, კონკურსი...

— ისევ კონკურსი, დიდება, პატივი, პრემია. საწყალმა ქალიშვილმა კი თავში ქვა იხალოს, არა?

— ასე ნუ ამბობ, ჩემო ძვირფასო. პატივი და დიდება ჩვენ ახლა სხვადასხვანაირად გვესმის. საქმე საკუთარ სახელს კი არ ეხება, არამედ ჩვენი ხალხისა, ჩვენი ქვეყნის სახელსა და დიდებას. ამ კონკურსის ამბავი მთელმა ქვეყანამ იცის და თუ იქ ვერ გავიმარჯვეთ, ეს ჩვენი ხალხის სირცხვილია, ჩვენი პატარა ქვეყნისა და მისი მხატვრობის სირცხვილი. არ მინდა ჩვენი პატარა კუთხე ჩამორჩეს სხვა რესპუბლიკებს, ჩვენმა ოსეთმაც უნდა შეიტანოს თავისი წვლილი ხელოვნების დიდ საქმეში. აი, ამიტომ არ მინდა ხაზი-

მათს ვაწყენინო. ჩემს თავს ბედნიერად ჩავთვლიდი, თუ ხაზიმათს პირველ ან მეორე პრემიას მიანიჭებდნენ, რადგან ეს მარტო ხაზიმათის პატივი და დიდება კი არ იქნებოდა, არამედ მთელი ჩვენი ხალხისა.

— მაპატიე, თუ მე რაიმე ცუდად ვთქვი. ღმერთმა იწებოს, შენ მართალი იყო, მე მტყუანი.

— ხოლო თუ ხაზიმათს გულისხმობ, მაშინ მე მართალი ვარ. ეჭვი ნუ გეპარება მის საქციელში, მის კაცობაში.

— შენ ძალიან კარგი კაცი ხარ, ასლანბეგ, ისეთი, რომ ენაც ვერ იტყვის.

— ხაზიმათს არ იცნობ და იმიტომ ლაპარაკობ ასე, ის ჩემზე უკეთესია.

— შეიძლება, მაგაში ვერ შეგე-დავები!..

მაგრამ რიმას ის აღარ უთქვამს, რომ როგორც არ უნდა გაემართლებინა ასლანბეგს მეგობარი, ის მაინც ამ ეჭვს ვერ ამოიგდებდა თავიდან, ვერაფრით გაამართლებდა ხაზიმათის საქციელს.

ამ ფიქრში იყო რიმა, როცა პალატაში შემოვიდა ექთანის და რიმას ქალაქის პარკი გადასცა. ეს ხაზიმათმა გამოგზავნა, ბოდიში მოიხადა, მერიქარება და ვერა გნახავთო.

რიმამ ნიშნის მოგებით შეხედა ასლანბეგს, აბა, ახლა რაღას იტყვი, ხაზიმათმა რატომ არ გნახაო.

ხაზიმათს ერთი სული ჰქონდა შეეველო ასლანბეგის სახელოსნოში და დაეხედა იმ სურათისთვის, კონკურსისთვის რომ ამზადებდა მეგობარი. აქამდე ასე ფიქრობდა, ასლანბეგის მეტი პირველ ადგილს კონკურსში ვერავინ აიღებსო, ხოლო როცა ასლანბეგი ავად გახდა, ნამდვილ მეგობარს ეჭვი აღარ ეპარებოდა, რომ მეტოქეობას სხვა ვე-

ლარავინ გაუწევდა. პოდა, შეაღო მეგობრის სახლის კარი, ჩართო სინათლე და სახელოსნოსკენ გაეშურა. სინათლემ მთელი სახელოსნო გააჩახჩახა და ხაზიმათმა უცებ თვალებს ვერ დაუჭერა. თთკუთხა ჩარჩოზე გადაჭიმულ დიდი ტილოს უკანა ხედზე ასახული იყო ძველი ყოფა, ხოლო წინა ხედზე მოჩანდა დღევანდელი მჩქეფარე ცხოვრება, ტრაქტორი, კომბაინი, მწიფე თავთავები და იქ მომუშავე ადამიანები.

სურათის მეორე ნაწილზე ერთი ხაზიც არ იყო საღებავით გავლებული, მხოლოდ ფანქრით ემუშავნა მხატვარს.

ხაზიმათმა თვალი გადაავლო მეგობრის ნახატს და იმწამსვე ინანა, რომ ავადმყოფობამ აღარ აცალა ასლანბეგს ამ დიდებული ნახატის დასრულება. ასლანბეგს რომ ეს ნახატი დაესრულებინა, ეჭვი არ იყო, პირველ ადგილს აიღებდა. ახლა კი მხოლოდ ნახევარი სურათი იყო დასრულებული. ხაზიმათს უცებ რაღაც აზრმა გაუელვა თავში, სახელოსნო დატოვა და როცა სახლის კარები უნდა გამოეკეტა, იგი რაღაც ძალამ შეაჩერა. ამავე ძალამ მიაბრუნა უკან, სურათთან შეჩერდა და მზერა მიაპყრო. რაღაც აწვალებდა და სტანჯავდა. ის აზრი, რაც მას უცაბედად დაეხადა, თანდათან ნათლად გამოიკვეთა, შეადრევანივით ამოხეთქა და ხაზიმათი გზაგასაყართან აღმოჩნდა. დაასრულოს ეს ნახატი თუ არ დაასრულოს? ერთი გული ეუბნებოდა: თუ ამას არ იქმ, მაშინ მთელი ცხოვრების მანძილზე საყვედურს ვერ მოიცილებ. დაგტანჯავს ეს ფიქრიო. მეორე გული ეუბნებოდა: თუ ამას იქმ, მაშინ ეს სურათი პირველ ადგილს აიღებს, ხოლო მისი პატრონი მიიღებს პრე-


მიას და მშვენიერი რიმატ ალბათ მას დარჩებაო.

ალბათ კიდევ დიდხანს იდგებოდა ნახატის წინ, რომ უცებ ასეთ ფიქრს არ გამოეთხიზლებინა: მე რომ ავად გავმხდარიყავ და ასლანბეგი ჩემს ადგილას ყოფილიყო, რას მოიმოქმედებდაო. ალბათ ის არც დაფიქრებოდა, ისე გააგრძელებდა ჩემს სამუშაოსო. ამის გაფიქრებამ ისეთ სირცხვილში ჩააგდო, ყურებამდე გაწითლდა. ისე ეჩვენებოდა, თითქოს ასლანბეგი სადღაც შორიდან უთვალთვალებდა. ხაზიმათმა პერანგი გაიხადა, კედლიდან მეგობრის სამუშაო ხალათი ჩამოიღო და გადაიცვა. საღებავები მოამზადა და სურათის წინ გაჩერდა. იგი მზად იყო ასლანბეგის ნახატი დაემთავრებინა, მაგრამ იმასაც ფიქრობდა, ვაითუ მეგობრის ჩანაფიქრს ზუსტად ვერ ჩავწვდე და გავაფუჭოო. მან სხვა ტილო აიღო, სხვა ჩარჩოზე გადაჭიმა და დილამდე ხატავდა.

ამ დღიდან ხაზიმათი ყოველ საღამო ასლანბეგის სახლისკენ მიიჩქაროდა და შუალამემდე მუშაობდა, ვიდრე მთლად არ მოათავა სურათი.

კონკურსამდე ორი დღეა იყო დარჩენილი, როცა სამუშაო ბოლომდე მიიყვანა. სურათის მეორე ნაწილზე ახალგაზრდებში მოჩანდა იშვიათი სილამაზის ქალიშვილი რიმა ბელიკოვა. როცა მან შორიდან შეხედა სურათის იმ ნაწილს, რომელიც მან დახატა, უნაკლოდ მოეჩვენა.

ასლანბეგის ნამუშევარში უმნიშვნელო ხარვეზები შეინჩნეოდა, ზოგიერთი ადგილი ბუნდოვანი იყო, რასაც ხაზიმათმა თავისი ფუნჯით სინათლე მოჰფინა. მერე ნახატებს მიაწერა ფსევდონიმი „ნარონი“, ცალცალკე შეახვია და კონკურსზე გაგზავნა.



ასლანბეგი საავადმყოფოდან სწორედ იმ დღეს გამოწერეს, როცა კონკურსის შედეგები უნდა გამოცხადებულიყო. ხაზიმათი მხიარულ გუნებაზე გამოცხადდა მეგობართან, გადაეხვია და მოუბოდიშა, ბოლო დღეებში ვეღარ მოვიცალე, რომ შენახეო.

— აბა რას ამბობ, კიდევ კარგი, შენ მაინც მოასწარი ნახატის დამთავრება. მე ისიც მიეყოფა, რიმა რომ გავაწვალე, მთელი ცხოვრება მისი ვალიდან ვერ ამოვალ.

— ეგ არაფერი. დღეს გამოაცხადებენ კონკურსის შედეგებს, ხომ არ დავესწროთ?

— ღმერთი იყოს შენი შემწე. კარგი ჰქენი, რომ მოხვედი. საავადმყოფოდან ახლა გამომწერეს და შენთან ვაპირებდი წამოსვლას.

დღის ხუთი საათი იყო, როცა სამინისტროს დიდ დარბაზში დაიწყეს კონკურსის შედეგების გამოცხადება. დარბაზის ერთ კუთხეში ისხდნენ ფერმიხდილი ასლანბეგი, ხაზიმათი და მშვენიერი რიმა. ხაზიმათი ერთთავად იღიმებოდა და მოუთმენლად ელოდა სხდომის დაწყებას. რიმას აღიზიანებდა მისი გამომეტყველება, ზიზღს ძლივს მალავდა, უკვე ეჭვი აღარ ეპარებოდა, რომ სწორად მოიქცა, ხაზიმათის მაგიერ ასლანბეგზე რომ შეაჩერა არჩევანი. აი, დაიწყო თათბირი. ჟიურის თავმჯდომარემ დაწვრილებით ილაპარაკა ოსეთის მხატვართა დამსახურებაზე, აღნიშნა, რომ მათ დიდი წვლილი შეიტანეს ჩვენი სამშობლოს ხელოვნების აღორძინებაში.

— ამხანაგებო, — განაგრძო თავმჯდომარემ, — ჟიურის წევრებს მიაჩნიათ, რომ ყველაზე საუკეთესო

ნახატი წარმოადგინა მხატვარმა ასლანბეგ თლათოვმა და მიანიჭა მას პირველი პრემია.

დამსწრეთა ტაშის გრილმა შთანთქა თავმჯდომარის სიტყვები.

ასლანბეგი შეაკრთო თავისი გვარის ხსენებამ. ხაზიმათმა მეგობარს აკანკალებული ხელი ძალით ჩამოართვა და გადაეხვია.

— ასლანბეგ, გთხოვთ აქ მობრძანდე, — მიმართა მას ჟიურის თავმჯდომარემ, — საავადმყოფოარი ხარ, მაგრამ ეს სიხარული გაგამაგრებს.

დარბაზში თავმოყრილებს ორმა ჭაბუკმა უჩვენა ასლანბეგის ორი სურათი. დამსწრეთ ისე მოეწონათ ნახატები, რომ ბანცალით მიმავალი ასლანბეგი ტაშით გააცილეს. ასლანბეგმა შეხედა სურათს და მყისვე იცნო ხაზიმათის ჯადოსნური ხელი. ხალხის წინაშე რომ წარსდგა, მოიბოდიშა და ასე დაიწყო:

— ძვირფასო მეგობრებო, ეს ჩემი სურათი ჩემიც არის და არც არის ჩემი. მე სურათი დაუმთავრებელი დავტოვე, აი ესეც. — მან ხელი დაადო სურათის მეორე ნაწილს. — ესეც ბოლომდე არ იყო დამთავრებული. ეს ნაწილი ჩემს უჩუმრად დაამთავრა ხაზიმათმა, როცა მე საავადმყოფოში ვიწექი. ამიტომ მე გთხოვთ პირველი პრემია ჯერ ჩემს მეგობარ ხაზიმათს მიანიჭოთ, ხოლო მეორე, თუ მეცუთვნის, მე.

ასლანბეგის ბოლო სიტყვები ტაშის გრილმა დაფარა. რამდენიმე წუთის შემდეგ კი ასლანბეგი და ხაზიმათი სურათებს აქეთ-იქით ედგნენ, ხოლო დარბაზის ერთი კუთხიდან სიამაყით მისჩერებოდა მათ მშვენიერი ქალიშვილი რიმა.